

E. VII.

24119/A/118/e

67. A. 51

51033

23  
D

Received  
by mt. Wheeler  
11/9/12



ANNE CHARLES LORRY,  
*Docteur Régent de la Faculté de Médecine de Paris  
de la Société Royale de Médecine.*  
*Mort à Bourbonne les Bains en 1783. âgé de 56. ans.*

DE PRÆCIPUIS  
MORBORUM  
MUTATIONIBUS  
ET  
CONVERSIONIBUS,  
TENTAMEN MEDICUM.

AUTHORE A. C. LORRY D. M. P.  
*Editionem post Authoris fata curante*  
J. N. HALLÉ D. M. P.



PARISIIS,

Apud MEQUIGNON, natu majorem,  
Bibliopolam, viâ Fratrum Franciscanorum,  
propè Scholas Chirurgicas.

---


M. DCC. LXXXIV.

*Cum Approbationibus & Privilegio Regis.*

31039







# PRÆFATIO

## EDITORIS.

**T**RISTES excellentis viri reliquias proponimus, in quibus ingeniosissima & utilissima multa reperies, Lector; & si quædam styli negligentioris offendas menda, id multò minùs, licèt ab homine maximè litterato, quàm tot lumina in ipso deficientis naturæ decessu erumpere & affulgerè miraberis.

Prima mens viri fuerat typis recusum in lucem dare non ignobile opus Medici Hispani *Roderici à Castro*. Titulus erat operi *Quæ ex quibus; sumpta materies ex Hippocratis effato, δια εξ εινω*. Notis ornandum erat, & iis non paucis. At ubi operis conditio attentius perspecta non modò volumen addendum volumini, verùm etiam novum opus operi commiscendum fore ostendit; tunc & fa-

cilius , & commodius , & utilius visum fuit , si nova prorsus libri forma prodiret , excussisque commentariorum vinculis , Author liberiùs genio indulgeret.

Igitur is primus incumbibat labor ; distinguere apprimè quænam esset , quàm latè pateret operis materies , quid ab eâ excluderetur ; quod forsitan non ita determinatè videbatur esse factum ab Authore Hispano.

Itaque , quamvis eamdem tractanti materiem adeò arrideret , sive propter antiquioris effati reverentiam , sive propter brevitatem Roderici titulus ; nihilominus lucidioris sensûs gratiâ liber inscriptus fuit *De morborum conversionibus*. Hoc autem nomine intelligenda sunt quæcumque morbi faciem aliquatenus mutant ; ea scilicet omnia quæ superveniunt in morbis semel constitutis ab ipsorum caractere vulgarique decursu aliena ; sive illa à mutatis , aut indole causæ , aut sede mali , sive demùm ab accidentibus aliundè causis pendeant.

Contrà verò quidquid symptomatum , aut cum morbi essentiâ esset conjunctum , aut evidenter ab ipsius præsentia absque ullo complicationum concursu penderet , id omninò extrà tractatûs hujusce limites factum. Ea scilicet apparent, nec mutato, nec converso ullatenùs morbo. Imò neque illæ mutationes quæ ex ipso necessario & maximè naturali morborum progressu fiunt , ejus naturâ , nec mutatâ , nec aliundè auctâ , ut est coctionis ad salutem necessariæ & solutionis aut criseos simplex consideratio, neque ipsa in mortem ruentia perniciofa symptomata in partem operis recepta ; nisi aliqua aut morbi naturæ , aut loci in his mutatio , aut Epigeneseon accessio fieret. Scilicet hæc omnia quæ ad descriptionem cujusque morbi pertinent , ab aliis satis superque tractata in medium referre supervacaneum visum.

Nec tantùm operis materia exactiùs determinanda fuit , verùm & ejus curiosiùs distinguendæ partes.

*a ij*

Quaecumque igitur in morbo præter morbum fiunt, aut ab ipso quacumque ratione mutato, cum sibi demonstranda fumpisset Author; indè prima deducta divisionis forma. Scilicet primo loco ponenda credidit ea quæ præter morbum accidunt, novâ nempe accrescente causâ, quæ græco vocabulo vocavit *Epigeneses*. Deinde sequuntur ea quæ morbo mutato apparent; quæ rursus ita dividenda censuit, ut primùm ea quæ ab ipsius morbi incrementis & veluti propaginibus pendent *Metaptoseon* nomine tractarentur; & demùm ea quæ ab actione naturæ viribusque corporis morbum mutantibus oriuntur, *Metastases* vocata, ultimo loco reponeret. Eadem apud Rodericum vocabula reperies, sed non eodem prorsus sensu, & illo sanè minùs obvio, naturæque, ut ego quidem opinor, minùs accommodo.

His positis primariis opus inter utrumque differentiis, cætera quæ ad tractationis seriem pertinent facile

legentibus occurrent; quæ ut clariùs elucerent, datâ ab Authore licentiâ, opus notis ad marginem scriptis distinximus, quibus admonitus Lector à vero Authoris sensu minùs aberraret. Eas quoque in indice unâ collegimus, ut univèrsa tractationis forma uno intuitu faciliùs comprehenderetur. Scilicet laceffente intùs mali crudelioris stimulo, ultimam admove-re operi manum nequibat vir egregius, dùm intereà, urgente forsan instantis fati sensu, operis in publicum exituri fortunam ardentè exoptaret. Quod reliquum est, quamvis ab ipso nobis emendandi scripti provincia fuisset demandata, paucis necessariò exceptis, nihil ultrâ attigimus, tenuitatis nostræ conscii, metuentesque jure ne ab alienâ manu scribendi vis & ingenii facundia infirmiores evaderent.

Huic dùm incumberemus labori, dùm jam prælis dimidium exiret opus, urgebat immedicabile malum, collectaque ex longo arthritica lues totum sensim occupabat corpus. Podagra in

paralyfim verfa , & poft falſas inducias redux , membra alligabat , exhaustiſque demùm viribus , fatiſcente machinâ , inter ipſa Thermarum Borbonenſium miracula , fugientem animam fruſtrâ revocare nitentibus ereptus eſt.

O utinam hîc per anguſtias loci dignè liceret celebrare quæ vidimus , inter quæ nati , educati , enutriti fuimus ! Felicibus auſpiciis inter nobiliſſima patris optimi fratrumque exempla informatum , juveniles triumphos , & alia multa futuræ gloriæ in ipſo ingenii ortu non infida præſagia referremus. Quæ Medicum ineuntis curriculum prima fortuna fuerit , quàm celerrimè vix adoleſcentis Medici latè ſparſa fama , quanta brevi apud magnates collecta gratia , ea hîc coacti lubentiùs mittimus ; hæc quippe omnia , quibus adeò tot alii ſuperbiunt , ipſe caſui fortunæque dabat , cùm tamen nemo ſibi meliùs forſan certiorique jure ea vindicaſſet.

At ægrè invitique magis ea ſilentio



premius , in quorum partem certè fortuna non venit, facile ingenium , studii immensam cupiditatem , undè tam antiquitatum plenus , tam litteris omnibus ornatus , tam medicâ disciplinâ , tùm veteri , tùm recentiori instructus evasit. Utinam & pretiosissimas animi dotes, quibus & nobis adeò & aliis frui licuit, hîc daretur exponere! Quanta rebus in publicis dignitas , in domesticis amœnitas ! Quantum & collegis amandus , & colendus suis ! Ut sedulus apud ægros , ut liberalis apud indigos , ut humanus apud omnes ; quàm à cupiditate alienus , quàm successibus non elatus , quàm virtutis cultor !

Ista quidem jucundiùs ; at alia nec gloriosè minùs , & utiliùs forsan enarraremus , si liceret ipsum hîc loci repræsentare ægris assidentem , nullis non intentum morborum phænomenis , ita tamen dissimulatâ observationis sollicitudine , ut miseros in mediâ dolorum anxietate spe simul erigeret , amicitîâ consolaretur , amœnitate re-

crearet. Indè si urbanis negotiis adhuc fervidum intrà secretos musæi parietes daretur sequi, quàm lubenter, quàm utiliter ipsum intueremur ea quæ modò in privatam cujusque utilitatem congefferat, non infœcundâ observatione in majora artis incrementa colligentem, undè rursus in plurium commoda veluti luxuriantia femina pullularent.

Sic igitur dùm nihil expertum semel inutiliter torpere pateretur, mirabimur minùs quomodo tot ingenii monumenta reliquerit, quamvis plurimis tumultuosæ urbis distractus negotiis, vix haberet id temporis, quod, non dico amicis, parentibus, necessariæ relaxationi, sed & vitæ concederet.

Hisce debentur brevibus otiis quæcumque (1) de opii actione, de irritamentorum variorum vi in animalia corpora, de (2) durâ matre, de cere-

(1) Diurn. Medic. T. IV, V, VI.

(2) Acad. Scienc. Mém. des Sav. Etr. T. III. p. 277 & 344.

bro protulit olim experimenta. Nuper etiam vidimus quàm plurimâ observata in Societatis Regiæ Medicæ gremium veluti effuderit, assiduus, inexhaustus. Verùm (1) hæc de actione quorundam medicamentorum, de odoramentorum naturâ, de adipis affectionibus, de somno in morbis nocivo, de frigore præternaturali, de aphthis nostratibus, de nonnullis annorum constitutionibus cumulata quid memorabimus? Manet æternum Hippocratis Aëtiique ab ipso plurimis observatis asseverata de alimentis doctrina; manent lucidiùs explicata Sanctorii Gorterique de perspiratione effata; nec utiliter minùs legentur quæ de melancholicis morbis & quæ de cutaneis scripsit, de quibus copiosius quin dicamus obstat locus. Dicent alii quibus & dabitur clarior occasio, & favebit sublimioris ingenii facundia; forsan & hæc olim nobis quoque pro nostris viribus licebit enarrare. Ea nòs hîc tantùm tristis manet

---

(1) Partim adhucdùm inedita.

cura pretiosas colligere reliquias viri  
 nimium, heu! desiderabilis. Serva-  
 mus etiamnum, in lucem brevi ut  
 speramus proditura, quæ ex veterum,  
 tum historicorum, tum Poëtarum scrip-  
 tis excerpta passim, in unum collegit  
 Medicinæque reddidit utiliora obser-  
 vata. Quàm vellemus & nos, incæpto  
 labori non impares, si vires & inge-  
 nium sinerent, iisdem quondam in-  
 sistere vestigiis! Annuite cœptis, si  
 quid adhuc curatis mortalia, o manes  
 carissimi! Vestroque orbatos numine  
 hoc saltem maneat solatium, nos hodie  
 vobis necdum ultimùm esse paren-  
 ratos.





# DE PRÆCIPUIS MORBORUM

MUTATIONIBUS ET CONVERSIONIBUS  
TENTAMEN MEDICUM.

---

**S**ÆPIUS, summâ ægrotantium & medicantium infelicitate, cùm jam sanitatis limina ægri videntur attigisse, mutatâ spectaculi facie, morbos novam induere formam, alias obtrudere observatoribus agendi occasiones, imò, spe quæ illuxerat depositâ, feralem ab hâc mutatione exitum morbos portendere, inter artis infortunia non novum nec inauditum est. Imò aliquandò, ipsos inter decerantis naturæ nixus & in morbi vigore, cùm spes ambigux, omnia, subito impetu retrò relapsa, ad alia converti phænomena, nec expectanda nec prævidenda, visum est. Id

Quid sine  
in morbis  
mutationes?

cùm observassent non sine st upore antiqui artis, Professores, triplicem quo res fieret modum

Divisio mutationum in morbis admit-  
tenda.

Quid sit Epi-  
genesis?

Quid sit Me-  
taptosis latiori  
sensu?

statuerunt. Dùm scilicet non ex actione, aut causæ morbum efficientis, aut naturæ contrà nitentis, morbus alter alteri supervenit, sed ex qualicumque eventu nova labes alteram excipit aut illam comitatur, ita ut novus hostis jungatur veteri, & oscitantes opprimat; hanc labem improvisò ingruentem *Epigenesim* adesse incusarunt & hoc nomine designavere.

*Metaptosis* adesse dicitur cùm inter medios morbi tumultus, vigenteque symptomatum atrocitate, prædominans aliquod exurgit phænomenon, & non extinctâ, non destructâ morbi causâ, sed illâ contra partem aliquam invadente, inopinata reviviscit scena mali, mutatur symptomatum ordo jam antea constitutus, &, vel novæ spes, vel timores novi exsuscitantur. Est ergò metaptosis morbi mutatio ab ipsâ causæ mutatione pendens, quæ, si fuerit à vi morbi grassantis & prædominium in corporis vires obtinentis accita & procrea-

Quid Metap-  
tosis strictè  
dicta?

tâ, metaptosis jure dicitur, & nomen illud servat: si verò contrà mutatio illa à naturæ viribus fiat causam morbi materiale vincen-  
tibus, eamque in meliorem conditionem jamque magis obsequiosam mutantibus, aderit sic propriè dicenda *Metastasis*, in quâ mobilior facta morbi materies, partem cui insecderat relinquit, & in aliam defertur, cum totius corporis levamine, saltem per aliquod

Quid sit Me-  
tastasis?



temporis spatium emicante. Nam, ut postea videbitur, *Metaſtaſis*, licet à naturâ victrice inſtituta ſit, poteſt aliquandò ad perniciem corpus deferre. A pluribus tamen Authoribus alio ſenſu fuerunt accepta hæc vocabula, *Diadochenque* vocaverunt *Metaſtaſim* ſalutarem, & cauſam morbi in nobiliorem partem delatam *Metaſtaſeos* nomine designaverunt. Quid diadoche? Simpliciori nos & magis univerſali ſenſu *Metaſtaſim* cum Galeno vocabimus, eam quæ ſit in morbo à viribus naturæ mutationem. Hæc ab Antiquis à *μεταρρῶσις*, ſive deſluxione humorum pendere dicebatur; quod cùm ad *Metaptoſim* ipſam aliquandò pertineat, licebit *Metaptoſim* pro genere haberi, cujus ſpecies duæ numerabuntur: alia humoris efferati & ferociam novam naſti ideam exhibet; alia contrà, vincentibus naturæ viribus, oppreſſam nobis morbi materiem designat ſub ſpecie humoris mitiùs ſub legibus naturæ fluentis, & vel in corporis indolem mutandi, vel quantocyùs expellendi. Prior ſemper mala nuncupabitur; poſterior, per ſe ſalutaris, poteſt tamen, caſu qualicumque, aut accidentium concurſu, feralem habere exitum. Divisionis hujus comoda. Diviſio quidem hæc, ſimplicior, accuratè ſervanda ideò eſt, quòd omnia mutationum in morbis obſervandarum genera complectatur. Vel enim mutatio in morbo à novo inſultu cauſæ qualiſcumque pendet, eſtque *Epigeneſis*, de quâ ante omnia agendum erit

vel à causæ ipsius conversione repetenda est, tuncque vel Metaptosis est à morbi viribus concitata, vel Metastasis à naturæ efficacis robore & nixibus facta & perfecta: de quibus unaquæque, partem in labore nostro sibi propriam vindicabit, & peculiari lance suo ordine perpendetur.


---

## P A R S P R I M A.

### *De Epigenesi.*

**E**PIGENESIS, à quâ sumemus exordium, ut pote quæ simplicior est, licet causam non attingat, nec immutet, vel ab ipsius morbi effectibus nascitur, ita ut causa quæ prior læserat, corpus immutando ipsam inducat; vel casu tantum, nec præviso, nec vitando, in corpus jam antea ægrum incidit. Hinc in eâ duplex inquisitionum & observationum fons oritur. Prior, à morbo nascens, sectionem primam constituet: alteram Epigeneseon classem secundâ tractabimus, quæ scilicet prorsus ægro extranea & ejus infortunio debita dici potest.





## SECTIO PRIMA.

*De Epigenesi quæ ab ipso morbo pendet.*

**E**PIGENESIS quæ à morbo pendet nullam cum ipsius causâ connexionem obtinet, alioquin Metaptosis foret; sed ab ipsius effectibus repetenda est, quibus perpenſis & accuratè penſitatis, Medicus hanc Epigeneseos speciem prænuntiare & præcavere possit. Sic œdema quod hæmorrhagiis immodicis supervenit, furore morbi composito, & pacatis omnibus, Epigeneseos exemplum nobis præbet à morbo pendentis, sed nullam cum morbi causâ connexionem obtinentis. Morbus vehemens primùm atque per se inflammatorius, in juvenili ardore, symptoma hoc intulit, debilitato scilicet vasorum tono, exhaustisque partibus humorum actuosis, cui ipsa prioris morbi causa omninò repugnabat. Hinc ad scrutandam Epigeneseon illarum originem, ad morborum effectus physicos perpendendos, proventusque mutationis physicæ in corpus ægrum inductæ necessarios æstimandos nostra se vertat meditatio oportet. Causarum autem ex quibus eliciuntur effectus à priori morbo diversi, quatuor capita possumus in-

Epigenesis à morbo pendentis, quæ?

Divisio cau-  
sarum Epige-  
neses quæ à  
morbo sunt  
inducuntium.

tueri. Quid conferat, ad efformandas illas Epigeneses, virium defectus? quas iis com-  
movendis occasiones offerat harum immode-  
rata actuositas? Quid ad eas importandas  
possit efficere humorum pejorata & iners con-  
ditio? Quâ ratione demùm Epigeneseon ferax  
sit absurda illa & abnormis nervorum ad sen-  
sus & motus regendos constitutorum irregula-  
ritas, dùm, legum à Creatore impositarum  
impatientes illi, motus concipiunt ordini  
naturali immorigeros, & nunc œconomiae  
animalis effectus tardant, nunc contrà illam,  
inconditis abreptam convulsionibus, huc &  
illuc procellæ ritu impellunt. Hisce essentia-  
libus, physicis & intus natis causis diverso  
quidem ordine, sed necessario, addendi sunt  
causarum extra positarum impulsus, quibus  
percelluntur corpora morbo jam affecta sæ-  
vienti. Immanes certè procellosasque muta-  
tiones in morbis valent invehere, nunc animi  
affectuum imperus, nunc variabilis athmos-  
phæræ inconstantia, nunc cibi potûsque ab-  
surda & abnormis usura, omnium tandem il-  
lorum malè morata conditio quæ Hippocrates  
sub nomine Τὰ ἑξωδεν, voluit designari.



## CAPUT PRIMUM.

*De virium vitio Epigeneseon causâ.*

**A**FFECTUS morboſi à virium defectu nascentis naturam & species hîc definire prorsus inutile foret, res aliunde satis cognititas. At quoties causa functiones lædens sine violento artis aut secantis aut urentis exercitio tolli potest, auxiliatrix ars nostra sine naturæ efficacis actione nihil peragere potest. Summo Conditoris beneficio ita comparatus est corporis organismus, ut quas infirmitatis nostræ conditio causas invexit, ipse mechanismo naturæ semper actiuoso debeat aut in melius mutare, id est, ad proximam naturæ conditionem revocare, aut extra corporis actiuosi limites eliminare. Hoc quidem summi momenti opus, ab antiquis, sed præsertim ab Hippocrate, coctio dicebatur. Coctionis igitur cujuslibet effectus in hunc scopum omnis intenditur, ut materia lædens mitior evadat, sive per adscitas ex ipso corporis fundo partes, simulque in motum actas, immutetur fiatque naturæ similis; sive in varia incernicula, extranea

Virium naturalium ratio ad concoctionem.

prorsus, mitigata tamen, ab actionis centro abjungatur & distrahatur; sicque, vel utilis, vel excrementitia facta, ad naturalium humorum indolem propius adducatur moles illa, quæ proximam videbatur intentare perniciem.

Coctio &  
naturalis, &  
morbofa eo-  
dem fiunt  
mechanismo.

Porrò, ut ad alimentorum coctionem perficiendam, sic & ad peragendam hanc mutationem morbosæ materiæ, non solum instrumenta naturæ eadem sunt, eandemque prorsus actionem exerunt; sed mechanismo unico atque simplici res peragitur. Differentia inter alimentorum in vasa semel acceptorum concoctionem & eam quæ ad materiem morbificam pertinet, in eo tantum consistit, quòd materies morbi venenata, multumque à nostris dissita elementis, summo gradu distet à chyli naturalis indole legitimâ & naturæ consonâ, majoresque organorum eorundem sibi postulet & longiores nixus, ut concoquatur & subigatur in meliorem formam. Si verò ejus sit naturæ ut mutari, adunarique cum inquilinis principiis non possit, certè aut vincetur atque superabitur natura, aut venenata illa massa expelletur. Si enim illa mutari non possit, principia sibi apposita mutabit, ex ipsâ rei necessitate, adeoque deficiet brevi vitalis humor, & functiones interturbabuntur. Quantum verò tumultus expectandum erit, si hujus sit indolis, quâ possit ipsa multiplicari partesque inquilinas in sese convertere atque corrumpere?



Ut ergò alimentorum moles aut nimia, aut donata supereminenti acredine, novos nixus, jamque sensibus deprehendendos, cogitur à naturâ postulare, temporisque spatium majus simul exposcit, ita, alienis metuenda qualitatibus, immissa vasis materies simul & conatus majores, & temporis spatia longiora sibi vindicat: quo tempore mille illabentes eventus, nunc epigenesim, nunc metaptosim accersunt, & sæpè conatus naturæ, superante venenatâ materiâ, prorsus evadunt inutiles, imò noxiæ, exhaustis & consumptis brevi viribus, tuncque fato cedendum est.

Coctio morboſa, naturali tantum operoſior.

Nec certè qui semel agentem spectaverit naturam repositas & quasi reconditas in ejus sinu vires negare potuerit, à quâcumque causâ pendeant illæ. Necessaria est naturæ actio, scopus certus, conatus evidens, gradus actionis observari se finit, atque morbosæ causæ conferri; victoria demùm, aut etiam ruina ex his observatis prævidentur.

Verùm in quâcumque illâ mutatione, sive, ut medicè loquamur, concoctione, notante post Hippocratem Galeno, non solum homogeneæ partes arctiorem inter se connexionem contrahunt, sed etiam sejungi atque semoveri partes heterogeneas ab eodem mechanismo, necessario sequitur. Unde nulla aut fieri, aut concipi potest coctio, sine novo excrementorum proventu; quæ, si legitima exierint, & ad naturam, quantum finit causæ no-

Coctionis effectus, eliminatio nocentium.

centis indoles, accommodata, cocta etiam, seu rectè præparata dicenda erunt.

Ex his ori-  
tur progno-  
sis.

Patet certè, ex hoc simplicissimo agentis naturæ intuitu, adesse debere in ipsâ nixus adversos, causæ lædenti proportionales atque posse ex læsionis gradu, ex functionum laborantium numero, ex naturæ viribus, quarum iudicium fit penes superstites actiones præcipuè vitales, de rerum eventu pronuntiari: si non accederent aliundè tot desumpta, nunc ex ipso corporis fundo, nunc à circumstantibus insidiis impedimenta, quæ constitutum à naturâ ordinem interturbant, arti diffidentiam incutiunt, observationi offundunt caliginem, & dum ipsius naturæ tardant operam, viam anticipem temporibus dubiis, vix sinunt aspici.

De certaminis illius, quòd necessario, inter lædentem causam & naturæ vires, in omni morbo actuoso exoritur, fortunâ, duratione, & formarum varietatibus, hîc agendi locus non est. Satis erit si rem accuratè perpendenti patuerit quanti sit momenti naturæ vires expendisse, ponderasse, & quàm certò, quàm evidenter, sanatio quævis ab iis solis, famulante intereà arte, pendeat. Hæ porrò non aliter expendi atque æstimari possunt, quàm spectato atque expenso functionum, præcipuè verò illarum quæ ad vitam conferunt, exercitio, ita ut rectè Galenus edocuerit, nullum posse timorem legitimum animos percellere circa ægrorum illorum morbos, quibus pulsus

vehemens atque liberè decurrens est, & quibus respiratio integra & facta permanet. Tum postea perpendenda superest accuratè excrementorum indoles, quæ, in salute illucescente, jam sine irritatione, imò cum juvamento prodeunt, scilicet à vincente naturâ subacta: hæc sub actione organorum constanti densiora atque æqualia magis efficiuntur, ita ut promptius, facilius, copiosius & magis secundum naturæ ordinem, expellantur. Signa hæc omnia inter se collata, de naturæ & morbi certantium viribus judicium constituunt. Prognosim Medici vocant, de quâ id universim pronuntiari potest; scilicet, quò æger minùs ab ordine naturæ recedet, eò etiam ægrotabit securius.

Verum etiam hîc, solâ adhibitâ observatione, annotare liceat quòd, ut in pacatâ atque tranquillâ functionum exercitatione, sic & in ipso morborum tumultu omnia eadem lege reguntur, eandemque in actione naturæ constantiam demonstrant, eò in morbis admirandam magis, quò evidentioribus signis observandam se præbet. Undè etiam, inter signa periculum secum afferentis morbi, jure irregularitas phænomenorum malè & nullo servato ordine recurrentium, recensetur. Si quidem id proprium est virium ut constanti uniformique lege agant & agantur; multòque magis fiduciæ sibi vindicet operationis constantia, quàm abnormes, inconstantesque

Spes omnis  
in actionum  
constantia  
sita est.

nixus, qui opere in medio cessent, aut interrumpantur imperfectasque machinationes deferant : unde & mutatur & multiplicatur hostilis materies, vixque redimi longiori potest intervallo tempus miserè deperditum.

Ortus & divisio Epigenseon à viribus pendentium.

Nec difficile est ex hâc rerum contemplatione suspicari, quantæ Epigeneses possint medio in certamine morbofo nasci à virium illarum vitio, quæ per se ita constitutæ sunt, ut ratione certâ, æquoque conatuum dispendio, ac determinato tempore rem unicam fixam atque certam agant. Virium illarum actione inconstanti, nixibusque incertis & abnormibus, semel positis, jam non idem effectus producet. Ac primùm à nimio impetu tumultuosè agente confusio orietur tum in miscelâ partium, tum in excrementorum generatione, novaque suberunt producta ab ordine naturali plus minusve dissita, Epigenesibus generandis apta. Si contrâ, fons alter Epigenseon, vires elanguerint, consumetur inanibus conatibus natura, nec tantùm tempori prorogando conferet illa inertia, sed etiam grassabuntur, ab ipsâ laboris inutilitate, lædentis materiæ nec æquis debellatæ viribus nocivi effectus; & quod illi materiæ additur, detrahitur etiam naturæ, quam ideò superandam jure augurabimur. Quod si demùm nervcâ & sentiente parte per inconditos motus raptâ & efferatâ, loco regularis certaminis, convulsivè vires certamen ineant, nec jam certis & statis effectibus

producendis aptæ sint , quantas inde Epigeneses possumus pertimescere ? Has suo quoque articulo liceat prosequi.

---

## ARTICULUS PRIMUS.

*De Epigenesi à viribus corporis nimis validè agentibus pendente.*

**V**IRES quidem corporis , si in statu naturæ consono spectentur atque ad sanitatis normam composito , nixus causæ lædenti proportionales exerere debent ; ita ut nec plus , nec minus quàm par est exardescant. At sæpe evenit ut plus æquò sentiant nervi viribus ultra modum concitandis pares , & ad minimum motum concipiendum habiles , levi de causâ in efferam violentiam commoveantur. Evidens est illa conditio fibrarum sentientium & mobilium in iis homuncionibus , qui vel levissima delicta sentiunt , quibus sensus acutissimus est , quos vel fragor levis in motus abnormes abripit , quos terrent auræ , quos vinum , etiam parcè sumptum , febriculâ commovet ; nec epulis lautioribus , nec cibo crassiori apud illos locus ullus patet , quin pulsant vasa undique. Calor in toto corpore , sed ad manuum volas & genas præcipuè , concoctionis naturalis tempus designat , prævio quodam horrore levi , fugaci sed sæpe repetito. Si ergò in homines , & præcipuè fœminas , quibus illa

Quâ ratione vis naturæ nimia possit intelligi.



constitutio propria est, causa lædens incidat, tunc non jam proportionales agentis causæ conatus exeret afflicta natura, sed pro ratione sensûs acutissimi in corpore infirmo enascendi ferociet: ita ut vires nimîa vi concitatae agant in ratione compositâ tum causæ lædentis, tum corporis nimîa vellicatione occupati. Duplex est porrò corporis status in quo virium nimis violenter agentium nixus metuendus est: prior est fibrarum, ut delicatarum atque tensarum mobilitas; posterior earundem densitas & robur. In priori casu fibræ tumultuosè oscillant, & impetu ingenti; unde omnia in his vividè aguntur, & abnormi effervescentiâ corripuntur. Posterior ubi contingit casus, ut in duro fractis labore militibus, vis resistentiæ ad causas impellentes maxima vix externis concutitur aut commovetur. Verùm ubi semel exarserit causa lædens, excandescit natura, conceptum semel ardorem diu servat, & quæ fibrarum densitate diu restiterat, à concepto demum vitio tota occupatur atque superatur. Singularum igitur quibus in excessum rapiuntur vires causarum effectus experientiâ duce persequamur.

Hujus in viribus excessûs causa duplex, mobilitas, robur.

1<sup>o</sup>.  
Epigeneses à nimîa mobilitate.

Ac primùm levi de causâ concitatâ mobilitate, exardescente citò citiùs naturâ, febris oritur vehemens; ingens cumulatur excrementorum proventus, unde & coctio imperfecta; & tristes ab illo abrupto motu reliquæ supersunt: imò & sæpe labes infertur rum-



pendis apta visceribus, morboque nec mutato, nec mitescente, hæmorrhagiæ per nares, pulmonum rupturæ, fissuræque in horum vasis, quæ, morbo alioquin ad sanitatem aut ad perniciem decurrente, Epigeneseon titulo superveniunt; quibus pro re natâ adjungi placuerit hæmorrhoides mirè fluentes, si hepar aut venæ portarum confinia malum attigerit; uteri etiam fœminei tum hæmorrhagiæ, tum stitillicidia. Apud alios, febre alioquî simplici detentos, superveniunt sæpissimè, sub Metaptoseon vero nomine, inflammationes in partibus maxime debilibus, quæ etiam non rarò pro Epigenesibus habendæ sunt, si Epigeneses illæ à causâ morbi productæ, per se & seorsim à reliquis symptomatibus sæviant & nihil in prioris morbi essentiâ immutent, sed illum sinant statâ periodo cursum suum absolvere. Id quotidianâ observatione in laryngis atque pharyngis inflammatione videmus, quæ, dum sese in juvenibus febris comitem adjungit, ejus quidem fata sequitur; sed ariditate inflammatoriâ semel inductâ, nec per actionem vitæ adauctam tollendâ, febris sæpe superstes malum ultra ejus terminos protenditur, & longiori supplicio vexat ægrotantes. Imò nulla pars datur in corpore, quæ, per debilitatem morbo præviam infirmior facta, similia mala non experta fuerit. Ut enim in singulis partibus ab illâ actione nimîâ nascentes sequamur Epigeneses, quoties, à phrenitide

Epigeneses  
in morbis cerebri.

& morbis cerebri nimiam inflammationem passi, supervenire videmus, à præfractò vasorum tono per distensiones prævias, fatuitatem, animi imbecillitatem, & ratiocinii destructionem; quibus contrà si aliquâ de causâ febris novo succensa igne pro Epigenesi fiat, redeunt facultates omnes illæ quæ pro perditis habebantur? Mulierem vidi, quæ fatuitate & imbecillitate post phrenitides afflicta remanserat, hebetibus omnibus sensuum organis. Hæc imprudente consilio gravida fit, rediere sub hac actione naturæ mentis vigor & functionum hilaris libertas; defuncta partu in eandem recidit morosæ mentis imbecillitatem. Bis res eadem recidit, licet meliora sperare licuerit. Visum est sæpe phrenitidi illi jam sedatæ & compositæ supervenisse amaurosin, remansisse diuturnam auris duritiem; imò & post similia mala bombus aurium chronicus perstitit. Mala hæc omnia Epigeneseon titulo metuenda, nonne propiùs ad illos pertinent qui levi de causâ à rationis exercitio dejiciuntur, ut plures sunt qui, vel in leviori febriculâ, delirant aut loquacitate fatigantur pro levi causâ, aut veterno sopiuntur, sine ullo alio gravi symptomate quòd terrorem incutiat. Imò tonus ille, præter naturæ modum acer & sensibilis, ægros iisdem aut paribus reliquit morbis obnoxios. Quid, quòd à morbo phrenitico semel experto, infantum ætas præcipuè insultibus epilepticis per longa vitæ spatia

Indomabilibus obnoxia fieri observata est, qui datâ novâ occasione, etiam ætate jam magis securâ, eruperunt? Imò nullum ferè delirium, quod & constans & grave fuerit, in febribus emicuit, quod non aliqua sui vestigia per longum tempus imprimat. Vires redeunt, sanitas auspicatò invalescit; at ubi major impetus fuit, ibi etiam debilitas pro Epigenesi major enituit. Qui semel apoplexiâ violentâ concidit, hic per totam vitam vix eâdem loquitur facilitate, vix recentia & post morbum memoriæ tradita & commissa retinet altè impressa. Ad Metaptosin enim referantur quæ apoplexiæ superveniunt, paralysis, torpores, actionum impedimenta.

Nec verò, qui thoracem & partes in eo contentas nimîâ ferociâ morbi adorti sunt, ab Epigenesibus corpus relinquunt liberius. Vocis sæpe sæpius periit, vix unquam redivivus, nitor. Respirationi neſtuntur impedimenta, pro levissimâ causâ renovata: fit, ut aiunt, asthma, sputorumque catarrhalium proventus vix extinguendus & senili similis. Adhæret ad perioſteum internum pleura, huic pulmones: hinc dolores punctorii; hinc ad motus violentos nova difficultas, atque ad clamores impotentia: imò cor ipsum, tristis vicinæ jure, in palpitationes & motus inconditos rapitur; indèque in propriâ suâ constitutione læditur, polyposque patitur & con-

Epigeneses  
in morbis  
thoracis.

cretiones in ipso sanguine ibi refluo, quo malo nullum aliud frequentius morbis pulmonum inflammatoriis succedit, adeoque sanitatem perpetuò interturbat, imò & vitam proterit. Neque hîc de suppuratione agendum est, quæ sæpius Metaptosis dici debet, dum morbo non supervenit, sed eum prorsus immutat.

Epigeneses in  
morbis ven-  
triculi.

Si verò à thorace & partibus ad respirationem inservientibus ad ventriculum deferamur, quot enarrandi sunt dolores qui vel in ipsum caput deferuntur, vapores dicebant antiqui, inde ad superiora elatos? Absurdam hanc emanationem esse demonstrat Anatome; at sympathiam esse verissimam comprobatur observatio: unde alter alteri affectus supervenit, à remanente intrà ventriculum infirmitate, quæ aut à constitutione orta sit, aut casu quocumque efformata. Indè sæpe oriuntur diuturnæ & vel ad leves epulas concitandæ oculorum caligines, vertigines, ad labores animi capefcendos mera impotentia, imò sæpe hemi-cranîæ illæ adeò in habitum faciliè trahendæ, adeò operosè debellandæ. Similes capitis affectus omni medicinali methodo rebelles, quæ per longa annorum stadia virum alioquin fortem divexaverint, dysenterîæ epidemicæ per se symptomatibus suis metuendæ beneficio, omninò persanatos vidi. At multoties, vomitu viridescente porraceo semel per ipsam morbi ferociam & ventriculi

efferrati spasmus advocato , illicò cessant omnia symptomata , licet vix ipse ventriculus , causa & sedes mali , aliquid per se pati videatur : latet enim ibi sensationum centrum , maximè annotandum Medicis , ad quod tamen malè omnia referas , licet ipsi nimium adscripserint multi , tum inter veteres Philosophi , tum inter recentiores Medici. Nec minora mala creat ventriculus , ubi membranæ ipsius organicæ sensu donatæ exquisito phlogosim videntur concipere , increvitque præter modum *irritabilitas* illa ( ut parum latino nomine utar ) quæ sibi sua propria vindicat symptomata , dolores , singultus , nauseas , & tractiones illas ponderosas , quas spasmus vocavere antiquiores Medici. Sed ut progrediamur ultra , ventriculus non caput solum , sed & organum cutis ipsum ad Epigeneses suscipiendas habile facit. Imò sæpe tusses occasione datâ concitat , non semper repurgato ventriculo sanabiles , ut aliquandò tristes reliquæ in ipso thorace ab hâc causâ etiam expugnatâ relinquantur. Quàm sæpe pustulas inde natas vidimus , quàm sæpe vultûs deletum nitorem observavimus , postea nunquam redivivum ?

Sed nulla alia ferax magis Epigeneseon <sup>Epigeneses</sup> datur causa ab auctâ virium intensitate pen- <sup>in morbis hepatis.</sup> dens , quàm quæ repetitur ex ipso hepate. Illud scilicet viscus , volumine immensum , per usum cui dicatur , per eas quibus vici-



niæ & organismi jure jungitur partes, reliquias omnes, & crudas, & putridas, quasi imbibit & intra se retinet, vasa huc ingentia advecta comprimit, opplet: hinc Epigeneses variæ, quæ venam portarum & abdominales venæ cavæ ramos gravant, atque hæmorrhoides accersunt. Hæ, ut metastaticæ esse possunt & metaptosin facere, ita etiam simpliciter aliquando Epigeneses vocari debent. At quantus inde obstructionum in vasis & glandulis fomes enascitur! Jam nulli functioni abdominali, concoctioni, expulsiōni que sua relinquitur integritas, nulli secretioni suus ordo, suæ partes competunt. Quæ vitia semel nata, & saburræ elementum immane relinquenda, non faciliè tolluntur, cum malum violentius actum ariditatem intulerit, & partes lymphâ molliori alluendas nimio ardore exsiccaverit, sicque aruerint omnia. Hinc supervenire fas est illi hepatis phlogosi, quam antiqui ardorem hepatis vocabant, tot colicos dolores, tot tormina, dysenterias, fluxus cœliacos, diarrhœas, aliaque hujusmodi mala, perverso confirmanda atque pejoranda regimine. Nec non verò calor ipse & ardor exsiccans, effectu prorsus contrario, glandulas mesaraïcas lymphaticas in duritiem lapideam convertere visus est; unde etiam, novo & opposito proventu, natus est hydrops, ortum deduxere cachexiæ vix prævidendæ, & sub arenti phlogosi dissimulatæ. Nec certè



de casu adeò raro loquimur, si præsertim, causas inter remotiores, virus aliquod ibi antiquitùs delatum recensuerimus. Calidam hepatis intemperiem veteres accuratè descripsere, inter quos eminet Alexander ille Trallianus.

Verùm si jam bilis organum illud maximi momenti, in hepate vitari attendamus, nova sese nobis prodent Epigeneseon genera, formæque prorsus diversæ: scilicet quòcumque defertur illa, etiamsi eam non vitiatam supposueris, fit colore mutato, sive per icterum, sive per maculas livescentes atque flavescences epigenesis. Hinc sordent oculi, lingua oppletur muco, gingivæ salivâ vitiantur, urinæ nigrescunt, vires, appetitus, omnia elanguescunt, ipsa sensuum arx, saltem ut plurimum, laborat melancholiâ, & libertatem alvus amittit, scybala tantùm dura, argillacea, identidem multis nixibus, parturiens. Verùm, licet aliquando icterus possit acutioribus naturæ nixibus supervenire, iisque sese comitem addere, rarò simplex est ille, & vulgò, post efferos naturæ labores, putridam indolem, sive commixtione morbificorum atomorum, sive actione ipsâ præcipiti & violentâ naturæ, nanciscitur. Unde novæ & in ipso morbo & post morbum Epigeneses. Natos abscessus ab hâc solâ causâ, absoluto alioquin morbo, quis non vidit, ut & maculas sæpe per totam vitam residuas, quasi amissâ bilis fluiditate enascentes? Imò inflammatoriâ

Epigeneses  
ad bilis secretionem turbatam pertinentes.

denfitate dum constringuntur omnia atque igne inde nato arescunt, intrâ vesiculam felleam concrefcunt calculi refinofi, efficiendis cruciatibus apti, renovabilibus illis, imò vix, nec nifi fummo artis labore, extinguendis. At interea proprietatibus fuis actuoſis & mordaci atque ſolutivâ acredine defraudatur bilis; unde brevi elanguent coctiones; qui languor effecti & vieti chyli, brevi cachexiam inferet. Lien ipſe, hepatis vicarius à naturâ additus, obſtruitur. At maxima ſæpe mala, imò & aliquandò feracem minantia exitum ab hæmorrhoidibus naſcuntur, de quibus ſub metaptoſeos & metaſtaſeos titulo cum STAHLIO amplior injicienda erit mentio.

At nulla ſecretionis illius per inflammatoriam diatheſim vitiatæ mutatio, potentior eſt ad accerſenda mala, quàm quæ à veteribus atrabilis dicebatur, nunquam niſi maximè diram metaptoſin efficiens, ſed infelix Epigenefeon variarum origo, cùm à rodente & urente ejus efficaciâ nulla pars libera eſſe potuerit. Hujus autem nunc tardos effectus, nunc peracutos, hîc expendere foret ſupervacaneum, aliunde ſatis cognitos. Sed dudum in arte deprehenſum eſt, hanc à primâ origine, hepatis ſcilicet ardore, ortam & efferatam, in quaſcumque partes impetum facere poſſe; diraque ibi concitare ſymptomata, quorum quæ leniſſima ſunt cum affectibus nerveis ſæpenumerò confunduntur, nec immeritò, cùm hujus actio præcipua nervos invadat.

At novam & multiplicem Epigeneseon <sup>Epigeneses</sup> <sup>ab uteri mor-</sup> originem, detestandam hercle nunc symp- bis. tomatibus efferis, nunc dissimulatis effectibus, præbet intensior uteri muliebris sensus, per varias auctus prætermodum causarum ingruentium formas. Hoc per se motibus inconditis & abnormibus infame, sensus titillans & stringens adeò sæpe commovet, concutit, abripit. Hic nulla patitur mala quin aliquam sibi adsciscat Epigenesin; primam quidem à mammis, quas indurat & scirrhus afficit, nunc vero & durabili, nunc falso & sæpe protinus evanescente: alteram verò à thorace & larynge, quas partes ita sub nomine strangulationis aut suffocationis hystericæ convellit, ut postea tonum nunquam recuperare valeant, quasi contusis per convulsionem fibris. Non quidem ipsa convulsio pro Epigenesi haberi potest, cum sit simplex morbi symptoma ferè necessarium; sed quæ convulsivos nixus sequuntur partium distractiones, malis mechanicis in organa inferendis aptæ sunt, ita ut à convulsionibus sopor apoplecticus aliquandò fuerit invecus, phthisis pulmonaris inducta, imò ipsorum humorum crasis immutata; ne loquamur hîc de uterinis aut hæmorrhoidalibus hæmorrhagiis, vesicæ calculo per spasmodicam stranguriam inferendo; quæ mala inter metaptoses potius locum obtinent, quàm Epigeneseon nomen sibi vindicant; ne loquamur de aliis multis

malis quæ utrique sexui communes sunt. Nam convulsivis affectibus, & imaginationis læsæ deliramentis, aut capitis doloribus convulsivis, non carent omninò mares; cùm tot infortunia, venereæ tentigines, etiam malâ arte concitatæ, importare valeant. At in sexu fœmineo hæc omnia ad uterum jure referuntur.

Epigeneses  
ab aliis mor-  
bis.

Ab arthri-  
tide.

A denti-  
tione.

Pauca admodum hîc addenda supererunt de aliarum partium morbis Epigeneses inducentibus. Quippe sæpe articulorum dolor arthriticus ad summum vehementiæ gradum evectus, etiam sine metaptosi, omnes prorsus subvertere visus est functiones, spasmosque in quâlibet parte vel summis cum cruciatibus concitare. Hæc quidem pro spasmis habeantur licet symptomaticis, sed quæ remanent à spasmis illis violentis distractiones, fibras contundunt atque debilitant, imò & possunt non debilitatem tantum inducere diuturnam, sed & abscessibus locum dare, metaptosisbusque sedem parare, sublato partium tono. Infantum dentitio, solo partis erumpentis & pertudentis membranas mechanismo, certè nullius metaptoseos non capax est. Verùm ubi molles gingivas subiit inflammatio, quot & quàm varias induxit Epigeneses? Diarrhœa, propter stomachum spasmo affectum & concoctioni imparem, sæpe affligit. Motu intestinorum peristaltico abnormi subintrasse inter se intestina sæpe visum est, viamque alimentis exclusisse. Partes vel à dentibus maximè dissitas tentari erysipelate,

erysipelate, imò turgere œdemate non rarum est; quæ omnia vulgò exclusis dentibus cessant. At glandulis immissa labes, dùm stringuntur illæ, & in harum anfractibus induratur atque concrescit mucus quo turget infantia, sæpe morbos maximè metuendos efficit, qui totam prorsus immutant machinam, ipsumque mesenterium obstruunt & opplent, miserisque, antè ora parentum, ocyùs aut seriùs feretro destinant. Id pueris præsertim fortibus atque lacertosis competere ante alios observatione compertum est: usque adeò virium ipse excessus, convulsiones accersens, aut motum nimium concipiens, nocere natus est.

A glandularum infarctibus.

Hinc etiam sua vis nocet robustioribus illis hominibus, qui fibras per vitæ exercitium ita induravere & per multiplices sensationum habitus ita callo obduxere, ut dùm ab externis vix commoventur, causas morborum pariter vix imbibant. Posterior hæc est Epigeneseon à virium nimiarum usu origo. De his Hippocrates edixit olim eos rariùs ægrotare, difficiliùs verò convalescere. His si quidem, ubi morbus aliquis exarsit, viresque illas resistentiæ vicit, calor in atro & denso sanguine & fibris validioribus, ad usque incendium, evehitur. Inde omnia brevi immeabilia evadunt, lemæ concretæ, aridæ, os, linguam occupant. Ardent oculi, respiratio difficilis fit, alvus aret, urina erumpit pauca, acris, flammea. Flammas & incendia exhalat aër à

Epigeneses à nimio robore fibrarum.



pulmonibus erumpens, unde respiratio iis cita, brevis, intercisa, sitis, anhelitus. His icterus aliquandò pro Epigenesi est. Duplex ille observatur; alter à concretâ refinosâque bile vesiculari ortus, alvum obstipat, in cachexiam abire natus post ardores intolerabiles, nisi arte auxiliante solubilitatem tandem in aquâ novam nacta sit bilis; alter contrâ bili ardenti & effe-ratæ quæ acrior exundat undequaque origi-nem debet, dysenterixque sæviori sese comi-tem tradit, choleram-morbum mentitus, & aliquandò funestum ab inflammatione sorti-tur exitum. Quin etiam, sublato morbo, longi sæpe & cruciantes articulorum dolores divexant. Insidet fortibus, tensis, & va-lidis fibris, inducta à morbo debilitas. Hinc oriri videntur nausea, pondus in ventriculo, incoctæ scretus materiæ, glutine mero con-flata sputa, pedum inflationes, ad omnes actus impotentia, diarrhæa brevi in fluxum coelia-cum desinens; uno verbo debilitas ipsa pro Epigenesi haberi debet, cui succedit, ex den-sitatis in humoribus inflammatoriæ reliquiis, & fibrarum conquiritâ inertîâ, cachectica illa melancholia, ad scirrhus & hydropem tandem inferendos comparata. Nec dissimulandum est quòd, cum actionis illius vividæ atque præter modum intensæ effectus ejus sint naturæ, ut nihil ab iis adeò metuendum sit quàm virium exhaustarum prorsus defectus atque prostratio, sæpe ipsæ, quæ vehementem istam actionem



sequuntur Epigeneses, summæ debilitatis ideam exprimunt. Convulsus enim atque omninò destructus tonus in summam atoniam abit. Unde, in rusticis & operoso labore victitantibus militibus, reconvalescentiæ adeò difficiles sunt. Eos enim ut insueta, sic summa debilitas affligit, omniaque viscera facilè congestionibus implentur. Imò si jam senectutis limina attigerint, nunquam pristinas vires acquirendi spes est, sed præmatura decrepitude, senectusque anticipata ab hisce morbis affertur, debilitatâ nutritione, functionum ordine imminuto, & fibris per morbum nimiooperè laxatis. Nec Epigeneses è longinquo videbuntur accersitæ, si hic omnia nocumenta recenseamus conquistæ putredinis, quæ vix emicat, nisi ubi jam indomabilis omnia vitæ instrumenta corrumpit atque pessumdedit. Unde multò sævius dominium exercent febres putridæ pestilenciales apud rusticos, ibique ferali forte multò plus plectunt miseros, quàm urbanos & otiosos, si quandò epidemicæ inciderint ut quotidianâ notum est experientiâ.

Metaptosin jure illos vocaveris abcessus qui variolis non satis solutis superveniunt; epigeneseon verò titulum merentur anchyloses quæ in articulos veneno illo contusos incidunt. Idem nomen sibi vindicant lippitudines, ophtalmiæ, concrescientiæ, quæ sæpe morbo ritè peracto, longa per temporis fastidia excruciant, sæpe aut nimix, aut protractioris inflammationis proventus,

## ARTICULUS SECUNDUS.

*De Epigenesibus à virium defectu.*

**V**IRIBUS naturæ perpetuo motu agentis, in corpore omnia perfici evidens est. In his regendis, suscitandis, imò & moderandis ars universa posita est. Hæ si defecerint, aut fœtalem omninò exitum, aut ancipitem saltem successum hariolari fas est, aut longa & incerta certamina, solutionesque vix unquam absolutè perfectas. Oneris infueti ferendi, nec tamen adhuc naturæ vires vellicantis, lassitudines prænunciæ sunt, deest alacritas, ut cum HIPPOCRATE loquar; & ut SANCTORII verbis utar, pondus augetur, sive verum atque ad stateram reverâ deprehendendum fuerit illud, sive tantùm ab infirmitate virium plus sensui debeatur quàm ponderi reapse aucto. Rem statera demonstrat, sensui fidem detrahens. At triplici sub aspectu vires aut accisæ videntur, aut saltem pro ratione morbi minores quàm ut certos edant effectus,

Virium defectus triplex. Primus, à morbi magnitudine prægravante.

Primò enim vires oneri illi novo sustinendo sunt impares, ab ipsius oneris, sive, ut dilucidius loquamur, causæ lædentis magnitudine; fatiscit natura, morboque impar succumbit. Sed quæ in talibus morbis accidunt Epigene-

ses, vi morbi ipsius obscuratæ, jure pro symptomatibus habentur : quippe, docente sic Hippocrate, in validis morborum insultibus, (Aph. S. 2. 46.) duorum dolorum, qui vehementius emicat, alter alterum obscurat. At sæpe natura, saltem fortiter decertans, vinci vix se patitur. An tunc inter Epigeneses numerabimus symptomata quæ his accedunt, quæ propter varietatem vix numeranda, universali apud Gallos malignitatis nomine designata sunt ? Illa olim diversa, pro ipsorum varietate, nomina febribus imponebant. Sic febris *helodes* olim dicebatur illa in quâ sudoribus, morbi formam non mutantibus, ægri diffinuebant : *φριξώδης* illa in quâ rigores sine normâ frequenter ægrum divexabant : *asodeos* nomen sibi vindicabat illa in quâ ægri, præ nimîâ anxietate, stare lecto nesciunt, & variis motitationibus dum sibi requiem quærunt, negatâ ingemiscunt. Hæc & alia pariter symptomata, incertum naturæ discrimen & conatus inanes designantia, morbo, ob prædominium hujus phænomeni, nomen dedere : sed ita cum morbo cujus violentam efferamque vim declarant junguntur, ut eo cessante pariter cessent & desinant, adeoque Epigeneseos nomen non merentur ; nisi, quod aliquandò extitit, ipso fuerint longæviora, tuncque sæpius superstites morbi reliquias intus vivere arguant, aut saltem factam designent ab ipsâ morbi ferociâ aliquam in par-

tium organisimo mutationem, unde vera atque legitima nascatur Epigenesis, aut à debilitate naturæ, aut à viribus morbi nata atque efformata. Ita sæpe vasa, post febres sudatorias, eam sibi comparavere laxitatem, ut habiles ad sudorem concipiendum levi de causâ evadant, symptomaque illud durabile Epigenescos nomen sibi jure vindicet.

Altera virium infirmitas à principio vitali & oppressis viribus.

Secundò verò vires ipsæ fatiscunt oppresso principio vitali & functionibus quæ ad vires exercendas necessariae sunt prostratis atque quasi extinctis. Duplici modo id contingere videmus. Primò scilicet quoties nervorum principium plenitudine oppressum sopitur, ut in comatosis affectibus. Ipse morbus tunc Epigeneses vix efficit : quippe languentibus omnibus nihil operatur natura. At si quid Erysipelatosi aut artis adminiculo, aut efficaciâ naturæ superveniat felici eventu, metastasis fit, non Epigenesis. Alterum casum efficit putrida materiæ lædentis indoles, vires nata prosternere, docente sic observatione. Nam à quocumque fomite prodeat putridus ille afflatus, ubicumque niduletur, illicò prosternuntur vires & ad motum impares fiunt. Epigeneses in hoc casu icteritias, biliosâ compage solutâ, jure expectes ; nec minus hæmorrhagias, hæmorrhoidumque phænomena, sæpe ob solutam sanguinis massam aut ad salutem, aut ad tardio rem mali exitum observes ; tum & videbis metaptoses aliquandò per diarrhæam

1<sup>o</sup>. Mole materiæ vitale principium opprimis.

2<sup>o</sup>. A viribus vitio materiæ lædentis & corruptæ prostratis.

salutares, vix simplicioris Epigeneseos nomine designandas. An subtiliori putredinis afflatu, aut vi nondum intellectâ agunt venena illa, quæ soporiferam inferunt diathesim in corpore ægrotante, & viribus præcipuè infensa sunt, quo venenorum genere non immunes sunt epidemici morbi complures? In his pariter quæcumque Epigenesis accidit felix est; morbus enim per se pessimus ab ipsâ mutari valet, neque, nisi per accidens, ab eâ mutatione ferale quid & lethiferum expectari potest. Qui enim fomes volatilis est, & ab unâ parte in aliam transferri valet, vitalem non corrumpit auram, nec occupatas antea sedes destruxit. Actuosum aliunde naturæ stimulum imprimit, quælibet Epigenesis; dolor ipse pro remedio est; arthritidis, herpes, rhumatismus, talia nobis exempla sæpius protulere.

Tertiò demum legitima non exeretur virium actio, quia illæ exhaustæ sunt, ut post labores nimios, vigilias intempestivas, venerei cæstri ferociore impetus, propter anticipatam & constitutam à naturæ vitio debilitatem, aut demum necessariam, nec ullo superandam auxilio senilem duritiem.

Tertius virium deficiendi modus; quod ipsæ antea exhaustæ fuerint.

Porrò quantumvis, ut causâ, sic & effectibus differant inter se debilitatum harumce variæ species, in eo tamen conveniunt atque consentiunt, quòd simul in toto morbi decursu anomala concitent symptomata, absurdasque sequantur phases, tum

Effectus à virium in morbis defectu quocumque pendent.



verò inde dubias imperfectasque crises inducant, & decubitu periculoso epigeneseon plenam efficiant reconvalescentiam. Nam sine normâ stabili atque certâ constantiâ, nihil boni à naturâ sperandum. Hinc vires nixibus vanis consumuntur, additur infirmitas infirmitati.

Effectus in  
coctione ma-  
terix mor-  
bificæ depre-  
hendendi.

Verum ut in hâc debilitate coctio naturalis nulla est, ita coctio morbosâ elanguescit & flaccescit, nec sibi proprios nancisci effectus aut medicamenta aut alimenta possunt. Utrunque novæ patent insidiæ: nam sæpe inde diarrhœæ oriuntur & perstant; sæpè à malè directâ coctionis materiâ glandularum nascuntur infarctus, imminet impendens præsentis cachexiæ periculum. Prætereâque in hisce morbis inertia ex ipsâ rei naturâ inducitur, & longæva efficit, etiam causâ morbi sublatâ, symptomata. Sic à delirio aut comatè fatuitas & imbecillitas longævæ sequuntur, fatiscit ipsum judicii acumen, & perit idearum inter se conjungendarum nexus. Hinc lacrymæ ad minimum sensum, aut absurdi adhuc magis, sed rariùs observandi risus. Hinc post peripneumonias scretus longi, catarrhosa sputamina cruda, nec coctione vincenda, & à quâcumque thoracis phlogosi periculum œdematis in ipsâ pulmonum substantiâ, aut minæ præsentis hydropis in thorace, aut saltem dispositio catarrhodes ad minimam occasionem reviviscens, & semper imminens præsens congestionis periculum. Hinc, dum



concoctiones omnes, five ex naturæ ordine sint, five ad morbum tollendum fuerint comparatæ, elanguescunt, & certos nunquam edunt effectus, jam secretionibus instaurandis nullus unquam locus datur. Vel illarum torpent organa, vel contrà, vellicata illa, crudos & incoctos humores ejiciunt. Frustrà hîc concoctas urinas & sedimentum album læve & æquale certo tempore expectaveris, aut si hinc inde nubecula apparuerit, nunquam invalescit illa aut fixa evadit, sed brevi confusæ urinæ rursus apparent jumentorum instar, & tunc tales illæ perstant, turbidæque magis ac magis apparent, aut si principia illarum sejunguntur, pars maxima supernatat, aut ad latera vasis excipientis concrevit asperissima & inæqualis consistentiæ. Tales urinæ in debilitate magis communes sunt & vulgatæ; aut etiam limpidæ atque aquæ apparent, signum, vel in ipsâ debilitate, erethismi præsentiam satis designans. Diarrhœa pariter à debilitate inducta, varia quidem intus latentia vitia sensibus designare potest, sed emissâ scybala nec æqualitatem obtinent, nec adipiscuntur densitatem principiorum quæ coctionem admiserunt. Recedunt ab ipsâ sub formâ variâ & gradu diverso, at quantum à naturâ abludunt, tantum intentant periculi. Quid de ipsâ addemus perspiratione, quæ quasi perfectæ coctionis opus est, quam nullâ ratione nobis arguere possumus quoties coctio deficit, & quæ,

In excretionibus cruditas.

In urinis.

In alvi excrementis.

In perspiratione.

notante SANCTORIO , nunquam suppletur à sudoribus illis qui , etsi salutare non sint , nec sanando morbo idonei , tamen imprudenter percussu ingentes noxas possunt inferre & epigeneses efficere non expectandas , dum veteri fomiti novus fomes additur , dum actioni naturæ nova innectuntur vincula , ab ipsâ solâ debilitate sæpe secundariò repetenda.

Crudorum  
excremento-  
rum in debili-  
bus proventus  
maximus.

Præterea verò debilitati naturæ infirmioris id proprium est , ut excrementa ingeneret multò plura , eaque minus cocta : nam vis concoctrix minor minus sibi *assimilare* aut applicare potest partium alienigenarum. Redundant ergò illæ , corpore alioquin marcescente : unde

Exemplum  
à senibus , in-  
fantibus , mu-  
lieribus.

in senili decrepitàque imbecillitate tot epigeneses sequuntur morbos , deliramenta , urinæ stillicidia , catarrhales scretus : quo observato Hippocrates illud pro axioma reliquit , catarrhos in senibus non concoqui. Quod autem senili infirmitati accidit nonne etiam in infantibus observatur , qui vix ullos patiuntur morbos sine epigenesibus , affectum præsentem nec curantibus nec pejorantibus , ad aures , buccas , articulos. Nonne etiam in muliebri infirmitate idem observandum , in quâ epigeneses multiformes tollit epigenesis illa adeò communis fluoris albi muliebris , qui dum à coctione debilitatâ inducitur , ipsam etiam vicissim debilitat , instaurandisque viribus adeò nocet. Nec minus timendum est ab aliis etiam causis sexui illi à morbis periculo-

sis reconvalescenti. Quò infirmior est fœmina eò majus impendit epigeneseon periculum. Lumbi in imbecillitate muliebri acriter quâcumque de causâ dolent, & vix ad incedendum habiles sunt illæ. Menstruorum cessatio, à solo virium defectu pendens, tot epigeneses infert, quot in ipsis morbis concitat symptomata, quæ ut ad morbos non essentialiter pertinent, ita etiam Epigeneseon titulo digna sunt: talia sunt deliria, hæmorrhagiæ, strangulationes uterinæ, suffocationes aut nerveæ aut plethoricæ, clavi hysterici, sanguinis fœcatus; tum, à parte ventriculi, picæ, malaciæ, apestiæ; ab intestinis, tormina, hæmorrhoidales, tenesmi, quæ omnia possunt immanem tumultum functionibus incutere.

Patet satis ex hoc universali intuitu, à debilitate virium ingentem posse nasci in morbis Epigeneseon turbam; imò in hâc corporis constitutione quam omnibus malis obnoxiam Celsus pronuntiavit, ut lenta est nec integra victoria naturæ, ita etiam reconvalescentiam summè difficilem & labore plenam esse necesse est. Sed ut in priore virium nimiooperè intensarum & agentium immodicè conditione plus à suppuratione metuendum erat, multò plus in virium defectu cavendum est à cachexiâ: nam hîc tarda fit stasis & obstructio. Viscera vulgò, vix sensu donata, sensim opulentur; unde nova morbi degeneris forma

Differentia effectuum à viribus auctis imminutisque oriundorum.

pro Epigenesi aliquandò habenda est : imò quì primùm & ex suâ naturâ morbus videbatur inflammatorius , sæpe in œdema definit. Id in oculorum præviâ inflammatione , præsertim in senioribus vulgare est. Tùm etiam , ut in priore morborum genere caput & thorax ante alia viscera impetum morbi metuendum habebant , in hoc secundo ordine contrà hepar , lien & intestina quasi morbi sentina fiunt , cujus partem accipiunt pedes & lento correpti œdemate articuli. Inest & ipsa , aucta ab infirmitate , sentiendi ut & patiendi facultas , erethismo partiali sed nunquam universali notabilis , eâdem proportionem crescens , quâ deterritur agendi fortiter & nixibus obsistendi potentia : periit enim æquilibrium illud quod ad functiones omnes legitimè exercendas requiritur.

---

### ARTICULUS TERTIUS.

#### *De actione virium inæquali Epigeneseon causâ.*

**A**LIA est virium corporis humani ad morbos debellandos comparatarum , conditio , in quâ ipsæ inæqualiter agunt : cùm scilicet , quasi concepto subito incendio , nunc ferocius exardescunt , nunc contrà intrâ minima temporis intervalla stimulo videntur indigere ,

& veluti medio in furore protinùs conticescunt & ad opus peragendum impares videntur. Illud quidem sæpe in febribus quæ jure malignæ appellantur observatum fuit, ut in lentis omnibus nerveis, imò in ipsis etiam inflammatoriis affectibus, aliquandò stupentibus Medicis, contingit; at si ab ipsius causæ actione eveniat hæc ingens erethismi inæqualitas, nihil nobis affert quòd ad præsentem tractationem attineat, si quidem à morbi causâ repetenda est, & ejus essentiam constituit. Verùm res ab ipsâ corporis conditione sæpe pendet, nec ad causam morbi est referenda, quoties sensu donatæ & agendi facultate corporis animalis partes, aut à naturâ ita malè ordinatæ sunt, aut à casu quocumque ita pessumdatæ, ut functionum quidem aliæ legitimo & proportionali gaudeant robore, aliæ verò præ aliis sint infirmatæ. Tunc enim sentit acutiùs functionis debilioris organum, agit promptiùs, nec aliæ ei responsant minùs sentientes & ad actionem minùs promptæ actiones. Hinc ab illâ infirmitate partes nocivas & alitiùs imbibit & diutiùs servat organum infirmius. Imò & consensum illum actionis qui inter partes iniri ac servari debet, confringit & conturbat, in totiùs corporis detrimentum, illa vitiati aut debilitati organi perversa ordinatio.

Prima species inæqualitatis & inconstantiae actionis, à debilitate speciali aliqujus organi.

Verùm illa, quæcumque sit, virium inæqualitas in parte quâcumque, sive ad hepar



pertineat, five pulmonibus inhæserit, signa sua habet constantia uni parti læsionem accipienti affixa, metastasibusque plus præbet occasionis quàm Epigenesibus quibuscumque; nisi tamen debilitas & inæqualitas consensûs ad partes exquisito sensu donatas & sympathieâ notandas singulari pertineat, ut est uterus ille muliebris, à quo nulla datur pars quæ Epigenesim non accipiat. Pars scilicet illa semel læsa dividit morbum in affectus absolute dispares, quos nec ars in classes dividere queat, nec observatio numerare, fucum oculis vel severioribus offundens. Id etiam in morbis illis qui cutem, maximè nerveam partem, occupant, quotidianâ observatione deprehenditur, cùm musculi sub ipsorum actione quasi convellantur & vibrent; imò & titillatione perpetuâ tentiginem etiam veneream videntur commovere, vel in senioribus ægris, & eam quoque in pueris adhuc veneri crudis concitare. Sed, si uterum exceperis & sejunxeris, nulla pars æquè infirmitate suâ & aucto sentiendi acumine in adeò diversas usu & structurâ partes agit ac ventriculus, qui nunc capiti durabilia post sublatam causam mala afflat & ipsius functionibus debilitatem infert & infirmitatem, nunc hepatis vasa stringit & inducit auriginem ipso morbo diuturniorem. Sæpius crura, suras, imò & digitos pedum in convulsiones adigit quasi subitas, *Cramben* dicunt; unde etiam inducitur artubus illis inferioribus

Exempla  
ex utero  
sumpta.

Ex cute.

Ex ventri-  
culo.



debilitas & iners impotentia à distractione nata, & inde sæpe cedemata vix postea superanda, vel artis, vel naturæ viribus.

Verùm actionis illius inæqualis leges sancire potest, saltem ad aliquem usque gradum, observatio. At alia datur nervæ illius partis in concitandis organicis functionibus absurda atque irregularis actuositas, quæ nulum non possit aut imitari aut inducere phænomenon, à causis prorsus dissitis aliundè æquè præditurum. Scilicet nullus, hâc semel inæqualitate constitutâ, in functionum exercitio ordo sperandus est; & si illam in statu necdum morbofo spectaveris, morbos omnes insperato & inexpectato ordine in scenam traduci credes; scilicet, levî de occasione & ejulatibus & cruciatibus vexari videbis miseros, imò de statu rationi proprio dejici, atque in inconditas deduci sive mentis sive corporis actiones, quarum gnaris plus horroris quàm formidinis offerent, & plus formidinis quàm periculi.

Secunda inæqualitatis & inconstantiæ in viribus species, à systematis nervi mobilitate inconditâ.

Illa quidem convulsiva, ut vero nomine rem vocemus, proprietas, spasmos inducens, non sine ratione cum debilitate structuræ confunditur, aut saltem à tenuitate fibrarum dicitur pendere: quippe quæ plus foemineæ texturæ quàm robustæ & militari competat. At sæpe, acquisita per morbum, post ipsum etiam remansit sub Epigeneseos formâ & specie. Illa quidem malorum origo à morbo

Cum debilitate jure confunditur.

Aliquando per morbum acquisita.

Post va-  
cuationes ni-  
mias.

enata atque inducta tribus præsertim in casibus annotatur. Prior quidem, post magnas & supervacuas vacuationes emicat, si illæ subito impetu corpus vacuaverint, atque tono suo viribusque istud defraudaverint. Hanc convulsionem ab inanitione nuncupavit Hippocrates, & verè debilitas est, at debilitatis inæqualiter distributæ ideam meditati objicit, quæ, cùm inæqualiter reparetur, sæpe debilitati addit inæquales partium concussus aut saltem tremorem. Hanc omnia post vulnera & post prostrationem virium quotidie annotamus, etiam in rusticis & torosis hominibus, qui sæpe, ab hisce infelicibus casibus, pristinum robur amissum lugent, & ingentes conatus validis inter nitendum tremoribus rependunt. Sed quàm sæpe inde mulieres totâ vitâ convulsionibus obnoxias videmus?

In suppu-  
rationibus  
magnis.

Sævam porrò illam Epigeneseon classẽ 2.<sup>o</sup>. videmus in omnibus ferè notabilibus sup-  
purationibus: quæ quidem convulsiva diathesis id habet sibi proprii, quòd suppuratione laborantes homines reddat & meticulosos, & superstitionibus deditos, & ad illacrymationem sui que diffidentiam pronos; quæ quidem debilitas vulgò atque infirmitas, cessante malo, atque reparatis viribus, cessat; attamen aliquandò diutiùs perdurare visa est, & hominem prorsùs mutare.

Post vene-  
na admiffa.

At tertia diatheseos hujus convulsivæ causa ea est, quæ à veneno intùs admissò pendet,

sive tristibus intus superstitibus reliquiis adhuc grassetur, sive notam inusserit humoribus, sive demum, quod aliquandò maximè probabile est, nervis habitum convulsionis & inæqualitatem motus impresserit.

Communis est omnibus indiscriminatim hominibus posterior hæc convulsionum Epigeneseon personam agentium classis: nullum est enim venenum quod non possit labem hanc corpori inurere, sive spasmus nascatur inde durabilis, sive etiam tremor convulsivus, sive demum spasmodica & hypochondriaca affectio, plexibus læsis stomachicis, fiat, mente partem criminis in se assumente. In his certè plexibus spasmodicis Epigeneses efficientium centrum situm est, famosum & omnibus observatum post sublatam morborum acutorum ferociam: at frustra per leges physices cognitæ phænomena sævientis hujus spasmi volueris expendere. Multiformis hypochondriacæ quis non obstupuit phænomena, cum aliquandò occurrerit spectantibus aëris convulsiva exclusio, totâ die perdurans, per somnum sopita, à sopore reviviscens? Imò ab eodem fonte diaphragma singultum similem efficit, & cum glottide consentiens, sternutationem plures per dies concitavit, nunc acrius exercentem, nunc mitius sævientem, sed semper redivivam, si præsertim addant se causæ morbificæ comites, aut animi affectus, qui quasi flammæ igni sufficiant. Vidi à spiritu

Veneno-  
rum effectus  
observati.

salis incautè intus hausto oriri symptoma hoc per longa temporis spatia perdurans : vidi à nimio & malè instituto sublimati mercurii corrosivi usu nasci similes eventus : vidi etiam rem ad insaniam convulsivam usque deduci, sumptis incautè pilulis aloeticis. Alii rem observarunt à nimia tartari stibiati dosi voratâ. At quantos & quàm durabiles tremores induxerit mercurius, etiam sapienter administratus, quotidiana docet experientia.

Varia  
convulsivæ  
Epigeneses à  
plurimis  
morbis.

Phrenitidi tremores illos succedere aliquandò notatum. Idem etiam, partus doloribus absolutis, non inassuetum. Strabismus convulsivus quàm sæpe dolores capitis excepit, ut & variæ oris distortionem, musculorum cutaneorum involuntariæ vibrationes, aut stricture; quæ, etiam catarrhosis affectibus superatis, superfuere? Nec verò minùs, pulmonis affectibus fugatis, observandæ dantur tussis convulsivæ, suffocationes spasmodicæ; cordisque palpitationes. Ab uteri sive inflammatione, sive etiam phlogosi natam fuisse & superfuisse affectionem hysterica nemo est qui non viderit. At sæpe in maribus negata Venus, titillante intereà merè convulsivo priapismo, convulsiones invexit, & ipsâ in cute titillatio artus convulsivè egit; ita ut & ipse viderim nasci inde priapismum & semen exilire. Seminis productio atque glandularum ad pubertatem evolutio eadem prorsus excitaverunt symptomata quæ infantum induxit dentitio, à quâ

sæpe spasmus exortus est durabilis, sed sæpissime post convulsiones, habitus remansit convulsivus. Quid hîc addam Epigeneses merè mechanicas quæ in infantibus sæpe convulsiones à dentitione ortas eventu insanabili excepere, femoris scilicet extra cavitatem exclusi semi-luxationes, aut epiphysion distortionem, quas nullus est observator qui non viderit? Ventriculo verò semel læso, mirum est quàm facilè habitus ille inducatur: ita ut, minimâ de causâ, in nauseas abeat & vomitus repetitos. Viscus illud adeò tenerum atque delicatum est, ut vis ipsa imaginatrix in structurâ ejus organicâ possit accersere convulsiones, vixque facilitate ad convulsiones concipiendas ipsi utero cedat. Sed circa res cognitæ insudare inutile est: quippe quis, rem nauseosam semel expertus, ad ejus præsentiam non nauseat, imò ad ejus memoriam? Unde ipsi concredita, vel insciis ægris, materies quæ semel nocuit, rigorem, horrorem, convulsivos vomitus concitat. Præterea id ventriculo proprium est ut, quasi animâ donatus propriâ, odia concipiat & amorem rerum per se prorsus indifferentium. Hinc sæpe remansit post morbos odium illud absurdum, circa res in morbi vigore oblatas, primò quidem in convalescentibus neglectum, cum sit per se parvi momenti, postea vix auxiliis tollendum quæ nullam hîc actionem exercent. At sæpe morbus alter alterum sus-

Speciatim  
in ventri-  
culo.



tulit, novaque ventriculi appetitui fata indidit.

Hepatis ductus pariter spasmo tentantur, & pluries biliosæ convulsiones colici doloris nomine donatæ sunt. At colii illius intestini quàm horrenda sæpe convulsio falsam tympanitidem invexit, & in partes maximè diffitas mala vix toleranda.

Spasmus ille duplex, perpetuus & remittens.

Verùm quaecumque in partem delabatur spasmus ille, duplex ejus effectus primarius distinguendus est. Aliquandò enim spasmus perpetuus est & in constitutione solâ partis affectæ consistit, quam stringit & arctat compede quodam nulli se sensui videndum offe-  
tente, imò & ipsam partem vix immutante, quamvis sæpe effectui adeò rebeli atque refractario nulla possit alia causa assignari præter animi affectum quemcumque. Tales spasmodorum effectus in ventriculo & intestinis vidi, ad usque mortem quam intulere durabiles, imò & in ipso deprehendendos cadavere. Vel spasmus alternè fibras convellit, qui quidem spasmus, verè mobilis, rarò perpetuò ægrum divexat, sed per paroxysmos redux, nunc spe allicit, nunc metu percellit.

Spasmodorum in morbis effectus & prognosis varia.

Duplex illud spasmodorum genus diversos omninò effectus edit: nam spasmus ille motum intendens atque per paroxysmos exasperatus, Hippocrati rectè cognitus & ab illo descriptus, parvi ut plurimum momenti est in



morbis qui febre regulari reguntur, notante sic eodem HIPPOCRATE : quippe nihil adeò spasmo oppositum est atque repugnat quàm febris regularis atque constans, inæqualitati & abnormi spasmodum inconstantiæ per se adversa, & quæ mulieres summè nervosæ sunt, febre emicante, nullas jam sæpiùs experiuntur convulsiones. Excipiendi tamen sunt ab hæc observatione ægrotantes illi qui, jam antea debilitati, incendium febrile constans & regulatum concipere vix possunt. Excipiendi etiam sunt illi, quibus rigor merè convulsivus aut benè aut malè criticus morbo supervenit, mutationem sive in sede, sive in naturâ fomitis morboſi denunciâns; teste non semel, sed pluries, eximio observatorum duce, Hippocrate. Hæc autem potiùs ad metaptoses quàm ad epigeneses referuntur. Nec minùs convulsiones sæpe, & quidem horrendæ, in febrium intermittentium ingruente paroxysmo emicant, quamvis, ubi semel calor eruperit, nulla superſit annotanda malignitatis convulsivæ nota. At si morbus mali ferax fuerit, si causa morbi victrix fieri possit, imminuitur sensim caloris periodus, jamque, in imminente fato, vertitur febrilis morbus in convulsivum. Nec minùs verò in salutari morbo, ubi jam adest & spem auget coctio, convulsiones illicò sese spectandas dedere. Has vacuatio quævis naturâ imperante excipit. Et quidem jampridem notaverat Hippocrates, convulsionem quam se-

quitur vacuatio non adeò terrificam esse, sed gravem & quidem lethalem eam esse, quam nulla excipit humorum excretio.

Debilitati  
in universum  
debentur.

Enim verò phænomena hæc omnia convulsiva iis præcipuè accidunt, quos jam antea debiles effecerat malè disposita nervea compages & ruptum hujus æquilibrium. At licet aliquandò febris fixa, & in suâ vehementiâ constantiam actionum statuens, fibris convulsis medelam inexpectatam attulerit, id plenariè salutiferum evasisse non adeò vulgare est. Tot scilicet obstant circumstantes insidiæ. Imò sæpiùs pristinæ debilitati nova debilitas additur, phænomenaque post transactum morbum rediviva recrudescent, Epigenesesque efficiunt & terrore resperfas & curatu difficiles: quod iis præsertim accidit, qui magnas evacuationes passi sunt, ut in puerperis, vulneratis, & post profusas hæmorrhagias observare datur. Nam in iis omnibus norma recuperandis viribus apta difficilè occurrit, & vix ex arte fancienda. Nec prætereà negabimus imaginationem, hîc ab ipsâ debilitate nova sibi jura statuentem, posse admodum hisce suscitandis favere. Nam sæpe terror ipse solus, & figmenta oculis læsis objecta convulsiones concitavere. Id etiam sæpe in paralyticis observamus aliquandò; dùm inertes eorum muscoli, ab animi subitò percellente impetu concussi, concipiunt motus inconditos, tremores, retractiones, convulsiones, nec spem,

nec perniciem portendere rerum gnaris idoneas.

Nec tamen negandum est aliquandò, etiam in febribus constanti vehementiâ corpus agitantibus, inter Epigeneses motum convulsivum debere recenseri; & id quidem duobus in casibus accidit. Prima & pessima Epigeneses illius convulsivæ causâ à morbifici fomitis vi nocivâ, altera à naturæ contranitentis vi aut partis irritatæ sensu & actuositate repetenda est. Ac primùm in malignis veterum febribus motus convulsivi superveniunt eò atrociores, quò vehementiores sunt: id verò omnibus ferè morientibus accidit; siquidem devictæ sunt atque superatæ omnes functiones, licet immani molimine natura decertaverit. Jam non ulla spes affulget: sed, omnia prostrata atque conturbata sunt, & vires ipsæ devictæ à destruyente causâ. Hos affectus convulsivos, præsagiendos atque pertimescendos, annuntiant subsultus tendinum, febris ipsius inæqualitas, respirationis labor. Nec minùs in nostris febribus sic sæpè impropriè dictis malignis, aut premente comate, aut urgente delirio, convulsivus idem subsultus periculum denuntiât: quippe princeps organorum vitalium & animalium origo hîc morbum excipit, & in eo fixum hæret malum unde si non deturbetur, si contrà invalescat, pereundum est. Sed hîc metaptosim potiùs adesse pronunties quàm Epigenesim per me licet.

Epigeneses convulsivæ in morbis, non semper à debilitate.

1°. A morbificæ causæ vi naturam superante,

Nervos occupante.

Sensum  
nervum stu-  
pefaciente.

Præterea verò etiam si pars illa corporis nervæ non adeò præfracta sit, inest certè materiali morbi causæ non satis explananda sed observanda facultas quædam inebrians, stupefaciens, narcotica, quæ præcipuè agit in nervos. Porro ab ipsâ vinciuntur etiam vires curatrices & coctio præpeditur, quæ torpens, nec actiuosa, & præsentis victæ fomite, per convulsiones & motus inconditos interrumpitur. At nullus est hosce tumultuosos affectus propiùs observans, qui non consentiat, quòd in istius prosapiæ morbis nunquam causæ lædenti proportionalis erumpat febris: fit contra febris illa lenta, nervosa, multò plus in septentrionalibus observata oris, quàm apud aridos & exustos orientales populos. In his quidem febrilibus affectibus, vix nisi longo regimine sanitas restituitur, & hanc, ob debilitatis signa, cardiacis pristini nostri Auctores minùs consultè persequébantur. Hæ febres, quæcumque fuerint, convulsionibus linquunt homines obnoxios. Reconvalescentia ipsa à morbo, morbus est, sæpe in cachexiam & hydropem abiens.

2°. A naturæ  
nixibus  
aut partium  
irritamento.

At si vehementissimo & ardenti februm generi, ut sunt illæ ardentes biliosæ Hippocrati descriptæ, sese convulsio addat comitem, aut mors præ foribus aderit, quod aliunde indicabit anxietas & symptomatum imminentium agglomeration; aut brevi continget vel metaptosis momentosa, vel crisis, sive per evacuationem, sive per

per metastasin. Legatur hîc attentè quidquid Hippocrates de rigore scripsit nunc auriginem, nunc vacuationes nunciante, imò & sudoribus ipsis præludente, aut ipsos excipiente. Hîc judicium de ægro laturus dierum facultatem ante oculos habebit ; linguæ, faciei, oculorum, imò & bombi in auribus signa perpendet ; tum & illa ponderabit signa quæ ex urinis & alvi fœcibus petenda sunt, quibus addet hypochondriorum mollitiem ; respirationis verò præcipuè phænomena & pulsûs phasēs atque variatos typos signis addet hippocraticis. Quæ omnia, pro tanti momenti occasione, ad morbi naturam, ad ætatis, ad epidemici dominantis effectus jam præteritos conferet, indeque quid de convulsionibus censendum sit edicet. Nec certè in mobilibus & animo debiliore affectis, inexpectatæ convulsionis effectum perniciosum pronuntiabit, si præsertim aut ventriculus præcipuè patiatur, aut uterus causam combiberit & acceperit : nam hîc metaptosis fit, & hic est sensus unicus quo possit intelligi quâ ratione Hippocrates, adeò prognostici sedulus observator, aliquandò, nullâ advocatâ vacuatione, salutares pronuntiaverit convulsiones.



## CAPUT SECUNDUM.

*De humorum vitio , Epigeneseon causâ.*

**M**Aximas certè partes in morbis inferendis agunt humores , quatenus copiâ , acredine , aut proportionem efficacium partium peccant illi , diversisque vitiantur modis , quorum & formam & modum ita dicendo exequi , ut nulla nocendi ratio desit , prorsus impossibile est : vitia enim illa vix aliâ ratione possumus deprehendere quàm latione functionum. Porro in causâ prorsus diversâ effectus sæpe iidem sunt , eoque propius ad se accedunt , quò in eundem scopum evidentius & violentius consentiunt , corporis scilicet destructionem. Altioris causarum morbiferarum ab humoribus pendendum inquisitionem profundius indagare extrâ propositum foret : in materiam à doctis viris satis expensam immorari inutile est , in id unum intentis , quas possit contractum à morbo vitium , aut antea natum , Epigeneses in morbis accersere , solâ facem præbente prævia observatione simplici , quæ incerta omnia respuat atque eliminet , vera tantum & demonstrata pro veris & demonstratis asserat. Effectus necessarios ponderare , & eorum actionis terminos assequi , hoc opus , hic labor



est. Porro nullus est qui in ipso disquisitionis nostræ limine non fateatur, inquilinam atque legitimam humorum quorumcumque qui in corpore animato naturæ ordinem complent generationem, secretionem, applicationem, à solis actuosæ naturæ viribus perfici, perfectam à perfecto mechanismo. Qui quidem mechanismus, sine ullo vitio aliquâ donatur extensione, & ex ipsâ naturæ variatione diversus est, & singulari ac sibi propriâ donatur indole pro ætate, sexu, vario vivendi genere, tempestate, & loci in quo degimus positurâ. Unde sua cuique non solum populo, sed etiam individuo inest humorum temperies, imò frequentissima in humoribus etiam sanis occurrere debet diversitas. Hi porro, si à causis externis tot variationes accipiant, quanto majores conditionum mutationes concipere debent à tumultu febrili, ab impetu causarum nocentium. Unde certè, jure nostro, nascendas ab humorum vitio, mille Epigeneseon species præfagimus.

Humorum  
summa va-  
riatio.

Nec minùs etiam notandum est in morbis illis qui dicuntur depuratorii, & qui diversas ætates diversâ quidem formâ, sed eâdem tamen naturâ & indole, infestant, à dentitione ad decrepitam usque senectutem, mutari quidem continuò humores, & indolem prorsus morbosam sibi comparare, sed victrice naturâ, & morbo per depurationem absoluto, omnia in melius necessariò con-

Humorum  
mutatio in  
morbis æta-  
tum depura-  
toriis.

verti. Scilicet viribus sese renovantibus, instauratâque humorum applicatione nisi obstat conquifita debilitas, humores nunquam concipi possunt puriores & ab omni labe magis innoxii, quàm in iis qui morbosam humorum depurationem, magno certè suo incommodo experti, ab eâ alacres & sani evasere tandem.

Epigeneses  
ab imperfectâ  
depuratione.

Verùm si vel malâ sorte, vel ob admissum errorem depuratio illa aut imperfecta fuerit, aut scopum non attigerit, tùm variæ exurgent morborum statûs formæ, plus ad metaptofin quàm ad epigeneses referendæ. At sæpe inducta nova, per ipsam virium actionem & febris necessariam efficaciam, humoribus formæ & indoles per se morbum non facit, sed inquietâ & insolitâ anxietate exagitans, merè Epigenesis dici debet; scilicet vix ullam cum priori causâ connexionem obtinet, sed, per ipsam efficta & efformata, superest seorsim à morbo, per se vacuanda aut emendanda. Prætereà non semper ab ordine legitimo natura non deturbatur; imò res sæpius accidit; &, sublata causâ accidentali, supersunt vitiorum elementa: quin etiam aliquandò, etiam sublato uno morbo, alter qui priùs latebat evolvitur. Scilicet omnia in motum acta sunt, anfractus glandularum repleti fomiti morbofo quiescenti & inertii vires novas addiderunt, & phlogoses, suppurationes antea vix

prævidendas imò scirrhus & cancrios minantur; unde tot chronici morbi ab hâc rerum constitutione acutos sequuntur & excipiunt.

Verùm ut horum Epigeneseon fontes ex ordine rimari atque sectari liceat, cum scholis eos à vitiatis in consistentiâ fluidis requiremus, tùm verò in acredine sive acquisitâ, sive per morbum inditâ; quibus quidem vitiis sæpe nova adduntur phænomena, ex conjunctione causarum inter se quam ipsa naturæ actio invehit.

Epigeneseon ab humorum vitio divisio generalis.

Forfan quidem omnes fluidorum proprietates, imò & ipsorum generatio à solidorum organismo semper actiuoso pendet. Unde ipsorum vera atque legitima proportio ab eâdem actione repetenda est. Id omnia demonstrant vitæ phænomena; id ipse naturalis coctionis mechanismus postulat. Hinc, si vasa in suâ actione elanguerint, & sanguinis motus tardetur, vitiatur partium proportio; homogenea inter se uniuntur; crassescunt solidæ partes inter se coalescentes & ad coadunationem ab ipsâ motûs inertîâ promptæ; fit massa solidior, sed pauca; partes ex alimentis advenæ non concoquuntur; sejunguntur quæcumque fluidiora possunt ultimos subire vasorum meatus, & ipsæ moleculæ illæ fluidiores scatent crudâ illuvie: tùm etiam per laxiores venas rexitus maximè difficilis est: hinc morbis omnibus in quibus laxitas fibris

Augta humorum consistentia.

A laxitate vasorum.

Unde cachexia.

maxima indita est cachexia supervenit atque hydrops, obstructis majoribus vasis per magna crassescens & polyposum, tenuiori malsâ per faciles pororum aditus effluente, & reditu ad cor per tot impedimenta tardato.

Observanda post morbos, etiam acutos,

Laxitas porro illa non solum chronicis omnibus ferè morbis ita propria est, ut per illorum mechanismum nascatur & invalescat; sed etiam, postquam deferbuit acutorum fervor, & silente incendio, omnia defatigata & confRACTA concidunt, adest præterlapso tono proportionalis atonia; & morbos omnes acutos excipit debilitas, laxitasque ita supervenit, ut in iis quos jam antea infirmos effecerat corporis conditio, in infantibus, fœminis, & senibus, ejus non dubii sese prodant effectus. Siquidem jam respuunt distracta vasa actionem; debilitatum cor vix dimidium æquat virium sibi à naturâ insitarum: imò & forsan ipsa effœta & exhausta liquorum facultas assimilationi efficiendæ jam vix ullas partes sufficit. Quid mirum si, in tali positurâ, inflammationi peractæ cachexia & hydrops subnascantur, si, quod ferè omnibus accidit, crura & pedes intumescant interdium, nocturnè verò facies & palpebræ inflentur admodum?

In quorumdani viscerum labe.

Si verò aut viscus aliquod, aut universa ventris moles maximam antea acti morbi susceperint partem, primum quidem iners intestinorum massa turgebit, mox aqua partes per omnes exundabit, eò facilius, quòd bilis

ipsa vitii aliquam, nec minimam partem, facultate suâ orbata, suscepit. Verùm res eadem, thorace debilitato, &, ut aiebat Hippocrates, pulmonibus in latus delapsis accidit, manuum simul turgescentiâ, simul anhelitu periculum præsens indicantibus. Meliùs cum iis agitur quibus aquosa colluvies per apertos salivales bronchialesque meatus patefactos exprimitur & excutitur: quod non unâ vice peractum vidi. Illa etiam solatii spes iis contingit, quibus abdominalium meatuum libertas facilem diarrhœam facit. Periculum illud pariter ab iis devitatur mulieribus, quas à pejoribus malis fluor muliebris albus liberat. Certò in omnibus hisce casibus, ut medicè loquamur, cachexiæ reperiuntur elementa; & si defuerit stagnantis liquidi in cavitates aut textum cellularem, quod in infantibus præsertim non admodum rarum est, illapsus, id aut causæ levioris actioni, aut artis auxiliis, aut austero regimini gratum atque acceptum haberi debet, aut aëri etiam prætermodum sicco. Hinc fit ut illud in reconvalescentiis pertimescendum periculum, multò plus immineat in locis humidis atque paludosis, tempestateque uvidâ & frigidâ. Illud etiam præcipuè ad eos pertinet rusticos militesque, qui, antea laboribus fracti, diætæ normam aut non assequuntur, aut assequi non valent præ rerum oblatarum copiâ, & præjudicio huic hominum soboli proprio non posse nisi alimentorum usu

Colluvies illa per varias excretionum vias aliquandò sublata.



vires reparari, nullâ habitâ ratione præcepti Hippocratici, quo vires ad onus ferendum & materiam coctionis subigendam conferuntur.

Alia glutinosa spontanei causa, inertia ventriculi, bilis, &c.

Gluten illud degenerat & ab actione naturæ motum.

Ex hâc rerum observatione satis patet quantum inter se, ut causâ, sic effectibus coincidentium laxitas & inertia solidorum, tum liquamen illud humorum cachecticum. Verum non omnis glutinosa spontanea humorum moles ab hâc causâ repetenda est. Quippe, corpore cæteroquin rectè valente, ingens glutinum illorum proventus intrâ corpus enascitur, qui quidem in morbis, imò etiam in sanitate, ingentia facescit medicanti negotia. Pluribus enim, sine ullo solidorum vitio, glutinosum illud semi-coctum, ut Galeni verbis utar, à soliûs ventriculi inertîâ pendet. Aliis bilis, saponaceâ & stimulantî virtute defraudata, non satis efficaci potentiâ in molem alimentorum admissam agit: unde alimentum vix mutatum, gluten crude & indigestum efficit, materiemque non satis à prioribus elementis diffitam, nec tenuatam satis, viis primis obstipandis aptam; & si ad glandulas usque pervenerit cruda moles, illas opplet obturatque. Gluten istud potest actione repetitâ naturæ, ut variis in casibus evenit, in motum agi & rapi, tuncque, inflammatorium ardorem concipiens, vertitur aliquandò in suppurationes, quæ per varios, sed lento motu confectos abscessus tandem ab hoc



fomite corpus liberant, quod felix fortunatumque dici potest, nisi causa subsit à quâ malum reviviscat. Hinc abscessus qui morbos illos sequuntur non pro metaptofi habendi sunt, sed pro verâ Epigenesi; causa morbi prioris iners erat & vix actiuosa, frigidam vocabant veteres, subiectus ipsi ignis huic fomiti efficaciam actiuosam indidit; morbus ejusque causa priorem mutavere indolem. Hoc quoque per variolas, etiam per inoculationem insertas, supervenisse vidimus, in junioribus quidem, in quibus mucus undequâque exundat. Illa enim frigidior moles, suppurationis variolosæ nixu, calorem & actionem concipit. Hinc oriri videas abscessus ad articulos, ad palpebras; imò & in pulmones decumbunt morbi reliquiæ, quas si excusserit vis naturæ, salubritati & robori additur quidquid huic massæ detrahatur. Nec mirum si textus cellularis maxima luat piacula labis illius inflicta, cum æquè muco atque adipi accipiendis destinatus à naturâ fuerit.

Aliis glutinosum illud à coagulante quodam fomite pendet, qui fomes lymphæ hanc indidit tenacitatem, imò & jam degeneri novas qualitates contulit. Talis est illa tenacitas à lacte in puerperis orta, in quâ dubium esse potest an glutinosi lactei copia sola superabundans existet, an etiam ipsi addita sit acida spontanea degeneratio à virium defectu, pro materiei nocentis exundante copiâ. Huc etiam

Glutinosum à fomite pendens.

referenda foret glutinositas scrophulosa, glandulis & locis quos mucus alluit, infensa, si non in hâc glutinositate prætermodum tenaci adesset evidens acrimoniæ nota. Certè, si gluten unicè spectemus, ejusque naturam ab actione vitali deficiente pendentem; spes erit posse copiam illam glutinosi, per actiones auctas & febris periodicæ efficaciam, in pus mutari, &, per Epigenesim, suppurationes veras atque legitimas per textum cellularem suscitari. Imò etiam & hoc in naturæ ordine, potest observari; nisi cum glutinoso illo, acre aliquod venenosum, alterationes naturæ respuens, omniaque quibus annectitur elementa pessumdans, glutinosæ illi tenacitati intimè uniatur eique conjungatur.

Spissitudo  
humorum  
inflammato-  
ria.

At aliud est, huic omninò contrarium, imò oppositum, densum inflammatorium, in quo cruoris partes, jam ad densationem & intimum contactum per se dispositæ, difflatis & exhaustis, per actionem vitæ violentam, partibus tenuioribus, intruduntur & coguntur, addensanturque inter se quæ sunt homogeneæ, & ad sese proximius attrahendum pronæ; hinc sanguis densior, gravior, quasi solidescit, & ipsam resinosam, aquæ ferè immiscibilem naturam attingit. His hominibus ardor ingens emicat, hos divexat sitis inexhausta; partes omnes squalent aridæ, urina flammea & liquore parte difflatâ crassa, putridum odorem nidoremque oculis

observantium infestum exhalat; imò, in ingenti potu, qualiscumque fuerit ille cum sanguine misceri nescius latex, limpida urina aquea & tenuissima, vix aliquam miscelæ intimioris cum humoribus notam, mirantibus, demonstrat. Hæc crethismi atque tensionis prætermodum auctæ proles ad morbos juveniles sanguineorum virorum pertinet, lympham æquè atque cruoris partes addensans. Sed vitium illud semel efformatum, cessante & defervescente crethismo non illicò cessat: & certè superest per aliquod tempus, ope alimentorum diluentium & saponaceorum vincenda illa, quæ per violentam & efferam vim inducta fuerat liquidis indoles. Hinc illa Epigeneses facere potest, tum à defectu liquidi ad alimentorum coctionem necessarij, tum ab imperfectâ liquidorum intus admissorum cum magmate residuo miscelâ, tum etiam ab enatâ per ipsum motûs febrilis tumultum acrimoniâ. Addant hîc qui theorias sectantur, oleosæ & phlogisticæ partis exaltationem & evolutionem; unde quæ mobilitas solidis addita est ab ipso fluidorum vitio, nova accipit phænomena.

Post morbos ipsos superstes.

Verùm non una est metuenda ab hæc inflammatoriâ densitate Epigenesis. Scilicet ipsa densi illius inflammatorii tenacitas, æstu partium & earum proximo contactu aucta, id sæpe efficit, ut partes vicinæ, quæ nunquam adhærere inter se debuissent, unionem solida-

Adhæssiones viscerum ab hæc intussusceptione pendent.

tam contrahant præternaturalem, & jam insolita soliditatis experiantur fata. Id pulmonibus & pleuræ familiare est, post graves inflammationes, post vulnera ritè coalita, fervente præsertim syrio, sub aridiori cœlo inflicta. Id in hepate & intestino colo sibi suppositis ita animadversum est, ut postea corruptela unius ad alterum vergat, & æqualiter in hoc ferali exitu funesta sortiantur symptomata. Id etiam artubus ab arthritide vexatis contigit, ne loquar hîc de multis ab hâc causâ natis partium inter se adhæSIONIBUS & factis inde corrosionibus; quod in utero & vesicâ, imò digitis vulneratis, genis ad maxillas appressis per inflammationis vim contigit aliquandò: sanari potest æger, at sæpe remanet labes inexhausta, ab insanabili adhæSIONE pendens, & jure Epigeneseos nomine designanda.

Superstities  
ab eâdem  
causâ mor-  
borum reli-  
quiæ.

Verùm, dùm sedato erethismo, superest densum inflammatorium, quàm sæpe atroces ad articulos dolores novo cruciatu divexant? aliquandò præteriti periculi instat metus legitimus ne reviviscat affectus: quippe superest obstructio, deest erethismus levi de causâ renovandus. Quàm sæpe vexavere anhelitus asthmatici, per periodos redivivi, quoties nova alimentorum moles sanguinem subit? It sæpe symptoma illud in peripneumoniam & pleuritidem degener: unde observatum est ab Authoribus eos qui his morbis semel fuere afflictiiisdem sæpiùs corripi. Scybala ipsa, indurata,

rardum sibi moliuntur exitum, & plurima hæmorrhoidum, cephelearum, calculorum in vesicâ felleâ latentium minantur symptomata. Sæpe solvendæ isti densitati advocanda fuit hujus densi maximum solvens suppuratio, quam quidem exoptandam faciunt, ea quæ, ob maximum violentiæ gradum, vix possibilem designant solutionem, rebellia ut naturæ sic & artis præfidiis, symptomata.

At enim in aëre fervido, in laboribus præmaturis, in coctione perversâ atque fatifcente nulla est mutatio Epigenesim faciens magis, & symptomatibus terribilis, & sequelis metuenda, quàm quæ ab antiquis *atra bilis* dicebatur, quæ, sepositis omnibus veterum figmentis, nihil aliud oculis Observatorum & Physicorum offert, præter magma ex ardore præcedenti natum, &, liquidis exhaustis, in piceam quasi tenacitatem adactum. Illud sub hâc tenacitate acredinem propriam nactum est, ex ipso circuitûs qui ejus generationem & præcessit & effecit, impetu. Quod quidem vitium, licet ad bilem propiùs pertineat, potest etiam ad alios humores coagulabiles pertinere, si medios inter æstus & fervorem in corpore concitatum stagnaverint illi; unde, post erethisimum sedatum, remaneat humor vix in aquâ solubilis, qui nervos quibus infidet vellicet & concutiat. Imò, si solvatur aliquâ de causâ humor jam aquarum stygiarum acredinem adeptus, fit *atra bilis mota*,

*Attra bilis.*

*Attra bilis mota.*



quam in utero, in hepate, mammis, tumoribusque solitariis, antiqui observaverant, omnia sphacelo destruentem. Hinc etiam duplex Epigeneseon ordo nascitur: vel enim eas ingenerat morbus acutus, jam exactus, sed sine necessariâ ad sanationem coctione præviâ compositus; vel antea productam bilem atram atque silentem commovet & efferat affectus acutior, unde morbo per se leniori pernicipiei tessera inducitur. Sic glandulæ alicui obstructæ atque jam per præcedentem inflammationem induratæ, ubi tumultus inflammatorius additur, metus est maximè præsens suppurationis vel tardioris, vel celerioris, imò carcinomatosæ, hincque Epigenesis in teterrimam abit metaptofin.

Verùm si res altius aestimetur & spectetur per varios casus, fatebuntur omnes nullam esse spissitudinis ab humoribus contractæ speciem quæ non possit, si subitus ardor in morbis etiam cachecticis innascatur & incandescat, atræ bilis elementa concipere. Sæpe quoque hominibus jam hydropicam diathesin nactis atra bilis efferbuit, & omnia in pessimam gangrænam convertit. Nec semper aut Epigeneseon aut Metaptoseon naturam nacta est atra bilis: nam cœlo fervente & aestuoso, in corporibus aridis, atra bilis per se nascitur, notante rem Hippocrate observatorum naturæ antiquissimo. Imò si res moderatè sese egerint, contingere potest, quod legimus

Atra bilis  
etiam in ca-  
checticis.

Atra bilis  
sponte nata.

in historiis epidemiorum Hippocratis & in Galeni commentariis, ut felix fiat atræ bilis critica depuratio, quod rarum esse omninò iidem asseveravere. Imò aliquandò, ut in Coacis legimus, papulæ nigrescentes in ægroti salutem apparere, quod Galenus ad nostram mentem voluit intelligi. Attamen illæ, morbo sublato, peculiarem sibi curam postulare, Epigeneseon more, quas & formâ & sequelis expressere.

Præter jam memoratas causas Epigenesis illius, alia etiam annumeranda est. Solidis nerveis atque sensu gaudentibus exquisito inflicta labes, dum æquilibrium actionum tollit, dum coctionibus labem infert, sanguine per præcedentem crethismum jam densato atque inspissato, huic generandæ atræ bili ansam dat: unde duplicari symptomata necesse est, atque in scenas abire intuitu tremorem incutientes & spectaculum horrendum offerentes. Nec vacat istud præsentī periculo: si quidem vitium organicum & ab humorum vitio enascens sensationi auctæ superadditur, omniaque indè intentantur pericula, quæ, utrique causæ debita, sese mutuò acuunt, & in corporis detrimentum invalescunt. Quæ quidem sequela complicata, non rarò morbos acutos, pessimâ reconvalescentiâ, excipit. Illud tamen, in hâc effectuum densitatis quæ atram bilem constituit enumeratione, vereor,

Atræ bilis  
per nerveam  
irritationem  
creata &  
mota.

ne dùm observata prosequi, & ordini submittere aggredimur, probabilia tantùm sectari videamur, Boerrhaavianæque theoriæ nimis addictos aliqui insimulent. Nec diffitemur plures esse qui, neglectis Cl. Browne Langrish experimentis, densationem principiorum inflammatoriam admittendam negent. At eorum animadversioni observatio simplicissima apertè contradicit: cùm nullibi aut calor auctus, aut motus intensior possint concipi, quin simul adsint & subtiliorum particularum avolatio & approximatio densiorum. Adeòque à Galeno & antiquioribus artis magistris densitas hæc observata fuit, & communi consensu admissa atque comprobata, nec de meræ & ab omni utilitate vacuæ physices litibus, ulla nos sollicitabit cura. Firma stabunt & inconcussa observata, circa quæ curiosis licebit & ingenia exercere, & discipulorum animos imbuere.

Humorum  
colliquatio  
sive aucta  
fluiditas.

A putridi-  
tate.

Haftenùs quidem de spissitudine seu densitate liquidis inductâ satis actum est. Tenuitatem autem ita humoribus per morbos præcedentes inferri, ut jam partes inter se nec cocant nec cohæreant, per observationes nondùm satis constitit, nec per physices opem satis intelligitur. Certè forsan soli putredini proprium est, ut mucum illum, qui sanguinei laticis maximam partem constituit, ejusque corpus atque coagulum efformat, solvat & quasi corruptelâ eliquet.

Sed illa, ubi universalis est, mortem potius atque promptam perniciem invehit quàm ullam Epigenesim. Aliquandò tamen evenit ut, soluto erethismo, parteque fomitis putridi per vacuationes quascumque eliminatâ, remaneant putridæ labis vestigia, quæ maculas hinc inde inferant, cum ingenti pulsuum debilitate, dolore artuum inertium, hypochondriorum inflatione, & symptomatibus nervosis. Mox artus intumescunt, nigrescunt, erroreque loci partes rubræ sanguinis in negatos ipsius aditus devehuntur; unde, causâ fermenti instar in partes sanas agente, seque ipsam pro suâ naturâ adaugente & multiplicante, gangrænæ brevi metus imminet. Hoc vitium vulgò cum scorbutico conjungitur, & pro ipso accipitur, licet forsân minùs propriè, quanquàm symptomata communia plurima habeat: nam in hoc nostro malo tonica amara, & præcipuè cortex peruvianus, jure antiscorbuticis palmam præripiunt. In scorbutico verò serum acre perspiratorium crudius, quamvis in summâ ejus periodo eadem invehat mala, sua stadia lentius decurrit, plus dolorum ad articulos & ad ossa ipsa defert, plus etiam in thoracem & gingivas agit; putredinemque sibi adjunctam ubi consociavit, cum malo hîc descripto confundatur licebit, modò in decursu suo diversitatem admissam agnoscamus. Tenuationis illius exemplum vidi, vix ex physicis observationibus explanandum, post

In quo colli-  
quatio pu-  
trida differat  
à scorbuticâ.

Exemplum  
insigne.

abnormes febris quartanæ paroxysmos , pessimâ tractatos methodo. Intumuerant pedes , ventris cavitates aquâ turgebant , cessaverat febris. Paucis post diebus superveniens diarrhœa ingens , indefessâ , tumorem omnem , imò & ejus vestigia sustulit. Plaudebamus omnes : illicò gingivæ intumescunt , sanguine atro distentæ ; imò masticatio ipsa impossibilis prorsus evadit. Thorace libero , respiratione ad naturæ normam persistente , instantur mirum in modum manus , brachia , ipsaque facies. Dùm naturæ opitulamur urgemusque conamina ad scorbutum tollendum apta , oritur salivatio perpetua , noctû diûque indefessâ , subsident gingivæ , sed & simul restitat iners urina. Quantum salivæ exierit vix dici potest ; in domo opulentâ vasa ad cam excipendam deerant ; pellucida saliva illa erat & spumosa. Manus & brachia simul detumuerant ; sed corpus marasino conficiebatur. Supervenit demùm tussis , jamque primùm æger torquetur noctû diûque anhelitu. Viribus consumptis , pro ultimâ Epigenesi diarrhœa placidam morbo vitæque finem imposuit. An etiam ad tenuitatem referenda est , quæ à LIEUTAUD describitur *anæmia* , seu rubræ sanguineæ partis defectus , quæ , si observatur unquam , ad virium collapsum referenda est ?

Mutatio  
consistentiæ  
quælibet ab  
acrimoniâ  
serè nascitur.

Verùm sæpe sæpius , imò ferè semper , ut observantium munere fungamur , vitia illa , quæcumque fuerint , humorum nostrorum



consistentiam immutantia, à remotiori fonte pendent, acredine scilicet, quam ab externis mutuamur. Porro semel admissum acre quodcumque, solida quidem vellicando atque irritando actionem suam exerit: sed pro naturâ vitiatî liquidî, pro coctione atque secretionē diversimodè affectis, differt quoque ipsa irritationis forma, typum singularem induit, variantur ejus effectus; imò & parti cuivis ut suus est sentiendi modus, ut sua est cum partibus externis analogia & quasi attrahendi facultas, ita phœnomena variè admodum excandescunt. Horum porro signa ex physicis facultatibus cum corpore animali collatis ita exquisitè recensuit BOERHAAVIUS, ut viri illustrissimi doctrinæ aliquid addere piaculum foret. At nemo negabit hisce partibus diversam sedem ita affectari, ut ab aliis cruor solvatur, ut sunt salia alkalia volatilia, quorum à nimio usu, errores loci, hæmorrhagias, urinarum fœtidarum proventum, erysipelata, & vibices vidi contrahi, & solventem accersi putredinem: ab aliis contrà adipem liquecere deprehendes, & in saponaceam putrescentem massam converteri; unde nascatur fluxus biliosus, qui, hepatis substantiâ alioquin intactâ, hominem brevi perimat macritudine. Hæc facultas non solum alkalinis salibus propria est, sed omnibus substantiis quæ virtute etiam saponaceâ pollent: adeps ipse, etsi aquæ consortium respuat, mediantibus

Actio  
acrium in  
sanguinem.

In adipem.

tamen salibus, in saponem bilemque vertitur. Ab ejus solutione contra naturam factâ, plurimos pendere hepatis morbos author est Meadius, non infimi certè ordinis Medicus. Inde sæpe temporibus æstivis & summam inducentibus acredinem cholera-morbus supervenit, quæ pro Metaptosi & pro Epigenesi, dysenterix, & præcipuè diarrhœæ biliosis, supervenisse in medio luis epidemicæ jam antea constitutæ, visa est. Imò, si fluxui huic aliquod sese opponat quâcumque de ratione impedimentum, icterus per urinas solvendus Epigenesim morbo metuendam magis efficit; quod ab imprudenti medicinâ ita aliquandò factum vidimus, ut ab ipsâ, hepati labes diuturna fuerit altè inusta.

Et certè ex omnibus causis quæ Epigenesim in morbis jam constitutis efficiunt, nulla est aut  
**In** bilem. sævior aut frequentior bile, in quam, ut & in ejus fontem adipem, nullum est sal, nullus sapo, nullum oleum quod non agat atque ejus qualitates intervertat, sive in principio, sive in decursu morbi, sive in tempore criseos, sive demùm etiam morbo exacto. Hinc tot icteri, tot fluxus alvi biliosi, viridescentes, inflammatorii, porracei, nigri; tot maculæ oculos, cutem, artus & pedes occupant & faciem dedecorant, etiam cum pristini morbi levamento. Ab hâc demùm causâ tot mala in hepar & lienem decumbere videntur, in morbis, tum universalibus, tum qui peculia-

res sunt abdomini, tùm etiam in gestatione, in quâ sæpe maculæ luridæ, flavæ, imò & icterus nunc faciem, nunc totum corpus deturpant, partu solvenda. Nonne etiam lac, humor per se efformatus ad naturæ ordinem, & ad nutritionem corporis comparatus, si sale aliquo pejoratur tenuaturque ocyùs quàm natura imperat, illicò mutatur & pervertitur in variam excrementorum formam, & nova jam elementa, novam acredinem sanguini sufficit, ad varia, pro mutantis partis indole, corporis incernicula deferendam?

In lac.

Cogere varia humorum elementa eaque in coagulum efformare licet possint famosa illa acida mineralia, tamen circulantis sanguinis impetus effectum hunc præpedire atque prævertere aliquâ parte debet. At certè ab acidâ horum facultate etiam mitigatâ, facultas aliqua naturæ animali additur, quâ possint ad se adduci, & ab aqueo fluido incoagulabili sejungi atque separari sanguinei laticis elementa. Quòd eò plus locum habere debet, quòd austera illa ab his conflata corpora, dùm fluida velutî cogunt, possunt etiam fibras ad se adducere, unde meliùs fluida pars exprimitur.

Actio acidorum in sanguinem.

At in bilem præcipuè, contentosque & affluentes in intestina humores, actio acidæ luis evidens est. Ab hâc protinùs bilis, viridescentem colorem nacta, chlorosim constituit & icterum quasi decolorem. Morbi

In bilem.

Acidi spon-  
tanei effectus  
in varias  
partes.

omnes ab acido spontaneo nascentes, ructus, flatus, vomitus, dolores ad articulos, mesenterii obstructions, adipis coagula in steatomatosam duritiem, concitant; qui quidem secundarii effectus, morbos ab infantum dentitione, in quibus fermenti acidi præsentia evidens est, concitados sequuntur ita evidenter, ut in re cognitâ longiùs immorari inutile prorsùs sit. At saltem licitum sit hîc paulisper animadvertere, quàm facilè mucus ille tenuis, lymphæ qualecumque corpus, qualemcumque visciditatem concilians, acidum illud imbibat, & ad varios glandularum fontes deferat atque deponat: unde sæpe, ex ipsius naturæ depuratione, ad infantum cutem acidum illud rancidulum factum deponatur.

Rancidi  
acris effectus.

Rancidum acre volatile observatur quoque sæpiùs post morbos, pruritus efficiens ad cutim, fœtens, putridum, appetitum destruens, vires prosteruens, feбри accendendæ sudoribusque viscidis inducendis aptum; estque vulgare melancholiæ præludium, aut illius quem descripsimus scorbuti. Acidum evidenter aphthas, & in morbis, & post morbos nascentes comitatur. Genua contundit, ossa debilitat, turpem & multiplicem vermium variorum prosapiam infert, promptiorem quàm crederes inexpertus. Acidi illius in veram & pessimam, imò celerriam putredinem exitum universa natura, in vegetantibus cruciferis, in aquis cœnosis & stagnantibus paludosis, demonstrat.

At nullo alio vitio salino adeò facilè lymphapha imbuitur atque muriatico, qui ubi tusses acres, clangosas, pituitosas, rodentes, suffocationes, anhelitum concitavit, in cute pruritus, pustulas, ulcuscula, potiùs pro Metastasi quàm pro Epigenesi, deposuit. At verò patet inde satis superque, quòd, quantacumque fuerint acredinis vitia, agunt tamen illa forsan magis in solidas partes quàm in fluida. At vix ulla eorum in fluida concipi potest actio, quin principiorum ordinem mutet, adeoque consistentiam illorum pessumdet; alioquin acre quodcumque sub excrementi formâ è corpore eliminabitur.

Acris muriatici in lympham actio.

Præterea verò annotandum est quòd, etsi illi acredinum fontes à sapientissimo Boerhaavio indicati, gradu, miscelâ, corporis antea actâ conditione mutati, possint millenis Epigeneseon causis ansam præbere, non tamen ab illorum perpensâ consideratione possint omnia solvi problemata, circa ea quæ in corpore fiunt, sive morborum, sive Epigeneseon titulo. Siquidem nec satis intimè cognoscuntur partes ipsæ fluida constituentes, nec earum mutatio, nec organorum mutantium actio. Unde illi qui sese simpliciter observatorem profiteatur id tantum incumbit, ut accuratè teneat quid tulerit constans observatio. Cætera omnia acria, seorsim ab erethismo spectata, ad classem venenorum incertam illam nec determinatam satis, referuntur.

Alia multa ad certas acrium classes referri nequeunt.



Veneno-  
rum nomine  
distinguan-  
tur.

Sub venenorum nomine liceat hîc illas omnes partes alienigenas comprehendere, quæ, licet corpus immutent, ad classes tamen evidenter cognitæ non omninò referuntur, adeoque proprium sibi antidotum menti offerre non valent. Ea porrò venena, ab externis primariò desumpta, ratione mechanicâ, licet sæpe incognitâ, aut in partes nerveas, quod quasi universale & commune ipsis est, aut in fluida agunt, quorum naturam pervertunt.

Venena in  
corpore ipso  
nata.

Eæ autem partes lethiferæ duplicis generis sunt. Aliæ intrâ corpus ipsum aut nascuntur, aut saltem contagio receptæ, factæ veluti cum humoribus nostris connubio, crescunt simul & evolvuntur; aliæ verò fato extrinsecus inductæ, naturæ magis infensæ, ipsam actione rapidâ pervertunt & destruere valent. Priores in corpore animali natæ, fortæ, educatæ, hanc aromatum quorumcumque naturam sibi fortiuntur, ut (licet eam volatilitatem, actione sive animali, sive etiam vegetabili prægressâ, natæ sint, quâ ab aliquo corpore ad aliud deferri nihilominus valeant) viscidis humorum principiis pertinaciùs adhæreant, remanente fixâ & indelebili illâ nocendi proprietate, non faciliè menstruis delendâ solventibus Fermenti more agunt, & pro conditione corporum in quæ incidunt illæ, proprias crises sibi vindicant, proprias Metaptoses, Epigeneses proprias. Sit pro exemplo Epigeneseon pestis illa variolarum quæ, una & ab unifor-

Variolæ,

mi

ni principio orta, muco volatilitatem propriam indit. A benignâ oritur maligna maximè: ista benignam ingenerabit. At in junioribus, aciditati infantili venenum illud junctum, novam contrahit indolem, rancidum, acre, putrescens, colliquans, ad nullas classes cognitas referendum, muco mutato. Ab hâc unione mille Epigeneses, nec semper facilè destruedæ suboriuntur: in his oculi cæcantur, articuli concresecunt in illis; in aliis ulcera maligna, gangrænæ succedunt. Quid multa, nullum est ex diversis imò & oppositis generibus malum, quod non & matres terrore oppleat, & ægros periculis ambiat. At hæc prævidere, non ex ipsâ variolarum contagione, sed ex corporis prædispositione, & varias Epigenesium formas augurari licet. Hinc ipsa pestis famosa illa & adeò metuenda contagio unâ tempestate sævit, alterâ conquiescit, mox rediviva redeunte æstate, ut apud Athenienses pridem observatum à THUCYDIDE aliisque præstantissimis Authoribus fuit. Et etiam in ipsâ pestis ferocientis vehementiâ, corpora alia plus aliis laborabant & periculosius decumbebant: adeò verum est magnam inesse in venenorum horum effectibus differentiam, pro variâ corporum in quæ irruunt conditione. Ita etiam in ipsâ variolarum peste, sæpius constitit illas esse aliquandò gentilitium quibusdam profapiis malum atrocissimum, dum contrâ videntur in eâdem constitutione

Pestis.

Miliaris  
eruptionis  
materies.

epidemicâ aliorum cutem lambere. Certè omnibus in quibus materies illa superexundat, Epigeneses multiplicatas fieri necesse est. Sic sæpe, sub Epigeneseon titulo, in ferventissimis morbis, venenum intùs enatum miliarum eruptionem efficit, nec criticam, nec utilem, quam semper vitiato locorum in quibus decumbunt ægrotantes, nec renovato aëri tribuendam esse, forsan nimis universalis axiomate pronuntiavit vir nuper doctissimus. Cujusquidem miliaris febris loco toties erupere maculæ, vibices, petechiæ, aliaque eruptionum genera, quæ, excrementorum intùs retentorum vice, multoties sub merito veneni titulo natura ægrotans ingeneravit. Imò sæpe Epigeneses illæ, verè excrementitiæ, sub finem morbi apparent; hincque Metaptoseos nomen mererentur, si aliquatenus morbi essentiam immutarent. Imò quod sub Metastaseon nomine aliis salutare esse potuit, quidni ab aliis contagii nomine potuit imbibiri? Id certè in rerum naturâ, licet rei modus nondum oculis patuerit, evenire necessum est, ut quod priora contagia sparsit corpus, ea à se ipso concepta proprioque vitio confecta, sibi prius perniciofa senserit, à quo scilicet ferax malorum scaturigo sumpsit originem. Id locis & constitutionibus peculiaribus proprium, in magnis illis pestiferæ luis exemplaribus, cur non in minoribus & momenti non adeò gravis morbis, cur non in clementiori cœlo

Contagiosa  
generatum  
miasmata.

nostro deprehenderetur? Certè, si à morbis acutis ad chronicos à veneno aliquo ortos nostra sese ferat inquisitio, in pluribus phthiseos pulmonaris speciebus signa contagii, adeoque veneni, reperire est, degenerisque illius; ita ut multoties ancillas phthisi laborantibus & ab hâc mortuis fœminis assistentes, postea gravi pulmonum & diuturno morbo laborantes deprehenderimus, nec tamen ipsi, si præsertim fuerint aëris liberioris & salubrioris usurâ donatæ, occumbentes.

Phthiseos  
contagium.

Porro morbi omnes illi qui à particulis alienigenis pendent indomabilibus atque venenatis, Epigeneses præter alios morbos experiri valent: quippe conatibus naturæ, sæpe ad scopum inutilibus, & effectibus inde oriundis universim constant. Nec tamen effectus illi, dum naturam morbi non valent mutare, naturam tamen sanguinis & humorum non mutant, sed contrà variare cogunt. Unde tot pustulæ, tot pruritus, tot exanthemata nascuntur. Cruor, in variolis secundo & tertio die jam crustâ obtegatur inflammatoriâ, quæ prius non aderat. Idem accidit omnibus morbis qui phlogosim sibi comitem adsciscunt. An inter Epigeneses recensere licebit varia partium omnium symptomata, quæ pro diverso humoris decubitu, possunt exoriri? sic, verbi gratiâ, arthriticus fomes, qui pedes & erysipelate & phlyctœnis plectit, in alias partes aliis sese crudelem præstabit phænomenis:

Epigeneses  
ab his oriundæ.

morbi causa eadem est, morbus non idem. Sed, an dicendum est quod res est? Nullus est febrilis tumultus, qui non, etiam si simplicissimus sit, Epigeneses ingeneret; & quò pars est debilior, eò & propensa magis ad eas suscipiendas; mutatur autem per decursum morbi excrementitiæ partis & copia & natura. Affectus catarrhosi, quos ut sæpe epidemicos fateri necesse est, sic contagiosos esse semper diffiteri arduum est, nonne dùm febrilem æstum ingenerant, Epigenesibus in labra, in oris & faucium interiora, & ad articulos vexant miseros ægrotantes? Verùm istæ Epigeneses nullâ ratione apparent, ubi, sedato morbi tumultu, partes laxantur.

Venena  
extrâ corpus  
nata.

Violentio-  
ra Epigene-  
ses non fa-  
ciunt.

Aliæ verò dantur venenatæ partes, quæ intrâ corpus aut fato, aut malignitate introducuntur. Hæ, ingenti ut plurimum efficacîâ donatæ, corpus ita destruunt, & in universum illud ita potenter agunt, ut jam Epigenesibus, in tantâ symptomatum multiplicatione, locus non detur. Multiplicantur quidem, sed celeri & lethali decursu partes illæ venenatæ. Omnes simul partes, & solidas sentientes, & fluidas, ita adoriuntur, ut omnia prorsus mutata appareant. An, in horrendis illis qui à morfu rabiosi animalis pendent paroxysmis, notanda est aliqua Epigenesis? An aliquid à causæ effectibus diversum in serpentis caudifoni, aut etiam viperæ vulgaris morfu? Omnia patiuntur & labefactantur æqualiter. At res non



eadem omninò est , quoties primus afficitur  
 ventriculus : sæpe enim receptam labem ipse  
 vix sentit , ut in plantarum aut animalium  
 quorundam usu : at , ipso vix per se patien-  
 te , ejus sympathia nunc in caput , nunc in  
 pulmones aut intestina redundat ; & , nisi vo-  
 mitum concitet nauseosa , vix alii sensui exci-  
 tando aptior , causa , somno correptus æger  
 inter spasmos occumbit. Sæpe in cutem im-  
 pressa stomacho lues fertur , ut ab hepate piscis  
 squali catuli Sauvagesius noster observavit ;  
 sic & aliquandò in usu imprudenti mytulorum  
 minùs recentium subitò cum ingenti pruritu  
 pustulas enasci videmus , quæ , vix in ventri-  
 culum admissis mytulis , illicò tamen ægrotan-  
 tes afficiunt. An verò in morbis aliis quorum  
 causa non adeò evidens est aliæ similes Epige-  
 neses enasci non possunt , quæ , licet minùs  
 huc usque observatæ , possunt amplum obser-  
 vationibus campum aperire ? Eas diagnosis ab  
 ordine cæterorum symptomatum facilè se-  
 jungit atque distinguit , si cum causâ morbi  
 nullum obtineant nexum , nec morbo ipsi ,  
 nec ejus levationi ullo modo opem ferant.

Epigeneses  
 ab his quæ  
 in ventricu-  
 lum agunt.

Et certè , si res propiùs inspexeris , licet &  
 solida & fluida , si seorsim atque sejunctim  
 spectentur , possint & symptomata & Epige-  
 neses concitare , patet ex attentâ observatio-  
 num prædictarum meditatione , nullam sic pro-  
 priè dictam enasci & observari Epigenesim ,  
 quæ ab his in illa non traducatur , dùm à va-

Solido-  
 rum & flui-  
 dorum in  
 Epigenesibus  
 producendis  
 concursus.

forum actione immutatur fluidorum natura, dum à fluidorum perversitate motus & actio vasorum vicissim vitiuntur : ita ut circulus hic lædens inter causas & effectus statuatur. Imò, quod dolendum magis, datur actio partium quæ huc erethismus, illuc inertiam inferat : sic in morbis soporem inducentibus stuporem convulsioni remixtum observamus, nec minùs in putridis & venenatis quibuscumque morbis. At enim tot mutationes phænomenorum omninò diversas in primis suis elementis enodare vix possibile est, cum lateant nobis primæva rerum elementa & eorum actio tantum per effectus possit dijudicari ; quantumvis huic imbecillitati non denegandæ quandòque repugnet superbia Doctorum fastuosa, theoriasque sæpe præmaturas observationi substituere magno simplicium illarum observationum detrimento, non dubitaverit.



## CAPUT TERTIUM.

*De Epigenesibus quæ pendent à causis  
accidentalibus.*

VITIA huc usque intus nata vidimus ab ipso corporis mechanismo variatâque ejus constitutione pendentia. Sed multæ dantur etiam aliæ causæ, morbo quidem necessariæ ac nullâ ratione vitandæ, quæ Epigenesim afferant, eamque multiplicem. Ut enim aiebat HIPPOCRATES medicinali observationi necessarium esse intuitum tum ægroti ipsius, tum adstantium, tum externorum quorumcumque; ita ea omnia, seorsim spectata, afferre Epigeneses posse, secundum Præceptoris nostri mentem, adeoque seorsim esse ponderanda ratio indicat. Externis ergo agentibus quibuscumque spectandis tempus aliquod, ut totidem Epigeneseon causis concedamus. At, ut primum & præcipuum locum in diversitatibus inferendis sibi jure vindicant ea corpora quæ sub medicamentorum nomine designantur, de Epigenesibus quas inferre valent primo differemus articulo. Postea verò altero eas quæ à quibuscumque externis concitari possunt exequemur. Primo methodum medendi prosequemur; altero tum alimento-

rum potestates, tùm facultates earum rerum quas sub non naturalium nomine recepto vocabulo scholæ intelligunt.

---

## ARTICULUS PRIMUS.

### *De Epigenesibus quæ à medicamento- rum actione pendent.*

Medica-  
menta sine  
naturæ ad-  
miniculo ni-  
hil valent.

**M**ORBUS nullus est, corporis functionibus immutatis atque à legitimo facultatum ordine deturbatis, machinam lædens, qui, ut levetur atque persanetur, viribus, & actione naturæ non indigeat. Imò sine naturæ actione efficaci nulla potest intelligi curatio. Nam oneris parti minuendæ, vincendisque obstantibus repagulis, oblata à summo rerum conditore medicamenta possunt quidem juvare laborantem naturam, eam erigere titubantem, imò & ipsius exsuscitare vires; at in illius locum penitus succedere non possunt. Illa etenim pauca & vix cognita specifica, dum adversâ fronte cum materiâ lædente pugnant, & ad ipsam destruendam conformata videntur, novas exerere non possunt materiarum formas sine ipsius naturæ actione, per quam minùs lædens efformatur excrementorum genus, cujus ope coctione quâdam partes illæ excre-

mentitiæ in formam naturæ propriorem finguntur, atque ita heterogenea ab homogeneis sejuncta repelluntur extra actionis naturalis centrum.

Præterea, in tantis rerum circumstanti-  
 tenebris, ut effectus adeò salutaris sine ullâ  
 erroris formidine posset sponderi, noscenda  
 foret quasi mathematicâ demonstratione pro-  
 portio quæ extat inter corpus lædens & ei  
 appositam medicinam. A quâ veritatis normâ  
 adeò nostra distat imbecillitas, ut observator,  
 vel maximè attentus, vix possit de actione me-  
 dicamenti in hoc illudve corpus certò ali-  
 quid pronuntiare & fidentius asserere, unde  
 multa vixque devitanda nascuntur ab ipsis  
 medicamentis incommoda, quæ Epigeneseon  
 titulo merito gaudent. Mutanda scilicet est  
 natura corporis ægrotantis, & mutatio illa  
 causæ lædenti in ipsâ suâ oppositione propor-  
 tionalis esse debet: secus enim extaret per se,  
 ut cum Hippocrate loquar, & præmineret  
 alienigena & hostilis remedii materies. Quid  
 verò, si natura, omnibus conjunctis & cons-  
 pirantibus viribus, ad certum scopum alla-  
 boret & in hunc unum intendat, certè non  
 jam de virtute medicamenti erit disceptandum,  
 sed de ratione quâ tum in morbum, tum in  
 naturam agit; & quod sæpè, antè positum  
 certamen illud morbum inter & naturam, uti-  
 le esse potuit, constituto jam erethismo,  
 naturæque, pro singulari corporis mechanis-

Epigeneses  
 à malè perf-  
 ectâ ple-  
 rumque me-  
 dicamenta  
 inter &  
 morbum  
 proportionem.

Ab adhibi-  
 tione intem-  
 pestivâ.



mo, vias tentante prorsus novas, irritatione inutili superadditâ nocebit: quod de specificis, laudem hanc sibi jure vindicantibus, kinâkinâ & mercurio, toties observatum est, ut fusius in hâc nostrâ inquisitione arguendi sese dabit occasio.

Ab eva-  
cuantibus &  
alterantibus.

Recte quidem hic scholæ dividunt medicamenta in vacuantia & alterantia. Priora expulsiorem oneris molienti naturæ succurrunt, nocentisque molis pondus, quoties sese occasio præbet, quam præcipitem vocavit Hippocrates, aut tollunt, aut minuunt. Alia corpus immutant, novumque solidis mobilibus, actionis genus imprimunt, aliam fluidis indolem conciliant. Utrique huic medicamentorum generi sua constat utilitas: in utroque ars & methodus, quæ sola medicos efficit & præ cæteris extollit, adhibenda est, ne à scopo aberrant medicamenta. Illa enim ad immutandum corpus per se & à naturâ instituta, possunt etiam, pro variâ eorum administratione, aut illud utiliter immutare atque convertere, aut contrà in perniciem pessumdare, imò plus quam par est aut res postulat immutationis afferre, aut contrà suspensâ nimis actione agere, quod quidem levius est peccatum, si quidem in medicamento admissio leviori & nocumentum per se minus est, &, addito auxilio, reparatio faciliior, raroque fit ut talis prudentia possit in artis opprobrium converti. Nam, ut ait Hip-

pocrates , à juvantibus & lædentibus legitima est agendi indicatio.

Præcipuum certè & primarium locum venæ sectioni inter medicamenta vacuantia cum Galeno tribuimus. Hæc magnis & acutis, præcipueque inflammatoriis morbis, auxilium præsens: grassanti adolescentium robustorumque plethoræ, aut sanguinis à quâcumque causâ rarefactioni ità certò consulit, ut qui eâ carere atque destitui, præjudicatâ opinione cœcus voluerit, experimenta per mortes aget. Nec ullo alio præsidio levatur facilius solidorum tensio illa vibratilis, calorem ardoremque, imò incendium inferens. Nec minùs certè profuit in congestionibus illis tardioribus, quæ sine ullo notabili erethismo, at cum tardâ peculiarique phlogosi partes aliquas opprimunt, solvique se inductâ subitâ laxitate postulant. Quod quidem pulsum tractanti, viresque naturæ expendenti medico sæpè multùm laudis attulit, dum plethora in parte congesta tardius & obscurius ibi non inflammationem tantum dissimulat, sed inertiam videtur accersere & cachexiam inferre. Id quotidie videmus in virginibus nundùm adultis.

Verùm in celebrandis venæsectionis laudibus non ita nos BOTALLO jungimus, ut ali-quod ab ipsâ nasci posse negemus incommo-dum, sive in ipso decursu morbi, sive ipso jam exacto. Morbo enim superato, omnes

A vacuan-tibus. Venæ sectione.

Ejus com-moda in acu-tis inflam-matoriis.

In lentis phlogosis.

Epigeneses à venæ sectione si nimia adhibeatur.

à venæ sectione immoderatè adhibitâ , quæ hæmorrhagias nimias excipiunt , Epigeneses pertimescimus , & eam , quæ , tono sublato , sequitur , atoniam. Scilicet vasa omnia laxantur prætermodum , vix premuntur liquores contenti , & quæ functionibus instaurandis necessaria est æquilibrîi distributio , atque resistantiarum cum actione compensatio , deficit. Indè , post inflammationes , quamcumque partem adortæ illæ fuerint , atonia parti afflictæ competit ; post deliria phrenitica , infantia , cum perpetuò renovatis coryzis , lacrymis sponte prodeuntibus , animique imbecillitate ; post pleuritides anhelitus , aut perpetui , aut periodicè recurrentes , & bronchiorum vix coquendæ plenitudines , raucescines , aphonix , dolores ab actionis inertîâ repetendi , cordis tremores : post hepatidem , icterus iners , alvi constipatio , renum impedimenta , bilis in vesicâ felleâ retentæ induratio , & hepatis scirrhus ; post inflammationes abdominales , lienterix , dysenterix , diarrhœæ , fluxus cœliaci , & scirrhus ad hydropem deducens. Præterea verò si hostilis humor , quicumque sit ille , sive à perspiratione suppressâ ortum habuerit , sive à fomite aliquo natalia traxerit , hujus sit naturæ , ut , post sublatum erethismum , possit in obscurioribus incerniculis sine noxâ præsentî delitescere , & accisis viribus , primò quidem dissimulatos & perfidè silentes , sed mox , inf-

Si præ-  
postera.

taurante se robore, renovandos effectus arcessere, remanebit intus lues dato tempore formas inditura varias, & morbos, viribus instauratis, producet diversâ larvatos formâ cutaneos, suppurationi habiles; & tandem, post varios casus, phtisin, aut hydropem invehet: tantæ molis est vires naturæ non omnino prosternere & quasi extinguere.

At verò in ipsâ etiam morbi acutè sævientis <sup>Si in morbis venenatis.</sup> violentiâ, non semper innoxia erit venæ sectio. Si enim, ut fit aliquando, in venenatis morbis, sub inæquali erethismo & quasi momentaneo, dum omnia in furias ignemque ruere videntur, lateat vera debilitas, à putredinis afflatu nata, nullaque naturæ fiducia habenda sit quam victrix opprimit causa, quantum nocebit quod naturæ superest virium debilitare, & inertiam inductâ eam relaxare potentius, atque deficientis vires proterere. Quod quidem sæpè accidit, dum una quidem pars phlogosi laborat, at fatiscit reliquum corpus debilitate inductâ; tunc enim prudentis medici solertiæ reliquendum, an satius sit anceps remedium experiri, quàm ægrum certæ morti relinquere. Nullum certè crimen remordebit conscia mens rectum quidem non assecutis, sed meditantibus attentè & prudenter expectantibus.

Verum ut à casibus illis in quibus mors <sup>Si naturâ crasim meditante,</sup> pro Epigenesi est, ad mitiora deferamur, antequàm sanguinem fundendum suadeat

medicus, certè ejus erit prudentiæ ex signis hariolari, an non natura meditetur crisin, an non etiam certas affectet sanando ægrotanti vias. Nonne enim, dum naturæ directiones immutat malè consulta venæ sectio, dum vires laborantis & penè victricis naturæ affligit, speratum eludet illa successum, turbatque naturâ, aut longior, aut sævior recrudescet morbus, &, pro crisi jam arripiendâ, surgent metaptoses vix aut saltem imperfectè criticæ, accedent Epigeneses, coctioni interruptæ succedaneæ: scilicet huc illucve feretur materies quæ decumbere jam moliebatur in partes minus momentosas? Tunc omnia mutata excrementa miscebuntur sanguini: hinc iæterus, dysuria, delirium, anhelitus, omniaque novæ periodi percurrendæ signa exardescunt, in medici opprobrium & ægri fastidium, symptomata. Hinc rectè edixit Hippocrates, judicatoria non judicantia partim lethalia, partim difficilis judicii. In mitioribus enim hisce casibus per morbi longitudinem natura se à periculo vindicabit, & morâ curæ sese præstabit à fato instanti immunem.

Epigeneses à venæ sectione ex loco non convenienti factâ.

Nec verò inutile hic est cum antiquioribus ponderare quo ex loco extundendus sit sanguis, nec negligendæ statutz à practicis observatoribus revulsionum leges. Non locus erit hic varias physiologicè non negligendas revulsionum leges expendere, nec cum BRIS-  
SOTO in explanandis HIPPOCRATIS & Græ-



corum sensibus ad Arabum doctrinam collatis insudare: sed ægros non attentè observaverit, quicumque negabit posse in partes congestas & inflammatione aliquâ latente jam tentatas sanguinem periculose deferri, si statim ex proximis vena tundatur, nec ullam esse crediderit habendam rationem directionis quæ sit à parte in partem. Venam è saphænâ, in capitis affectibus, plus levaminis extusam afferre quis neget? Eadem saphænæ sectio in uteri affectibus, si menstrua non advocet & sic solvat morbum, Epigeneses efficiet metuendas, merè hystericas. Eadem, in vesicæ urinariæ affectibus, dysuriam elicit, ut vidi, singultumque ac vomitum in ventriculi læsionibus inflammatoriis. At ubi jam malum deferbuit, vasaque minùs plenitudine laborant, quousque fugiendum in morbo crudo & recenti auxilium, possit postea conferre, nostri non est instituti hìc prosequi; quippe argumento quod nihil ad Epigeneseon doctrinam conferat.

At certè pejora multoque metuenda magis mala impendent ab omisâ inconsultò venæ sectione. Nam quod artis auxilium, regendo atque minuendo erethismo aptum, rupturam vasorum præcavet, phlogosin tollit, organorum immeabilitatem prævertit, secretiones revocat, stricturam fibrarum arctantem atque comprimentem omnia laxat & compescit, ut inde & humorum coctio & crisis absolvi

Epigeneses  
ab omisâ  
venæ sectione.

queat, si omittatur, proh! quantum miseros manet infortunium. Arctantur & stringuntur omnia, caloreque exusta concreescunt, vasa coalescunt, polyposæ in majoribus cavitatibus massæ congeruntur; partium molliorum & quæ pressioni vasorum obnoxia sunt compressio vires opprimit. Prætereà nulla est pars, cujus tonus, à violentis motibus distractus, infringi non possit atque in atoniam inertem abire. Hinc notatur illos prætermodum debiles esse qui à morbis inflammatoriis sine venæ sectionis auxilio reconvalescunt. Ab hisce porrò causis Epigeneses multæ, obstructionum sæges ampla, melancholia, nephritides, calculorum generatio, ne de Metatopsibus loquamur quæ hic minimum certè locum non occupant. Præclare à naturâ cum hæmophobis actum est, si surgant hæmorrhoides turgescantque ac fluant, si narium emicet hæmorrhagia, si menstrua alienis temporibus mulieres liberent. Nam certè nunquam sibi innoxie novas cudit vias sanguis: quippè si in parte cujus integritas servanda est rumpitur vas aliquod, fractum vas cicatrice arctiori obductum naturales vias arctat, plethoramque parti arctatæ propriam inducit, semperque præsens renovat redituri mali periculum. Sic iis qui, juniores, è naribus plures subierunt hæmorrhagias, dolores capitis frequentes adultioribus emicant. Cedunt ii hæmorrhoidibus seniorum, quas excipiunt aut

morbi arthritici, aut cutanea depuratio ad usque decrepitam ætatem perdurans.

Ex his observatis satis intelligitur quantum sæpè venæ sectionem tardare malum sit, in quâ quidem operatione perficiendâ ingens idiosynchrasæ peculiaris ponderatio habenda. Nec tamen negandum est posse etiam imprudenter eam multiplicari; sic enim laxationis nimix periculum inducitur, imò &, ut in laxatis vasis plethoræ elementa facile accumulatur, uberiusque adeps in his per textum cellularem elabitur, Epigenesis est incautæ & multiplicatæ venæ sectionis tarditas, laxitas, obesitas. Undè certiùs & meliùs, ad mentem medicorum antiquorum vincitur plethora, sive juvenum illa sit, sive eorum qui lautè & opiparè vivunt in molli cæteroquin otio ab exercitiis vacuo, per usum sobrietatis vitæque tum strictioris, tum simul exercitatæ; modò huic vitæ, ad sublevandam atque destruendam plethoram, præluserit, tempestate præsertim fervente, venæ sectio non illicò per epulas lautiores reparanda, sed moderatâ rerum replentium eliminatione prosequenda.

Quascumque verò Epigeneses in morbis ab imprudenti venæ sectionis administratione fas est pertimescere, eas à purgantium abusu pendentes reperire non rarum, quem adeò reformidabat HIPPOCRATES & vetustissimus libri DE VERATRO author, ut circà ipso-

Epigeneses  
à purganti-  
bus.

rum usum sapientia & pluries repetita præcepta posuerit. Catharsis enim non ex naturæ præceptis auspicata, de viribus eo magis detrahit, quòd liquidiora quæcumque, quæ coctioni materiæ mortificæ vehiculum suppeditarent, extrà corpus rapit; quod salutare naturæ nixus aut antevertit aut disturbat; quod etiam potest tumultuosum erethismus per longam intestinorum seriem concitare; ità ut ordo naturæ, in unum conspirans finem, locum jam habere non possit, atque, divisâ materiæ morbificæ actione, & virium resistentiis partitis, duæ in corpore intentiones reperiantur, & sic cruditas, eaque inflammatoria invalescat.

A vomito-  
riis.

Quod autem hic de catharticiis proferimus cum antiquis præceptoribus nostris, de vomitoriis intelligere fas est, quæ quantum crudo adhuc præsertimque ad Hippocratis mentem turgescente morbo prodesse per experientiam cognitum est, tantum etiam nocere debent, quoties aut stringuntur erethismo ariditatem indè nacta organa, aut alias suscipiendas affectat vias natura, ut satis intellectum confidimus. Hinc ægris à morbo etiam resurgentibus, atque, ut apparet, sanatis, tot reconvalescentiæ fallaces, tot impendent Epigeneses. Imò sæpè, illatâ in ventriculum materiâ, singultus, vomitus in habitum ducti, febres Lipyriæ, aut saltem postea accisus ventriculi tonus, & ad

actionem debilitas inducta, de quâ tot ægroti præsertim arthritici queruntur. Quæ quidem nunc metaptoseon nomine designantur, nunc pro Epigenesibus haberi debent. Nec solum arthritici querelas illas repetunt, sed etiam alii morbis à ventriculo diffitis laborantes. Undè semper ex arte medicorum prudentium erit hisce methodis imperitare. Præter enim omnia jam prædicta Epigeneseon genera, aliud nobis offeretur à purgantibus & emeticis incommodum ab HIPPOCRATE prævisum, dum ait; *alvi densitas, cutis raritas*. Nam, demonstrante per experimenta effatum illud Hippocraticum illustri SANCTORIO, mirum est quantum alvus à cute divertat, unde ubi diarrhœa per artem præposteram contracta est, vix ulla jam per externam cutim arefcentem sibi promitti potest depuratio. Porro frequentissima hæc est de causis Epigeneses efficientibus & quidem durabiles. Si quidem quantumvis in corpore humano ex evacuationibus altera alteri supplere videatur, tamen, ubi, præ defectu liquidi secernendi, elanguit aliquod organum, formam mutant ejus vasa nec habilitatem servant ad legitimas efficiendas secretiones. Prætereà si, multiplicato mechanismo, conspirantibusque viribus, ea sit naturæ actuosæ intentio, ut per omnes simul vias excretorias abigi & expelli morbi materies debeat ritè præparata, an secure poterit ars unam sibi assumere & præ-



tollere viam humoris excernendi? An non supererit aliqua pars ad reliqua organa apta minus, quæ cacochymiam in vasis efficiat, lentam forsan, sed veræ Epigeneseos titulo renovandam? Undè obstructions, coctionis læsio; jureque, nec uno titulo, de nimium frequenti catharseon usu pronuntiavit CELsus, assuescere ab hoc usu non ali corpus; sublatâ scilicet nutritionis materiâ, & pessumdatis ejus instrumentis. Undè sæpè, ab hoc imprudenti abusu, cachexia, atque scorbuto affinis acida partis ossæ debilitas, artem hanc sine arte secuta sunt, nullaque post aliam vacationem tam subita, difficile reparanda infirmitas ægros invadit, ut omnium omnis ævi medicorum observatio non refellenda demonstravit. Fatere tamen rationalis experientia coegit, omnibus hisce malis inferendis nocivam magis esse longam cathartico- rum efficaciam, quam tumultuosam vomitorio- rum actionem.

Ab aliis eva-  
cuantibus.

Quod autem hîc de præcipuis hisce medicamentis asserimus de aliis quibuscumque vacuantibus pronuntiare pariter fas est. Id quidem eò magis notandum est, quod incautus eorum usus etiam alia secum afferat incommoda: nullum enim datur ex his classibus medicamentum, cujus effectus ad vacationem certus sit, aut omninò penes nostrum arbitrium. Licet enim illa eментito sudoriferorum aut diureticorum titulo super-

biant, sæpè ab illo decidunt, scopum non attingentia, & tunc inanem sanguini impetum impertiunt. Sic ea, dùm non usurpantur legitimè, si effectum speratum non elicuerint, corpus salutifero defraudant rore, illud exsiccant, bili lymphæque resinofam, vix aliis remiscendam humoribus indolem conciliant. Hinc ab iis orta sæpè fitis inextincta, ariditas, melancholia, cæteræque vel pessimæ Epigeneses, quarum forma varias à corporis constitutione diversitates mutuatur. Has certè debilitas propria & peculiaris partium sibi aliquandò, ut sæpè videre est, assumit, phthisis exoritur, suppurationis fœtus; ejusque eo magis immedicabilis est effectus, quò in corpore exsiccatò & arenti magis invalescit causa mali.

Præterea sua cuique medicamento competit efficacia, quâ plus in partes aliquas agit quam in alias. Nonne satis cognita est cantharidum in vesicam actio, quam pessimâ Epigenesi exulceravit sæpè, cui sæpè phlogosin intulit illius insecti morsus per universum vitæ spatium duraturam. Nonne satis cognita est mercurii in buccas & genas explosio? Quod certè princeps medicamentum ad Epigeneses formidolosas efficiendas cæteris palmam præripit. Nam, ut de actione ejus in genas, in dentes & gingivas, utpote de re compertâ, hîc longiùs non tractemus, id etiam à pluribus visum est, partes ab eo

Epigeneses à quorundam medicamentorum in varias partes singulari actione.

A cantharidibus.

Ammercurio.

convelli, nervis tremorem, etiam bellè per-  
fanatâ lue venereâ, induci, & melancho-  
liam nerveam, quam vix postea certâ me-  
thodo possis expungere. At ab illius usu,  
etiam per frictiones & inunctionem intro-  
ducti, maculas inuri luridas, nullâ arte de-  
lendas vidi. Ab ejusdem usu interno, præ-  
cipuèque sublimati corrosivi abusu, phlo-  
gosas in intestina delatas, corporique ma-  
ciem vidi inductam, quas vix diluentium  
multiplicatorum & gummosorum mitio-  
rum, partibusque leni mucagine obdu-  
cendis aptorum, usus potuit eluere & su-  
perare. At quocumque modo admissum me-  
tallicum illud medicamentum methodo indiget  
sapienti & oculati Medici præsentia, quæ  
cum sæpe desit, non mirum est quantum inter  
pauperioris fortunæ homines mala ab illo nata  
reperiantur. Quæ certè omnia titulum Epige-  
neseon sibi jure vindicant. Nec diureticum  
est ullum, nec sudoriferum, quod non sua  
sibi propria minetur inferre incommoda.

Ab omni  
aëtuosâ sub-  
stantiâ.

Quippe nulla in substantiâ quâvis corporis  
actioni concitandæ facultas apta concipi po-  
test, quin suâ ipsamet proprietate nociva &  
venenata possit evadere. Virium enim exerci-  
tium dum divertit, robur ipsum debilitat;  
nec ullum corpus medicamenti salutaris no-  
mine absolutè donari potest, quin adsit in  
ipso excessus morbo contrarius; alioquin  
morbus novus veteri additur, complicaturque

naturæ actio, unde novorum excrementorum proventus, novaque Epigeneseon generatio.

Quòd quidem si in vacuantibus apertè & evi-

Ab alterantibus.

denter fiat, non minùs manifestò eveniet in quorumcumque alterantium & sanguinem depurantium actione; quorum quidem effectus, dùm sanguinem immutat, ejusque principis dotes novas afflat, veteres expellere & vacuare debet, licet forsan cum vacuatione per sensus non observabili; qui effectus, licet sensus effugiat, attentos tamen non fallit, ut non refellendis observationibus multòties in actis Bononiensibus demonstratum est.

Nam omnis sanguinis mutatio excrementorum generatio est. Et certè, si prima omnium alterantium medicaminum balnea spectes, si frigida ea corpori applicentur, à frigore crispante in calorem ardentem corpus transit, fitque perspiratio primùm cohibita, postea ingenti impetu exundans. At in debili & ægro corpore quot tussès, quot anhelitus affectus illi accersent? imò ipsam asphyxiam, aut demùm apoplexiam, ut vidi, pro Epigenesi sibi vindicabunt. Nec verò tepida, comprimentia corporis superficiem, postea verò humores ad cutem evocantia, eo carent periculo. A laxatione immodicâ corporum debiliorum aliquandò icterum subitum à balneis, imò & in balneis natum vidimus. Qui quidem effectus eò insigniores in morbis erunt, quò pars aliqua debilitata recipiendis hisce humoribus

A balneis.

magis habilis evadet. Verum est ergò quòd quantum in laxatione inducendâ prodest balneum, tantum, in illâ semel à causâ quâcumque inductâ & partem morbi efficiente, nocebit, si præsertim morbosæ laxitati atque inertiae addatur propensæ in laxitatem atque debilitatem naturæ per anteaactam vitam procreata infirmitas. Verum, ut vulgò Epigeneses illæ nec diuturnæ sunt, nec periculosæ, quippe quæ nascentis inde nocumenti signa citò præstent nec dubia, nec dissimulanda, de iis ampliozem injicere mentionem vix operæ pretium est.

A depu-  
rantibus.

Ab anti-  
monialibus.

Sed, si ad sanguinem depurantia, ut aiunt, & aperientia nos convertamus, ut sunt, post mercurii temerarium usum, sulphurata illa antimonialia; notandum primò ea omnia posse quidem dosi mediocri inter alterantia jure nuncupari; at si ampliori dosi offerantur, illicò vacuantium virtutes sibi arrogare. Unde, præter actionem illam quâ principia sanguinis aliis ornant dotibus, videntur ea aut urinas aut perspirationem insensibilem adaugere; quod de antimonialibus quibuscumque, si stateram Sanctorianam observator adhibueris, poteris asserere. Unde qui iis utuntur remediis ægrotantes, sedulò monendi sunt ut sese domi plurimum contineant, nec aëri frigidulo sese incautè committant: tunc enim, non Epigeneses solùm, sed & Metastases in partes deponuntur maximè momentosas, aut,



aut, si benè cum ægro actum sit, sæviunt metaptofes illæ in articulos. At certè hisce remediis qui abusi sunt, norunt quantum, etiam sine sensili vacuatione, sensim corpus emacietur: imò applicatio materiæ nutritiæ tractu temporis impossibilis evadit. Nec certè aliâ ratione nervis insidias struunt illa, tremoremque accersunt. Nec loquar hîc de pluribus aliis medicamentis, quæ sagax recentiorum sedulitas in usum advocavit, napello, hyoscyamo in extractum redactis, quorum effectus nocuos & nervis convulsionem inducentes, non adeò facilè delendos, vidi. Nec cicuta ipsa aliquandò suo effectû narcotico mihi defraudata apparuit, quanquàm rariùs nec adeò evidenter: scilicet stuporem ab ipsâ cruribus inductum in eâdem fœminâ pluries observavi.

A napello  
hyoscyamo  
cicutâ.

At inter aperientia medicamenta sic propriè dicta & ad solvendas obstructions nata, illa quæ salina urinas aliquandò movent, tussi excitandæ propria sunt, fibrasque crispant, nec ipso excepto summè refrigerante nitro. Hoc, quoties thorax irritatione laborat, vitandum docet observatio; & quæ ad urinas concitandas nata est substantia, si vellicet & irriter, ipsas cohibere visa est. Quid hîc de aliis agamus medicamentis salinis, quæ, etsi diversâ facultate gaudeant, id universale piaculum habent, quòd possint fibras vellicare & erethismum adaugere, quanquàm ex Epigeneses minùs periculosæ

A salinis:

sint quàm vulgò creditur, quandoquidem quodcumque salinum est aquâ eluitur, nisi tamen partibus jungatur oleosis, & sic in naturam abeat nunc resinæ nunc saponi propior-

**A resinosis.** rem. Resinæ quidem, quas purgantes esse difficile credideris, antequam bile diluantur atque solvantur, primas præcipuasque Epigeneses in intestinis efficere possunt atque concitare. Postea verò, solutæ & in humorum consortium admixtæ, & urinis miscentur & sanguini, quem actuosum reddunt, irritationeque solida afficiunt fixiori atque tenaciori; tandem motu & attenuatione volatilem naturam induere possunt, amotis & in excrementa conversis partibus fixioribus: & tunc ex earum actione ardor atque calor augentur. Quæ verò sapon-

**A saponaceis.** naceâ virtute donatæ substantiæ citiùs humoribus commiscentur, eæ sæpe usu longo diarrhœas invehunt corpusque exsolvunt, sed lentè & parcè, interque maximè salutifera medicamina ideò recensentur, quòd nihil violenti exerant, bilemque solvant; quod quidem aliquandò, furente præsertim syrio, nimium atque immodicum facilè ut plurimum cohibetur.

**Epigeneses à facultatibus medicamentorum compositis.** At, quod frequentius est, non unicâ facultate prædita sunt quæ nobis offert natura in salutares usus medicamina, aut ejus imitatrix ars. Sic sæpe jungitur salutari saponaceæ virtuti sal volatile exuperans oleosam partem. Illud, acidum modo aut acescens saltem, olei

benignioris acuit facultates ; undè variæ Epigeneses oriri possunt. Ita puellis amatus acidorum stimulus accersivit chlorosim, cicuratâ quidem bile, nutritione verò labefactatâ, undè, præsentî semper stimulo, phthiseos nec opinantibus non semel emicuit periculum. Aliàs, alkalicis saponaceorum olea superantibus, concresecendi facultas etiam uniendis partibus adimitur, vetaturque coalitio nutritioni necessaria. Verùm cum Epigeneses & complicationes morborum inde nascendæ, ab eorum effectibus satis intelligantur, liceat iis tantum animum advertere medicamentis quæ dolorem sedant, aut nimiam laxant irritationem fibrarum. Opium enim, potentissimum ex illis, cum narcoticâ virtute spasmodicam conjunctam habet facultatem, & dum sensum doloris destruit, sæpe irritationem latentem exsuscitat admodum; unde, inter Epigeneses ab eo residuas, tremor & nervorum convulsio in habitum trahuntur. At dum agentes naturæ vires opprimit opium, dum ejus determinationes turbat, dum materiam ad caput defert, dum crisi potiùsquàm coctioni necit impedimenta, quantum porrò periculi infert? Quod viribus detrahitur, morbo additur, & fit stagnatio liquidi in partes maximè momentosas, caput, thoracem & ventriculum.

Specificæ inter pharmaca locum sibi jure vindicat cortex peruvianus. Alterantibus certè medicamentis omnibus palmam forsan præri-

Epigeneses  
ab opio &  
narcoticis.

Ab usu  
kinæ.

pit ; amarum , tonicum , stringens , aliquandò tono addito vacuare visus est. Incautè tamen , vel in ipsis febribus intermittentibus , quas meditabatur natura crises tardavit & sustulit , deletoque febrili naturæ certamine , obstructions intulit , vix nisi per redivivam febrem debellandas. Doloribus ab ejus usu vexati fuere longis articuli. Ventriculi anxietates , dolores , phlogoses vexavere. Imò & causæ omnes febre vetustiores , quas ipsa , ad antiquorum mentem , febris è corpore depulisset , efferantur , nascunturque morbi prioribus ferociores. Imò aliquandò , febre sublata , dolorum periodus remansit , sed illa nec satis ordinata , nec satis efficax.

Epigeneses  
à diluentibus  
& demulcentibus.

At nulla pars adeò diuturnis & benè cognitæ inertix acquisitæ noxis laborat atque ventriculus , si suaserit , imò jusserit crethismus , oleosorum , emulsivorum , laxantium , diluentium usu ejus tunicas diluvio proluere. Dediscit enim mox necessariam coctioni tensionem concipere , sæpeque remanet ejus per totum vitæ curriculum , conquisita infirmitas. Defuncti enim morbis inflammatoriis , & jam ab iis reconvalescentes , quantum laborant ventriculi imbecillitate ! quàm sæpe nova , nec morbo propria concitavit symptomata oleosorum per expressionem usus. Vomitum , singultum accersere visum est oleum illud amygdalarum dulcium mitissimum : visum est & icterum inferre. Nec eo crimine infantia re-

perta sunt emulsa quæcumque aut gummeo-mucilaginosæ; quanquàm Epigeneses illas, cessante remedio, vulgò cessare notatum sit. At certè incommodum gravius exstat, quoties non ita severum regimen finit morbus, qui non est ex acutorum genere; coctionem enim præsentem præpediunt illa medicamenta, lienteriamque aliquandò attulere aut diarrhœam, à quâ cavendum fuerat maximè.

---

## ARTICULUS SECUNDUS.

*De causis aliis externis Epigeneses inducentibus.*

**I**NTER causas à quibus nostra mutantur corpora, substantiæ illæ quæ istud undique ita circumdant ut iis carere nequeat, & quæ, licet ejus naturam non constituent, ita tamen ejus subeunt penetralia, ut in ipsam vertantur ejus substantiam, RES NON NATURALES à Medicis dictæ sunt. Ipse quidem earum perpetuus usus satis intelligendum finit, quantum ad accersendas & concitandas in morbis Epigeneses conferre valeant. Quippe quæ ad sanitatem servandam & ad morbos faciendos plurimi sunt momenti causæ, eæ etiam, eâdem ratione, Epigeneses & complicationes morborum producere possunt. Variabilis sci-

Rerum  
non natura-  
lium in mor-  
bos influxus.



licet harum impressio proprietatibus nativis & necessariis multas aliunde accersitas addit, quæ, in statum præsentem ægrotantis corporis agunt, & aut malè, aut salubriter directæ, nunc malum augent, nunc contrà sanationi conferunt, dùm indolem novam tùm malo, tùm corpori ægrotanti conciliant. Sic eadem febris epidemica, primævam servans naturam, pro temporum varietate, diversitates sibi assumit, nunc Metaptoseon naturam sibi vindicantes, nunc Epigenesis titulum tantùm adeptas. Sic eadem febris putrida pleuritidem vere effervescente mentitur, autumno dysenterix sese adjungit & sub ejus formâ defæviet. Imò sæpe, per tempestates certas, jam & effectu prædominante insignes, quales sunt & hiems & æstas, conticescet omninò morbus epidemicè in populos sæviens, recrudescens vere & autumno, &, mutato tantùm typo, indolem eandem easdemque medicanti indicationes offeret, ut SYDENHAMUS observavit, & veteres Athenienses teste Thucydide constanter viderant.

Influxus  
atmosphæ-  
ræ.

Quæ quidem observata nos quasi manu ducunt ad eas propiùs enarrandas Epigeneses quæ ab atmosphæræ actuositate pendent. Liceat hîc benè à Physicis cognita & vulgata circa aëris proprietates phænomena præterire; pondus, elaterium, partes contentas probata supponere. At certè & prima est, & sensus maximè percellens, & illis notam inurens proprietas,

imò & alias in excitandis Epigenesibus præcellens, cùm etiam plures evidenter morbos concitet, calor & frigus; quantum enim atmosphæram immutet utrumque, quantas corpori varietates inferat, norunt vel infantes ipsi, sentit vel ipsa brutorum animantium ferocia, nec ad id probandum quod sensu experimur verbis opus est.

Hinc cum antiquioribus artis Magistris, in id consentientibus, jure pronuntiabimus. Frigoris & hiemis actio.  
hiemales morbos æstivis esse diuturniores. Tardantur enim à frigoris actione perpetuâ actiones omnes. Hinc per hiemem lentior fit coctio diuturnitate morbi compensanda, crisisque expectatur magis imperfecta. Nativo quippe, quem morbus intulit, erethismo additur quædam vasorum crispatio; imò & partium in fluidis actuosarum minor fit inter se reactio. Hinc minùs & tardiùs è glandularum latebris atomi morbigicæ evolvuntur, imò & sæpe per hiemis frigus morbi pestiferi & contagiosi sopiuntur, per vernam temperiem aliquandò redivivi, ut vetustissimi de peste Authores observavere, nec excepto ipso recentiori SYDENHAMO. Conticuit fermentum illud quasi desinente actuositate, quam restituit atmosphære redivivus calor, impetum novum addens, & quasi novam humoribus actuosam solubilitatem. Hinc tot, erumpente vere, erysipelata, quorum silentium perfidum pro absolutâ curatione & pace perfectâ habitum

fuerat. Idem dictum esto de pustulis, herpetibus, aliisque morbis cutaneis. Nam, in omnibus corporis partibus, nulla magis cute omnibus his impressionibus patet, quæ & textûs cellularis subjecti piacula luit, & per patentia vasorum ostia momentosæ perspirationi, maximè variabili humori, præbet exitum. At etiam efflorescente vere, eâdem de causâ catarrhis omnibus inflammatorius fervor additur, quæ Epigenesis, languentibus antea viribus semel addita, crisim facit & pleniorrem & faciliorem.

Caloris,  
æstatis, &  
non renovati  
aëris actio.

Contraria omninò à calore esse expectanda ratio declarat. Unde, ut in frigore minùs morbis obnoxii sumus, sed ab iis difficilius resurgimus, ità in æstatis fervore minùs alacres & valentes sumus, atque patentes magis morborum insultibus, sed ab iis faciliùs convalescimus, notante sic HIPPOCRATE. Nec certè minorem Epigeneseon copiam mutuamur ab æstuantis & rarefactæ sive per artem, sive solius naturæ ope atmosphæræ vitiis. Siquidem renovandum atque reparandum esse aerem, calore consumi, & nostris ineptum usibus fieri compertum est, nisi aut renovetur aut reparetur. Ab hac solâ causâ ortas in variolis nigricantes pustulas vidisse me si dixerim, nil protuterim novi: sed eas solius admissi aëris beneficio paucis horis sublatas vidi. Quin etiam ab eâdem causâ ortas convulsiones in hoc morbo, inductas anxietates,

concitatos vomitus viderunt omnes; quæ frigidioris aëris beneficio sanata sunt. Illud etiam petechiis accidisse observatum sæpius; nec mirum, scilicet aëris pondus, elaterium, variæque aëris proprietates à nuperis prolatae, & chimiae subtilioris ope demonstratae ad usque geometricæ veritatis normam, in atmosphærâ vietâ atque effectâ destruuntur. Adduntur atomi venenatae & vitæ usibus ineptæ; unde & respirationi & aliis remotioribus vitalibus actionibus aër impar evadit. Si mortem in tali casu promptam effugeris, qualem mephitides inferunt, nascetur putridæ febris nova forma, fatiscentium virium comes & citâ putredine partes ita colliquans atque corrumpens, ut ejus indoles vel in ipso deprehendatur cadavere. Quid si in morbis jam ad aliquam putredinem inclinantibus, atomus talis nascatur, terrificæ Epigeneses expectandæ sunt; imò mors ipsa pro Epigenesi erit. Tales sunt febres quæ à carceribus squalidis, putridis, aëre non renovato infamibus nascuntur; ut in famoso illo exemplo Oxoniano legimus, à productis incautè in publicum reis, natas & per populos disseminatas, solo mitescendas atque sopiendas aëris frigore, febres putridas pessimas. At hæc omnia sat vulgata. Hinc aëre fervente tot pustulæ, etiam in febribus & post febres per se non eruptivas, nascuntur, ægrique ab aëris clementiori influxu spem sibi non fallacem jure spondent.

Incautiùs  
renovati  
aëris incom-  
moda.

Nec verò ipsa aëris renovatio cautelarum expers esse debet. Repercussus ab incautâ aëris admissione perspirationis impetus plus Metaptoseon intulit quàm Epigeneseon. Aprici atque roscidi aëris jucunda impressio quàm sæpe jam convalescentes, victo & superato, sed necdum exacto morbo, in recidivam præcipites egit? At ubi res mitiùs exigitur tum nares implentur alacritas perit, catarrhodes nascitur diathesis, quæ, ob virium languorem, vix coqui potest & in habitum transit. Inde cachexia, longi articulorum dolores, imò, in infantibus, anchyloses & ischiades funestæ, in malam suppurationem degeneres, & scorbuticæ erupere. Imò ab imprudenti aëris usu ante & post morbum inflammatorium hydrocephalum natum vidi. Adeò verum est effatum illud Hippocraticum; quo tempore calor & frigus sese subitâ mutatione excipiunt; morbos autumnales oportet expectare.

A vento  
erysipelas.

At. nihil in hâc subitâ mutatione, vento simul ferociùs âspirante, adeò commune est, ob suppressam perspirationem, quàm erysipelatum generatio, quæ, à facie & vultu exordium assumentia, in partes varias huc & illuc feruntur, in ipsâ suâ fugacitate constantiam mali & difficultatem omnimodæ sanationis prænuntiantia. Partes omnes erysipelate ab unâ in alteram deposito, successivè laborare vidi, nec sine febris semper redivivæ



æquali recrudescentiâ , licet uniuscujusque finem spondissent urinæ coctæ & albæ , quæ febris remissionem quâque vice comitabantur. Id malum aliquandò , si juniores adoriatur , in rheumatismum inflammatorium facessit , semper quippe in his omnibus malis perspiratio elanguescit.

Non necessariam quidem, sed vix facilè devitandam Epigeneseon in morbis & post morbos originem præbent cibaria, quæ corpori ægotanti incautè ingeruntur. Sed quid theoriæ addamus Hippocraticæ ? In quâ materies alimentorum onus est corporis viribus impositum, quod ipsis proportionale sit oportet, ita ut sine tumultu, sine labore, imò sine evidenti sensu concoquatur, & in propriam, semotis excrementis, vertatur substantiam. Hinc, viribus in aliud onus occupatis atque insudantibus, materia illa extranea superveniens immutanda, vires ab opere distrahit & ita avocatur, ut neutri jam labori vacare oppressæ possint. Aliunde quæ violento motu rapiuntur vires, & ad magnas jam accommodantur resistentias evincendas, pacatum illum effectum, sedatamque humorum distributionem efficere in tanto tumultu nequeunt; unde nova laboris species novaque morbi forma nasci debet. Hinc jure extremis laboribus morbofis, extremam diætæ severitatem commendabat HIPPOCRATES noster, eamque semper virium occupationi proportionalem edixit.

Epigeneses  
à cibis.

A diætâ  
lautiori.

Ab inediâ  
nimiâ.

Si enim etiam inediâ nimiâ peccet æger, illa vitæ severitas sua habet pericula: vires labascunt, acredo nova in humoribus nascitur, fatiscit ventriculus, feriantur & in se ipsas reagunt intestinorum actuosæ fibræ, stagnat nec propellitur acrior bilis. Coctio quidem materiæ morbificæ, novis defraudata accidentibus principiis, nec densitatem sibi propriam nanciscitur, nec inquilinas acquirit proprietates, nec excretionem atque purgamenta legitima elicit. Hinc morbus ipse & diuturnior fit, & incertam sortem habere debet. Prætereà verò quæ inde nascitur debilitas non facile, imò nullâ ratione reparanda est: siquidem vires imbelles per naturæ actionem solam instaurantur, hinc languor ab hâc causâ natus, omnes Epigeneses infert de quibus jam alibi actum est. Siquidem arti plerumque licet è corpore detrahare; addere solius est naturæ. Unde effatum illud Hippocraticum à BOERHAAVIO renovatum intelligitur, plura & graviora esse peccata quæ ab inediâ pendunt, quàm ea quæ à paulò pleniori victûs ratione metuenda sunt. Nec tamen inde ingluviem à summis viris prædicari intelligas; nam innumera sunt incauti & plenioris regiminis incommoda, ad multiformes in morbis Epigeneses faciendas accommodata.

A diætâ negligentiori  
in acutis.

Stata sunt & experientiâ uniformi comprobata quæ ab HIPPOCRATE de diætâ in morbis acutis observanda proposita sunt. Ipsa ea

comprobat naturæ ratio, ingenti cum plerisque premit ægros cibi fastidio. Nullum intus, febre vigente, solidum alimentum ingeritur, quod non, dum pondus insolitum ventriculo affert, molestiam, anxietatem, singultum, vomitum efficiat; aut, si in juniore ætate præter naturæ normam fuerit admissum, brevi omnia in pejus ruere videbuntur, febris excandescere, urinæ crudeſcere, intestina aut indurari aut motibus inconditis rapi, caput & nares oppleri: quod quidem, ut omni febri commune est, ita etiam silente illâ observatur in omnibus magnis naturæ motibus, nisi tamen sui jam maximam operis partem natura exegerit; id in suppurantibus variolis quotidianâ imprudentiâ experiuntur rustici, aut in vulneribus, & morbis cutaneis Chirurghi deprehendunt. Quod etiam ad catarrhales omnes morbos pertinet, in quibus coctionis inchoatæ locum occupat cruditas, dolore, narium obstipatione, frigore sese manifestam ferens, admissio pleniori cibo. Præterea summa inest differentia an vigente, an declinante morbo cibum obtuleris: an solidum, quod hoc tempore nec ventriculus occupare potest, nec liquores inquilini imbuere, sed quod ab ipsis contra morbosum virus imbibat; an liquidum, quod jam naturæ congruum sit atque consonum, morboſoque fermento prorsus oppositum. Unde certè ab istis maturè pensitatis atque ponderatis constat dog-

matum Hippocraticorum veritas ; quibus si defueris , anxietates , nauseas , vomitus ante omnia ægrum pati necesse est. At stomacho ita oppresso nulla est pars quæ non condoleat. Caput , facies , oculi , thorax sua quæque experiuntur symptomata ; unde complicatio morborum oritur , tardatur coctio , aut novum virus ab indigestâ istâ mole enascitur. Mox diarrhœæ , dysenterix , lenterix morbo aut succedent aut se comites addent ; quibus obstructio , infarctus universalis & demùm hydrops finem pessimum afferent , aut tabescentia. Quippe ab istâ crudâ mole nedùm alatur corpus , contrâ destruitur & disperit. Quod quotidie , viris crassis , rusticis , & ab omni Minervâ alienis familiare , morbos ferè sanatos adeò periculosos reddit. Omnia ergò mala quæ ab ingluvie pendent ad debilitatem seriùs ocyùsve referuntur. Et frustrâ tibi , ut plures quidam Medici , finem morbi sponderis ab iteratis purgantibus , quæ tantùm vulgo viribus quantùm ipsi malo detrahunt , nisi usum ipsorum ars sagacior indicaverit.

Epigeneses à malâ alimentorum qualitate. Præcipuè glutinosâ. Sed plura etiam alia mala ab alimentis inopportunè ingestis pendere perspicuum est , si malè morata aliunde fuerint , ut acria , salita , aromatica , quæ ardorem jam furentem exsuscitent & exacuant ; aut glutinosa quæ contrâ bilis effluxui exitum præpediant , & ejus eludant efficaciam. Imò cum spontanea alimentorum

non concoquendorum conversio fiat in gluten illud crassius, atque, ut GALENI verbis utar, in materiem semi-coctam, quid mirum si, conquerentibus observatoribus, harum quisquiliarum effectus vulgatiore, sit novorum paroxysmorum formatio; qui quidem paroxysmi duratione atque vehementia causæ illi indigestæ correspondent, & vulgò sudoribus excipiuntur inutilibus. Unde toties sapientes Medici coguntur, causâ hâc evidente & quasi turgescente, ventriculum inauspicatè vomitu concutere. Hâc enim solâ methodo finem istius tumultui imponi observatio demonstravit. Legantur hîc atque perpendantur salutes circa perversi regiminis pericula, & nascentes inde Epigeneses, immortales Hippocratis sententiæ. At certè strictior diætâ, post evacuationes hæc quisquillas, solum est medicinæ genus cui fiduciam addere debeamus. Eâ enim fit ut vires possint nova amplecti alimenta, pauca primùm, postea moderatiora, donec per eorum effectum salutarem vires refarcitæ corpus ad vigorem pristinum restituant.

Somno quidem & vigiliis, quæ non ultima constituunt morborum, tum acutorum, tum chronicorum symptomata, suæ sunt Epigeneses. Vigiliarum quidem ad ardorem, ariditatem, marcorem referuntur; unde bilis resiccata stagnat & vertitur in melancholiam; & id, notante HIPPOCRATE, vigiliis nimium pro-

Epigeneses  
à somno &  
vigiliis.



tractis peculiare est, quòd symptomata capit-  
tis, tùm in morbis, tùm post morbos,  
invehant. Inde debilitas ipsa inducta cum  
aliquâ melancholiæ formâ conjungitur. At  
somnus pariter nimius in soporem & mentis  
imbecillitatem abit, stupidam illam atque  
inertem. Id porrò utrique proprium est quòd  
somnia habitus soporem invehat, vigiliæ vigi-  
lias excitent. Porrò ut sopor in cachexiam &  
hydropem potest ire degener, ita vigiliæ se-  
rius ocyùs tabem cum melancholiâ procreant.  
Verùm fatendum est omnia hæc, in ipsis  
exorta morbis, ab eorum naturâ pendere,  
jureque pro symptomate haberi potiùsquàm  
pro Epigeneseon causâ.

Epigeneses  
à motu &  
quiete.

Nec plura nobis dicenda erunt de iis quæ  
aut à nimio motu pendent Epigenesibus, aut  
à quiete nimia & socordia inertis tùm solidor-  
um agentium, tùm fluidorum actionem ex-  
cipientium. Quippe ex omnes ad classes de  
quibus jam actum est referuntur. At in exer-  
citis atque robustis viris multò difficilius  
exhaustæ vires reparantur: quippe multò  
magis de tono ipsis proprio dejectæ sunt, &  
quæ huic corporis conditioni omninò opposita  
est atonia crudeliùs in eos sævit. Adde quòd  
sua nocet sæpe ipsis fiducia; unde imprudenti  
sefe ciborum ingluviei facilè committunt.  
Quid verò evenire debet, si in tali virium dis-  
pendio, cùm reparationi soli invigilandum  
foret, aut à necessitate motus imperatur,

aut ab imprudentiâ suadetur? Certè ad extremum ducta oritur totiûs corporis defatigatio; unde coctionum languor, artuum inflatio, corporeæ massæ imminutio, sudor, sitis arida, demùm diarrhœa & tabes. Præterea verò præmatura crudarum materierum introductio dum sæpe pruritus immanes intulit, eadem, motu simul nimium aut diutius protrac-to, morbos incutiet cutaneos. Sæpe maculas luridas ab hâc causâ invectas vidi, & cutem his, præcipuè versùs faciem, ita fœdatam, ut proximè jurasses adesse sphaceli periculum. Præterea angor, anxietas, lassitudo & brevi febris, excessum hunc naturæ moderationi prorsus repugnantem sequuntur. Nec jam, ut aiebat olim HIPPOCRATES, quos morbos labor fecit quies sanat. Quippe motus in hoc casu nimius vasa fregit, aut ita tonum eorum prostravit, ut mechanicæ & durabiles fiant congestiones. Præterea omnes nervorum affectus, imbelles præcipuè & tremulos, ab hâc causâ pendere quis non vidit? Imò etiam in nondùm adultis, & præsertim mulieribus, ab hâc causâ distorqueri corporis ossea elementa visa sunt. Ita vidi onera dorso imposita in juniore milite maturiùs ipsum corpus incurvasse, nunquam pristinam posituram recepturum. Simile quid etiam à posituris in lecto, & à quiete in eâdem sede post fracturas & luxationes videre est. Nam illud in quo ægri decubuerunt latus quiete nimia minùs agile

redditum est, imò & humorum defluxionibus ita obnoxium evasit, ut articuli ipsi ingentem in molem concreverint. Quid quod sæpe sedulitatis defectus & attentionis anchyloses ibi effecit & contracturas artuum postea vix destruendas. Illud etiam infortunium arthritidi supervenire notum est; uno verbo iis omnibus morbis qui ægrum in eodem statu continent atque cohibent.

Epigeneses  
à cohibitis  
vacuationi-  
bus.

Frequens est Epigeneseon, sed pluries recidivarum causa, cohibitio quævis vacuationum quarumcumque. Si enim vacuationes illæ criticæ fuerint, salutis morbi eventus successu decedit: quod fuerat expellendum & foras detrudendum novam agere personam in scenâ tragicâ debet: sic incertus, fin periculosus morbi eventus omninò, novusque morbus expectandus est, in naturâ jam fatigatâ atque debilitatâ. Si tantum depuratorii fuerint humores illi, aut solâ vacuationis consuetudine salubriter exierint, novos etiam eventus, pro naturâ repulsi humoris aut partium debilitate augurandos, expectare fas est. Etenim, perfecto & absoluto morbo, qui prius exhibant depuratorio modo humores renovantur, & in restitutæ sanitatis signum fluere ut antea moris erat incipiunt, modò tamen causa morbi eos non attigerit. Reditus ille herpetibus communis est, ut fluori albo mulierum, nec minùs nocturnis multis sudationibus familiaris est. Porro idem potest esse fatum horumcè

humorum atque perspirationis insensibilis, quæ sæpiùs cohibetur, sæpiùs restituitur, verèque depuratorii humoris nomine donari debet. Porro si qui fluere debuerant humores jam non fluunt, tunc mille, & quidem lethales, Epigeneseon species formari possunt, & formantur reipsâ, nisi adhibitâ accuratâ sedulitate præcaveantur. Possunt inde exurgere febres pessimæ, malignæ pulmonum inflammationes, dolores colici, & alia hujus prosapiæ mala, quæ pendere possunt à retento intùs excrementitio humore. Verùm sæpe lentiùs ignota atque incognita labe, nunc in infantibus glandulas lymphaticas, præcipuèque mesentericas, oppugnat, unde, abdomine intereà prominente, diarrhœa, &, defectu materiæ nutritiæ phthisis, partes reliquas occupat; nunc in adultis, hepar & pulmones multò plus patiuntur, à quibus mala ingenerantur chronica. Sed mulieribus scena in uterum præcipuè detruditur, fluoreque albo perpetuo miseræ divexantur; nec antè de fluxu illo sanando cogitant, quàm malum malo additum grassetur. Nec jam cohiberi potest, quin nova crescant & appareant symptomata quæ ab eodem humore retento fuerant metuenda, ubi stagnatione & spontaneâ corruptione novam sibi & magis efferam conquistavit acrimoniam materies verè excrementitia. Verùm, sine ullâ acrimonix latentis suspitione, sine ullo morbo, sæpe hæmorrhagiæ juveniles

Varii humoris repulsi decubitus.

suppressæ, quæ florentem atque vigentem  
 ætatem comitantur, multas Epigeneseon  
 formas intulere, hemicranias, dolores ca-  
 pitis, hypochondriorum tumores, ventriculi  
 vitia: quæ omnia, ætate invalescente, per se  
 tollerentur, auctâ, loco rubræ partis, flavâ  
 illâ biliosâ coloratâ portione. At benè cum  
 ipsis ætas vulgò agit, quæ, loco juvenilium  
 hæmorrhagiarum, hæmorrhoidibus affligit,  
 nunc statò & quasi menstruo tempore fluen-  
 tibus, nunc tantùm apparentibus erraticè.  
 Quid jam hîc pluribus ageremus de Epigene-  
 sis illis quæ tam vulgò feminis excretio-  
 nem, præsertim suadente libidine, violen-  
 tam, aut alieno tempore institutam sequun-  
 tur. Quippe quæ, dum vires prosternit atque  
 destruit injussa vacuatio, nervos simul &  
 stimulat, & inæqualitate æquilibrii trementes  
 ita plectit, ut hæc inusta labes per totum  
 ævum remaneat. Sed hæc omnes Epigeneses  
 plus vitiorum atque libidinosæ tentiginis se-  
 quelæ sunt, quàm morbi cujusvis, & hæc  
 materies graphicâ fidâque descriptione atque  
 consiliis doctis Medici jampridem celeberrimi  
 satis exhausta fuit. Potuit tamen fieri ut ali-  
 quando per causas morbosas enata fuerit illa  
 libido, cujus exempla vidimus plura, in quâ  
 nervorum impetus invitum manifestè furorem  
 exprimit, & liquido corpus defraudat summi  
 pretii. Imò & post affectus venereos idem  
 aliquandò contigisse omnes fatentur authores.

Epigeneses  
 ab auctis va-  
 cuationibus  
 præsertim  
 feminis.



Quæ superest malorum origo, seu potius fons mutationum in corpore induendarum, pariter etiam natalia præbere debet & Epigenesibus & Metaptosis quibuscumque. Hæc porrò omnis ab animi pendet affectibus qui sæpe sæpius ordinem vitæ, etiam sapienter institutæ, interturbant. Nullus est in corpore constitutus morbus, cui non noceant affectus illi animi tristes, qui mœstitiam & timorem inferunt. Nulla est inflammatio cui non novam subdat flammam violentus iræ furor. Imò nocet lætitiæ immoderatus sensus, omnia concutiens & agitans. Spes sola, quæ, ut cum BOERHAAVIO loquar, homini ad hanc nato propria est, nec viribus attritis metuenda est, nec spiritibus exasperatis violenta.

Ut autem servemus divisionem illam quæ affectus animi inter se partitur, licet spasmus & fibrarum contractio sub illis omnibus hæreat, alios tristes & inertes vocabimus, alios violentiâ suâ distinguemus, alios demùm lætos & actuosos nuncupabimus. At, ut de postremis illis ante alios agamus, quia vulgò salutare creduntur, notabimus ante omnia nil violentum in morbis salutare dici posse. Postea verò licet, ex SANCTORII staterâ, in statu sano videantur perspirationem adaugere, libertatemque circuitui conciliare, si ita subiti exoriuntur ut possint hominem à malis præsentibus avocare, certè occasione inductâ naturæ statum immutant, ejus determinatum

Epigeneses  
ab animi af-  
fectibus.

Epigeneses  
ab immodicâ  
lætitiâ.

ordinem interrumpunt, & illam, ut ita dicam, à curandi labore distrahunt : unde ab hâc causâ historiæ medicinales natam memorant insaniam. Imò in puerperis recens à partûs labore defunctis, mors subita lætitiâ depulit; quæ etiam visi argenti insperati præsentia, in magni LEIBNITZII sorore, eam, jam sub ipsâ fruitione, sustulit, ne in antiquioribus historiæ monumentis similia quæramus exempla. Sed nullâ aliâ in corporis conditione ferales adeò lætitiæ effectus reperiemus, quàm in variolis & morbillis, in quibus eruptiones aut pustularum mutationes, illâ alteratione subito interrumpuntur, & aut in caput, quod in hoc animi affectu præcipuè patitur, aut in thoracem, aut in intestina refluxæ, nunc phrenitide, nunc anhelitu, nunc colicis doloribus lethum attulere. Sed certè magna esse debet lætitiæ causa, quæ ægros à mali mordacis ideâ præsentis avocet, ideòque rarissima inveniri & occurrere debet in miserrimâ humanæ vitæ conditione.

Epigeneses  
à violentis  
affectibus.

At, inter vividos animi affectus, maximè metuenda ira, furor brevis, qui cor stringit, vasa convellit, ventriculum arctat & intestina, bilem coërcet in vasis propriis, & ad caput erumpere cogit ictu violento. Unde in morbis à centro nervorum maximè diffitis phrenitis subita emicat, & apparet ictero aliquandò juncta : sed ferè semper actione cordis interruptâ, sibi comites adjungit cordis palpitationes,

anhelitus, ventriculi subversionem & vomitum viridescentem. Id si vidisse me dixerim ingentia in arthriticis pericula intulisse, in variolis laborantibus mortem advocasse, nil novi dixerim. Notatum verò voluerim, irâ defervescente, & caput & bilis meatus præ cæteris partibus affici, & labore consumi novo & inaudito. Unde & mania longævæ ortæ sunt, & abscessus hepatis; imò delitescentiæ veneni aliquandò in dysenterias & fluxus cœliacos abiere, aut glandularum scirrhus quasi protinùs efformatos. Hæc quidem longæva & periculosa; unde cum ægrotis præclarè à naturâ actum est, si ab imminentibus periculosis malis eos liberaverint hæmoptysis, narium hæmorrhagia, illa peripneumoniæ, hæc phrenitidos vicaria. Non adeò fœliciter aliquandò convulsio in irâ exarsit, febrem tollens; &, ubi sedatus fuit animi affectus, corporis physicâ conditione prorsùs immutatâ, succedere somnolentiæ spasmodicæ & catalepsiæ, ut in actis Academiæ Parisiensis habetur, quæ quidem, loco febris ad salutem compositæ, ægrum præcipitem agunt aut ad mortis atria, aut ad nova longi morbi fastidia.

Omnia prorsùs diversa, imò opposita reperies in lentis sic dicendis animi affectibus, mœrore & timore. Latet in lentis illis animi laboribus spasmus: cor simul & vasa omnia stringuntur majora, feriantur simul muscoli omnes, & tardatur inde circuitus vix per os-

Epigeneses  
à lentis &  
tristibus af-  
fectibus.


citationes, & suspiria renovandus. Hinc & ipsi nervi quasi stupefacti elanguent, motus vasorum & secretiones omnes devinciuntur: unde inertia, pallor, musculorum decidentia macilentiam uno ictu inducent. Vix virum tali perculsum malo agnosceres. Fluxus unus remanet laticis aquei, urinosi, limpidi, quasi ex omnibus expressi partibus. Tamen hæc omnia convulsivè fieri satis arguit, languor ipse convulsivis motibus atque retractionibus interruptus; hinc metui subito & inopinato proprius est tremor ille artuum sæpe non tollendus illicò, imò & balbuties. At illud notare licet tremorem illum, ut & lacrymas quæ animi angores excipiunt, jam modera tam causam & è vehementiâ suâ decidentem arguere. Curæ leves loquuntur, ingentes stupent, ut aiebant antiqui. Nam in vehementi causâ, lacrymarum loco, fundum oculi dolor atrox occupat quem veillent lacrymis redimere, & qui sæpe in opthalmias graves & duraturas abiit. Porro in illâ corporis conditione, quænam coctionis spes aut criseos affulgere potest? Quæ non expectanda aut Epigenesis, aut Metaptosis? Adest quidem languor; adest inertis ataxiæ longa impressio; adest stagnatio mortem ipsam, præ ipso timore cordis actionem interrumpente, minitata: quod sæpe, periculo incautiùs ægris denunciato, evenisse nemo est qui non asserat. Hinc inter medios tumultus, sæpe nervosa imbecillitas oritur, ut & torpor

torpor ferè somnolentus. Sed ut actio omnis ad coctionem efficiendam deest, deficit etiam crethismus ad inflammationem excitandam idoneus, nec ipsa potest actio illa incondita atque tumultuosa legitimum in morem tandem concinnari. Hinc rarò inde metuendus erit purulentus abscessus. Stagnatio imos pulmones, ventriculum, sed præcipuè hepar afficit. Icterus tardus, melancholia, scirrhus, hydrops, morbo nec sanato, nec quandiù supererit animi angor, sanabili, imminet; quibus sæpe jungitur mania non ferox, sed senili delirio analoga. Quæ quidem omnia mala, causâ etiam sublatâ, non ideò cessant, quia altiùs intrusum mechanicum malum congestiones jam ab animæ motibus sejunctas effecit. Imò hypochondriorum sublatio atque extrâ protrusio, quæ morbos hosce comitatur, non tamen, sublatâ causâ, illicò cessat, cum ea etiam ita eminere in cadaveribus simili modo extinctis reperire sit: adeò usque viget spasmorum actio! Verùm tamen tolli certè causam illam ante omnia necesse est: hæc enim, quamdiù præsens erit, tandiù certè vigeant morbi ab ipsâ nati symptomata. Si tollatur aut auferatur illa, spes est tensionem hanc latentem tolli posse, aperientibusque admotis tandem solvi posse morbum. Quod præcipuè his accidit, qui venereâ laborant potiendi objecti libidine. Quidni? Concesso siquidem objecto, inducitur opposita priori

corporis conditio, laxantur omnia, refarcitur secretio, pax redit cum motu cordis & nervorum instaurato; adeoque, si partes salvæ superfuerint, nec mechanicum vitium partibus infederit, contrario motu animi contrarius affectus curatur.







## SECTIO SECUNDA.

*De Epigenesibus quæ non ab ipsâ morbi naturâ pendent.*

**N**OVUS Epigeneseon ordo, epiphænomena prorsus improvise secum trahens, novis metuendas periculis affectiones meditantibus offeret, si non ipsum solum morbum intueamur, sed hominem perpendamus pluribus simul malorum impendentium causis patientem & obnoxium. Porro multiplicatis agentibus causis multiplicari inde nascendos effectus necessarium est. Nam vel sua cuicque causæ constat nocendi ratio, quæ mentem fixam in unum certumque objectum postulat, ad quod omnis attentio revocetur, vel, ut in corpore animato omnia inter se conjunguntur & communi commercio connectuntur, ex causarum & effectuum mutuâ in se invicem actione, nova monstra prodeunt quæ ita varietate incognitâ oculos percellunt atque obtundunt, ut stupentes sæpe Medicos ratio ipsa & methodus videantur deferere. Hinc nascitur vera illa sic dicta causarum & phænomenon inter se complicatio atque complexio, quæ tam frequenter occurrit, ita tamen

Causarum  
& effectuum  
in morbis  
multiplex  
confusio.

aliquandò occultè serpens, ut iudicio acri, sedulitate severâ, nec minori industriâ sit opus, ut morbi phænomena ad classes legitimas causasque primarias referre possis. Nam, ex antiquâ HIPPOCRATIS observatione, constat complexum causarum ita fieri, ut quæ magis eminet atque plures simul functiones lædit; alteram obscuret & silentio plectat; ita ut omninò conticescere ista videatur. Nec tamen eadem in effectibus simplicitas atque correlatio expectanda est, quæ in causâ simpliciore reperitur; sola enim sensûs alteratio, nullum effectum, etiam mechanicum, à mutatione intactum & alienum finit.

Causarum  
& morbo-  
rum varius  
concurfus.

Scilicet ea est corporis conditio, ut sæpe sæpiùs illud, jam aliquibus ante afflictum malis, aliquâ accidentali infelicitate novos suscipiat morbos. Causa causæ superadditur, quæ nihil commune habent, nisi quòd in idem corpus inciderint. Sic Medicantum delicta, vulnera à Chirurgis illata, licet illa sapienter ex ipsâ rei necessitate inferantur, symptomata nova aliquandò important, quæ à naturâ non sine tumultu sanantur. Tumultus ille etiam sua exhibet phænomena, suos effectus elicit: quæ quidem omnes Epigeneseon causæ seorsim ponderandæ sunt & in suis effectibus prosequendæ, sive complicatio seu Epigenesis sit morbi chronici cum chronico, sive acutorum inter se conjugatorum, sive demùm chronici cum acuto simul sævientis; quæ

omnia & phænomenis varietatem imprimunt, & morbi progressibus fata diversa inferunt. Porro morbus simplex sine vario causarum incidentium concursu rarus est, & minùs periculosus esse debet; quanquàm fatendum sit plures morbos chronicos à superveniente acuto fuisse aliquandò sublato & improvise auxilio devictos, quamvis inter se vix cognitam viderentur habere connexionem: ut sunt paroxysmi asthmatici quos diaria febris impetus sustulit. Ordinem propositum distinctis exsequamur articulis.

Verum ut ordinatim persequi liceat quæcumque in idem corpus simul incidentia, caliginem observantibus offundere valent, capita instituemus tria concurrentium causarum, ex quibus morbi complicatio, & confusio ac miscela symptomatum oriri possunt. Primo scilicet capite, quidquid ex prægresso fomite relictum morbo præsentì conjungitur, proponemus observandum; altero ea omnia quæ morbo constituto accidere possunt & cum ipso complicari atque commisceri recensebimus; ultimo demùm quænam per Chirurgicas operationes in corporibus nascatur mutatio, unde novus naturæ paretur labor, erit perpendendum.

Complicationum divisio.

## CAPUT PRIMUM.

*De Epigenesibus quæ pendent à fomite morbofo præexiftenti.*

**P**LURES dari in corpore morborum fomites qui, etfi fileant, & ferè nullis sese finant deprehendi symptomatibus, tamen, datâ occasione, morbis se comites addant & propriis emineant phænomenis, nullus est qui non fateatur. Imò duplici titulo materiæ illæ, symptomatibus inferendis inter media morborum discrimina idoneæ, distingui possunt. Aliæ enim ad statum sanitatis pertinent; aliæ ad morbosam constitutionem jure referuntur.

Fomites  
per se non  
morbofi.

Ad priorem statum pertinent ea quæ in ventriculo continentur, tum illa quæ à vasis hauriuntur lacteis chylosa, tum verò lac & adeps. Humores isti ad œconomix animalis essentiam pertinent, & ad alimenti materiem duplici concoctione immutatam. Ulterior concoctio, residua ab opere peracto excrementa perficit; quæ, ubi adepta sunt ultimum coctionis suæ terminum secundum statum à naturâ ordinem, concocta etiam jure dicuntur, eaque urinæ, perspirationis, & fœcum alvinarum nomine comprehenduntur.

Porro priores illi humores complicationem in morbis, adeoque Epigeneses efficiunt: nam chylo, etiam legitimo, sed præcipue ejus quiscuilibet brevi semi-putridam naturam nactis, onerari ventriculum, febre aliquâ emicante, periculo non caret. Sæpe ab hâc solâ causâ febri simplici adduntur periodicæ exacerbationes, nausæ, singultus, vomitusque, qui, secundum observationes SYDENHAMI, maturè vomitorio adhibito, ante constitutum erethismus tolluntur, quidquid contradixerit illustris HAENIUS. Capitis dolores ab hâc solâ causâ atroces invèhi vel simplicior edocet observatio. Quid si pleuritis, si hepatitis accedat, nonne in morbo adeò à ventriculi jam dictis symptomatibus dissito aderit Epigenesis, eò plus metuenda, quò plus in acutissimo & inflammatorio morbo adhibendis pharmacis methodus artis legitima repugnat, sæpeque ventriculi complicatio ipsi opposita videtur, ut à pluribus annotatum est, venæ sectioni. Quid quòd jam putrescente chylo, aut etiam simpliciter vellicato ventriculo, pruritus enormes concitari omnes viderunt. Quippe nihil adeò, ut statera Santoriana edocet, perspirationi obstat & eam avertit, atque morbos catarrhales invèhit, ut ventriculi irritatio, ejusque jam degenerem induens indolem plenitudo. Hæ porro Epigeneses non solum inflammationem mentiuntur ac simulant, sed cum eâ sæpe com-

Epigeneses  
à chylo &  
quiscuilibet  
primæ co-  
tionis.

plicantur, quam aliundè invehere possunt dolores scilicet laterum, toties vomitorio adhibito tollendi; quæ si præmaturè non vacuetur materies, non uni morbo inferendo efficax, repetita sæpe deinde postulavit venæ sectionum præsidia. Chylus scilicet ipse abit in crudam acremque olentem materiem, quæ, ubi inflammatorium concepit crethismum, in phlogodeam seriùs ocyùs vertitur naturam. Sic ab hâc causâ rheumatismus aliquandò iners, aliquandò phlogodeæ indolis, sævit in articulos nunquam non complicatus. Imò sæpe furunculi & anthraces ab eâdem causâ pendent; dùm scilicet inflammatoriæ sanguinis diathesi quisquiliæ crudi & incocti chyli junguntur, & morbo etiam jam superato, novam sibi coctionem atque depurationem postulant. Quod quidem iis præsertim accidit, qui incautè, & forsan sub latentibus insidiis morbo delitescente, alimentis abutuntur: tanti sunt momenti in casibus istis nunquam obliviscenda HIPPOCRATIS circa regimen in morbis & post morbos servandum præcepta.

Epigeneses  
à lacte muliebri.

Sed noxas semi-cocti nundùm naturam nostram adeptiimenti, nulla apertiùs causa ad lædendum facta declarat, quàm fons Epigeneseon multiformium lac muliebre, quod suos indit caractères & complicationem evidentem mulieribus aut gravidis, aut recens puerperis. His enim morbi, etiam epidemici, imò &



contagiosi, lacteum quid redolent. Primò quidem exuberat purus simplexque latex; mox brevi, actione novâ per corporis ambitum divisâ & dispersâ, acescit atque corrumpitur fluidum illud, fomitemque novum priori addit. Esto mulier in hoc casu correpta pleuritide: mitiùs quidem sæviet ipsa inflammatio, nec acrem primo temporis momento suscipiet erethismum; at in affectum locum confluet impete facto humor ille superfluens, frustra exitum alibi molitus. Hinc anhelitus, hinc tussès, hinc sputorum alborum & glutinosorum proventus ingens. Si in hepar & intestina accidentalis sævierit inflammatio inde accersita, vomitiones, nausæ, convulsiones vix finem sibi poterunt spondere, nisi immanis diarrhœa illum exhauserit humorem. Hinc etiam in febribus intermittentibus exundabunt ad cutem humores acres, acidi; & post sudores, pustulæ crySTALLINÆ miliares non criticæ, novam incutient formidinem, cùm non stagnantis solùm, sed & putrefactæ ad varium gradum materiæ præbeant indicium. At, quod ferale magis lepidis videatur mulierculis primo defunctis periculo, remanet sæpe deposita ad cutim lactei humoris depuratio, complicationem novam efficiens ipsis detestatam. Nec tamen minor ipsis subest infelicitas, si materies hæc textum cellularem & adiposum invaserit multiformibus excipiendis humoribus atque ulceribus idoneum. Hinc

enim una elephantiascos species nasci potest, aut tumorum genus illud, quod, uno deleta, alterum educit, & post varios casus definit in pessimum carcinoma. Certè, in tantâ Epigeneseon metuendarum farragine multiplicatâ, præclarè à naturâ secum actum credere debent ægrotæ, si tantorum malorum pericula rependat fluor albus muliebris, qui toties morbos lacteos ferè insanabilis excipit, & qui, malis cohibitus auspiciis, ea omnia jam pericula, de lacteo humore ne cogitantibus quidem inferre potest. Verùm in morbis lacteis nulla Epigenesis frequentior observatur, quàm illa, quæ plethorâ cacochymicâ textum musculorum cellularem opplet & infarcit, aut defævit in articulos sub rheumatismi lactei nomine: nam ab hâc causâ spasmi efficiuntur fixi atque durabiles, anchyloses, ossium tumefactiones spinæ ad instar ventosæ; quæ omnia, morbis accidentalibus, ut febribus verbi gratiâ intermittentibus, mixta, aut lui venereæ, aut morbo cuicumque, nunc cruciatus, nunc pericula afferunt, ossibus præcipuè in quæ morbum determinant infesta: instar enim aquæ stygiæ, putredo hæc lactea, pristinæ aciditatis jure, materiam ossium nutritiam ante alias adoritur.

A lacte de-  
generi.

Verùm in necessariâ lactis mutatione per ipsius morbi actuositatem temporis maleficio inductâ, nova etiam exurgunt phænomena, novæ Epigeneses. Oleosam ejus partem ex-

cipit adeps, indeque illa, in saponem versa, si non continuò effluat, infert icteros, quos, non expectatos, imò statim aut incertis periodis recrudescentes, rigor denotat & denunciat; si continuò extrà feratur, diarrhoeas, imò & dysenterias invehit, quibus si junctum habeas erethismum, vertitur morbus in complexam atque complicatam hepatitidem, Epigenesibus metuendam multiformibus. Et aliundè nemo est qui non sentiat, quo pacto à redundante illâ cacochymia morborum chronicorum cohors, scirrhi, melancholiae, hydropes possint enasci. Uno verbo vix ullus est morbus qui non novos caracteres, Epigeneses sibi proprias, à lacteo illo fomento non mutuatur. Variolæ, morbilli, febris miliaris variam inde indolem sibi insumunt, sequelasque admodum à priori scopo aberrantes, quas ex prædictis hariolari non difficile est.

Urina verò, quæ quasi totiùs corporis lixivium jure vocatur, & quæ proprias sibi dotes à quâlibet ex coctionibus mutuatur, & earum excrementa continet atque ejicit, si intrà corpus retineatur, jam propria sibi, sed atrocia, sed brevi morte rependenda mala exercet. Jam de Epigenesibus, in morbo necessariò lethali, mentio nulla superest injicienda. Idem de bile dici nequit, quæ non innocuè quidem, sed non adeò funestè, stagnare potest, si non acredinem susceperit. At, morbo illa si in mo-

Epigeneses  
ab urinis re-  
tentis.

Epigeneses  
à bile.

tum concitetur acuto, jam non soli hepati, sed capiti, sed thoraci noxam inferet, & non maculas solum producet biliosas, sed sanguineas etiam atque gangrænosas, soluto admodum sanguine & putrefacto: unde qui primò simplex aderat morbus, in feralem vertitur. Quod quidem pluribus in morbis epidemicis vidimus accidisse. Præsertim casus ille in iis accidit epidemicis morbis, qui aliquid intermittentis naturæ habent. In iis enim aliquandò non rarum est duplicem morbum suâ quemque indole incedere. Putridam alia causam motui idoneam dysenterico exhibet, alia obstructionum phasés sibi vindicat, ita ut neutra corpori quietem concedat. Id non adeò rarum est, si mœror Epigenesim aliquam corpori jam ægrotanti inferat. Hinc certè, corpore jam in aliâ peragendâ coctione occupato, quanta debet supervenire alteratio, quanta principiorum jam conversio atque pejoratio?

Epigeneses  
à sudore &  
exhalatione  
cutaneâ re-  
tropulsis.

Nec certè minores afferet Epigeneses in morbis aut sudorum aut evaporationum quarumcumque ad interiora repulsio. Certè si in statu sano atque haud imperfectè concoquente perspiratio sanctoriana incautè suppressa tot catarrhorum formas inducit, nonne pejora mala expectanda sunt à sudore non critico, sed utili, incautè cohibito. Certè res non nova est nec obscurè observata, à tali infortunio sæpe accidisse anhelitum, suffocationem,

tusses asperas, pituitæ soli limpidæ & crudæ adscribendas, nec aliquid coctum expectorantes. Quippe diruta atque pessumdata fuere quæ prius extiterant concoctionis elementa; sæpe ab hâc sudorum cohibitione, præsertim imprudenter repetitâ, phtisis pulmonalis originem traxit. Verùm rarò id fit sine præviis articulos doloribus, rheumatismi sævitiam æmulantibus. Imò sudores repressi primum vulgò in articulos impetum faciunt, à quibus postea in thoracem retrogradi abeunt, nisi capitis incuriâ nudati frigus, aut in oculos, aut in nares, aut in aures luem conjecerit. Imò mala inde exorta, nervis quasi oppilatis, per totam vitam postea duratura, nemo est qui non viderit. Id etiam à sudoribus suppressis, aut perspiratione cohibitâ, malorum genus epidemicum fuisse, & post melancholiæ dicata symptomata abiisse in phtisim dudum observatum fuit, & ab ipso cognitum HIPPOCRATE lib. epid. 3º.

Et profectò hîc de omnibus catarrhosis affectibus loquendum foret qui in omnibus morbis, & præsertim in reconvalescentibus à morbo superveniunt, si omnes quæ à suppressâ perspiratione pendere possunt Epigeneses hîc enumerare animus foret, pluresque cutaneas pustulas, & dolores tumoresque articulorum describere, quæ omnia, cùm alioquin abunde nota sint, non ampliori morâ, eâque inutili nos detinebunt.

Fomites  
morboſi non  
expediti.

Verùm nihil magis morbos complexos atque diverſis Epigeneſcon ſpeciebus complicatos reddit, quàm altera humorum præexiſtentium claffis, quæ contra naturam corpora divexat, & ſine morbis definitis, aut ſaltem ſine morborum ſenſu, quaſi cauſæ accidentalis influxum & impetum videtur expectare, ut ſævitiem ſuam exerat. Difficile quidem eſt has humorum, ut ita dicam, exploſiones in claffes redigere. Rheumatifmorum acriter ſævientium ſæpe nomen uſurpant, ſerum acre vocavit Nicolaus Piſo. Quippe non impoſſibile eſt novos etiam humorum illorum proventus, nondùm ſatis cognitos, quotidie progigni; etenim tot circumſtantes diverſimodè agunt inſidiæ! Sed ut cauſarum in corpus animale agentium certa & fixa exiſtit in organum definitum actio, ſperandum eſt futurum ut noſcatur aliquandò cujuſlibet cauſæ in unumquodque organum effectus mechanicus, quo ſemel cognito poterit ſubjudicari & artificioſâ divinatione arripi & prævideri curatio.

Horum  
fomitum di-  
viſio qua-  
druplex.

Ea autem vitia humorum quæ ſeorſim à morbo poſſunt intùs graſſari, & corpus non ſemper ægrum, ſed debile ſaltem & infirmum afficere, ad quatuor evidentes claffes revocabimus; quarum prima luem veneream ejuſque ſequelas ſub ſe complectitur. Altera ſcrophuloſum virus atque rachiticum ſub ſe retinet. Tertia ſcorbuticoſ affectus habet.



At quarta comprehendit ingentem varietatem scabiosorum herpeticorumque morborum, qui non semper depuratorii dici possunt & actiuosi, adeoque certa non habent tempora, sed, vel conquisiti, vel ex ipso corporis vitio primum genio forsan vel hæreditario nati, nisi potenti artis auxilio non sanantur, & mutatâ formâ, personâque larvati variâ, per totam divexare vitam sæpe possunt. Vitia hæc omnia vivunt aliquandò occultata in vasorum & glandularum anfractibus. Ibi quasi solidata nullum aut vix ullum effectum exerunt, nec nisi datâ occasione erumpunt.

Nullum porro aliud virus lue venereâ aut <sup>Epigeneses</sup> à lue venereâ. <sup>à lue venereâ.</sup> savius, aut crudelius, complicationes aut Epigeneses efficit. Vix vitalem jure credideris infantem qui eo affectus nascitur: quippe tolerant eum prima dentitionis molimina, cum vix aliud virus adeò efficaciter agat in osseam compagem. Hinc ipsa rachitis, quæ ab lactatos adeò divexat, ab hoc pestifero fonte forsan primam deduxit originem, à pestiferis parentibus aut nutricibus traditam. At aliquandò evenit ut lues ipsa venerea in glandularum anfractibus vix efformatis delituerit, & per diarrhœas, alvi tumores duros quasi scirrhosos & indolentes, marasmos, aut dentium malas eruptiones se vix siverit deprehendi: verum, datâ occasione, fiet eruptio, & sese manifestam faciet lues hæreditate conquisita, ubi jam vix ulla poterit administrari

curatio ; aut hâc tardiùs adhibitâ , saltem reliquias trahet insignes , sive in ossium distortionem , sive in varii generis eruptionibus cutaneis , quæ jam nec mercurio ipsi auscultant , nec aliis medicaminibus frustra adhibitis.

Epigeneses  
à lue venereâ  
in acutis.

At mali illius acquisiti & sævientis præsentia , cum symptomatum maximè insignem varietatem inferat , morbos omnes accidentales interturbat , sive chronici sint illi , sive acuti. Ecquid enim ? Nùm perfectâ speranda est coctio ubi dissociabilis & inexpugnabilis fomes obstat. Vix ipsa speranda est Metastasis , in quâ spes sola reposita est. Hinc variolis grassantibus , hâc præsentem lue , imperfecta tantùm speranda est suppuratio , quæ non statò tempore finiatur , sed abscessus educat alios aliis perversâ maturatione supervenientes , ossibus ipsis consumendis aptos. In aliis acutis morbis dolores advocat lues venerea ab ipso morbo alienos , & si Metastasis abscessum fecerit internum , jure illum vix curabilem pronunties , & externo longè periculosiorem , qui tamen & fœda offeret spectacula & legitimum timorem incutiet , cum brevi , limbis retorridis infamis , suppurationem partis destructivam afferat & perpetuam efficere videatur.

Verùm vulgò ad aliquem gradum evecta lues venerea alii morbo vix locum relinquit. Lue hâc affectos à peste immunes fuisse observatum est. Sua sibi satis habent mala

miseri. Quippe hostilis illa materies aliis introducendis malis vix ansam præbet, saltem acutis. At id periculosum præprimis est, quòd mediante febre acutâ sæpe acciderit, ut quæ delitescibat priùs, rursùm recrudefcat & sui notas det atque indicia lues venerea. Imò id lue venereæ proprium observarunt Medici, quòd multò plus aliis accidentibus morbis indolem epidemicam sibi assumat, morbosque mentiatur prædominantes, ita ut eâ affectus æger barometri ope vix indigeat ad persentiendas tempestatum mutationes.

At quæ Epigeneses à lue venereâ superveniunt eæ præcipuè in morbis chronicis observantur. Sic arthritis ab eâ complicatâ pessimam dolorum rebellemque indolem sibi assumit. Ignoratur enim sæpe unde tantus nascatur dolor, unde jam statas morbus deserat periodos, unde etiam ossium violentior distorsio, imò caries in articulis nascatur, quod in arthritide venereâ vidi. Nec symptomata hæc, nisi longo tempore, propriam sibi indolem testantur, quippe utrique morbo, in primo saltem arthritidis insultu, communia sunt. At rebeli nec deservescente malo nascendam inde suspicionem firmat anteaactæ vitæ historia, quæ arthritidem complicatam & veneream designat. Idem verò in humorum anteanatis vitiis, & per tabum venereum efferatis observatur: eos enim humor ille, cum veterum

Epigeneses  
à lue venereâ  
in chronicis.

atrabile servans analogiam, in cancrum mutare visus est pessimus, tuncque mercurio vix auscultat, ut in venereo uteri cancro notabile est & quotidie observatum. Verum ipsa lues venerea suam sibi Epigenesim facit multiformem, nunc tumefactis cranii ossibus epilepsiam mentiens, nunc asthmata à spinæ vitio etiam periodica procreans, nunc etiam, dum, præ insigni dolore, coctiones omnes, omnes secretiones vitiat atque pessumdat, cachexiam invehit & œdemata hydropica producit, nunc contrà phlogoses rebelles & erysipelata metuenda; nunc verò chronicos morbos invehit à se nimium diversos, scorbutum scilicet atque herpes.

Scorbutus  
ipsum luis  
Epigenesis.

Lui venereæ neglectæ, in vitâ præsertim sedentariâ & atmospherâ humenti, supervenit ante omnia alia symptomata Epigenesis ab eâ diversa toto cœlo, *scorbutus*. Hic enim pestis est sanguini atque mucoso cruori; hæc contrà lymphæ struit insidias. Utrique labi id proprium est quod in ossa sæviat: at scorbuto indoles summè putrida, undequâque grassans, ante omnia competit. Lui venereæ durities quædam coagulans, atque, ut barbarè loquar, *inspissans*. Ille omnia corrumpit, laxat, effœminat. Hæc indurat omnia & cogit ad se principia. Hinc luis venereæ antidotum præsens scorbuto nocet, imò eum infert mercurius. At, licet scorbutum per se non inferat lues venerea, ei tamen, dum

coctiones vitiat, dùm corpus imperspirabile reddit, multoties occasionem dat, squalore, glandularum induratione, secretionum intermissione malum hoc induens. Hinc, ubi distinctis sui dederit notitiam symptomatibus scorbutus, sciunt Medici omnes neçtenda ei esse impedimenta, frænaque injicienda antequam de luis venereæ curatione possit sapienter cogitari: increşceret quippe per mercurii actionem virus scorbuticum, cui prorsùs aduersatur illud potentissimum medicamentum. Hoc verò proprium est cachexiæ illi scorbuticæ, quòd cùm alii fomites per acutorum morborum impetum & actuositatem sæpe vacuentur atque sanentur, exasperetur contrà ille scorbutus ferociùsque sæviat; quippe qui per se corrigi vix possit: est enim morbus totiùs substantiæ, ut cum veteribus loquar, qui omnes humorum partes æquè corrumpit, & auget per inditam ipsam acrimoniam, quam humores, ad corruptelam prompti, per ipsum naturæ agentis impetum sibi insumunt. Hinc à nullâ aliâ causâ tot supersunt reliquiæ morborum, tot reconvalescentiæ periculis plenæ, tot febrium lentarum nervosarum sic dictarum genera, præsertim in pueritiâ atque senectute decrepitâ grassantia, cùm scilicet sanguis jam legitimam consistentiam conquirere non potest, aut amissam reparare. Nec semper ad gingivas aut crura hæret malum; nam, etsi non semper EUGALENO fides habenda sit,

symptomata hæc inter crises morbi sæpiùs memorantur; at anhelitus ad minimum motum, cordis palpitaciones, diarrhœæ, latens malum arguunt, juncta quidem cum aliquâ fraccidæ putredinis notâ.

Epigeneses  
à scorbuto  
in acutis.

At nulla est ex luibus illis extraneis quæ tam facile jungatur cum morbis acutis quibuscumque. Ita peripneumonix comitem se præstat acrimonia scorbutica, sputaque sanguinea mirum in modum auget, non jam per strias exitura, sed toto sputo sanguinem nigricantem referente. Simul adsunt dolores ossa ipsa infringentes, ad extremas usque medullas penetrabiles. Adest & ipsa paralyxis lateris affecti, non adeò in casibus hisce rara, jam Galeno dudum observata, ejusque frigus & pallor; adeò ad dissitas usque partes periculum protenditur! Quid! quòd in morbis nil simile minantibus, sæpe evenit, ægro jam convalescenti ut extrema penitus frigeant & afficiantur paralyticè. Illud malum plus & frequentius cognitum est in locis depressis & paludosis; & tamen in salubri Galliæ nostræ cœlo, post tempestates uvidas & frigidas, nec rarò in febribus intermittentibus & post ipsas ita accidisse vidi, præsertim in senioribus, ut alterius illius morbi curatio & multò longior & periculosior priore fuerit. Id verò præsertim nautis atque viatoribus qui septentrionales Oceani plagas assiduè lustrant, non adeò rarò observatur. Imò, quod cre-



diderat observator SYDENHAMUS à nimio corticis Peruviani usu pendere, sanationem absolutam secutus est scorbutus; quod, non medicamenti vitio, referendum esse demonstratu facile est, sed corporis afflictioni & perspirationis corruptæ effectibus.

Nulla verò Epigenesis scorbutica aut violenta magis, aut frequentior est quàm illa quæ dysenteriam scorbuticam jungit morbis quibuslibet. Etenim sæpenumero scorbutus ipse, ægris jamjam morituris, per symptoma illud, funestè terminum accipit; neque felicius cum ægris agitur, si humor scorbuticus, per febrem præcedentem in motum actus, putridisque bilis reliquiis remixtus, per inflammata intestina in motum agatur: quod quidem aliquandò febribus intermittentibus scorbuticis supervenisse testantur observatores plurimi.

Diarrhœa  
scorbutica,  
Epigenesis  
frequens.

Nec mirum etiam si cachexia in motum acta tam facilè in scorbutum eat degener, cum putredo spontanea tam facilè invadat crudas alimentorum & perspirationis stagnantis reliquias. Unde ex paucis istis satis patet quàm latè extendantur Epigeneses & complicationes morborum quæ à scorbuto fiunt. Nec mirum si complicationes istæ videantur ab antiquis prætermissæ: deest enim solum scorbuti nomen; sed ex iis quæ hîc enumerantur symptomatibus, quorum plurima ab antiquorum libris desumpta sunt, satis evi-

Scorbutu  
cachexiæ  
proles veteribus non  
ignotus.

denter apparet rem, seu cachexiam corruptam, quocumque tempore, quocumque ævo fuisse observatam, præsertim in locis uliginosis & aquarum putridarum stagnatione paludosis. Nec difficilè ex dictis intelligitur quantâ conjungantur cum causis scorbuticis connexionem pessima illa febrium putridarum genera, quæ à Galeno *Σηπτικές* vocabantur; ut sunt febres in carcerum tenebris contractæ, à defectu aëris pendentes, aut etiam à vitio alimentorum putridorum & corrumpentium.

Epigeneses  
ab herpeti-  
bus.

Maximum certè morborum cutaneorum ambitum constituunt herpes sic dicti, quorum causa non una, forma summè diversa est. Imò & huc referri potest scabies, quæ, licet à plurimis ab insectorum morfu acri repetita, non tamen minùs periculi repercussa inferre potest. Scabiei proprium est, ut in morbo acuto retropressa tussim acrem, ferinam aliis addat symptomatibus. Sanentur hæc, superest illa donec cutim novo impetu adoriatur. Erysipelas, anginam & anhelitum minatur. Alii hujusce generis humores alibi feruntur. At omnibus his ferè causis morborum, commune est ut morbo acuto sæviente conticescant, nec se videri sinant. Unde quoties ante morbum effloruere illi, pro causâ morbi latente habentur; quod, etsi non rarum, non tamen perpetuum est. At, desinente morbo, pro ratione virium rursus apparent, & plus minùsve emicant. Aliquandò

tamen per morbi acuti violentiam sanantur; sed hæc rariora sunt, cum morbus à constitutionis dyscrasiâ pendens rarò aliâ ratione sanetur, quàm per inductam contrariam constitutionem. Nec morbis chronicis plus virtutis inest; cum videamus quotidie herpes luveneræ sanatæ & mercurialibus inunctionibus superstites. At sæpe locus mutatur, & post capitis morbos Epigeneses sæpe fiunt herpetum in nares & oculos; post dysenterias in intestinorum viciniam grassantur; in guttura & buccas à thorace deportantur. Nam si morbus ipse originem traxerit ab herpetibus aut morbi alicujus cutanei delitescentiâ; qui superveniunt herpes non jam Epigeneseos sibi titulum usurpabunt, sed veræ Metaptoses erunt quæ fieri possunt in pulmones, hepar, ventriculumque, quem doloribus sævissimis affligunt, vel etiam in quæcumque alia viscera, sed meliori omine in cutem, quæ ipsis locum præbet naturæ suæ consonum. Dantur etiam herpes epidemici, ut & pruritus, & pforæ, & scabierum diversæ species. Verùm utut eruptiones illæ verè Metaptosin efficientes in naturâ morbi contineantur & cum ipso jungantur, his tamen omnibus commune est, ut tantùm post erethismi febrilis cessationem aut mitigationem appareant, nec nisi post paroxysmos efflorescant; laxatâ scilicet solidorum strictione, & mitigato qui omnes exitus vinciebat erethismo, eruptiones illæ in

cute molliori positæ, rursus ad pristinas sedes redeunt, vel novum & morbi vi debilitatum locum invadunt. Sed hæc ad Metaptoses pertinent. Quod autem hîc de herpeticis aliisque alienigenis vitiis animadvertimus, de arthritidos ischiadosque delitescentiis eò plus intelligendum est, quòd ea ipsorum est indoles, ut latenter & subito à parte in partem ferantur aëris & spiritûs in morem. Sed vulgò morbum novum non efficiunt; idem est, qui larvam tardiùs deponit. Cruciatus sub variâ efficit formâ improvisos, inexpectatos, sed ut plurimum arthriticos: hâc causâ præsentē, vulgò cæteræ conticescunt. Si nativum sibi locum recuperaverit arthritis, exurgit exoptata quies in visceribus antea immodicè cruciatis; quam si recusat sedem repetere, instat fatum ineluctabile.

Epigeneses  
à veneno  
rachitico &  
scrophuloso.

Superest jam ut Epigeneses sectemur illas quæ fiunt per alicujus vitii scrophulosi aut rachitici manifestationem. Quæ quidem duo vitiorum genera plus ætati infantili infesta sunt, quàm firmæ & adultiori vitæ periodo. Certè latere potest intùs lues scrophulosa, veneno debita tardiùs vel ocyùs erupturo, sæpe ad seram usque pubertatem innocuè in variis glandularum anfractibus delitescente: sed sæpe ipsa convulsio dentitioni prævia ipsum exeruit, ut & rachitidem & articulorum tumores. Nec res tamen ita severè accipienda est, ut omnes dentitionis difficultates atque inde nascitura

nascitura symptomata ad vīrus illud revoce-  
mus; nam sæpe spasmus ipse constans, etiam  
sine scrophularum aut veneni rachitici præ-  
sentiâ, mortem infantibus ante ora parentum  
intulit, omnibus alioquin corporis partibus  
ab omni labe immunibus. Peremit infantulum  
ipsa mechanicum corporis organismum des-  
truens convulsio. Videmus sæpe infantes, inter  
molestum dentitionis opus, omnem per corpo-  
ris ambitum inflari atque turgescere lymphâ,  
& vero tentari hydrope. qui solis viribus na-  
turæ peractâ dentitione tollitur. At semel po-  
sito veneno illo, quodcumque aut sit aut fue-  
rit, duplex Epigeneseon fons prævidendus est.  
Vel enim partes scrophulis affectæ tentan-  
tur, saltem in viciniâ, inflammatio-  
ne; per quam tardior, lymphatica, mu-  
cosa, nil sanans exoritur suppuratio, quæ,  
à proximis ad proximas glandulas defluens,  
& lentè, sed certò à glandulis & articulis  
in viscera delapsa, tardam, sed certam phti-  
sim infert: vel obstructio partium illa-  
rum nascitur, à quâ oritur œdema, scir-  
rhus hydropsque, quo facto plurimi inter la-  
crymas propinquorum pueri perimuntur. At  
enim à Medicis observatoribus conceditur  
non unum aut definiendum evolutionis virosæ  
genus aut à convulsione, aut à dentitione,  
aut etiam à febris actione sumpsisse originem.  
Nam visi sunt infantes quos in hæc mala, nullâ  
arte prorsus extirguenda, conjecit casus qui-

Scrophu-  
losæ Epige-  
neses os du-  
plex genus.

cumque, ictus imprudens, membri alicujus luxatio aut ruptura, terror violentus, digestionum incuria; uno verbo eos pessumdederunt & scrophulis atque articularum nodis obnoxios fecerunt matrum & nutricum peccata.

Proprius  
cuique acre  
dinis fomes,  
Epigeneses  
acit.

Nec tamen ii sumus qui sub hâc humorum Epigeneses efficientium narratione & enumeratione credamus omne genus causarum illarum exhaustisse; cum ea sit corporum humanorum pro loco quem incolunt, aëre quem spirant, victu quem sibi delegere, conditio, ut unumquodque corpus propria sibi excrementa ingenerare possit, ut suus sit unicuique spiritus sive atomus volatilis, varios producens effectus. Unde fœtor suus cuique, suus cuique color. Nec diffitentur Medici rufis & aureis capillis donatos plus redolere aliis, voce donari graciliori, morbis eruptivis plus conflictari, morbis laryngis plus angi. Nec minus verò quos morbus infantilis gibbo & spinæ distorsione maturius afflixit, spirant difficilius, articularum doloribus plus vexantur, & ideo morbis thoracis anhelantibus plus subjiciuntur. Nulla certè intus febris emicat, quæ non importunas tussis afferat & symptomata ad Epigeneses inducendas prompta. Pariter qui oculis laborant, qui aurium tintu afficiuntur in habitum ducto, auribus & oculis morbo vigente cavere debent. Nam etsi sæpe causa vitiis aliis fovendis & educandis



apta, delitescere amet dùm viget e. ethismus, tamen, eo cessante, debilitas inducta vasis & aucta excrementorum productio non quidem per se Epigenesim facit, sed malum ante positum auget & exasperat. Quod aliquam Epigenescos speciem constituit.



## CAPUT SECUNDUM.

*De Epigenesibus à causis intùs tempore ipso morbi natis.*

**H**Uc usque de causis quæ, longo habitu aut infortunio vix prævidendo, in corpus ægrum actionem à morbo prorsus diversam ita exerunt, ut causæ duæ sejunctæ complexos atque compositos effectus exerceant, actum est. Nunc Epigeneseon causa altera altiùs scrutanda & propiùs excutienda superest. Scilicet ipsa morbi degeneris & propria excrementa sibi soli convenientia generantis indoles, varia & ab ipso morbo diversa phænomena potest inferre: unde nova exoriatur Epigeneseon soboles morbique complicatio. De causis quidem evidentibus in hunc scopum concurrentibus jam satis in priori sectione actum est, prævisosque effectus, quantum in nobis fuit, in classes digessimus: sed quâ ratione morbos à se diversos præferre morbus ipsâ suâ actione & corpora mutandi ratione queat, nunc inquirendum est. Quâ quidem in inquisitione vitanda erit Epigeneseon cum Metaptosis confusio, quæ hîc certè ita instat, ut vix accuratè sejungi atque secerni possit utraque morbi mutatio, nisi quòd superaddatur morbo su-

Morbi ipsius actione nascuntur intra corpus Epigeneseon causæ.

perstiti Epigenesis, per Metaptosin verò mutetur morbus & in alium vertatur.

Ex verò Epigeneses tum in universo corpore, tum etiam in diversis partibus observandæ sunt: & ex quidem occurrunt tum in sanitatis confiniis, ipsaque vix læsâ, tum etiam in morborum acutorum ferociâ, tum demum in chronicorum lentioribus insultibus.

Ut autem intelligatur quâ ratione Epigeneses illæ in morbis accidunt, præcipuè ad excrementorum generationem & productionem attendendum est, & doctrinæ Sanctorianæ accurata tenenda est memoria: ea scilicet alimentorum pars quæ internas vias, nec inire tenuatione principiorum, nec naturâ suâ subire

valet, scybalorum nomine debet extrâ projici, quibus sua coctio competit, ut colore, consistentiâ, levitate insignia sint; quæ verò salino oleosam & aquâ diluendam traxerunt indolem, sub urinosi laticis formâ exeunt; quibus & sua etiam coctio competit, ita ut aquæ acceptæ, epotæ, imbibitæ, urinæ correspondant, flavescantque plus aut minus pro bilis resorptæ miscelâ, adipisque in saponem soluti proportionem variâ. At illa, de quâ SANCTORIUS diligenter & ex ipsis naturæ penetralibus observationem instituit perspiratio, omnium humorum, nec non materiæ ipsius jam ferè nutritiæ excoctum cæterisque omnibus & ponderosius & copiosius excrementum, non unius est naturæ, nec cum eva-

Quæ & loco & tempore differunt.

Ex ipsâ coctionis naturalis consideratione intelligi possunt.

poratione simplici confundenda. Nonne fordes in cute solidas constituit & copiosas, nunc, pro naturâ materiæ ipsius nutritiæ, acres & falsas, nunc etiam acescentes, sed fracidas semper, & brevi variâ ratione olentes. In hujus materiæ excretionem reperiatis & illos subtilissimos, atque ultimâ certè actione solidorum in fluida procreatos, & ipsâ suâ tenuitate ad exitum promptos spiritus, tum tenuissimam, jamque ob eam tenuitatem inutilem factam, atque ultrâ naturæ limites delatam materiem alimentariam, insectis adhuc pluribus aptam nutriendis. Nec certè crudis adhuc necdum maturis omninò exitus denegatur, modò aditus subtilissimos tranare queant; imò etiam, ut nuperis experimentis videtur demonstratum, aëri degeneri subtilissimo, quem usibus nostris ineptum ipsa functionum actio reddidit. Certè, tot inter partes quibus se cutis perviam facit, exit præcipuè specificus ille cuiusvis individuo spiritus rector, quo fit ut herum canes agnoscant & inter ceteros distinguant, imò & ipsa eorum usibus destinata vestimenta possunt, ut multiplici constat experimento, agnoscere. Quæ quidem pars, nostris functionibus aptè concinnata, nec minimis usibus instituta, vix sensibus nostris deprehendi potest. At varietates ipsi aliquandò conciliari faciliè agnosces, cum certè mutetur ab exercitatione, usu meri, alii, aromaticorum, imò & ab animi affectibus, quibus

sæpe factum ut integra mutetur machina, nec ulla de prioribus proprietatibus supersit omnino, sed omnia susdeque vertantur.

Simplicissimus hic rerum naturalium & in corpore quotidie peragendarum intuitus nos edocet, quòd variatio vitæ possit in concoctionum productis mutationem inducere. Unde sine ullâ hæsitazione intelligimus producta illa non eadem prorsus esse debere in primâ ætatis ineuntis periodo, non eadem in utroque sexu, sed maximas inde nasci debere differentias. Differre etiam debent in vitæ non actuosæ otio languidiore, in exercitato laboribusque fracto militum corpore, in ingentibus animi motibus, in illo habitu quo exercitantur Doctorum ingenia, feriantibus vulgò reliquis corporis functionibus.

Porrò, cum varietates illæ maximè sint observabiles in ipsâ sanitatis diversitate, quantò magis illæ à se invicem abludere debent atque discrepare in tumultu morborum, jam destructo partium inter se æquilibrio, vitæque aut per inertiam languidiore factâ, aut per auctum impetum actionis prætermodum crescentis vividiore. Etenim ut languidior vita de omnibus effectibus aliquid detrahit, sic etiam aucta illa, nec datum tempus servans, nec intervalla distinguens unien-

Naturalia  
coctionis ex-  
crementa in  
ipsâ sanitate  
maximè va-  
riabilia.

Multò ma-  
gis variati  
debent mor-  
bosa excre-  
menta.

effectus inducere. Nec negandum est ab hoc fonte præcipua, etiam sine Epigenesi, pendere morborum phænomena; sed certè ipsarum Epigeneseon origo ingens ab hâc causæ varietate exoritur: nam substantiæ diversæ inde natæ, pro ipsius patientis naturæ diversitate, diversitatem etiam indolis sibi fortiuntur. Hinc Epigeneses debere nasci evidens est, quas etsi in omnibus persequamur vitæ & circumstantiarum differentiis, tamen omninò attingere & exhaustire non valebit ars humana: quippe fatendum est ea sola à nobis apprehendi quæ sensibus obijciuntur, dari verò plures magnorum in corporibus effectuum causas, quæ sensus non percellunt, & quas nulla valuit distinguere & in classem reducere observatio.

Inde multa  
Epigeneses.

Epigeneses  
à viciatâ &  
imperfectâ  
coctione mor-  
bosâ.

Primaria ergò Epigeneseon ab intimo morbi fomite pendentium causa, à coctionis alteratæ & per morbum mutatæ vitiis repetenda est: & ut coctionis in ipsâ sanitate alteratio morbos inducit, ita coctionis morbificæ effectus debent Epigeneses invehere: quod quidem, ut à simplicioribus auspicemur, quotidianum est in infantibus, quos ipsa dentitio Epigenesibus torquet absurdis & per quas miseros perimit. Vitiatur scilicet illic coctio, & in acidum acre vertitur. Hinc præclare à naturâ cum miseris agi conclamant omnes, si illicò invehatur diarrhœa acescens illa, adeòque viridescens, quas virides & aci-



das lemas nutrices germinum dentium titulo inter se vocant; sin minùs, illâ deficientē & præfens tollente præsidium, brevi convelluntur artus, maxillæ, intestina, tuncque vel emicabit febris phrenitica, vel variarum partium oedemata aderunt, vel gula, thorax, maxillæ stringentur ad lethum usque, vel demùm glandularum meseraïcarum congestio nimis tardam invehet diarrhœam. At si scenam tranquilliorē, vel in ipsâ sanitate libuerit inspicere, plurimos videas adultos, quos hesternæ crapula papulis & pruritibus afficit plures per dies, imò & sæpe multò magis duraturis. Hinc maculas enasci durabiles quis non vidit, imò & sanitate etiam, ut videtur, restitutâ, icteros, pruritus & multa similia? Nec alia est ratio cur, post febriculas, labia, buccæ pustulis brevi crustosis afficiantur, quas non licet cum Metaptosis confundere, cùm nullius sint usûs sive ad morbi curationem, sive ad hujus mitigationem. Verùm Epigeneseon illarum sentinam constituunt viscera excrementis emittendis, aut formandis recrementis idonea: quippe duplex hîc mutationum efficiendarum fons apparet, quem sufficiunt, hinc ipsius humoris mutatio, illinc viscerum necdùm satis observatione deprehensa sympathia: bilem v. g. in viridescentem, porraceum, & nigrescentem humorem mutari quis nescit? At mutationis hujus evidentes causas hariolari non semper possibile est. Sic

Quarum  
sæpè sentina  
in visceribus  
excretoriis  
latet.

vulnus capiti inflictum viroſo illi anſam dabilis colori. Sic, renibus inflammatis, aut urinam quâcumque ratione retinentibus, ſupervenit vomitus; ut & hepatidî ſingultus & vomitus; demùm paraphrenitidî buccarum diſtorſio aut riſus ille ſardonicus. Hæc quidem phænomena omnia, obſervatione nimis conſtanti deprehenſa, at certè non intellecta, ſymptomata morbi potiùs efficiunt quàm veras Epigeneſes. At nervi læſi atque convulſi habitum inducunt univerſo corpori convulſivum, non illicò, ceſſante morbo, tollendum. Imò à ſimili morbo, etiam abſolutè ſanato, labes illa ſola remanſit, quâ nervi, antea ſani, ad ſpasmum proni fiunt, & ad omnes externas impreſſiones ſuſcipiendas apti.

Hinc affectus nervorum paralytici poſt morbos reſidui.

At certè quàm dira, quàm arduè intelligenda famoſa illa Epigeneſis quâ plures colici dolores poſt vehementiſſimos cruciatus in paralyſim deſinunt, & dolorum loco inertiam artuum aliquandò, ſed rariùs, immedicabilem afferunt. Longior certè foret talium malorum hiſtoria, cùm & ipſi rheumatico dolori sæpe etiam viſa ſit ſuccedere paralytica inertia & frigus partium conſtans, nec per fomenta calidiora tollendum, cui demùm, ſtupentibus Medicis, finem peſſimum impoſuit atrophia maraſmodes. Id quoque poſt febres longas & articulorum longis doloribus infames accidere, etiam apud veteres viſum eſt. Non quidem ſemper ea pro ſimplicibus Epigeneſibus ha-

benda sunt : at Metaptofeon nomen malè acciperent. Verùm si fœcundam Epigeneseon quarumcumque sentinam liceat introspicere, sit una pro omnibus visceribus spectanda uteri muliebris facultas, quâ fit ut nulla sit in miscellis mulierculis corporis pars, quæ non patiatur absurda symptomata ab utero dissita atque remota, quorum enumerationem hîc enarrare prorsus longum foret & inutile, cum nullum sit symptoma quod non æmulari possit affectio mulierum hysterica, quam in viris rependit hypochondriaca illa affectio, à ventriculo & plexibus forsan nervosis hîc multiplicatis pendens, & in quos sæpe ipsa affectio hysterica refunditur. Certè hystericas videre est mulieres, quibus uterus nullâ ratione ad attactum dolet, quod secus esset, si aliqua hîc phlogoseos subessent vestigia. Sed de incognitis parùm utile est conjectari. Certè affectiones illæ, quæ sæpe per totum vitæ decursum visæ sunt functiones, perturbare & invertere, nihil aliud sunt præter aliorum morborum Epigeneses, à prioribus, alioquin sanatis, inflicte & altè inustæ. Hinc quæ multa invehuntur ab iis symptomata, Epigeneses aliquandò dici possunt aliarum Epigeneseon. Sed certè omnia illa symptomata non fugacia semper sunt. Observata sæpe fuit quædam spasmi durabilis species nunc parti motum adimens, nunc inflammationes & gangrænas inducens,

Huc referri debent & plurimæ affectiones spasmodicæ.

nunc etiam marasimum & tabem parti alicui corpore cæteroquin sano, inurens. Imò & ipsa cadaverum apertura spasmi istius reliquias ostentavit laxiores quidem, sed ipsâ suâ constrictione insignes, dùm nullum aliud prætereà vitium deprehenderet sagax observatio.

Affectus  
nervei mater-  
iæ alicui sub-  
tiliori viden-  
tur tribuendi.

Si verò morborum illorum singularium scrutemur origines, quamquàm aliquandò sine ullâ evidenti prophasi emicuerint, quamquàm solus animi affectus violentus in mulieribus, at lentior & fixior in viris illos protulerit, difficile est hîc aliquam humoris, seu atomi, seu gas subtilissimi intrâ nati actionem non admittere, quæ nunc fixa huic parti adhæreat, nunc volatilis huc & illuc feratur. Quippe non alia est veneni cujuscumque in partem aliquam actio; non alia sunt phænomena, nisi quòd hæc fixiora sint, destruentia, illa verò partes tantummodò sensui atque motui comparatas adorianur & pessumdent; ita ut (cum SYDENHAMO loquor) vincula illa adorianur, quæ propius corpora cum animatâ facultate innectunt, sepositâ omni in materiem ipsam crassiorem actione.

Inest ergò sensilitati nerveæ & tensioni, aut nativæ aut acquisitæ nervorum, quoties in actum agitur illa & convulsiones procreat, causa certè materiæ donata proprietatibus & actione in nervos sibi propriâ agere nata, licet nullam exerceat facultatem in partes organismo gaudentes firmiori. Nam consentient om-

nes qui similibus morbis observandis tempus impenderunt, alias sæpe functiones immunes à malo superesse, dùm motus convulsivi immanes corpus proterunt & proturbant; si quid enim indicii in functionibus illis organicis reperimus, ut est illud quod præstat vis urinæ limpidæ & aqueæ convulsivis affectibus propria, fugax illud est indicium & tantummodò paroxysmi temporis correspondens. Nec dubium est quin in causâ illâ incognitâ & oculos fugiente insit aliqua, cuique forsan individuo propria, forsan in ipsis materiæ elementis comprehensa facultas. Hinc aliam conjectari possumus esse materiem quæ, rheumatismo propior, fixiorem spasmum inducit; articulos infantem, nervorum tunicas adorientem, & ferè paralyticam quibusdam impertientem atoniam; aliam verò quæ, huc & illuc versatilis, nunc has, nunc illas partes adoritur, in nullam decumbens, malo constans, symptomatibus summè variabilis.

Duplex  
conjectatur  
esse causæ  
genus in  
nerveis affectibus.

Præterea verò huic asserendæ propositioni sufficiat attendisse convulsivis istis motibus præcipuè subjici ætatem infantilem, sexum muliebrem; minùs ab iis concuti adultos, robustos, exercitatos, in quibus spiritus ille rector vividius exhalat & melius excutitur. Hinc perspirabilia corpora minùs hisce causis patent & subjiciuntur. Nec minùs verò notandum est quod ii qui hæmorrhagiis narium in juventute, hæmorrhoidibus in adultâ ætate

Causa materialis morborum nervorum exemplis demonstrata.



tentantur, postea verò arthriticos patiuntur insultus, aut morbis vexantur cutaneis, hos, inquam, morbis nerveis maximè fuisse subditos, malum alio malo devitantes. Quid quòd sæpe sæpiùs eæ mulieres, quæ in primævâ ætate nervis prætermodùm laborant, desinentibus paroxysmis illis, cum jam de malo sævissimo profligato sibi gratulantur, phthisi intereunt pulmonali, aut tabe siccâ consumuntur, quasi id fieret delatâ & congestâ in partem organicam vitæque necessariam materiâ illâ lædente. Verùm materiem illam per multiformes prosequi Epigeneses longum foret: satis fuerit intellexisse inde quasi demonstrari morbos nerveos à causâ materiali pendere, eosque ab hac causâ procreati, quæ veneni instar agat, nihilque facilius esse quàm, post morbos quoscumque, sive acutos, sive chronicos, superesse reliquias, forsan temporis tractu aliquandò exhauriendas, forsan etiam in alios morbos abituras. Nec meliùs unquam talem ortum, talem exitum videre est, quàm in variolis, quæ vel pueros, vel puellas sæpe per longa temporis spatia nerveis symptomatibus reliquerunt obnoxios. At sæpe post annos virus aliquod, cum præterito morbo nullam servans analogiam, morbis istis nerveis finem imposuit. Nec minùs post luem veneream res eadem accidit, sive lui venerex id debeatur, sive ejus in ner-



vos non inculpabili antidoto. At veneno ipsi, non remedio, has Epigeneses deberi inde facile conjicitur, quod indurationibus atque congestionibus inde nascentibus reliquiæ illæ infames sint. Porro his potius tollendis quam inducendis aptum est remedium mercurius. Nec minus etiam scorbuto sequela eadem familiaris est; nec tamen tantum scorbuto & totiûs massæ malo, quantum arthritidi vagæ scorbuticæ, atque rheumatismis: quippe quicumque sæviunt crudeliter dolores, facile materiem nervis lædendis idoneam producant, illique in hos facile abeunt. Utilissimum certè foret materiæ cujuscumque, nervos, illæsis cæteris functionibus, adorientis, fata, genus & species inter se distinguere. Ecquid enim! cùm tanta sint organorum in hoc symptomatium sive Epigeneseon genus afferendum consentientium numerus atque varietas, certè major adhuc, ex observatis in naturâ legibus, productorum debet esse diversitas. Sed ea internoscere & in classes reducere vetat ipsa effectuum à sensu & motu pendentium multiplicata in infinitum diversitas; nullamque aliam discrepantiarum classem possumus distinguere; nisi quod, ut jam antea dictum est, aliæ fixiores sint & firmo vinculo partibus annexæ, aliæ summe volatiles & attrahi ab omnibus partibus quasi æqualiter valentes.

Sua cuique  
morbo esse  
potest subti-  
lioris spiritûs  
productio.

At certè , si partium tum solidarum , tum fluidarum nexus & mutuas in se actionis diversitates paulisper intueamur , quàm diversæ inde pendere & generari possint varietates brevi intelligemus. Et ut , in sanitate , odoracorum vis propriam cuique indolem & spiritum rectorem odoratur , ita & in quocumque morbo cur non suus unicuique affectui proprius spiritus rector innascatur , nec tantum in corpore universo , sed & in parte quacumque ; quod quidem dubitantibus demonstrabit nulli neganda in varias partes , in diversa temperamenta , remediorum administratorum facultas.

Inde fortè  
contagium.

Triplex  
contagii ge-  
nus.

Ab hoc quidem morbi spiritu , ut ita dicam , rectore , satis enodatur vis illa contagiosa Epigenesibus inducendis apta. Certè contagium , sive labes ab uno ægroto corpore in aliud traducta , triplici sub aspectu potest introspecti. 1°. Scilicet spargitur contactu immediato & proximo corporis. 2°. Ægrotantis atmosphærâ corporis , quæ quousque & ad quæ spatia extendatur nondum satis observatione constitit ; nec quis sit ejus *attrahivus* impetus à corpore in corpus vicinum definire possibile est. 3°. Demum atmosphærâ illâ universali in quâ jussu Dei vivimus , movemur , & sumus ; quæ , dum vasa calore humido laxat & dilatat , venenis quibus scatet pro tempore introducendis anſam dat. Verum , quocumque sub aspectu partes illas contagio-

fas intueamur, quantumvis illas, semel natas atque efformatas, à corpore ægro in corpus sanum traduci posse confiteamur, sicque in populos minùs cautos serpere & civitates integras depopulari; licet etiam congerantur, ad luis contagiosæ generationem, funestæ illæ conditiones omnes quibus atmosphæra vitari possit, loca miseris habitata queant infici, corrumpi alimenta; illud tamen supererit, atomos quascumque pestilenciales in ipso corpore ægroto viventi fuisse primùm ingentitas, & ex ipsâ vitæ actione & certamine inter morbum & vires vitales inito primam sumpsisse originem; adeoque aliquam adfuisse analogiam inter corpus corruptum & alia circumstantia corpora, & quod uni accidit potuisse pluribus evenire, unde contagio novæ vires addantur. Nec minùs licebit addere corpora alia magis aliis ad tales suscipiendas, fovendas, educandas atomos lædentes esse disposita; tùm verò maximè metuendos esse iis quos eadem premit aëris, locorum, ciborum conditio. Unde non rarum est renovari sub variis cœli aspectibus, aut conticescere veneni violentiam: quod pluribus morbis epidemicis accidisse testatur experientia. Sed his semel, quæ denegare nefas ratio suadet, quæ observata docet experientia, positis & concessis, quantæ ab hisce causis possint pululare Epigeneses facile est hariolari. Quid enim! Si bilis vitietur & labem acceperit à

Prima ejus origo ferè semper à corpore ægrotante.

Multas sur-  
bire potest  
Epigeneses.

Scorbuti-  
cum & phti-  
sicum contra-  
gium.

quâcumque causâ natam , præclarum erit ægro , si , coctione peractâ , rigor non maturius , sed opportunè adveniens , aut icterum prænuntiet , aut , quod melius adhuc , diarrhoeam salutarem. Epigenesis sæpe fit ad articulos in morbis rheumaticis & catarrhalibus , quibus evenit ut in veram & legitimam abeant arthritidem ; hâc semel verò positâ , per intimum contactum inter sibi opposita corpora fieri Epigenesim & morbi communicationem nulli Medici non fatebuntur. Scorbuticorum halitus gingivas adstantium læsisse visus est. Morbus nascitur ab hâc causâ , symptomatibus aliquibus concors , putredine finitimus , qui aliquâ ratione scorbutus vocari potest , aut certè eundem postulat medicamentorum apparatus , ut pluries vidi. Uno verbo quidquid acre est & volatile potuit semper ab ægro corpore in sanum traduci , mutatâ formâ , imò & imminutis effectibus , sed causâ eâdem remanente. Sic phtisis pulmonalis , non quidem adventitia & accidentalis , sed quæ quasi connata est & à parentibus accepta , sæpe ab ægro corpore in sanum traducitur. Sed , vis ejus ita fracta est , præsertim in corpore minùs obnoxio , ut multas observando viderim mulierum per phtisim absumptarum ancillas , longo post earum obitum tempore morbo pulmonali laborare , imò prima marasmi pericula experiri , à quibus tamen eæ quæ robustiores sunt , post longa

temporis intervalla convalescunt. Idem est, sed rariùs, in servis maribus observatum; quippe qui plus sese aëri puriori committant quàm foeminae, & corpora habeant & robustiora & causis externis minùs cedentia; forsan alibi terrarum vis ista contagii ferociùs erumpit, ut de Hispanis dicunt corporibus.

Epigeneses verò omnes illæ intùs à causis intrà corpus conceptis natæ, ita à naturâ fomitis sic generati pendent, ut multi etiam morbi epidemici id sibi proprium habeant, ut symptoma aliquod princeps præ se ferant, recidivas pariter patiantur, & sæpe post se etiam easdem notas longo tempore impressas relinquant. Sic uno & eodem tempore febre catarrhali correptos longa divexavit tussis ferina. Sic multos etiam post morbum ictericum color cutis affecit plumbeus, ad lividum sese ferens, quos tardior redemit diarrhœa. Sic etiam, morbillorum eruptione vigente, tusses aridæ sine eruptionibus, angunt plures. Similibus observatis plenæ sunt Observatorum Chartæ: ita ut inde satis facilè quisque sibi asserat causas universales eosdem effectus essentielles producere, iisdem subjici variationibus, nec tantùm morbo inducendo conferre, sed etiam suas sibi habere Epigeneses quæ à suâ naturâ pendent, nec ulli alteri substantiæ competunt.

Porrò ab hâc lædenti in epidemicis morbis substantiæ naturâ satis intelligitur actio morborum contagiosorum, quibus id proprium

Contagium  
Epigenesibus  
characterem  
imprimit  
suum.

Contagii  
proprietas  
duplex.



1<sup>o</sup>. Adhæ-  
rendi vis.

ineſt ut à corpore in corpus traducantur. Iis  
verò proprietas duplex hæere debet; altera  
quâ in corpore acceptæ utut per ſe volatiles  
ſint, poſſintque diffundi etiam aliquandò per  
ingentia atmôſphæræ ſpatia, eâ tamen dote  
donentur,quâ alicui parti poſſint firmiùs adhæ-  
rere, nec citò diffilari, in quo quidem ingens  
corporum diverſitas occurrere debet: altera  
verò, nec minùs neceſſaria, proprietas in eo  
repoſita eſt ut multiplicari poſſint, & quâdam  
materiæ efferveſcentiâ ſibi plures alias aſſimi-  
lare; in quo quidem peſſimo labore,corpori cui-  
que inſitas proprietates obſervandas eſſe perſpi-  
cuum eſt, cùm ſæpe à peſſimis variolis be-  
nignæ oriantur, malignæ benignis ortum ſuum  
referant, ut quotidiana teſtatur experientia.  
Nec certè hîc locus eſt de iis loqui cautelis  
quas morbi iſti expoſtulant, nec de corporum  
naturis quæ morborum iſtorum invaſioni ma-  
ximè patent. Sed ſummè notandum eſt eos  
homines qui morbis actu conſiſtantur, præ-  
ſertim acutis, & in quibus ad proſtigandum  
hoſtem jam vigentem natura occupata eſt,  
vix ab hiſce contagioſis morbis,licet iſſis con-  
tigua ſit cauſa, attingi. Deeſt ſcilicet in hiſce  
corporibus una de cauſis quæ ad extraneâ quæ-  
cumque combibenda ſummè requiſita eſt.  
Facultas ſcilicet abſorbendi in illo tumultuario  
circulationis ſtatu omninò diſperiit. Prætereâ  
verò conditio humorum quæ poſſit alterari,  
& in pejorem conditionem mutari, am non

2<sup>o</sup>. Facul-  
tas ſeſe mul-  
tiplicandi.

Corporibus  
actu acutè  
ægrotantibus  
rarò adhæret  
contagium.



existit. Notavere id Medici Massilienses vel in ipsâ peste ; quod & ante illos ipse observaverat sæculo proximè elapso SYDENHAMUS. At certè , cùm talis tantusque hostis foras atria fervet & obsideat , an non metuendum est ne sic compositus atque complexus fomes novas experiatur degeneres mutationes , novasque inducat Epigeneses ? Hincannon admittendæ sunt in morbis pestiferis quædam à priori scopo devix mutationes , Epigenesibus efficiendis accommodatæ ? Certè , in nosocomiis magnis , custodes ægrotantium , ipsis invigilandis & curandis sacrati , post curas ægrorum similibus morbis affectorum & magnâ copiâ ab his raptorum , sine febre , sine ullis aliis symptomatibus , nisi illis quæ competunt parti affectæ , anthrace laborant , ingenti cum puris effusione , aut bubonibus quos resolvere nefas est. Aliqui febrem dierum quatuordecim depuratoriam experiuntur , aut etiam malignam , id est aut phreniticam aut comatosam , quæ , cùm principium nervorum adoriatur & actioni vitali noceat , longa est & periculosa. Hæ febres aliquid certè pestilentialis latentis attento observatori offerunt , sed rarò contagiosæ dici possunt , nec pristinam servare ferociam.

Contagii  
formæ degeneres.

Idem certè de variolarum , de morbillorum , de morborum eruptivorum quorumcumque sequelis pronuntiare licet ; & multos morbillis atque variolis non obnoxios in cons-

titutione horum morborum epidemicâ videris, quos capitis dolor & nausea, quos tussis divexant, sine ullâ eruptione. Imò non semel videre est viros quos, post variolas assiduâ curâ tractatas, anthrax adoritur, aut pustula quævis malignior nunc solitaria, nunc multiplicata, partesque adipe scatentes occupans, aut illas quibus cutis tenuissima est, & per quas inspiratur aër proximè, ut sunt buccæ, labia, genæ, &c. Quid? quòd, si jam insit prædispositio scorbutica, gangrænam talis Epigenesis accersit & invehit, à quâ brachium servi integrum depopulari vidi, nec nisi efficaci kinækinæ auxilio debellari. Talia exempla in actis Academicis plura legi possunt.

Nec putredo extrâ corpora nata contagii expers.

Nec certè unquam, etiam in morbis non contagiosis, potest pro actu indifferenti haberi in aëre putrido vitam agere, ibi edere, & aërem cum alimentis vorare; imò nec in pulcherrimis, at duris certè, anatomes laboribus indifferens esse debet quodnam secetur cadaver: nam nec ipsum contagium omninò à cadaveribus abest, quæ frigida quidem & inertia, vires contagiosæ particulæ non addunt, nisi quas ipsa corporibus animalis putredo infert & advehit, at saltem, comparari atque conferri possunt cum mercibus illis peste imbutis & infectis, quas commercium affert, & quarum effectus, teste experienciâ, plures per annos, ut in Messanensi peste nuper consp-

titit, differtur. Nec tempora adhuc durationis illius potuerunt statui. Uno verbo contagium illud, aromaticarum partium more quæ in animalibus sæpe nascuntur, ingentem nanciscitur cum partibus animalibus adhærentiam, & debilitatum quidem minùs agit, at actionem illam servat quæ possit variis de causis excuscatari & ad priorem redire ferociam ex partium analogiâ. Temporis quidem spatio, dum atomi pestilentiales in varia traducuntur corpora, efficaciam primævam videntur aliquâ ratione amittere, atque in suâ ferociâ frangi & multiplicatione imminui, imò in Epigeneses abire diversas, ut de febre flavâ pestilentiali apud Americanos constitit, & de lue venereâ apud nos, quæ, gonorrhœâ virulentâ semel procreatâ, multum de pristinâ amisit ferocitate. Attamen non huc usque datum est aut tempus hujusce durationis definire, aut degenerem nec jam metuendam ipsi indolem assignare. Certè pluribus à peste sanatâ remanserunt dolores & abscessus articulorum, imò & glandularum obstructions, quæ postea resolutæ, nullum pestis indicium protulere. An pars illarum quæ pesti tribuuntur reliquiarum, referenda foret ad incussam formidinem, quæ sola sine aliâ causâ corpora conturbare potuerit?

At cum acuti ferè omnes morbi contagia nova ix admittant, non idem dicendum est de chronicis affectibus, qui sine ullâ naturæ

Ipsi chronici morbi novas concipiunt vires à suscepto contagio.

actione, inò eâ inertî remanente, contagia omnia eò altiùs combibunt, quò minorem causis lædentibus resistantiam offerunt; tumque duplicatur actio causæ prioris jam in motum concitata & commota. Ita hîc commemorare vix utile est quot Epigeneses scorbuticæ, brevi petechiales factæ, sese variolis conjungant atque commisceant; quot inde nascantur perîcula, nunc hæmorrhagia per renes metuenda adeò habita SYDENHAMO, nunc inertia gangrænosa articulorum, nunc sputa, vasorum ruptorum in pulmonibus indicia, brevique morti apta inferendæ. Nec in morbillis etiam complicatio illa incognita, quæ, ubi morbum effecit atrocem, Epigeneses relinquit eò magis timendas, quòd prioris morbi indoles novas, à reliquiis relictis & motu sanguinis aucto immoderâtè, vires accipit: idem certè quod de scorbuticâ lue pronuntiamus, de reliquis omnibus complicationibus morborum, præsertim cutaneorum intelligere est. Sic herpes qui ante morbum inflictum sæviebant, acriùs post ipsum efflorescunt, plaudentibus sibi ægro & Medicis, quamvis effectus morbi malè pro ejus causâ habeatur. At complicationum pessima & Epigeneseon maximè ferax est lues venerea. Hæc enim delituisse potest & quasi iners in glandularum anfractibus recubare. At ipsi, natura contagio novo concitata; ignotum priùs & minùs prævisum furorem conciliat: hinc ante omnia dolores

dolores enascuntur, qui quidem locum novo morbo laborantem occupent, at qui longè sæviores sint quàm vis morbi videretur posse concitare, aut febris ipsa postulare. Tùm non continuo ictu percutiunt, sed per horas, præsertim nocturnas, recrudescentes, ad ossa usque videntur pertingere, imò eorum perdunt substantiam. Coctio hîc semper in excrementis imperfecta est, & lymphaticam glutinosam acrem indolem profert, quæ vias naturæ sensu vellicat importuno. Ubi verò novus morbus contigit, tunc sese evidentem præstat lues venerea huc usque latitans, suis agnoscenda symptomatibus. Sed multò magis funestè res peragitur si lento tabo partes virus illud perdat internas, aut, in ipsis secretoriis organis conglutinata, vis veneni phthisim aut hydrophem accersat; quæ quidem symptomata in lue venereâ atrociter exoriuntur & plurimos morte plectunt ægrotantes: at eadem etiam mitiùs, nec tamen securè, in morbis arthriticis atque rheumaticis agunt, quibus etiam id non incognitum est ut cum lue venereâ conjungantur, & tandem ab articulis ad ipsam ossium substantiam penetrent, Epigenesimque ideò magis metuendam inferant, quòd latitare possint ossea illa symptomata, & causæ alii adscribi, scilicet fomiti arthritico per ipsam suam naturam sævissimo.

## CAPUT TERTIUM.

*De Epigenesibus quæ à Chirurgiâ  
pendent.*

Chirurgici  
casus Epige-  
neses ex se  
inferre va-  
lent.

QUANTUMVIS ea omnia Epigeneseon genera quæ ad Chirurgiam pertinent, sive ea fors attulerit, sive induxerit ipsa rei necessitas, possint referri aut ad solidorum malam conditionem, aut ad fluidorum depravatam indolem, norintque satis Medici quantum in curandis vulneribus valeat rerum externarum directio; tamen multæ sunt Epigeneses quas in casibus chirurgicis, sed præcipuè in mulierum partu, inducit propria & specifica mali natura, ita ut non possint ad classes alias quascumque referri. Læditur enim in hisce casibus propria viscerum organica fabrica. Unde, præter causas jam memoratas, variæ possunt supervenire Epigeneses à viscerum positurâ, à sympathetiâ naturali harumce partium, earumque cum aliis consensu: tum variæ etiam maiorum formæ nascuntur à prædebilitatis, tum vasorum, tum viscerum tono atque structurâ.

Divisiones  
Epigeneseon  
à Chirurgicis  
casibus  
oriundarum

Harum Epigeneseon aliæ necessariæ sunt & effectus prævisos inferunt, aliæ tantummodò accidentales dici possunt, & in incautos improvisò irruunt. Imò & cum de casibus chirur-



gicis Epigeneseon causis agimus, eos duplici sub aspectu intueri necesse est. Primò cùm recentes sunt & eo ipso tempore quo fuerunt illati; secundò dùm corpus continuatis tormentis divexant novaque inducunt phænomena, sive ab internâ caufarum serie repetita, sive ab externorum erroribus nascentia.

Verùm ante omnia, ubi pars aliqua concussa, contusa, fracta, luxata, vulnerata est, Epigeneses  
sub ipso mali  
accidentis  
tempore. vigentibus antea omnibus functionibus, nul-

lâque culpabili existente in sanitate notâ, si Epigenesis aliqua quasi subita accadat, hæc prorsus à partium sympathiâ & positurâ repetenda fuit. Talis est Epigenesis illa quæ capitis vulneribus accedit aut ejus concussibus Epigeneses  
sympathicæ  
à læso capite. supervenit; vomitus scilicet porracei atque viridescentes: quippe caput nunquam graviter læditur quin ventriculus partem mali maximam in se suscipiat, quanquàm & usu & distantia tantùm abludat, quantum inter se functiones differre possunt: tùm verò aliæ recensendæ sunt Epigeneses quæ superveniunt tardiùs, imò aliquandò sensim sine sensu fiunt;

ut lateris unius ab oculo ad pedem usque torpor, unde & loquela & deglutitio ipsa præpediantur, unius oculi aut alterius subversio, aurium bombi, & maxillæ convulsio quæ sæpiùs aliis præludit convulsionibus; tùm etiam ex oculis prodeunt injussæ lacrymæ, adest torpor in sensibus quibusvis unius lateris, memoriæ etiam debilitatio, imò & judicii infirmitas:

hæc omnia sequelæ & effectus sunt partium capitis concussarum; verum, cum diutius malo durent, & restitutâ etiam sanitate vi-geant, ut post capitis concussus observatur, pro Epigenesibus haberi possunt. Effectus simul sympathiæ & positionis partium sæpe reperitur in oculi unius læsione alterum lædentis, & visûs universalis ob hanc causam hebetatione. Quod sæpe etiam in geminatarum partium, quæcumque sint illæ, læsione occurrit, eâ tamen servata lege, ut quæ fuit illæsa per causam evidentem, minùs labore eâ congeneri quæ ictum aut vulnus suscepit.

Convulsio-  
nes in vul-  
neribus.

Et certè nullibi adeò evidenter sympathiam illam, sive corporis partium consensum annotabimus, ac in subitâ illâ læsione quam inflicta inferunt vulnera, à quâcumque causâ in corpus illa inciderint. Hinc nullum ferè est vulnus grave, quod non secum trahat convulsionum genus non unum, quod, etiam post mortem, ita sæpe corpus contrahit, ut spasmodum variæ figuræ in cadavere remaneant. Ita risus ille sardonius, seu potius convulsiva contractio quæ vulnera diaphragmatis exceperit, mortuos non deserit, licet laxior appareat. Nec etiam spasmi violenti absunt, tertiâ quidem sui parte minores, in cadaveribus quibus vivis contusi aut vulnerati fuere testiculi: quibus sæpe violenter læsis accidit ut gula & œsophagi principium convulsionibus sententur, & anginâ convulsivâ ægri pereant.

Quod quidem consensûs vix intellecti symptoma jamdudûm ab Hippocrate fuit observatum. Convulsiones quidem omnibus partibus violenter læsis communes sunt, aut præ doloris sensu, aut præ gravi hæmorrhagiâ, quæ ab inanitione nata convulsio, HIPPOCRATI olim annotata, & omnibus evacuationibus enormibus communis, non potest magis quàm quæ à doloribus oritur inter Epigeneses numerari. Sed quæ improvisa adest, nec pendet ab ipsâ partis positurâ vera Epigenesis est, eaque accidit, vel ab ipsâ nervorum præcognitâ debilitate, quæ effectum conduplicat, ut si terror aut aliquis animi affectus jungatur; vel à nerveis fibris partim contusis, partim difficilis, aut membranis quibuscumque sentientibus læsis, ut familiare est articulorum fracturis aut contusionibus violentis. Nam plures jure annotarunt Chirurghi quòd partibus jam bellè compositis & statum nativum, ut videbatur, jam suscipientibus, aliquandò convulsiones brevi emicent violentæ, quas aut citò mors excipit, aut solvit somnolentia ipsa sæpe convulsionum non expers, licet eas leniat & faciat minùs metuendas.

Verùm etsi sæpe Epigeneses nullæ notabiles observentur illo quo læsio accidit temporis puncto, quo & stupet natura, & functionum in suo statu naturali consistentium major est resistentia, res aliter se habet ubi jam lecto compositus est æger, novaque quasi vita

Epigeneses  
in vulneribus  
à tempore  
læsionis re-  
motiores.

A primis  
vitiis.

ducenda est. Tunc anxietates animi, tunc  
quiescentiæ intrâ ventriculum contentæ, quod  
in improvise casu frequens est, suas partes  
agunt & novas inducunt Epigeneses. Tunc  
enim vel vomitus, vel singultus, vel nausea  
caput impetunt, &, maximè mutabilis humor,  
bilis ipsa nova invehit symptomata. Tunc si  
quod latet intus venenum, illud in partem læsam  
delabitur, doloresque infert, convulsionesque  
enormes, ut de arthritide evidens sæpe est, de  
syphilitide minùs perspicuè observatur. An non  
tunc de suâ illâ adeò jactatâ certitudine deturba-  
tur Chirurgia, titubantique arte prognosticâ  
mixtum spei timorem admittit, unde sæpe Chi-  
rurgo minùs prudenti errorum fontes nascun-  
tur. Sic viro olim accidit, cui post casum vio-  
lentum atrocia vomituum aderant symptoma-  
ta, aderat capitis dolor. Rem casui illi refe-  
rendam putabant omnes, nec sanè immeritò,  
cùm emicuere variolarum symptomata non  
dubia. Nonne etiam, dùm aliquis violentum  
aut vulnus aut contusum patitur, si pericu-  
lum aliquod adsit, vultus è florido brevi pal-  
lens reperitur, imò brevi flavescit, flaccescit-  
que musculis decidentibus, hiant palpebræ,  
ipsa etiam dilatatur prætermodum pupilla,  
quæ sæpe in infantibus latentes in capite con-  
cussiones denotat. At paulò post, si qui lateant  
in dissitis partibus concussionis effectus, ab ipsâ  
mechanicâ partis structurâ pendentes, nec ta-  
men minùs Epigeneseon titulo digni, emicant

A latente  
veneno.

Ab animi  
affectibus.

A concus-  
sione factâ in  
partibus dis-  
sitis.

illi, propriisque se symptomatibus denotant. Ita miseris qui in pedes perpendiculariter, sed violento casu, incidere, verum à capitis concussionem periculum impendit, cui vix primis diebus credant ægroti. Sed ubi jam sedata videntur omnia, tunc somnolentia, dolor gravativus capitis, functionum animalium debilitas veterino atque convulsionibus videntur præludere; fitque status ille febrilis quem Medici vulgò (jure an injuriâ?) febris malignæ nomine designare solent. An inter Epigeneses numerabimus contrassuras, contralæiones, aliaque mala illa quæ, cum à structurâ partis & legibus mechanicis pendeant, licet eodem temporis puncto quo ictus ipse inflictus est fuerint iniusta & impressa, postea tantum sui signa dant non sine erroris metu? Certè malum extitit per se, licet aliquandò delituerit: at sæpe evenit ut parte unâ læsâ abscessus in aliis efformetur; quod verè Epigenesim constituit. Ita pleni sunt Authores observationibus quibus constitit quòd, capite percusso, abscessus inde in hepate nati, miseros post longa tempora peremerint. Scilicet concussus, pro variis corporis positionibus propagati, in hac aut illâ parte hærent & restitant, ibique congestionem efficiunt; debilitas enim in parte ad quam hæsit ictus violentia, ab ipso inflicta est. Præterea, ut jam dictum est, nulla est capitis læsio quæ non in bilem atque bilis organa actionem exerat. Quod

A malo  
sympathicè  
in diffitas  
partes trans-  
lato.



Erysipelas  
& emphyse-  
ma.

Effectus  
perverſi regi-  
minis in  
vulnerum  
curâ.

Vietum  
aëris, &c.

ſi ultrâ perfequamur eas quæ cæteris quarum-  
cumque partium fracturis ſuperveniunt Epige-  
neſes, longa laboris tædia erunt perferen-  
da: nulla enim eſt de cauſis externis quæ in  
hoc caſu actionem aliquam exerere non poſſit;  
nulla de cauſis internis quæ externæ læſioni  
reſpondere non queat. Hinc ſæpe, ſed præſer-  
tim in articulorum & membranarum partium  
aut fracturis aut diſtractionibus, &, ut vete-  
res dicebant, ſpaſmatibus naſcuntur eryſipe-  
lata. Hinc etiam, aditu aëri conceſſo nec per  
artem belle deſenſo, viſa ſunt univerſi cor-  
poris emphyſemata, in partibus præſertim ad  
thoracem pertinentibus, & aëris tumores ſub  
digitis crepitantes, quos, ſi alia non vetant,  
natura ipſa, aërem combibendo & deſtruendo,  
diſſolvit: illud quidem emphyſema admodum  
cum eryſipelate jungitur, & ipſam cutem  
diuturnâ affligit laxitate & imperſpirabili fa-  
tiſcentiâ. Quid quòd inde renum actio & va-  
cuationes quæcumque prohibentur: ne hîc  
longiùs de febre ſuppurationis ſecundariâ lo-  
quamur, & eâ quæ, ſuppurationi juncta, per  
errores regiminis aliquandò peſſimam ſibi in-  
dolem aſſumit, atque omnia infert febrium  
putridarum & malignarum ſymptomata. Nec  
tamen de iis, ut de rebus ſatis cognitis, utile eſt  
longiùs diſſerere. Hîc atmophæaræ in plagis  
atque fracturis influxum prætermittere licet,  
cùm ſatis ex Chirurgorum querelis compertum  
ſit, non impunè aërem frigidum & vietum



Iqualidorum nosocomiorum ab ægris capite  
 vulneratis inspirari, ut jampridem de nosoco-  
 mio Neapolitano querebatur M. Aur. Severi-  
 nus. Quod etiam crimen in magnum nostrum  
 nosocomium à pluribus refusum est. Scilicet,  
 loco bonæ atque legitimæ suppurationis, su-  
 perveniunt improvise comata, mox aut in  
 delirium aut in veterum abitura, brevique  
 convulsus æger moritur. Nec minor atmos-  
 phæræ salubri & moderatæ conditioni attentio  
 adhibenda, peritorum Chirurgorum judicio hîc  
 adducto, in magnis quibusvis operationibus  
 Chirurgicis, ut est, v. g. lithotomia, quam  
 fervente syrio aut vigente hieme, nisi leges  
 superans necessitas imperet, reformidant om-  
 nes. Porro, quantæ ab hisce causis Epigeneses  
 febriles & inflammatoriæ accidunt, cum sem-  
 per proxima sit lethalis convulsio in tantâ par-  
 tium laceratione, fatentur omnes. Nec ullo  
 alio in casu adeò momentosa fuit stricti regi-  
 minis ordinatio, animi tranquillitas, & usus  
 salutiferæ atmosphæræ, omniumque rerum non  
 naturalium legitimus. His omnibus in casibus  
 semper præ foribus sunt partium vicinarum  
 inflammatio, brevi per omnem diffundenda  
 machinam, & febrem accendens gangræno-  
 sam, aut eundem effectum, sed breviorē,  
 efficiens convulsio, quæ, dum viscera vitalia  
 adoritur, vitam destruit. Demùm gliscens un-  
 dique putredo lentiori quidem pastu incedit,  
 sed grassatur in proturbatâ & jam non repara-

bili naturâ undique, unde flaccescunt partes affectæ, nec depurantur, sed quam ab externis accipere noxam dum pejorant, malum conduplicant.

Effectus  
succussionum  
merè spas-  
modicus.

Et certè omnia hæc in quibuscumque chirurgicis casibus Epigeneseon fundamenta viderant omnes Authores antiqui, ipso duce HIPPOCRATE, & ferè in omnibus casibus qui ad Chirurgiam aut strictè aut laxè acceptam pertinent. Nec aliâ ratione in corpus agunt violentæ illæ succussiones atque ipsa prima infantum dentitio, cum scilicet aperiendæ sunt gingivæ, & dentium acumen eruendum. Imò in causis quibuscumque violentis & inasuetis semper convulsionis metus inest, & quidem eò magis quò tenera magis sunt corpora. Ita forsan atmosphæræ solius incuria, si Authoribus fas est credere, Nigritas servos in Americanis insulis vix ad lucem emissos convulsionibus corripit & maxillis spasmodicè ad se adductis enecat. Imò & externorum omnium negligentia sævissimam post morsum canis non rabidi induxisse visa est hydrophobiam, quam aliter potuisses, saltem ad usque gradum aliquem præcavere. Jam satis alibi abundè dictum est de nocumentis in vulneribus, ut & in morbis à lue venereâ atque scorbuticâ inducendis. At lue rachiticæ aut scrophulosæ id proprium est quòd præ omnibus aliis lymphæ vitiis turpes efficiat cicatrices, squalidas illa atque retorridas. Iis verò omnibus venenorum formis com-

Luis vene-  
reæ rachiticæ  
& scrophulo-  
sæ in vulne-  
ribus effec-  
tus.

mune piaculum est quòd ubi semel febris exarserit suppuratoria, illa facillimè nunc in putridam vertatur, nunc in lentam, imò aliquandò hecticam, cùm scilicet pus ab eorum noxâ nascatur non jam album, læve & æquale, sed venenorum intùs latentium particeps, nec coagulandis evadat aptum vulnere oris, nec vasculorum aut cellularum coërcendæ atque moderandæ pullulationi, sed contrà extùs oras vulnere induret intùs resorbturn, & omnes acredinis effectus exerat.

Enim verò si compositiones omnes Chirurgiam sibi postulantium affectuum cum causis aliunde petitis, nascendasque inde Epigeneses sectari animus foret, certè per universum artis ambitum exspatiandum esset. Res ex dictis antea satis intelligitur, quippe in omnibus hisce casibus, cum inflammatione, puris confectione, gangrænâ & refluus humoribus res agitur. Verùm hîc de simpliciore Chirurgiâ agendum est, circà quam mirum certè videbitur quantum ad Epigeneses devitandas attentionis ad omnia sit adhibendum; quantum vel una neglecta cura possit inferre & periculorum & Epigeneseon, quoties secandum fuit notabile vulnus, quoties ejus oræ dilatandæ, quoties aut amputandum aliquid superfluum, aut apponendum quod deficit. Primum interdictum atque ipsâ rei naturâ prohibitum est exercitium quodvis, nullus enim est motus qui

Epigeneses  
ab ipsis ne-  
cessariis in  
Chirurgiâ  
cautelis.

Ab exer-  
citii defectu  
necessario.

sua non afferat nocumenta, qui in actuositate naturæ, & legitimo ejus incessu, moras non nectat. Imò ex ipsâ læsionis formâ, ante omnia posituræ corporis cura habenda est, & ab ipsâ, quam ars ex instrumentis lædentibus organisque læsis sedulò inspectis imperavit, recedere nefas est. Verùm istius posituræ quanta sint incommoda, & quàm diversæ inde Epigeneses nasci possint, satis intelligere poterit quicumque parumper attenderit quantum machinæ nostræ intersit ut partes motum & posituram varient. Inde enim hinc fit tarda humorum secretio, illinc secretorum humorum accumulatio, stagnatio, & induratio. Et hæc est una de causis quare post operationes & posituras chirurgicas toties tardior sit reconvalescentia & virium accisarum reditus vix integer. Primò enim partis in quam decumbunt ægrotantes miseri compressio dolores in eâ immanes concitat; unde fit ut ægri eâdem positurâ decumbentes, vulgò ingentibus ad talos cruciatibus ita divexentur, ut periti Chirurgi de hoc malo sublevando seriò laboraverint; imò sæpe pueris, quos longa in statu illo contrà naturam detinuit mora, ipsa corporis rectitudo vitiata fuit & immedicabili distorsione deturpata. Inde quoque rachitidem & partium etiam distorsionem natam vidisse me si dixerim, nihil novi proferam, cùm similia omnes viderint. Nec rarum est præpeditâ perspiratione cutim deturpari universam, dùm calli nascuntur in

partibus quas aut laquei affligunt, aut lectus detinet hærentes & fixas. Verùm non in externis tantùm scena transigitur : nam , postquam longâ quiete stagnans induruit bilis , fiunt sæpiùs calculi biliosi ; & icterus ægros , jam per ipsam quietem ad cachexiam proclives , longis fastidiis atque tædiis , imò & cruciatibus vexat. Notum est colicos , ut aiunt , biliosos dolores à Chirurgiâ jam liberatis esse familiares , & longum imperare sæpe aperientium usum. Sed nihil frequentius est , postdecubitus longos , quàm calculos in renibus aut pelvi urinariâ , aut in urethrâ , aut demùm in vesicâ nasci , quod saltem tormenta importet nephritica calculorumque ejectionem duram & difficilem , imò cruciatibus atrocem. Sed sævior adhuc metuenda superest Epigenesis , si nucleus ille lamellatim increseat , nova que expostulet operationum tentamina , suis etiam Epigenesibus metuenda , ut sunt urinarum stillicidia , stranguriæ , ulcera , mucosæ in vesicâ concretiones , & earum ejectus impossibilis. Quid quòd ab hâc causâ , calculi scilicet præsentia , toties remaneant ani pro-cidentia , hæmorrhoidales tumores , quos ipsa loci positura inducit , & quibus favet longa in hepate stagnatio sanguinis , reditus ejus per motum impeditum tardatus , bilisque secretio stagnans ? His etiam causis , ut & omnibus chirurgicis manum præcipuè postulantibus affectibus , addendus est animi terror , metus , mœ-

Ab animi  
mœrore.

ror. Qui omnes animi affectus, tempore ingruentis suppurationis mechanicè aucti, fortunam operationum ita aliquandò mutavere, ut, spasmo violento ab hâc causâ illato, ægri quasi subitò & improvisò pereant, sine ullâ aliâ notabili mutatione vel in solidis vel in fluidis. Spasmus enim in partes debilitatas irruens loco actionis legitimæ à naturâ requisitæ, gangrænam & sphacelum inducit, dum simul motum cordis & vasorum supprimit. Sicque miserrimi ægri suffocatione subitâ è medio tolluntur, quòd aliquandò, vel in ipsâ operatione, inter cruciatus accidisse visum est.

Epigeneses  
in graviditate  
& partu.

At natura ipsa Chirurgiæ ditioni miseras subjecit mulieres, imposito onere gestandi atque post statum tempus fœtum emittendi atque parturiendi. Quæ quidem operatio, si in suâ simplicitate spectetur, Epigeneses in gestatione molestas efficit, sed nullâ ratione metuendas, à compressione partium & diversâ corporis positurâ oriundas. At si vel prævisa mulieris debilitas, vel animi terrores, vel nervorum irritabilitas summa hîc symbolum aliquam adjiciant, proh quantæ quàmque funestæ Epigeneses misellis impendent! Aliæ quidem à mechanicâ impressione, deturbato vasorum & circuitûs ordine oriuntur, dum gestat quotidianæ mutationi objecta mulier; aliæ à nervorum mutato tono pendent & ab eâ facultate prorsus alteratâ, quâ sensationes in vitæ ordinato stadio excipiuntur. Porro in variabili

1º. Tempore  
gestationis.

Pressione  
mechanicâ.

Nervis affectis.



illâ vitæ conditione, quantum etiam ab institutâ Mutatis humoribus.  
 secundum nativam constitutionem indole dif-  
 ferre debent humores ipsi, sive in proportionem,  
 sive in naturâ elementorum, dum jam longâ  
 morâ secretio lactis à naturâ præparatur? Præ-  
 terea verò primis mensibus exuberat sanguis, Sanguine refluo.  
 nunc caput impetens, nunc thoraci & parti-  
 bus in eo contentis infensus, nunc hepar &  
 cætera viscera opplens pro nativâ harum par-  
 tium debilitate. Hinc sæpe gravidis comata,  
 hæmoptyses, hæmorrhoidum eruptiones,  
 anhelitus, imò & hepatitides, singultus, vo-  
 mitus, dum nausea ipsis quasi in habitum ver-  
 titur, partim à nervorum irritatione, partim  
 à sanguinis regurgitatione. Interea verò sero  
 alluitur parum cocto aut potius semi-cocto Vitiatâ coctione.  
 sanguineus latex, qui, acido redundans spon-  
 taneo, dolores invehit osteocopos, præsertim  
 verò dentes & gingivas inficit, unde per totum  
 gestationis tempus, imò & post partum, den-  
 tium dolorifica caries sæpissimè obversatur.  
 Nec aliam ob causam sæpe gestationis  
 tempus dentium amissione notatur. Ab  
 eodem fonte oriuntur tam sæpe pica &  
 malacia, imò absurdorum alimentorum  
 cupido, adjuvante præsertim imaginationis  
 debilitatione. His jungitur, compressionis  
 partium auxilio, icterus, ad usque partum Vitiatâ bile.  
 invalescens, quem viridem, porraceum,  
 imò & absolutè nigrum vidi. Si desit uni-  
 versalis icterus, at maculæ saltem corpus

deturpant, & huc feruntur vel illuc: ne loquar hîc de crurum femorumque tumefactione, quæ tam sæpe mirum in modum augetur, ita ut nihil de pristinâ formâ remaneat. Uno verbo gestatio est cachexia cum suis sequelis, effectibus & Epigenesibus, quas si numerare velis, inutilem luseris operam, cum fatendum sit ipsis vix aliam competere curam præter expectationem, cum symptomata illa omnia partu solvantur, aliisque locum cedant non minùs gravibus, sed acutie suâ magis reformidandis.

2°. Epigeneses ab ipso partu.

Partus verò, inter operationes quæ nixus vehementes postulant solutionemque continui efficiunt recensendus, non solum Epigeneses multas chirurgicas inducit, quæ pendent à partium continuarum fracturâ & rupturâ, ab earum decidentiâ, à non integrâ secundinarum aut extractione aut vacuatione: sed etiam spasmo violento, nunc fixo, nunc alternis vibrante & oscillante, vel symptomata in maximè dissitis partibus nervea concitat, ve in ipsâ parte inflammationes horrendas, torminibus, singultu, vomitu, ventris tumefactione, & mammarum decidentiâ metuendas, quibus brevi jungitur aut phrenitis aut apoplexia. Verùm sæpe ipsa vacuandi humoris indoles putridas febres invexit, in quibus effusi humoris crudi sola quantitas, potest perniciem alioqui certam accersere. Quid quòd sæpe negligunt minùs cautè sabur-

ræ delitescantis, & ab ipsâ intestinorum positurâ multiplicatæ, reliquias artis auxilio vacuare; unde putridus fomes novus exurgit. Intereâ verò, dùm status intestinorum mutatur, flatus glomerari necesse est & tormina sentiri, quo quidem parvi momenti tormento paucae sunt mulieres quæ careant, nec quidem aliquibus sine periculo transiguntur.

Jam verò si lactis, jam parcius post paucos dies fluentis, refluxum in mammas impetum, atque etiam in alias partes præcipuè cellulosas intueamur, tùm quibus de causis cohibeatur illud in his illisve partibus, & quos inducere possit effectus in corpore prædebilitato, quod regit nervei toni fracti tumultus, mille Epigeneseon Metastaseonque causas inveniēmus, quæ, cùm ad acrimoniam aut plethoram referantur superfluum, ad alios titulos aut jam tractata aut mox tractanda referri debent. Unde priori huic mutationum in morbis inductarum tractationi finem imponemus.

3°. A lactis secretionē.





## PARS SECUNDA.

### *De Metaptosi.*

**M**ETAPTOSIS, de quâ nunc, argumento prorsus difficili atque intricato, dicendum incumbit, morbi quamlibet mutationem designat, quâ positâ, forma morbi atque ipsius symptomata novam accipiunt indolem, nova oculis phænomena subjiciunt, ita tamen ut novus morbus à præcedenti pendeat, & alter in alterum translatus videatur: unde à *μετά* & à *πέρα* vox ipsa derivatur.

Quid sit  
Metaptosis?  
In quo differat ab Epigenesi.

Differt Metaptosis ab Epigenesi de quâ mox tractatum est, in eo quòd additur in Epigenesi malum malo, morbus morbo, veteri causæ nova accedit eique jungitur, sua inferens sibi propria symptomata. In Metaptosi mutatur prior ipse morbus, & in novum affectum transit, prorsus à priori degener. Dùm huic ultimo curas affert ars sedula salutare, totum tollit morbum quod in Epigenesi

In quo differat à Metastasi.

non semper sperandum est. Differt etiam à Metastasi, quæ tamen maximam Metaptoseon partem comprehendit, ut genus à specie: nam Metastasis fit semper à naturæ nixibus, criseosque speciem sive bonam, sive malam comprehendit: Metaptosis verò nil nisi mutationem morbi finit apprehendere, à quâcumque occasione orta fuerit illa. Hinc omnia

quæ corporis conditionem, & organorum facultatem immutant, pro Metaptoseon fonte haberi possunt; adeoque pendere debet Metaptosis quæcumque à variabilis & parùm constantis naturâ causæ, à rerum non naturalium influxu, à corporis alteratione aut præviâ aut superveniente. Potest ergò Metaptosis aut arte, aut mechanismo corporis effici: unde Metaštasis quæcumque Metaptosis dici debet, sed non omne Metaptoseon genus Metaštaseos titulo potest insigniri.

Ex hâc simplici & universali rerum in morbis supervenientium consideratione nascitur prima partis hujusce operis nostri divisio, quâ Metaptoses aut Metaštaticæ sunt, aut non Metaštaticæ. Altera scilicet simplicior est, estque mechanica morbi organorumque mutatio. Altera vim vitæ supponit morbo adversariam, & cum causâ morbi decertantem; continet ergò aliquam criseos aut perfectæ aut imperfectæ efficiendæ ideam. Verùm ut hæc posterior Metaptoseos species, Metaštasis, magnam & longam symptomatum observationumque seriem sibi vindicat, & propter agentis naturæ conamina proprium verè impressum sibi character gerit, propriam quoque sibi habebit operis hujusce partem in quâ tractabitur.

Duplex  
Metaptoseon  
consideratio.

Nunc verò Metaptosis quæ non fit à viribus naturæ, sed simplex est, pendet à causis eam concitantibus, aut eam inferentibus accidentibus. De hâc, ut à simplicioribus ad magis

Metaptosis  
strictè dicta.

composita procedendum esse ratio indicat ;  
 primum agemus, hujusque & naturam & va-  
 rietates assequi conabimur.

Metapto-  
 seon natura  
 varia.

Metaptosis est morbi mutatio. Adest eadem  
 quæ noxam functionibus intulit causa hosti-  
 lis, sed, aut mutatâ indole, aut priorē sede  
 relictâ, cessant quæ prius perniciem mina-  
 bantur symptomata; exurgunt alia, à priori-  
 bus prorsus diversa, nunc pejora prioribus,  
 nunc minorem incutientia formidinem. Ita,  
 si pleuritis mutatur in phrenitidem, si erysi-  
 pelas quod extûs erat ad interiora vertatur, si  
 febris quæ intermittens erat, mutato ordine,  
 in continuam evadat, totidem nobis apparent  
 Metaptoseos species. Ut etiam à chronicis af-  
 fectibus exempla petamus, si qui prius aderat  
 herpes, relictâ cute, pulmones laceſſat, si  
 quæ gonorrhœa fluebat, virulentâ concitatâ  
 inflammatione, aut testiculos invadat, aut  
 deſæviat in inguina, causa remanet eadem,  
 forma morbi mutata est, adest Metaptosis.  
 Sic etiam multa & varia Metaptoseon symp-  
 tomata æmulantur affectiones hystericae &  
 hypochondriacæ, ita ut nunc deliria, nunc  
 sopores inferant, nunc colicis doloribus ve-  
 hementissimis corpus concutiant, nunc verò  
 epilepticos insultus mentiantur. Ex quidem  
 Metaptoseon species quantumvis, cum ab  
 ipsâ naturâ morbi pendeant & ab ipsâ repe-  
 rantur, primariam morbi indolem vix mutare  
 dicendæ sint, adeoque Metaptoseon nomine



nequeant strictè designari, certè tamen nullo alio nomine appellari possunt, si symptoma morbo familiare & pluries redivivum jam alii symptomatum seriei locum cedat. Quæ quidem observatio, cum ad nerveos illos famosos affectus præcipuè pertineat, tamen etiam ad illos omnes refertur qui non in parte organicâ sedem fixam ita cepere ut ejus organismum adoriantur, sed pendent à causâ fugaci, aut saltem mobili & volatili quâcumque, ut sunt humores acres, alienigeni, venenati etiam & pessimi. Hinc ergò Metaptoseon illarum duplex distinguenda species: alias enim ipsa morbi natura à fugaci & volatili causâ pendens intulit, inferetque quoties eadem causæ actuosæ facultas aderit. Aliæ verò nascuntur ab accidentibus quæ in corpus adducta causam per se fixiorem trahunt & revellunt à parte prius occupatâ, & in novam antea integram derivant. In utrâque hâc Metaptoseon origine multæ occurrere debent mutationum harumce differentiæ, quarum aliæ ab observatione constanti potuerunt prævideri, aliæ quasi ex improvisò suscipiuntur. Sed ut in tantis tamque variè sese multiplicantibus phænomenis, quæ sæpe Medicorum spem fallunt, ad aliquam possimus lucem emergere, omnia quæ ad hanc nostram Metaptosin referri possunt, accuratâ sedulitate perpendenda sunt. Hinc interest scivisse quinam sint morbi qui Metaptosin pati possint, & quid ab illâ sperandum

Species  
Metaptoseon  
duplex.

Partis hujus  
divisio.

fit aut metuendum ; quænam morborum causæ possint mutabilem illam scenam ludere atque incautos fallere , & quibus distinguantur phænomenis ; quænam pariter mutationes morborum trahantur ab illis rebus quæ perpetuas nobis struunt insidias per eventus accidentales , seu per causas extraneas atque occasionales quæ superveniunt ; demùm proposito operi abundè fuerit factum satis , si ex his collegerimus quæ signa , mutandos fore morbos cùm significant , nobis aut inducunt fiduciam , aut diffidentiam incutiunt.



## CAPUT PRIMUM.

*De naturâ morborum qui Metaptosin pati possunt.*

UT nobis veram & ex rationali naturæ observatione natam morborum illorum qui per Metaptosin mutari possunt ideam & diagnosin possimus statuere, facile erit consentire, 1°. nullam esse sperandam aut expectandam Metaptosin in illâ morborum ferociâ quæ partes, quas factò impetu adoritur, destruit atque dilacerat. Quippe, rupto organisimo & destructâ partium conjugatione, nulla salutis spes emergere potest. Nulla est ars quæ creationem novam efficere possit, &, ut cum FERNELIO loquar, illius est recreare qui creavit. 2°. verò non magis spei superesse potest in illâ humorum tenacitate, quæ partes in quas decumbunt omni fraudat ad actionem facultate; omnis enim, quæcumque sit, Metaptosis actionem aliquam supponit.

Qui morbi Metaptosin non admittant.

In priorì casu, qui venenatas atomos & verè lethales supponit, id activitati naturæ superest ut deletas partes extrâ naturæ centrum propellat, & mortuas à vivis secernat & separet ut pondus inutile, adestque naturæ instrumentum præsens, sola salutis anchora,

Quinam horum morborum sit exitus?

**Suppuratio.** suppuratio, quæ partes organismo seu vitâ privatas à vivis & actuosis separet & eliminet, sed hæc non semper possibilis est, at sæpe etiam infelices conatus exerit, quoties interna depascitur viscera. In altero casu, qui chronicorum morborum classem maximam adimplet mortis feracissimam, pars corporis, per mor-

**Partis inertia.** bum iners reddita, extrâ centrum vitæ ponitur, restat moles inutilis, deest functio, vel per vias aut similes aut analogas supplet ejus defectum natura ad perficiendas quibus dedicata erat functiones: id in renibus, in liene, in uno ex oculis, auribus, naribus quotidianâ experientiâ observatur. At compressione, obstructione vicinarum partium actioni nocent organicæ illæ partes obliterate, vitam difficilem & anxiosam efficientes: quippe sanguinis circuitui impedimenta struunt eò majora, quò sanguis aut vasa magis implet, aut illa eo rarefacto magis turgescunt, quod mulieribus impedito periodico menstruæ vacationis reditu familiare est. Verùm aliquandò, nec rarus ille casus est, moles illa, jam motui vitali inepta & prorsus inutilis, humescit, & spontaneum motum concipiens, putredine afficitur mechanicâ; tuncque acredine inficitur tetrâ & horrendâ, quæ, per omne corpus delata, non Metaptoses sed Epigeneses facit sævissimas. Caries ab hoc viru cancroso, nam illud ei nomen competit, doloresque per omne corpus sparsi & partibus

Sæpe in  
cancrum de-  
gener.

partibus destruendis idonei, huc & illuc invadentes phthisim accersunt. Imò &, mutatione detestandâ, pars illa, quæ vitalem motum non potest exerere, sensum acutum, quasi excitatis è sopore nervis, concipit, lancinanti-que cruciatu pars antea sensu carens symptomata suscitât Metaptosin æmulantia non veram, quippe centrum mali non mutatum est, sed tantum diffuso veneno extensum atque propagatum: fiunt verò symptomatum Metaptoses, seu potius multiplicantur illa, nam partem cui virus adeò virulentâ vi præditum semel affixum est lues pristina non deserit, sed grassando alias atque alias invadit, donec oneratum malis corpus occumbat.

Unde aliqua Metaptoseon oritur species.

Ab hoc simplicissimo intuitu, sine erroris metu, pronuntiare poterimus, nullum omninò existere morbum per se feralem atque exitialem, qui non symptomata exerat Metaptoseon æmula, imò & veris Metaptosibus induendis idonea, licet causa per se immota, fixa & immutabilis sit. Scilicet illa atomos exerit virosas huc vel illuc deferendas; nec fixa illa sunt symptomata, donec partem in quam decubuere prorsus in intimâ suâ substantiâ adorta fuerint, eique noxam imprefferint immedicabilem.

Hinc patet Metaptosin ad illos prorsus pertinere morbos, qui pendent ab humore quovis aut superfluo atque supervacaneo, aut per se

Veræ Metaptoses oriuntur in materiâ mobili,

malo atque ad nocendum apto, sed mobili, qui respuat, aut coctionem illam quâ possit in substantiam nostram converti, aut aliquam saltem quâ cum excrementis semel constitutis & secundum naturæ ordinem excernendis acquirere possit analogiam, sicque formam naturæ consonam queat accipere. Donec igitur hanc aut illam speciem morbi induxerit, sæpe vagatur, huc aut illuc defertur; nec prius cessat, quin organo in suâ intimâ substantiâ læso fixam sedem acquisierit, labemque inusserit non expellendam. Tunc demùm immobilis evadit. Verùm si organum illud cellulare fuerit & hujus generis quod possit etiam impellenti causæ cedere, nec ab illâ lacerari prorsus atque destrui, facile est intelligere quâ ratione Metaptosis ab hoc viscere in aliud fiat, dimotâ atque avulsâ causæ in hâc parte adhesionem. Undè id perspicuè concludi & pro demonstrato haberi debet, quòd, ad Metaptoses prævidendas atque præcavendas, primò quidem & ante omnia natura morbi ponderanda sit atque perpendenda, postea verò partis in quam decumbit irritabilis atque actiuosa indoles & fabrica mechanica prænoscentia.

In organis  
actuosis &  
cellulosis.

Quinam  
morbi Metaptosis  
obnoxii  
sint?

Ut autem de morbis quibus, aut familiaris & prompta, aut etiam possibilis, utut rara, Metaptosis incumbere potest agamus, illorum origo in classes distribuenda est, quanquam variare Metaptosis possit pro corporis variatâ



conditione, corporisque mutatio possit etiam actuositatis efficaciam variè dirigere.

Morbi igitur omnes illi accidentarii, qui à consuetæ vacuationis defectu aut imminutione pendent, Metaptosin experiri possunt, ipsisque illa familiaris est, si tamen non desit excernendus humor ob penuriam partium illum constituentium, aut ejus principia in alios usus non amoveantur. Sic urinæ defectus à nimia sudorum vacuatione pendens Metaptosin vix efficiet. Nil pariter metuendum si perspirationis illius insensibilis Sanctorianæ imminutio in corpore sano & illibato accadat, nec nascatur ab humorum jam malè affectorum vitio quocumque. Impunè enim in sanitate augetur, imminuitur, tollitur. Verùm si, quâcumque de causâ in organo positâ, aut à toto corpore pendente, ut sunt res non naturales quâcumque, supprimatur perspiratio, refluus excrementosus humor Metaptosin in quascumque partes efficiet, variaque concitabit diversi prorsus ordinis symptomata. Prætereà, ut norunt Medici omnes, differentia ingens interest inter perspirationem in suo impetu protinùs suppressam, & illam cùjus exitus tantummodò tardatur. Hæc enim vix corpus turbat, atque ad alias partes, v. g. vel ad urinæ vias, vel ad alvi patentia intùs excernicula defertur innocuè. Symptomata in primo casu, scilicet in subito supprimente impetu, vulgò erethismum & crispationem

Classis prima morbi à suppressis evacuationibus.

Morbi à suppressâ subito perspiratione.

vasorum & important & supponunt. Hinc inflammatio & erysipelas nascuntur. Si cum partiali & nerveo erethismo in partes membranosas atque tenfas decumbant, rheumatico, ut aiunt, more sævient. Si sine ullâ irritationis specie in partem aliquam feratur humor ille, fit catarrhodes congestio, quæ præsertim ad tardiores perspirationis immutationem pertinet. Patet inde omnes morbos catarrhales dictos, quos antiqui à fluxione pendere pronuntiabant, nos verò à vitiatâ aut imminutâ perspiratione repetimus, omnes, inquam, Metaptosin pati posse, non exceptâ ipsâ phlogodeâ inflammatione, quæ, nisi partes laceraverit, tumultuosè & vividè illas impetens, suppurationemque sibi sequacem vindicans, sæpe delituit subito ad alias delata partes, mutato etiam charactere & in erysipelas, aut œdema dolorificum converso. Scilicet cellulare tomentum, irritatione laceffitum insolitâ, novas sibi vires contractiles assumit, unde nondùm satis fixa & mutata illa materies deturbetur. Imò, in raris admodum casibus, suppuratio ipsa, tenuatis partibus constans, in alias partes, priore sede mutatâ, defluxit, non sine anhelitu, non sine ingentibus articulorum doloribus; imò, notante HIPPOCRATE, cum renum doloribus novis & insuetis, per urinas, sub formâ criseos, effluxit. In primo morbi impetu, ut Galeni verbis utamur, fluxio in phlegmone revincta tenebatur;

Catarrhalium cum inflammatione Metaptoses.

phlegmonis erethismo laxato & composito materies hostilis mobilis fit, novasque inire vias apta, Metaptosi, Metaftasi, imò & artificiosæ curationi locum dat. Catarrhodes morbus inflammationem sibi adsciverat comitem: sedatâ illâ, nova quidem symptomata induit; at materies evidenter catarrhodes, scretu, sputis, urinarum turbido fluxu, glutinosi muci vacuatione quâcumque sese facit manifestam.

Quid si, ut sæpe sæpius fit, dum impro-  
visò morbi isti adoriuntur incautos, cum Catarrha-  
lium cum  
saburrâ Me-  
taptoses. primarum viarum saburrâ complicentur atque combinentur? Novas inde nasci noxas observatio demonstravit. Nisi enim hæc causa subsit, rarò nocet legitima benèque præparata perspiratio, etiam suppressa subitò. Tunc enim vel in validioribus subjectis per urinam, vel in infirmioribus per diarrhœam quæ nasceretur suppletur; & inde cachectica plethora vacuatur, & sine ullo detrimento amandatur, notante SANCTORIO. Nonne igitur morbi omnes illi, à perspiratione suppressâ, sive acuti, sive à chronicâ congestione, pro complexis atque à composito causarum fonte pendentibus habendi sunt? Tunc simplex solutio vix sine sudore in viris etiam robustioribus, si delictum semel senserint, absolvi potest. At Metaptosis in eis ita speranda casibus, imò ita expectanda est, ut Medici labor in eo reponatur ut rimetur & scrutetur attentè quas sibi vias na-

tura affectet. Alia enim est Metaptosis furente syrio & æstuante cœlo ad cutim devehenda ; alia per frigoris acedinem in alvum rapitur , & colicis torquet doloribus morbus , qui per æstatem pruritibus fuisset importunus. Illis omnibus via curationis differt , imò aliquandò cum variis & complexis phænomenis plures simul vias ingreditur. At omnibus communis crusta illa sanguini supernatans ritè effuso , aliquandò congestiones lentiores intra viscera efficit : unde pluribus gravibus morbis prælusere coryza , anhelitus , dolores articularum , vocis rauco , imò & surditas ipsa , cui , notante HIPPOCRATE , diarrhœa est pro Metaptosi.

Quod quidem hîc de perspirationis vitiis dicimus à quibus pendet tam multiplex Metaptoseon profapia , quæ veteres sub morborum à defluxionē pendentium titulo annotaverunt , imò quibus in acutis affectibus universalitatem tribuerunt ; idem , authore post HIPPOCRATEM GALENO , dicendum est pariter de abolitione , aut imminutione cæterarum quarumlibet vacuationum. Illæ duplici sub intuitu debent discerni atque dividi. Alii enim humores nutritii sunt & partem œconomix animalis constituunt , à quibus & copiam & propriam indolem expostulat natura. Alii verò excrementitii sunt. Hos vacuare decet , & quidem secundum ordinem à naturâ præscriptum : sin minus Metaptosis horum sup-

Aliarum  
evacuatio-  
num suppressio.

pressorum corruptelam continebit, ut priorum cohibitio plethoram invehit aut excrementorum copiam. Plethoræ non unum incommodum est, Metaptosis non una; nam plethora rarò simplex est sine erethismo, unicum producens effectum gravandì comprimendive. Sed si, quod sæpius evenit, malè constituti & ordinati fuerint humores, compressioni addunt infarctum in vasis, pro nativâ vel adventitiâ debilitate dispositarum ad hæc mala suscipienda partium. Quòd quidem duobus verbis, pro brevitate aphoristicâ, SANCTORIUS expressit; necessariò infert *cachexia vestigium, vel febrem.*

Quid efficiant mali periodicæ illæ sanguinis menstruæ vacationes, fœminis necessariæ, cùm aut tardant, aut minuuntur, aut cessant, etiam in statu vix morbofo, imò & secundum sexûs naturam necessario, longum foret enumerare; ut certè stare sanitatem sine illorum proventu ubere non posse in id consentiant omnes. Sed præter omnia mala quæ à plethorâ, febrili erethismo, aut contrà à vestigiis mox inducendæ cachexiæ pendent, mille alia incommoda repetenda sunt ab affectu nervorum, & uteri cum cæteris partibus sympathetiâ. Ab hoc duplici fonte sæpe Metaptoses, imò & Metastases exundantis sanguinæ plethoræ emicant. Brevi plethora degenerem efficit humorem, quandoquidem legitima proportio partium cruorem constituen-

Suppressa  
evacuatio  
menstrua.



tium, sine actione ordinatâ vasorum organico-  
rum ipsum efficientium valere & concipi non  
potest. Sic præclara Metaptosis miseros sola-  
bitur, si capitis inde enatus dolor, aurium  
bombus, oculorum caligo, mammarum imò  
& hypochondriorum dolorifica & anxia intum-  
escencia, hæmorrhagiâ narium aut sputis  
sanguineis solvantur. At pedum intumescen-  
tia, at crurum gravitas, at hæmorrhoidum  
exitus torquens non desunt; aut, languente  
naturâ, stomachi inappetentia, nausea, pica,  
singultus, vomitus, pondus in pelvi, tardi-  
que vel ipsius mentis motus, socordia, iner-  
tia, imò & paralyfis cachexiæ prænuntiæ sunt  
Metaptoses. Vidi in muliere, aliundè nervosâ,  
menstruam dimidii corporis hemiplegiam tres  
integros dies occupantem, quam quarto die  
erumpentia solvebant menstrua. Verùm nulla  
alia causa adeò violentè nerveum systema  
concutit atque convellit, sive aliquis impetus  
mechanicis non explanandus legibus, nec ob-  
servatione deprehendendus, sanguini refluxo  
inde concilietur, gasque aliquod hinc natum  
misceatur ipsi, sive demùm compressio sim-  
plicior illud convulsivæ actionis genus exer-  
ceat in nervorum principium; certè affectio-  
nes omnes hysteriæ atque hypochondriacæ,  
tanquàm à causâ feraci, oriuntur à suppresso  
vacuationum ordine, &, quod notandum ma-  
ximè, si mechanicis regenda legibus febris  
exarserit, si inflammatoria Metaptosis accadat,



nullo alio in casu adeò protinùs quæ antea summâ vi ferociebant convulsiones, rebus ad simpliciores vim mechanicam adductis, conticescunt. Nullum in hoc casu temporis punctum caret Metaptoseos metu. Quæ quidem Metaptosis, causâ non cessante, imò integrâ permanente, sed nonnisi per effectus parti ipsi extraneos cognoscendâ, dùm symptoma aliud ab altero prorsus differente excipitur, Metaptosis est symptomatum, non verò ipsius morbi, aut causæ quæ variabilem symptomatum scenam concitare potest; immobilis ipsa & constans. Vera morbi Metaptosis erit si ab utero irritato inflammatorius impetus feratur in mammas, imò, quod non rarò in tenellis puellis observatur, si irritatio illa, rheumatismi inflammatorii instar, in omnes deferatur successivè articulos, non sine tumore erysipelatode & inflammatorio.

Metaptoses,  
aliæ morbi  
ipsius, aliæ  
symptoma-  
tum.

Verùm præter præsentis in hisce casibus Metaptoseon causas, alia semper subest quibus-  
cumque vacuationibus suppressis, aut imminutis, ut rectè & experimentis & observatione  
quotidianâ SANCTORIUS deprehendit, vitiata perspiratio. Etenim quoties alia quævis causa lædendo apta corpus quâvis ratione adurit, vacuationibusque infensa est evidentibus, toties etiam suppressa, aut imminuta perspiratio censenda est, licet minùs sensibus pateat, quæ omnibus responset vacuationibus, nec unquam aut plenaria aut legitima censeretur, cum

Perspirationis vitia  
conjuncta  
Metaptoses  
conduplicant

vitiatur, aut pessumdatur coctio, quæ integræ stare nequit, vel unâ è functionibus secundariis læsâ aut pessumdatâ. Hinc Metaptoſis semper præ foribus adest symptomatrica, omnibus morbis imminens & causam non attingens, sed mutandis apta symptomatibus; ita ut, quod summè notandum est, in morbis etiam per se maximè à Metaptoſeon casu remotis, suppressa illa atque læsa, aut imminuta perspiratio, possit facilè Metaptoſes invehere. Licet enim cocta non possit cum morbo stare perspiratio, coctione scilicet destructâ, vapor tamen à corpore vivente indefinenter exhalans in partes redire potest, corpori noxas inferre, & sæpe, catarrhi formâ, medio in certamine ægrotantes invadere. Intumescunt scilicet frigore accepto palpebræ; in mediâ febre nascentis coryza vertit febrem in comam somnolentum, & tussis importuna faciem morbi mutat qui alius definit quàm incœperat.

Metaptoſes  
ab imminutione  
liquorum digesti-  
vorum.

Si verò suppressiones aut imminutiones liquorum digestivorum, aut ad concoctiones primarum viarum inservientium consideraremus, certè ingens nobis Metaptoſeon ilias enasci videbitur à quilibet saburræ intestinalis, quæ jam corruptioni spontaneæ relinquuntur obnoxia, cum bilis reliquiis & mucillis illius qui per totum intestinorum tractum exundat undequaque. Hæ porro, cum in mediâ ipsâ sanitate, mala longè à sede mali diffusa

inducant, quidni in morbis & Epigeneses & Metaptoses afferant? Et certè ante omnia id etiam, sine ambigua theoria subsidiis, evidenter patet, vix digestionem lædi, vix alimenta, aut difficile coquenda, aut putredine aliquâ laborantia intro-mitti, quin illicò caput doleat, nec priùs dolere cesset, quin non solùm primaria, sed etiam secundaria coctiones peractæ sint, vacuatusque aut mutatus fomes ille, aut per vim vitæ auctam abactus omninò fuerit. Si tamen, ut non rarò fit, per vomitum aut per diarrhœam abigatur violenter, caput ut plurimùm illæsum remanebit, aut læsum sublevabitur. Nec prætermittendum illud HIPPOCRATIS effatum, quo pronunciat, quòd ab insuetâ plenitudine ventriculi, coryza nascatur subita. Verùm hæc semel posita non semper ab ejus vacuatione discutitur, effectuque mechanico semel posito, augeri & invalescere potest. Quod etiam extendendum est ad gingivarum inflationem, ingurgitationem tonsillarum, aut etiam suffocationes, non sine importuno frigoris aut caloris sensu. Quæ quidem symptomata Metaptoses & morborum mutationes possunt ita inducere, ut jam nullæ exoriantur de ventriculo morbi causâ querelæ, omnes verò ad partes posteriùs affectas referantur. Præterea verò non prætermittendum est quòd in prædispositis corporibus ab hoc solo sæpe ventriculi abore pruritus enormes atque in cute titillationes vix

vincendæ oriantur, quæ postea, vitio neglecto, possunt in Metastases facessere, & abscessus furunculosque multiplices tandem invenire. Id in ætate proVectis convalescentiam morbi ferè ingressis quotidie observare est, si immorigeri fuerint illi, & falsâ spe virium per pleniorum victum instaurandarum alliciantur ad ingurgitationem. Illa etiam Metaptosis ad eos pertinet qui ante morbum herpetibus laborabant. Quid hîc sputa & excretiones plethoræ malè coctam & ferè cachecticam probantia commemorem? omnia jam vulgata, at Metaptosi per se apta inducendæ, si jam causa subsit in vitium aliquod inclinata. Vix enim ullum dari in affectibus illis qui corpus accidentaliter invadunt affectum simplicem aut non à pluribus pendentem elementis facile observatores omnes fatebuntur: tantus scilicet est partium inter se consensus, tanta conjugatio atque connexio! Quin etiam febrium inde multiplicem complexum efficientium cæteram pendere evidens est, quæ omnes possunt, si vacuationes ritè & ex ordine naturæ post præparationem illam quam coctionem vocavit HIPPOCRATES non fiant, per crisin atque Metastasin absolvi, nec minùs in ipso morbi decursu Metaptoses experiri, à quibus prorsus & in formâ & in incessu immutentur.

Metaptoses  
à vitiosis organorum  
concoquentium.

Nunc verò si ad diversa quæque organorum  
concoquentium instrumenta attendamus, una-  
quæque functionum huc concurrentium læsa,

ut varia infert vitiorum phænomena, ita etiam & variis subjiçitur Metaptosis. Liquor ille quem gastricum vocant, pancreatis succus quocumque modo vitiat, dum molem intrà intestina ab alimentis inductam suâ imbuit qualitate, vitiis etiam inficit; unde, ut causa morborum multiplex inde infertur, ita etiam perspirationi legitimæ nova nectuntur vincula, novasque morbi primarii qui intrà ventriculum insidet Metaptoses minitantur. Hinc & lymphaticarum glandularum ingurgitationes pendent, & repetuntur plurima diarrhœarum genera, aut contrà, ex deficientibus liquidis istis, aut muci in morem glutinosi compactis, constipationes oriuntur quarum sequelam atque Metaptosin nuntiant hæmorrhoides vasorumque venosorum intrà intestina varices. Nec prætermiserim hîc varia torminum & dolorum, ut aiunt, colicorum genera, nisi ipsa sæpius pro principe morbo causæ latentis effectû, quàm pro Metaptosi habenda forent. Sed quid hîc addamus de acido in intestinis puerilibus, forsân & senilibus decrepitis prædominante, quod varias sæpe Metaptoses efficere videtur, nunc in articulos qui ita violenter à ventriculi sympathiâ torquentur, ut difficile esset iis inhærentem materiam non admittere, nisi vel minimi cathartici efficacia dolores quasi prodigiosè discuteret; nunc in musculos à genere nervoso in convulsionem actos: quæ pariter symptomata à



vomitorio, si non tolluntur, mitigantur saltem evidenter; cujusquidem morboſi effectûs ad Metaptosin referendi mille exempla congerere facile foret.

Colici doloris Metaptosis in paralyſim.

Verum nulla ſævior Metaptosis, nulla evidentior, quàm quæ mutatâ formâ fit. colici atrocissimi doloris in artuum paralyſin & reſolutionem: quæ quidem Metaptosis, quanquàm in colicâ pictorum frequentior ſit, tamen in aliis colicorum dolorum generibus occurrere poteſt, ut ſæpiùs epidemicè contigiffe teſtantur AETIUS, HUXHAM, aliique complures.

Bilioſæ Metaptoses.

Enim verò in Metaptoseon quæ à ventriculi peccatis pendere poſſunt hitoriâ, primum certè locum ſibi vindicat bilis ſecretio, aut aucta, aut imminuta, atque natura prorfus immutata. Tenuiſſimus ſcilicet humor, non tantum pro univerſali tenuatarum ſanguinis partium excremento habendus, ſed etiam recrementum vocandus utile; præ aliis quibuſcumque corporis humoribus exundat undequâque, & ſæpe huc atque illuc colligitur, ita ut prima cutis, textui ſuperpoſita cellulari ipſum excipiat, poſteà verò cæteræ corporis partes etiam ipſo irritentur, ſive collectim, ſive ſeparatim. Quin etiam, ſi, quod obſervatio ſatis antiquis demonſtraverat, & quod ipſa natura bilis indicat, pro principio poni poteſt, videtur facillimè cumulari bilis per totam corporis latitudinem, quâ præcipuè adeps extenditur, vertique humor alter in al-



terum, & per hepar superfluus in intestina deponi; unde quoties aut spasmo partes illæ stringuntur, aut compressione laborant, aut obstructione obstipantur, ne refluant principia biliosa periculum præsens est. Icterus solâ vasorum strictione spasmodicâ nasci videmus, veræ Metaptoseos sub formâ, post collicos dolores convulsivos, post ventriculi irritationes, imò in capitis vulneribus; sed nullo alio in casu promptiùs atque evidentiùs quàm in animi affectibus tristioribus, aut in ipso iracundiæ furore. A quibus quidem causis quàm facilè spasmus in veram inflammationem vertatur observatio infelix edocuit. Certè in violento furore, maculæ viridescentes flavæ & luridæ exoriri visæ sunt, quibus necessarium fuit ut pustulas efformarent suppuratione solâ sanandas. Symptomata etiam illa à bile pendencia, quoties sæpiùs exardent, principia bili efformandæ & constituendæ idonea videntur, prædominante forsan aliquo ex elementis bilis, sive spissescat illa & in muccinam non satis actuosam vertatur; sive induretur, deficiente, aut alibi rapto principio aqueo; sive acrior & nimis solvente donata virtute ubertim tota inficiat incernicula & per omne corpus, jam intrâ vasa contineri impos, diffundatur, simulque exteriùs effluens, hominem universum bilioso intingat caractere. Sic vertitur cholera in icterum, alvo intereà biliosa fluente, conspicuum. Unde patet

quàm facilè, quàm univerſim Metaptoſes varias inferre poſſit. Hinc ſputa bilioſa, tuſſis, pruritus, urinæ mordax in veſicæ meatus ſæviens acrimonia, & dolores in ſenioribus diuturni: nec enim ſemel facta ab acrimoniâ bilioſâ impreſſio & nata Metaptoſis, bile vacuatâ, aut in priſtinum ſtatum reſtitutâ, facilè deletur. Quid ampliùs agamus de vari-coſarum hæmorrhoidum tumefactione & fluxu? magnum certè in morbis hepatis levamentum, quæ depuratorium organum conſtituunt, quarum abſentia non ſolùm plethoram, ſed morbos cutaneos, ſed vultûs guttam roſeam, ſed anhelitum, vomitum, nauſeam infert, ac demùm infarctus, ſcirrhos, & hydropem immedicabilem.

Hæmorrhoides inde metaptoicæ.

Cæteros humores & ingeſta vitiat vitioſa bilis.

Præterea verò ea eſt recrementi hujus utilitas ita demonſtrata, ita uſibus quotidianis reſponſans, ut ejus vitia omnibus intrâ corpus introducendis communicentur. Abeſt ergò, eâ viciatâ, quævis concoctio; reſiduaque alimentorum introductorum recrementa aut excrementa novam prorfus induant naturam neceſſe eſt. Amarorem tetrum, ſolventem, ſaponaceum concipit bilis aſſervata; ſpiſſata præ ardore, quem notabiliter auget, reſinoſa fit aut calculoſa. Imò ardore ſimul violento efferveſcente, & coctione præ illis vitiis impeditâ, degener bilis it in reſinoſam diatheſim, ſimul cum aciditate acri principia ejus formante & venenatam illi impertiente

indolem. Porrò, quot mala inducere possit, quæ nullatenus ad pristinam & primævam mali causam pertineant, sentiet ille qui hoc nomine veterum atram bilem comprehendit Atra bilis  
in Metapto-  
sim ruens. atque designari intellexerit. Quid hîc addam de Metaptosibus illis biliosis subitis, quas accipit humor ille à sympathetiâ nimium intrâ corpus exercente imperium, quam nec physice, nec cognita nervorum distributio dividendam reliquit? Quæ Metaptosis vel in ipsâ illâ sanitate quâ biliosæ fruuntur constitutiones ita sæpe accidit, ut videre sit homines qui, animo præsertim affecti, pluries in die colores vultûs immutent. Et certè, sive bilem in statu sanitatis spectes, sive in morboso statu, nullus alius est humor qui tot ac tantas Metaptoses facere possit, imò tot morbos, quorum nullus est qui factam Metaptosim excipere non valeat.

Quod verò de bile hîc, maximè universali Metaptoseon causâ, pronuntiatur, ad alios pariter humores supervacuos, exundantes, & Metaptoses  
ab aliis hu-  
moribus, v.  
g. urinâ. aliâ quâcumque de causâ intrâ retentos pertinet. Nullus alius humor adeò evidentem efficit Metaptosin atque urina, quæ, ubi retenta fuerit, nausæâ vomituque hominem ita afficit, ut inter symptomata renum, aut obstructorum, aut compressorum, aut coercitorum vomitus ille contineatur; imò sudor ipse prolicitur urinam redolens: quippe refluus humor odore suo vel maximè dissita inficit.

Metaptoses  
ab humori-  
bus à morbo  
efformatis.  
Pure.

Verùm si à naturalibus humoribus ad illos quos ipse morbus efficit inquisitionem nostram feramus, certè nullum alium Metaptosisbus inducendis adeò feracem reperiemus quàm pus ipsum. Nam, omni sublatâ theoriâ, observatio demonstrat in omnibus inflammatoriis morbis, catarrhalibus præsertim, nasci intrâ ipsa vasa sanguinea humorem puri analogum, qui, in partes delatus etiam à malo, ut videbatur, immunes, ibi abscessus efficit quasi illicò natos, à quibus etiam in urinam felici successu visus est refundi; quod nisi contingat, partes in quas decubuit, tandem sibi quærens exitum, dilacerat, & spem resolutionis omninò tollit. Nec non sine ullâ curationis spe potest Metaptosis, & quidem mala, effici, cum scilicet pus, remanente tamen pristino malo, ad partes vicinas, aut etiam diffusas jam prædebilitatas defertur: unde multiplicantur ulcera, accersitur phthisis, longisque cruciatibus fatum ineluctabile supervenit. Nonne vulgare est, in extremo phthiseos illius pulmonalis agone, videre homines pure undequâque exundantes & quasi in illud conversos: quod etiam in variolarum redundantium suppuratione occurrit. Pus exire vidi per multiplices abscessus, universum urinosum laticem adimplere, imò per oculorum angulos erumpere: unde sæpe, jam crustis variolosis deterfis, morboque ut videbatur peracto, sustulit ægrotantes è medio muci

omnis animalis in purulentam saniem conversio. Verùm non inauditum, aut in arte incognitum est, pus etiam ulcerosum partem aliquam deseruisse, in alias delatum, cùm certè fluctuationem videatur subitus ille refluxus sustulisse, si tamen usque fidendum sit illi cuicumque fluctuationi: non enim rarum est fluctuationes in textu cellulari simulari, à quibus pus nunquam defluit. An aër, an aliquod *πνεύμα* cellulas inflare & extendere videtur? Certè illa qualiscumque fluctuans partis alicujus non rarò observata tumefactio, degenerem arguit humoris mucosi indolem. Unde post longas aliquandò moras, pus tandem erumpit, quo tempore illum jam non metuendum sperare fas erat: visus est vel ipsi HIPPOCRATI, pro crisi, fluxus humoris per vesicam, cocti, formâ lacteâ æquali & lævi insignis; qui si finem morbo non imponat, spem nostram in hoc uno repositam relinquit, ut tandem longo & redivivo abscessu salus tardior affulgeat. Certè quâ ratione in interiorum abscessuum curatione cicatrix fiat vix intelligi potest, partibus laceratis atque discissis; at saltem prævideri potest remansuram in parte priùs affectâ infirmitatem quæ omnibus malis ipsam reddat obnoxiam; imò in cadaveribus ægrotantium postea alio casu pereuntium, vestigia cicatricum duriorum inventa sunt: nec non in hepate & pulmonibus.



tophi inorganici visi sunt partem prius ulceribus affectam adimplevisse.

Ex his porro observatis, patet primam morborum illorum classem quæ pendet ab humorum retentâ aut vitiatâ excretionem, quamcumque partem affectaverit morbosus ille fomes, posse & Metastases & omnia Metaptoseon genera experiri, iisque peculiariter eò magis subjici partes corporis, quò majorem analogiam secundum acceptum naturæ ordinem cum humoribus atque organis prius affectis servant. Quò enim plus illa cum coarctatis organis aut fluidis peccantibus consonant, ipsisque secundum naturæ ordinem in officio peragendo suppleant, eò magis de vitio participes fiunt, excipiendisque morborum causis & eorum communioni accommodata sunt; quod quidem omnibus Metaptoseon generibus commune est.

Dispositio  
partium ad  
suscipiendas  
Metaptoses.

A variis  
causis oritur.

Præterea verò hæmorrhagiæ quæcumque, quæcumque vacuationes nimix favent Metaptosi faciendæ in partes in quas fluxus dirigitur. Hinc sæpe à catharsi emicuit dysenteria, à fluxu urinæ immodico stranguria, à sudoribus nimis pustularum in cutem congeries, imò ipsa aliquandò miliaris eruptio, &, in pessimis etiam morborum putridorum generibus petechiæ. Observationes circa hæc Metaptoses multiplicavit in insulis Americanis J. HILLARY. Sed præterea cum ab hisce humorum fluxibus debilitas inducatur, tardatur



coctio, languor ejus effectibus inducitur, deponuntur huc & illuc materies quæ fuerant expellendæ, fitque morbi acrisia, ejusque & diuturnitas & mutatio nascuntur.

Altera affectuum Metaptoses simul atque Metaftases admittentium classis eos comprehendit, qui pendent ab introducto, quâcumque de causâ id fiat, miasmate venenato, sive causâ extraneâ mobili, quæcumque fuerit illa. Hoc certè sub titulo comprehenduntur morbi omnes contagiosi, aut etiam epidemici quicumque, à causâ pendentes incognitâ, nec satis ad evidentes aut aëris aut rerum quarumcumque non naturalium alterationes referendi. Huc ergò pertinent venenatæ atomi quæcumque erodentes, putredinem inferentes, & in nervos suam exercentes actionem. Quippe, referente clarissimo TISSOT, etiam ad nervum systema pertinet Metaftasis. Uno verbo, nullum est affectionum genus, quod ab extraneis partibus pendet, quod non possit Metaptosim pati, nisi organum in quod decubuerit ictu violento nec restituendo eraserit. Tunc enim mors ineluctabilis fieri non patitur Metaptosim, nisi inter Metaptoses frustra & prorsus incassum recensere volueris petechiales illas maculas merè gangrænosas, quæ aliquandò, etiam post mortem, in cadaveribus subito erumpunt. At ubi adeò violenta datur causa, nullâ ratione concipi potest quâ viæ queat aut imminui aut destrui morbus, quàm

Classis altera morborum Metaptosim admittentium.

Morbi ab introducto venenato miasmate.

1°. Acuti.

per violentam atque causæ tantæ correspondentem Metaptosim, quæ possit totum virus prostrernere atque eradicare. Nec ullibi alibi tam multiplicata reperitur aut Metaptoseon aut Metaftaseon caterva, quarum alia aliam excipit; quippe superregurgitans causa in varias, vi quâcumque naturæ, partes disjicitur. Sæpe, malo omine, à causâ solâ id efficitur; sæpe etiam inutilibus concitatæ naturæ viribus Metaftasim mentiuntur. Quæ quidem symptomata, cum evidenter atque terrore incusso in pestilentibus morbis ferociant; minoreque tumultu, nec mechanismo dispari, in variolis atque morbillis agant & agantur; in genere ad omnes quoscumque morbos intulerit causa externa pertinent atque referuntur. Vidi variolas infectione concitatas, eruptione factâ, per sudorem fracidum, copiosum, olentem ita abiisse, ut vix una jam apparentium pustularum ad suppurationem abierit. In casibus magis metuendis, exempla similium malorum pessima congestit in tertio Epidemicorum libro HIPPOCRATES, dum pestilentialem constitutionem tantâ curâ descripsit.

2°. Chronici.

Nec in acutis solum Metaptoses fiunt: mechanismus idem ad chronicos pertinet. An alia datur lues adeò Metaptoseon capax atque ipsa arthritis, quæ acutas etiam Metaptoses efficere potest, omninò à pristinâ formâ alienas, imò etiam & peracutas? Hæc ab artubus, subito ictu incusso, caput comate plectit aut

violentâ phrenitide, uno in alterum abeunte symptomate; thoracem anhelitu vexat, aut suffocante catarrho perimit, cruciat intestina, vesicam & renes inflammatione afficit, imò &, dolorificæ indolis oblita, intrâ glandulas sese agglomerat delitescens, scirrhusque efficit, & morbos chronicos tenacitate horrendos invehit, nisi jam insperata nec expectata ex insidiis arthritidis prorumpat. Ab hujus autem frequentibus insultibus quanta in omnibus organis nascitur debilitas, unde tandem, accisis viribus, fatiscant omnia? Hinc ipsam in ulcera converti aut herpes senioribus notum est. Epigenesibus patet scorbutus, Metaptosis arthritidis, rheumatismus, imò & omnium generum herpes, qui morbum quemvis simulare norunt & dissimulare.



---

## CAPUT SECUNDUM.

### *De variis Metaptoseon causis & speciebus.*

QUIS sit Metaptoseon mechanismus, à quo pendeant mutationum fonte, facile ex præcedentibus eruitur. Adest hinc causæ lædenti impulsio, adest illinc partis læsæ resistentia reactionem actuosam in illâ supponens. Verùm in omnibus de quibus agitur affectibus, ad quos pertinere potest Metaptoseon doctrina, quoties illa aut timenda aut expectanda est, morbus præ naturâ dominium exercuit, quæ tamen, viribus sibi insitis imò & auctis, ipsi resistit. Quotiescumque igitur causa morbi viribus naturæ non devicta, non prostrata est, sed à parte in quam decubuit in alteram defertur, causa potuit non mutari, sed pars morbum excipiens debilitata priùs est: quæ contrà morbum acceptum repulit, viribus suis mutationem hanc induxit. Quæ quidem virium differentia inter varias corporis animalis viventis partes, tùm in acutorum morborum furore, tùm in chronicorum morborum inertia, quotidie per observationem deprehenditur.

Metaptoses enim tùm in acutis, tùm in chronicis morbis æqualiter occurrunt. Semper causam

causam morbi integram designant. In acutis aut perniciem, aut diuturnitatem morbi præfagiunt. In chronicis contrà aliquandò spem roborant; imò, in elanguescente priùs morbo insperatum possunt exitum spondere.

At, siue in acutis appareant, siue in chronicis, possunt Metaptoses dividi in primarias ex indole ipsâ morbi pendentes, & secundarias quas infert accidentalis quælibet causa. Priores efficit ipsa partium inter se affinitas & communio, siue ratione officii, siue vasorum communione, & vicinîæ jure nata, siue demùm debilitatis nativæ, aut acquisitæ intervntu promota. Secundariæ verò ad neglectum rerum naturalium referuntur. Suum sibi caput habebunt. Primariæ Metaptoses rursùs in plures æquè classes subdividendæ sunt.

Metaptoses primariæ & secundariæ.

Prima est fomitis morbosî indoles quâ per se multiplicari valet. Secunda ejus est copia quæ vires prosteruat atque funditùs adoriatur. Cui causarum classi ea addenda est quæ pendet à virium imbecillitate. Tertia quæ à corporis vitiosâ constitutione ita nascitur, ut proum in vicia corpus illatam luem in partem aliquam combibat & ad eam advocet, dùm à reliquis repellitur. Quarta demùm est ea humorum conditio quâ ipsi depravati, huc, aut illuc ad morbosos effectus per Metaptosim eliciendos, ab occasionalibus, siue accidentariis causis determinantur. Porro, de his causarum capi-

Causarum capita quatuor.



tibus singulatim agendum est, quippe quæ causas omnium Metaptofeon comprehendant.

## §. I.

Causa prior  
Metapto-  
feon; fomes  
multiplican-  
di se capax.  
Fomes Me-  
taptofeon fe-  
rax in peste  
& variolis.

N A S C I intus atque ibi quasi educari, inde verò multiplicari partes naturæ admodum ad-  
versas ita in confesso est, ut probari res non  
indigeat. Adsit exemplum pestium, seu febrium  
contagiosarum quarumcumque, quæ, corpori  
illatæ, spatium temporis aliquod quo quasi  
alantur intrà corpus sibi postulant; nec prius  
erumpunt & vim machinæ inferunt, quàm  
multiplicatæ furias conceperint atque nocendi  
facultatem: at si dubitantes animos aliqua  
incessat, utut malè illa fundata sit, hæsitatio,  
omnium demonstrationum locum sibi vindica-  
bit famosa illa variolarum insitio. Ex hâc  
porrò constabit delitescere posse innocuum  
omninò & vix functionibus lædendis aptum  
fermentum hostile, depositumque ad arctos  
glandularum infarctus, ibi, tum calore loci,  
tum actione vitæ intumescere, & ita multi-  
plicari, ut jam spargendis undequâque atomis  
nullus finis assignari possit, aut concipi: nam,  
naturæ indolem sibi comparare & mutari  
impos, partes sibi analogas mucumque om-  
nem immutat & in se convertit fomes ille,  
multiplicatur malum, febrem concitat, cujus  
efficaciâ ad cutem feratur multiplex jam ma-  
teries, indeque suppuratione solâ abigatur.

Huc usque adest tantum Metastaseos idæa simplex, cum scilicet expulsus ad cutem morbus corporis viscera à veneno sinat intacta & immunia. At omnia sæpe subsunt primis diebus in corpore prædisposito pericula, quæ inflammationem etiam comitantur vehementissimam. Postea junguntur metuenda suppuranti parti cuicumque incommoda; putredo, vel à primarum viarum saburrâ inducta, vel ab ipso corporis fundo nata, vel ab exundantis materiæ copiâ fota; acrimonia, aut ab extraneis illata, aut à fomite jam præexistente pejorata venereo, scorbutico, herpetico; unde perpetuæ minantur & caput & thoracem insidiæ.

Quod autem in acutissimo & ferali morbo, In chronicis malis. sive ars, sive natura molitur, quotidie etiam efficit in chronicis morborum cutaneorum formis, scabiæ, herpetibus, &c. Verum, hæc semel Metastasi constitutâ, quot Metapostæon species materia hæc ad cutim deposita induit? Sæpe, & id omnibus vel simplicissima observatio demonstravit, vertuntur in ulcera pustulæ herpeticæ, illa quidem aliquandò per ambitum rodentia, aliquandò etiam excavantia fungosæque. Tussis ferina, & acredine notanda, & anhelitu insignis scabiem retròpulsam excipit. Maniam vidi, & quidem insanabilem, à retròpulsâ tincâ oriundam. Spasmos asthmaticos, colicos dolores vehementes, hæmorrhoides ferocientes,

stranguriamque ipsam ab herpetibus intus sæ-  
vientibus quis non vidit? At, sine evidenti  
retropulsione, in gulosis & edacibus viris,  
quam sæpe putridæ primarum viarum collu-  
vies, illi junctæ quod ad cutem deferébatur  
fermento, Metaptoses inferunt formidini indu-  
cendæ pares? Quippe quod virus fermentef-  
centis indolis speciem exhibebat, putredini  
conjungitur, atque cum ipsâ coit; quæ brevi,  
dominatum obtinens, corruptionis speciem  
propriam ingenerat, pristinoque veneno nova  
addit symptomata: sic ab artubus in oculos,  
in genitalia multiplicato, & sævitiam nacto  
fermento hostili, fit Metaptosis. Sæpe vidimus  
in morbis variolosis totum corpus adipe de-  
fraudari, & verti in sceletum, corruptâ &  
pessumdatâ mucosâ materie; at sæpius, in  
articulares glandulas grassantes morbi reli-  
quæ, ægros gravi plectebant anchylosi, vix  
postea medicabili. Quid si, ad historiam  
Metaptoseon ab hâc causâ pendentium am-  
pliolem efficiendam, hîc mirandas illas ve-  
neni pestiferi in varios artus corporis Me-  
taptoses, quas in libro epidemicorum tertio  
scriptis sacravit HIPPOCRATES referam?  
Quid, si diversas herpetum in chronicis phases  
atque Metaptoses recensere foret animus?  
Omnia jam tractata. Satis ex hisce exemplis  
patet multiplicari interiùs fermenta morbis  
concitandis idonea; imò, cum morbi isti à  
materiâ pendeant extraneâ, perfectæ concoc-

tionem vix aptâ, patet ipsos plurimum omnium posse in concitandis atque efficiendis quibuscumque Metaptoseon generibus. Et in his quidem hoc notandum, quod in animato corpore possint longo tempore delitescere hostiles illæ atomi, sine ullâ nocendi efficacîâ, aut facultate; donec per liquidi adventantis, seque illis commiscentis impetum, fluiditatem & motum in externa accipiant: unde sæpe, causis à suâ indole & naturâ longè dissitis, sese comites adjunxere fomites isti latentes, ignoti, novamque actuositatem nacti, & inexpectatas imò nec prævidendas effecere Metaptoses. Sic sæpe tardiùs hæreditaria, aut etiam conquistata labes emicuit; quod in hæreditariis morbis commune est, imò in ipsâ rabie caninâ accidisse narrant Authores, præcipuèque MEAD-  
DIUS: herpetibus verò, aut etiam arthritidi maximè familiare esse nimis cognitum est. Et certè ab hac causâ intelligitur cur morbi plures quibusdam prosapiis magis infensi sint atque metuendi quàm cæteris hominibus: latet enim in hisce corporibus lues quædam incognita, quæ se nondum observandam præbuerat, at labem altè corpori impresserat, quæ, per accidentalem causam in actum elicitâ, sese ferali omine manifestam facit. Vidi sic numerosam florentium puellarum prosapiam, phthisi à matre & avo acceptâ pulmonali ad vigesimum ætatis annum è medio tolli, unâ exceptâ, quæ connubia respuerat, sobrietati

Morbosus  
fomes diu  
sæpe delitescit.

& vitæ virginæ dedita, ob infitam à fororum fato formidinem. Eodem illa erat corporis habitu donata, iisdem periculis obnoxia quæ sedulior vitavit & depulit. Ea inexpectata latentis fomitis explicatio, iis inter alios competere dicunt hominibus quibus rufus ardet capillorum & barbæ color, & gravis hircus ad alas & inguina redolet.

## §. II.

Causa Metaptoſeon altera Morboſi veneni copia naturam gravans.

In levi morbo vix ulla Metaptoſis.

Metaptoſes contingunt in gravi morbo.

SECUNDA caſarum Metaptoſes efficientium claffis uberrima eſt, & ferè maximum morborum feralium numerum conſtituit, morbi ſcilicet gravantis exuberantia: quippe in hâc ſecundâ Metaptoſeon cauſâ, prior, de quâ modò actum eſt, morborum ſeſe multiplicantium claffis comprehenditur. Morbus ſiquidem onus eſt, ut GALENI verbis utar, naturæ impoſitum: quod, ſi fuerit leve, morbum levem & facilè ſanabilem conſtituit, ſive ſolvi ipſum patiatur materiæ morbificæ mitior indoles, ſive, concoqui impotens, criſin, aut Metaſtaſin efficiat. Sed, in levi morbo & à paucâ pendente materiâ, Metaſtaſeon, ſi fugax cauſa fuerit, ut in catarrho levi, poteſt varia & multiplex forma induci; at vix alicui Metaptoſi locus datur.

Sed, ſi fuerit onus grave, non Metaſtaſes ſolùm, verùm & Metaptoſes expectandæ ſunt: quippe errans cauſa vires undique op-



primens nunc huc hæret, nunc illuc; & sæpe, cum Metastases ante coctionem saltem inchoatam nullæ sint, &, secundum HIPPOCRATIS effatum, in magno morbo nil paucum criticum sit, sæpe oboriuntur Metaptoses quarum unaquæque propriam sibi curationem postulavit. Ita in morbis catarrhosis sæpe videmus stanti atque subsistenti suffocationi sese jungere capitis dolores, deliria, vomitus, diarrhœas, puncta lateris, dolores ad articulos, &c. imò & nullum levamen afferentes suppurationes. Id etiam in variolis accidit, in quibus ita multiplicata materies corpus conficit, ut jam illi ad cutem hæsitanti locus non relinquatur. Hinc ipsam sub textu cellulari delitescere necesse est, atque ibi novas struere insidias. Mucus scilicet omnis, omnis adeps, pure admixto liquantur. Feruntur huc & illuc ulcera: imò ipsa ossa, ad articulos præcipuè, quo locorum spongiosa illa sunt, exeduntur, putrescunt oculi, stillant fistulæ, suppurantur interiora; & ni ocyor lethum attulerit gangræna, conficitur lento tabo æger, Metaptoseon victima. In hoc certè terminationis ferali exitu consentiunt omnes pestiferi morbi, ubi vires superat veneni exuberantia: nam qui rari superfunt, oculis destituti, fimi naribus, cruribus claudi, aut mente hebetes incedunt. Quippe in hâc materiei exuberante copiâ non modò Metaptosis accidere potest, sed est veluti ne-

cessaria. Verùm, non uno modo exuberat morbi materies, & multiplices hîc oriuntur Metaptoseon differentia.

1°. In morbo exuperanti præ imbecillitate virium.

Sæpe onus grave est pro virium infirmitate, tuncque causa levior in gravem transit. Hinc qui à morbo vehementi viribus accisi sunt, qui, per vulnera confecti & jam actione vitali defraudati, si virus aliquod, aut molem extraneam intus combiberint, vix veneni symptomata aut sentient, aut expriment. Convulsivum erit per Metaptosin, quodcumque sese oculis offeret; nil rationale, nil non absurdum emicabit. Imò in gravi casu, & viribus præ debilitate fatiscentibus, oppresso vitali spiritu & circuitu interrupto, mors placida, obstructis & actionem recusantibus meatibus, supervenit, nullâ crisi, nullâ Metastasi, Metaptosi nullâ; aut, si quæ fiat, fit in viscera vitæ sacra, lethalis ipsa per se & quasi subito perniciofa.

2°. In morbo gravi propter oppressum vitale virium principium.

At secundò si vires oppressæ sint, sive à veneno in caput delato & in hanc vitalem arcem decumbente, sive à quâcumque aliâ causâ; hic actio quidem vitalis naturæ, quæ interior actionem & excitat & fovet, aut perimitur, aut, omninò abnormis facta, salutare effectus non exerit. Hinc certè non solum coctio nulla, sed & nulli nixus ad coctionem sperandi sunt; viget autem aut putrescens, aut fermentescens, aut quoquomodò liquores immutans actio morbi mechanica, silente

& inertī omni facultate vitali : tunc nec Metastasi salutarem, nec crīsim quamcumque sperare convenit, sed solūmodo mutationem Metaptoseos malam illam & quocumque modo feralem, eoque magis quò magis recedit à naturā morbus. Tales sunt tumores, indurationes, maculæ pestiferæ, hydropes generis cujuscumque, stases demum, ut cutim, sic intima viscera depascentes. Sic agunt violentā vi acredines putridæ ; sic agunt plethoræ in cerebrum delatæ ; sic & aqueus latex à caco-chymiā exundante in principium nervorum actus : imò effectus eosdem, sed lentiùs invehunt affectus omnes animi tristes, animam è pacato stātu deturbare apti, & omnibus inertiam functionibus animalibus incutere idonei. Nam in his, omnis febris irregularis & abnormis, corde stricto, coctionem recusat & crīsim repellit. Ut ergò prior illa, viribus scilicet omninò deficientibus, Metaptoseon origo & causa quasi necessariò promptam atque veluti necessariam mortem invehit ; ita hæc altera ab iis compressis atque sub morbi pondere delitescētibz sæpiùs lentā tabe peredit ; modò tamen arte, nimis sæpe inutili, vires vitæ non exsuscitentur atque renoventur : tunc enim fieri potest ut, cæterarum partium facultatibus prædominium obtinentibus, & Metaptofi reliquum corpus liberante, venenum, lentiori, sed existente naturæ actione, in minùs momentosam partem deferatur, in

quâ, viribus actuositatem exercere jam idoneis, natura tandem ad conterendum hostem prævaleat.

3°. In exuberantiâ materiei per ipsius naturæ actionem evolutæ.

In evolutione corporum.

In infantiâ.

In pubertatis limine.

Verùm non sine magno medentium timore natura ipsa intus allaborans multiplicem sufficit Metaptoseon materiem, summâ Medicorum attentione dignam; hæc à longinquo sæpe fundamento orta, nunc per varia ingruit fortuitaque accidentia, nunc in ipsâ corporis idiosynchrasîâ natalia invenit. Universalis hæc est & vix devitanda causa. Sæpius illa, in flexilibus juvenum corporibus, quasi ex naturæ constitutione, etiam sine morbosis partibus admixtis, sed in novos nixus mutationesque corporibus necessarias nitente prætermodum naturâ, contingit. Scilicet materiæ nutritiæ exuberantis, sed crudæ acrimoniæque inde facile concipientis fieri videtur Metaptosis. In articulos sæpe fit, aut in oculos, in parotides, in genas, in organa digestionibus inservientia. Sæpe brevibus ab ipso ortu intervallis manifestus fit uberrimus ille Metaptoseon fons in dentium eruptione, & in dispositione illâ convulsivâ quam ventriculi spontanea vitia inferunt. Sæpe tardiùs, hanc materiæ nutritiæ mutationem præmatura chlorosis puellarum invehit. Varias enim minatur insidias, & quibus vis supervenientibus morbis novam impertit indolem, novas complexiones addit Metaptoseon feraces, nunc hydropi & cachexiæ adscribendas, nunc ad

phthisin inflammatoriam referendas. Quod æquè in muliebri sexu, nondùm erumpentibus menstribus, & in masculâ vi necdùm evolutis ad generationis officium inservientibus organis accidit. Tunc temporis languet non evolutæ actio naturæ sub humorum jam abundantius exundantium pondere, sed per vices atque periodos, præ juventæ fervore, exasperatur, febriles motus sibi sæpe expostulans. Hinc nulla alia ætas adeò Metaptosis patet scenam ludentibus variam, & nunc huc, nunc illuc multiplicatis actionis naturalis effectibus: nullâ enim in aliâ vitæ periodo tantam corporis organis subit mutationem. Cum pili enascuntur, vox mutatur, totum corpus ad novos usus accommodatur. Porro in eâ utriusque sexûs conditione, ut novus excrementorum recrementorumque ordo nascitur, ita destruitur veterum glutinum vix spiritibus fœtorum farrago: resistendi vim edidicere glandulæ; pristinæque Metaptoses, ab ipsâ olim inductæ corporis mucosæ prægnantis conditione, jam vincuntur. Sic ad aures saniem stillantes nullum præter ætatem invalescentem potentius subsidium, ad oculorum lippitudinem, ad pustularum ulcerosarum eruptionem, ad crustas illas lacteas, ignem sylvaticum, faciei maculas; quid plura? ad ipsam epilepsiam & convulsivas dispositiones. Imò, robore illo afflato, visæ sunt erigi partium ipsarum, ab infantili natæ

Metaptosis  
 puerorum ætati  
 propriarum,  
 a pubertate  
 dissipato.



vitio, distorſiones, modò ſtructuram ipſarum partium organicam non fuerint adortæ penitus. Hinc tot mala totque Metaptoſes ab ætate ſanatas numeravit HIPPOCRATES.

Metaptoſeon cauſa ſexui ſemineo propriæ.

Tùm porrò naſcuntur maximæ inter utrumque ſexum differentiæ, morborumque inter ſe diſcrepantium proventus Metaptoſeon maximè ferax. Jam quantum à virilibus muliebres morbi diſcordes ſint quis neſcit? Morbus muliebris ferè ſine Metaptoſi nullus datur. Corpus habile & fluxile nunc huc, nunc illuc cauſam eò magis deſert, quò magis cum nervis tenſis atque vibratilibus & flexilibus fibris res agitur; ſemper minas intentat plethoræ veræ metus, muliebris ætatis progreſſus: ſemper nervi actionem moliuntur inordinatam. Adde hîc humorum extraneorum ex ipſo naturæ ordine naſcentium exuberationes, deliteſcentias, eruptiones inconfantes. Idem morbus fit catarrhus, eryſipelas, rheumatismus, ſuppuratio, hydrops. Unde vitam illæ in doloribus tranſigunt, quos & patienter tolerant & cum minori periculo.

Cuilibet ætati & conditioni ſuæ Metaptoſes.

Nec certè deeſt in utroque ſexu cuilibet ætati, cuilibet vitæ conditioni, ut diverſitas in morbis, ita & in Metaptoſibus varietas: quarum aliæ, neceſſariò cum morbo junctæ, ad ejus naturam pertinent, aliæ accidentariæ tantum dici poſſunt. Singulas enarrare impoſſibile eſt: alias edocet Phyſiologiæ ſimplicior inſpectio; alias inexpectatas nec prævi-

dendas infert vis animata insita & abscondita, cuique subjecto peculiaris. At illas ullâ vix comprehendere possibile est enumeratione, licet, de sympathetiâ loquentes, KAW-BOER-HAAVIUS & REGA, rem immensæ inquisitionis quâ fieri potest sedulitate descripserint, sed maximâ sui parte non valuerint attingere.

## §. III.

HINC porrò patet quanta sit seges expectanda Metaptoseon à perversâ solidorum constitutione, siue connata sit illa, siue conquisita, si quando morbus inciderit. Si enim v. g. fracta sit illa quæ inter partes convenire debet proportio, tunc vires morbi in illam præcipuè desæviunt, quæ volumine, aut structurâ aliis nullâ ratione proportionalis est. Sic in illis in quibus caput volumine alias partes exsuperat, dolores capitis præcipuè concentrantur, & quibuscumque in morbis horum caput periclitatur, delirium minas præsentat, & convulsionibus præ aliis tentantur. In hanc partem ne humores Metastaticum in morem decumbant caveat Medicus: at illorum ad nares, ad oculos fluxiones congeruntur, facili de causâ intumescunt glandulæ, inestque iis quasi præsens semper catarrhus: in hac dispositione lippitudines expectandæ, aurium bombi; & in genere mala quæcumque à plethorâ impendent, in has partes de-

Tertia Metaptoseon causa; à vitiôsâ partium corporis constitutione.

Ruit in debiliorem partem Metaptofis.

In caput.

cumbunt, fitque, respectu proportionis fractæ, cachexia localis: adde quod morbi cutis, quicumque caput adoriuntur, iis præcipuè impendèant; quippe vasa magis capacia magis transmittunt humorum, iis verò ex capite expellendis obstat ex ipsâ partium fabricâ pendens thoracis proportionalis angustia. Hæc quidem omnia non eundem metum incutiunt, si caput fuerit angustius. Sed hoc in casu functiones minùs validè exerceri necessarium est, defatigationemque maximam levibus succedere laboribus pronum est. Unde vulgò ii pro imbellibus, imò pro imbecillis habentur, five quòd minùs generetur humorum ad hæc functiones necessariò conferentium, five quòd capacitas minor graciles nimis partes contineat. Certè cerebrosoe substantiæ ad partes subjectas proportio multò major est in homine, quàm in cæteris quibuslibet animantibus, eâdem cæteroquin ac nos mechanicâ vi vigentibus atque degentibus. Nec etiam prætervidenda colli proportio, quæ, in variis hominibus diversa, eos qui brevioris colli sunt, morbis reddit soporosis & in genere omnibus capitis morbis obnoxios. Arguti verò colli atque proceræ cervicis longitudo thoracis vulgò arguit angustiam & depressionem. At nullâ in aliâ corporis pravâ conditione adeò metuendus Metaptoseon proventus quàm in eâ quæ pendet à thoracis perversâ structurâ. Quo quidem vitio frequentius nullum, præ-

sertim in infirmis & mulieribus, si à parte spinæ dorsæ, si à sterni positurâ, si à costarum incurvatione variâ vitari thoracem spectaveris. Ipsa quidem, heu! structuræ deformitas Epigenesis, seu potius Metaptosis fuit, ut plurimum vitii à parentibus accepti, rachitici illius, aut etiam degeneris venerici, aut demum scorbutici veneni, vel efformati per succorum alimentariorum penuriam & pravam à nutricibus haustam humorum crasin. Imò sæpe convulsiva dentitio, dum tenerorum humorum proportionem frangit in infantibus, simul inæquali musculationum tractione metuenda, sæpe articulos torset & spinæ rectitudinem fregit: nam rarum omnino, imò monstruosum, nasci infantes distortos; sed vitium illud recens ablactatos, & pravè educatos sæpe adoritur. Imò supervenisse rachitidem ictibus, fracturis, luxationibus, violentisque corporis concussionibus experiëntiâ notum est. Quippe corpus inde summâ agitatum violentiâ chylum, sanguinem, succos omnes è nativâ proportionem deturbat: unde in tenellâ ætate ad ossa usque, mollia illa, cartilaginea & epiphysibus insignia, pervenit irregularis succi mollioris appositio. Succus ille devius, dum hinc protuberat in dies, inde deficit, structuram; usum, nixus, puncta musculationum fixa mutat, emollit, intervertit: unde varia corporis forma nascitur, nec usibus apta, nec vincendis irruentibus resist-

tentiis per se capax. Hinc etiam, restitutâ sanitate, tot gibbosorum species, tot posituræ deformes, quibus semel constitutis, nullus est catarrhus qui non anhelitus ingentes importet, qui non humorum colluvie gravet thoracem, qui non in levi causâ graviora importet symptomata. Quod quidem Metaptoseon speciem constituit gravem illam & suffocationi proximam, iis verò ita familiarem, ut pro asthmaticis illi jure habeantur sæpenumero, totque experiantur suffocationum formas quot sunt & esse possunt vitiatæ in ossibus conditionis species. Verùm si in tali rerum statu, aut febris, aut morbus alter ingruat, primò quidem duplicantur omnia symptomata, suffocatio fit enormis, linguæ pharyngisque ariditas summa comitantur morbum. Hinc etiam per suffocationem præpedito sanguinis reditu livescit vultus, inflantur jugulares venæ, fitque quasi prioris Metaptoseos altera in caput Metaptoxis. Rarò longioris ævi sunt illi quibus tale quid in structurâ thoracis piaculum inciderit, cum vix sufficiant ad usus vitæ communes. Nullum est malum, etiam à thorace dissitum, in hisce casibus, quod non circuitum intrâ pulmones intervertat atque corrumpat. Sic à cordis polypo & impedimentis in magnâ vasorum cordi proximorum capacitate natis oriuntur mediastini thoracisque hydropes, qui, etiam si casu aliquo malum princeps tolleretur, exis-



terent per se; quod in coagulatione sanguinis catarrhosâ accidisse vidi, sive hydrops ille Metaptosis fuerit, sive Metastasis.

Præterea verò quot Metaptoseon species, Metaptosis  
 quot sympathiarum formas inducit mutatus per malam  
 plexûum nervosorum situs, à quo mutato partium con-  
 usus atque directiones mutari necesse est? formatio-  
nem.  
 An non eadem longitudo, idem situs eisdem In nervos,  
 effectus exerit, diversus diversos? Longiores gibbosis sunt artus, thorax angustior, incurvata positio. Certè nerveis, & iis quidem vix prævidendis symptomatibus affectos vidi plurimos ex his, qui gibbo, aut thoracis distortionem laborabant. Longior foret horum symptomatum historia: at observatione etiam constanti in arte deprehenditur, eas quæ loricis in pueritiâ abutuntur fœminas & arte sibi elegantem & justam conciliare quærunt posituram, debiliori brevî notabiles esse nervorum systemate. Verùm, ne longiores simus in evidenti illâ exponendâ Metaptoseon origine, notasse sufficiet distortionem spinæ non ad solas thoracicas vertebrae pertinere, sed etiam ad lumbares illas; unde etiam hepar, lien, renes & universa abdominis viscera sua In viscera  
 etiam patiantur discrimina. Et certè si ingen- contenta.  
 tem illum apparatus quem sibi vindicat bilis secretio consideraveris, in quâ nullus vasorum angulus pro indifferenti haberi potest; si pancreatis atque lienis situm, si renalem lotii secretionem perpenderis, quàm varia inde

expectanda sunt symptomata? Lumborum dolor, in his qui inversam habent lumborum structuram, nullum non comitatur morbum. Nec dubium est quin partes, aut volumine ampliores, aut porositate debiliores, aut infirmitate magis obsequiosæ, facilius venenum accipiant, fiantque sæpius in hæc partes, ut Metastases, licet Metaptoses. At nervorum variata actio Metaptoses facit symptomataque his tantum nota, cæteris verò mortalibus incognita. Porro dolor in aliquam partem delatus, & ibi quâcumque de causâ sæviens, novas morbo sedes, secundum HIPPOCRATIS effatum, invehit, novaque constituit complicatorum morborum, aut etiam Metaptoseon genera; hæc sæpe actione solâ profuere phænigmi, exutoria, vesicantia. Sic iis qui angustiores habent thoracem familiare est, ut diffitâ etiam de causâ facilè sanguinem exspuant. Porro à sanguinis sputo puris sputum, à puris sputo tabes, ex HIPPOCRATIS edicto, multiplicatâ Metaptosi oriuntur. Sed, etsi non semper à sputo sanguinis, imò nec à puris sputo tabes oriatur, remanet sæpe anhelitus, sæpe pulmonum dolor, imò & vocis quasi perpetua imminutio. Vomitus viridescens biliosi eos levi de causâ torquent, qui hepatis sedem mutatam à naturâ nacti sunt. Hæc omnia non solum morbi accidentia sunt, sed etiam novam ei formam inferunt, suntque veræ Metaptoseon causæ, &

veram Medicis crucem constituunt ; quoties nec ineundam viam indicant, nec etiam à scopo deterrent, cum vinculum nullum, nullam connexionem cum causâ fervent, sed symptomata inferant nullâ arte prævidenda.

Quod quidem, cum in omnibus malè moratæ internæ corporis constitutionis casibus evidens sit, verum præcipuè est in iis quæ suspicari nefas, nec tamen ita raræ sunt corporis conditionibus ; ut est, v. g. si lien desit, aut alieno loco situs sit, si renes pariter locum alienum occupent, aut aliquo tumore comprimantur, si adeps locum sibi non permixtum invaserit. Cætera de hoc genere præterire licebit silentio, quippe quæ solâ cadaverum observatione deprehenduntur, eâque ferè inutili, cum nec præcepta, nec regulam sufficere possint.

Per latentes intus partium deformitates.

At certè nulla pars adeò infamem & jure timendam cum aliis partibus sympathiam exercet quàm ea quæ ad uterum pertinet. Nec præternittenda sunt in hâc classe ipsa etiam virorum genitalia. Porro, si eas quæ ab ipsorum evolutione jure repetuntur mutationes diligentiori examine perpenderis, circâ vocem, in maribus præcipuè, in sequiori sexu circâ mammas, & in genere circâ omne glandulosum genus, pronum erit concludere quantas in morbosâ constitutione vices sibi sumere debeant organa hæc momenti maximi. Nulla in sequiori sexu intrâ abdomen concipi, aut

Per deformia genitalia.

In mulieribus.

intelligi potest circulationis norma, si desit; aut quâcumque ratione laboret vacuatio illa naturalis, quâ sexus impunè carere non potest. Imò inde quot anhelitûum formæ, quot cachexiæ vestigia pendent, quibus inertia spasmodica & irregularis novos motus & abnormes conciliat, nunc infarctus immedicabiles inferens, nunc etiam per febrilem motum erysipelata, maculas, œdemata? Sed sæpe ipsa laborat imaginatio: nec minora patitur symptomata ventriculus, vomitum, singultum, nauseam, picam, malaciam ab hâc causâ sibi assumens. Imò ipsum hepar, dum laborat viridi illo ictero, satis probat nullum ab hâc labe viscus immune dici posse. Verùm quot & quanta in hisce partibus, aut irritata, aut quocumque modo pessumdata nervorum actio possit inferre symptomata, jam alibi satis enarratum est. Dolores capitis, clavos hystericos, oculorum, labiorum, maxillæ inferioris dolores, aut convulsiones, nemo est qui ignorare possit. Tum verò spasmodorum alii durabiles sunt, ut sunt, aut colli, aut artûum retractiones, quæ sæpe per annos duravêre, imò & intestinorum subingressus. Alii sunt fugaces & scenam quidem mutant, seu potiùs locum scenæ, ut videre sæpe est strangulationes, suffocationes, singultus, dolorum species vix enarrandas & ejulatibus miserarum tantummodò cognoscendas, quæ uteri mala comitantur. Forsan hæc omnia

inter Epigeneses malo Proteiformi superinductas, aut tantum inter ejus symptomata locum sibi vindicant. At datur sæpe in nervorum & uteri morbis revulsio : sæpe observatur morbum motibus spasmodicis formidandum illicò conticescere, & per spasmum in aliquo artuum situm & eum pertinaciter retrahentem morbi formam mutari. Præclare sæpe actum secum ægrotantes sibi gratulantur ; at longa pertinacis spasmi fastidia brevi tædio miseros afficiunt ; & dum conamina ad eum curandum exerimus, sæpe redit nova spasmi forma, aut succedit tremor semi-paralyticus. Præterea, ut omnis nervorum morbus causam aliquam sibi nanciscitur, sæpe nulla potior emicuit curandi methodus, quàm si per suppurationem morbus nerveus sese in inflammatorium versum esse arguat.

Vetæ nervorum morborum Metaptoses.

Vividior est virorum mala conditio in organis genitalibus, ad caput & imaginationem vulgò delata ; nec ignota tamen convulsifica horumce organorum actio, in quâ belluarum more feruntur in objectum amatum mares ; quos nec virtus, nec legum fræna coercere valent. At nihil hæc ad Metaptoseon doctrinam conferunt, nisi tamen advertimus vehementem illam horumce organorum titillationem aliquandò in manias abire atque melancholias, imò in imbecillitatem, tremores, phthisimque siccam, si præsertim desit nutritio : de quibus omnibus cum abundè CL. TISSOTUS

In viris.



Nervei  
aliis affecti-  
bus sæpe al-  
ternati.

tractaverit, nulla nobis ratio est cur iis insis-  
tamus diutiùs. Nec diffitebimur quidem, imò  
& cum HIPPOCRATE consentiemus, quòd,  
febre regulari semel positrâ, nervorum morbi  
isti sæpe conticescant, & reverâ quoties in-  
flammativum quid in corpore emicat, Me-  
taptoses nerveæ rariores sunt. Attramen non  
adeò infrequens est in febribus intermitten-  
tibus nerveas fieri Metaptoses. Imò atrocia  
symptomata, quæ, licet febre cessante vulgò  
cessent, tamen diras sui etiam in intervallis  
linquunt reliquias, ut sunt lumbago rheu-  
matica, tenesmi, anhelitus, dolores coxa-  
rum, cruciatus capitis, &c. Vidi non unâ  
vice, quartanis silentibus, quartanarium in  
morem accessus prodire convulsivos, febrem-  
que magno herclè pretio redimere. Sæpe etiam  
debilibus thoracibus inflammatorius ardor re-  
linquitur, qui primam sedem à spasmo mu-  
tuatus est. Quidni enim spasmo constringen-  
te fiat congestio, quæ, semel facta, etiam  
sublato spasmo, illicò non tollitur. Nec de-  
sunt sæpe, etiam in hysteriis observandæ fe-  
bres, quæ, desinente, aut imminutâ febre,  
per intervalla spasmos relinquunt assiduos:  
quod etiam aliquandò epidemicum fuit, & id  
præsertim post ingentes æstus atque calores  
observandum venit.

Nerveæ  
Metaptoses à  
causis sæpe  
non nerveis.

At verò, licet causa Metaptoseon sæpe evi-  
denter à nerveâ pendeat dyscrasiâ; ut anno  
1780 in febribus autumnalibus passim ob-

servavimus, cùm sæpe nunc hemicranix in morem, nunc sub formâ colicorum atrocium paroxyfmi emicuerint, imò & ipsam fint mentiti arthritidem, &, cessante paroxyfmo, diras fui reliquias deposuerint; advertendum tamen est nerveam hanc dispositionem, qualiscumque fuerit illa, sæpe sæpiùs pendere à dyscrasia intus reconditâ & causis verè ad mechanicem referendis. Ita quoties uterus quâcumque de causâ obstruitur, phlogos tentatur, humore impetitur herpetico aut venereo, symptomata emicant hysterica ab utero latè longèque dissita. Imò sæpe, sublatâ per artem causâ, non tolluntur illicò effectus, superestque sæpe miseranda Metaptosis; quippe distractis convulsisque partibus, remanet non semper restituenda dyscrasia, ab atoniâ per erethismum præcedentem inductâ pendens, ipsique proportionalis. Mutatur symptomatum forma, morbi tenor dissitos à prioribus effectus exerit, Metaptosis adest.

Quod autem hîc de utero observamus, ad omnes æquè partes fibris donatas nerveis, quas ipsa regit sensibilitas, pertinet. Ita sæpe, post longos atque cruciantes capitis dolores, ipse functionum animalium tenor infirmatus succedit. Imbecillitatem nacta est imaginatio, imminutionem memoria, iudicium remansit debile; in junioribus quidem, mensium aliquorum spatio, res restituta est; at in vetulis impressa labes, per totum vitæ residuum re-

Nervea  
imbecillitas  
superstes; in  
senioribus  
durabilior.

manſit. Ita ſæpe videre eſt à febris, quæ capitis arcem, aut ſaltem functiones impetiſſe viſæ ſunt, ægros convaleſcentes in compitis deambulare, bellè comedere, delirare tamen circà plurima objecta, non ſine propinquo- rum metu; at vulgò ſenſim res ad priſtinum rediit ſtatum, viribus omninò reſtitutis. Id autem in ſenioribus rarò admodum contingit, & ſemel delirus ſenex ſemper delirabit. Idem anhelofis accidit; idem ſtomacho fractis atque ictericis; idem etiam omnibus morbis non adeò numerandis commune eſt, cùm ad omnes hujus proſapiæ affectus, idem pericu- lum eodem modo pertineat, poſſintque huc omnia illa referri, quæ in Aphoriſmis vocavit HIPPOCRATES τὰ κατὰ λιμπανόμενα. Hæc & novos ſæpe efficere morbos & eorum accer- ſere reditus demonſtratum eſt, nunc in debi- litato corpore majores, nunc in reſtituto & complicationibus libero minores. Illæ quidem reliquæ, in Medici non merentis vertuntur opprobrium, injuſtorumque ægrorum quere- las concitant. Quis ex artis practicis multa ventriculi mala, poſt morbos, ad uſum tar- tari ſtibiat, ad kinamkinam, ad cathartica quævis referri nescit? Silendum eſt. Sibi ipſi præmium referet virtus conſcia.

Orta inter morbos de- ſormitates, ſæpe Metap- toſeon ſu- perſtitum cauſæ.

Nunc præter fomitem illum antiquum & in ipſo fixum corpore, quantum valeat ad illum adaugendum, præva ſolidorum conſtitutio ſatis apertè patet; imò & in morbis ipſis vi- tiantur

stantur connexiones omnes, omnes posituræ. Unde in acutis, & præcipuè post acutos, remanent hinc adhærentiæ & concretiones, illinc laxitates & atoniæ; unde à malâ illâ viscerum & fibrarum diathesi symptomata oriuntur anomala, discordia, sibi repugnantia, crucem Medicis, tormenta ægris, stuporem assistentibus inducentia. Nec rarò, notante sic FONTENELLIO, Observationum redactore accuratissimo, in internis partibus, aut nativæ, aut casu quovis efformatæ dyscrasiæ atque deformitates, morborum species novas attulere, quas, aut ars prævidere, aut præcavere, non satis admonita nunquam potuit. De iis Sepulchreta videantur, aut etiam varia Academiarum Acta.

## §. IV.

DATURNE etiam in fluido usque adeò mutabili, scilicet liquorum animalium systemate, nativa aliqua formæ mutatio atque impressa fermenti more labes, quæ ut morbos inferre, ita etiam Metaptoses inducere possit? Res certè facilè observatione deprehendenda, id saltem secum affert solatii, quod prævideri, adeòque aliquâ ratione præcaveri queat. Cùm enim omnia rapido cursu vehantur & auferantur, ut aliqua possit inuri labes fluidis quæ permanens sit atque fixa; supponere licebit dari intrâ corpus receptacula à

Quarta causa: humorum depravatio latens, in Metaptoses pronâ, datâ occasione, erumpens.

Danturne in corpore fomitis morbos latibula?

rapiditate illâ circuitûs prorsûs immunita, quæ, cùm fomitem morbosum possint intûs retinere, corpus queunt ab eo aliquandò servare immune, unde, datâ tantùm occasione, in actum erumpit fomes, morbosque efficit varios pro ætate, conditione, imò occasionalibus quibuscumque causis. Qui semel liquor ubi in actum elatus est & ferociam suscepit, tùm mutari, alterari potest, novam induere naturam, & varia Metaptoseon genera inducere. Nec satis est de cognitis & quasi evidentibus rerum proprietatibus fusiùs differere: certè ea est in materiâ & motu proprietas, si præsertim calor hîc concurrat, ut volatiles indè eliciantur atomi, aëris formâ, aut simplicioris etiam, si quod aliud est, fluidi, qui quidem possint functiones immutare, ordinem naturæ jam in morbis stabilitum evertere, & phænomena illa concitare quæ Medicis theoriis vix possunt comprehendî.

Quænam  
sint hæc la-  
tibula?

Porrò dari in corpore animali hujusmodi diverticula, in quibus tanquam ab ipso circuitûs tumultu humores excepti quasi conquiescant, motum actionemque amittant, imò & attractione firmâ partium inter se solidescere possint, facile patebit per universum œconomix ambitum disquirenti, imò & leviter functiones intuenti. Ipse enim textus cellularis, quâcumque extenditur, in cellulas variæ formæ, varii ordinis, dispositionis inter se prorsûs diversæ divisus, potest exitum

Textus  
cellularis.



liquisque denegare, ita ut illi in eo comprehensi, atque stagnantes, jam novas facultates exerant, adjuvante porrò calore, compressioneque partium vicinarum novas acquirant formas atque proprietates, quæ, quandiu in motum non aguntur, nullos exerunt effectus. Præterea verò, in ingenti illâ glandularum ubique diffusarum familiâ, quot possunt in diversiformibus meandris, in cellulis etiam primariis fermenta delitescere, quæ aliquandò actionem non concipiunt, nisi à variis ætatum, diætæ, atque locorum circumstantium varietatibus in motum agantur, tuncque datâ operâ erumpunt: tantus est insidiarum in nos proventus, tanta tamque legitima formido! Tales sunt plures hæreditarii morbi, qui tamen, nisi per ætatis decursum, non erumpunt, nec emicant, ut arthritis, ut sæpe etiam hæmorrhoides, quasi usque ad senectutis tempora ælitescentes, aliique plures morbi. Fieri talia plura periodicè nec novum nec insuetum in corpore; quales sunt menstruales hæmorrhoides, annua erysipelata, semestres arthritidum paroxysmi; imò hæc in illa mala desinunt, ut hæmorrhoidum fit transitus in erysipelata, arthritidos in herpes: quæ quidem diversitates varia Metaptoseon genera in eodem humore constituunt. Igitur servari posse intus in corpore morborum fomites, conticescereque ad tempus in demonstrato est. Porrò, jam in motum actò

Glandulæ.

Fomitis  
evolutio Me-  
taptoses fa-  
cit.

Fomitis  
evolutioni  
accedit na-  
turæ debili-  
tas.

Accedunt  
& ab exaſtis  
morbis non  
extincti fo-  
mitis reli-  
quæ.

A ſcorbuto.

& univerſam humorum maſſam fomite illo occupante, quantæ quàmque variæ Metaptoſes expectandæ ſint non minùs patet, ſi præſertim debilitas ſe morbo junxerit, nec permiferit ut nativas criſes morbus humoralis adipiſcatur. Hinc sæpè loco cruciatuum arthritidis in pedes aut manus deſævientis, quot capitis dolores, quot anhelitus, quot tormenta colica, quot etiam atroces pruritu cutis morbi emicuerint nemo neſcit? Quæ quidem ſingula pro Metaſtaſibus forſan haberi poſſent: at, ſuperante malo, Metaptoſeon etiam naturam induunt, ita ut, in vetulis præſertim, sæpè crudeliter ſævienti jungantur arthritidi, ab ejus inſultibus olim enati proventus. Quid varia hîc luis venereæ fata revolvam? Quid reliquias variolarum, ſive inſitarum, ſive naturalium proſequamur, præſertim in pueris? Cum his omnibus bellè actum eſt, ſi chronicas tantùm labes inferant & Metaptoſibus locum relinquant: nam aliquandò ſævitiæ inſigni miſeros peremerunt, occupatâ ſcilicet parte principi. Verùm nihil magis, inter humorum vitia, Metaptoſibus aliquandò acutis, sæpiùs chronicis ſubjacet, quàm ſcorbuticum virus, quod, præſertim in nautis longâ navigatione laborantibus, in aëre præprimis uvido atque frigefcente, emicat. Quippe mortes ſubitanæ, apoplexiæ, paralyſes ſeſe quotidie produunt; modò colicis illudit doloribus ſcorbutica lues, modò vexat

anhelitu, peripneumoniam simulat, cæterosque morbos omnes summæ jungit debilitati atque inertix naturæ ; nec Metaptosis tantum infamis est, sed aliquando Metastasis mitescit, referente EUGALENO, in gingivas atque crura impetum faciens ; artus omnes occupans, ulceraque efficiens quibus reliquum corpus sartum testumque remanet. Certè in casibus istis Epigeneses atque Metaptoses inter se confundi licet, cum scilicet, remanente causâ eadem, sæpe symptomata mutantur, fiatque unum prædominans cæteris conticescentibus. Nec metuendæ minùs mulieribus quæ à lacte degeneri pendent Metaptoses, quod scilicet in textu cellulari adipis locum occupans, ibi concrefcit atque coagulatur ; inde verò motum concipiens per putredinem sæpe adhuc acescentem nunc in cutem deponitur, nec pessimum illud est ; nunc degener occupat viscera in atrabilem versum, omniaque effera melancholix atque manix non facilè delendæ efficit symptomata. Hic videre est maniam vix sanabilem ; hinc anhelitus convulsivos horrendos, hinc icteros viridescentes, scirrhus, hydropes, præcipuè verò omnia convulsionum hysteriarum vel maximè metuenda symptomata. Reverâ quidem fateri cogimur sæpe Metaptoses illas rectè inter legitimos atque phisicos mali effectus recenseri : sed, cum morbi ipsi novum characterem imprimant, sæpeque à præte-

A lacte degeneri.

ritis symptomatibus sublevent, novaque sibi consilia postulent, jure inter Metaptoses recensendi sunt. In quo quidem notandum est, posse plerumque illos nondum maturo morbo præcaveri, quod, ut in scorbuto, sic in lue venereâ verum: quia horum fomitem non tam natura quàm curatio noscitur; nec æquè in aliis circà quos titubat adhuc artis efficacia, potest, aut prævideri, aut præverti Metaptoseon natura, ut in hoc dicto jam genere majorum, quæ id sibi peculiare & proprium habent quòd sua sibi vindicent remedia specifica. Quid, v. g., de scrophuloso fomite prævideri potest, si verè & ad naturæ normam observata afferre in medium volumus? Perire phthisi pulmonali plerosque eorum qui scrophulis pueritiam habuere lubricam videmus, aut, lue in ventrem depositâ, scirrhis eos laborare, tandemque hydrope confici, non sine versi in cancerum mali doloribus atrocibus. Quid de fermento herpetico agamus, cujus ut non una natura, sic effectus non unus, sic Metaptosis diversa? Hypochondriaca pessima symptomata, hysteriarum convulsiones, melancholiam, scirrhos, hydropes, phthisinve siccam & per viridescentem diarrhœam vitæ infensam, ab hâc causâ ortas quis non vidit? imprimis si ars incauta atque veræ methodi nescia eruptionem molienti naturæ obstiterit; quod quidem in junioribus mulieribus familiare est atque vulgatum;

A fomite  
scrophuloso.

A fermento  
herpetico.

imò sæpe latuit hæcce causa per plures annos, nec sese videri passa est, donec emicuerit fato, aut quâdam potiùs felicitate, modò non ad hunc gradum invaluerit causa, ut superflua tantùm ad cutem sese ferant, nec minùs prædominans labes intùs defæviat. Tunc enim eruptio auctum tantùm malum atque magis ac magis invalescens demonstrat, nec jam criseos, nec Metastaseos, sed soliùs Metaptoseos capax.

Quòcirca illud præcipuum apud Medicos studium fuit, ut latentis atque sese dissimulantis mali diagnosim obtineant, duplexque inquisitio ipsis præcipuè visa fuit in proposito, an morbus, ille quicumque sit, totam imbuat humorum molem, in omnemque habitum sparsus totam corporis substantiam vitiet? An contrà, cæteris intactis, sanoque cæteròquin corpore, alicubi hæreat malum, ibique uni tantùm parti infensus, unique immixtus humori delitescat?

Quæstiones ad humoris morborum ejusque Metaptoseon diagnosim pertinentes.

Circa primam quæstionem, primum & universale Hippocratis præceptum est, ut ea omnia, quæ sub excrementorum nomine ejicit natura accuratè, & per plures temporis moras, inspiciantur. Ea enim in universali morbo pessumdari, vitari, & prorsùs immutari necesse est. Quod in morbo parti alicui proprio non reperitur. Sanum hominem nunquam possis dicere cui signa vitii omnia ab excretis petenda concurrant. Igitur, si nulla sit

i°. An morbus sit totius substantiæ?



functio peculiari affectu læsa, sed malum universale omnes æquè adoriatur, nunc hanc, nunc illam, pro ratione loci atque fabricæ, cruciatibus torquens; ita ut simul omnes signa dent indolis vitiatæ, quod in scorbuto familiare est, nec integra persistet ulla, aut concoctio, aut excretio, massam humorum universam vitari patet: &, si symptomata hæc conticuerint, resque ad statum sanum & naturalem reduci videantur, aut sine crisi, aut sine vacuatione aliquâ quæ vitio præcedenti proportionalis fuerit, aut demùm sine legitimâ specifici remedii administratione, tunc signum est Metaptofi quâdam, aut Metastaticâ depuratione, vitium humorum in aliquod viscus depositum fuisse, ibique latere, novas moliturum insidias ex improvise assultu. Quod rarum est in universali morbo, nisi tamen mutatâ formâ, sed non mitificatâ indole, eò adacta fuerit lues, ut solida possit ipsa alicubi corrodere; fit enim tunc ulcus internum, omnia brevi spatio depascens, & perimens: quod, in morbis pestilentialibus frequens atque promptum, in putridis minùs atrox, in scorbuticis affectibus lentum ubi compa-ruerit vitium, cujuscumque fuerit generis, lethale est.

1<sup>o</sup>. An sit  
alicui pecu-  
liari parti  
proprium  
malum?

At in alterâ quæstione scena omninò diversa expectanda est. Omnia vulgò sana apparent, non ut in priore casu vis vitalis prostrata est atque dejecta, residet huc, vel illuc

causa decumbens, & sæpe quas invaserat primum partes postea sanas relinquit. Si sese fixiorem fecerit, quod nunquam in suis efficit primordiis, symptomata quidem atrocia ibi concitat, & eò quidem atrociora quò cæteris partibus intactis magis emicant illa, & habent quidem hæc symptomata peculiaria secum semper aliquid aridi, incocti atque convulsivi: quippe natura inest acris, incocculis præ suâ ipsi innatâ tenacitate, & effectus causæ depositæ correspondent. Morbum merè nerveum credideris; &, si morbo aliqua jungatur, aut ex animi, aut ex corporis parte causa melancholiæ procathartica, erroris metus adest. Verùm historia vitæ præcedentis, symptomata antea alias partes vexantia, sanata atque definita, morbi indolem dissimulari vetant, & præcipuè semper sub horrendo malo perstantia residuæ sanitatis indicia.

At conditionis humanæ infelicitas illa est, ut, malo perstante, sæpiùs accidat ut quod fixum priùs atque peculiare erat, dùm causa in motum agitur & sese multiplicat, tandem cæteras in partes ipsâ suâ multiplicatione invehatur, fiatque ex morbo alicui parti proprio affectus universalis; periculosum id sanè, imò certi periculi indicium est. A centro enim proprio quæ cæteras partes causa invadit, dominatum se in corpore obtinere testatur; &, si radios illos debellare nititur

Ex morbo peculiari sæpe morbus oritur toti organismi substantiæ.

Medicus, adsunt novæ veneni vires à fixiori malo suppeditatæ; quod quotidianâ observatione videre est: unde ars infelix curam ludit inanem, nisi succurrerit natura mortem differens, sed malo tollendo impar. Sic aliquandò pessimâ mutatione humor ille adipi mixtus, vi corporis inflammante, in tabum purulentum versus fuit. Quæ ultima degeneris cujuscumque humoris mutatio vires adhuc in corpore supponit; secus omnia in gangrænam abibunt, aut in scirrhum vitalibus viribus privatum omninò, iners quidem, sed lentè periculosum.

Varia Metaptoſon  
clafles ex ef-  
fectibus de-  
ſumendæ.

Paret porrò ex hâc cauſarum inquisitione Metaptoſes à morbo ipſo oriundas, à memoratis & expenſis fontibus eſſe derivandas, quæ omnes, aut vitæ debilitatem ſupponunt, aut fomitis morboſi ſuperredundantiam, & ad plures effectûum claſſes poſſe referri. Aliæ enim & nuntiant & efficiunt mortem; aliæ periculofa ſymptomata inferunt, acutoſque morbos quofcumque ſimulare poſſunt atque invehere, nunc thoracem, nunc caput aggreſſæ, nunc ventriculo, hepati, inteſtinis inſenſæ; aliæ ſcirrhum inertem, lentè perimentem & verendum in hydropem, in organa glanduloſa deponunt. Aliæ plures & varias exanthematum ſpecies trahunt in cutem, ut aliquandò vidi mulierum menſtruas vacuationes hâc ratione deliteſcere. Plurimæ verò, nec infeliciter, ſæpe ſæpiùs, mutato tantum diſcri-

mine, vertuntur in suppurationem, quæ nec semper simplex, nec semper uniformis, aut ejusdem indolis, actionem naturæ quam ipsa concitavit, & à quâ traxerat originem, vanis destruit & irritis, adeòque nocuis conatibus; attamen plus vulgò ad Metastasim referenda est suppuratio quàm ad Metaptosim. Cùm autem Metaptosis possit aliquandò in morbis, vi illâ vitali necdùm accisâ, datâ occasione erumpere, superest jam ut circâ non prævidenda quæ possunt ipsam invchere accidentia, nostram dirigamus tractationem.



## CAPUT TERTIUM.

*De causis Metaptoseon accidentalibus  
& earum effectibus.*

CUM omnia in corpore animali, ut in universo terrarum orbe, statim nec infringendis regantur motus legibus, lex eadem imperat ut illæ quas motus ipsi infert varietates diversa inferant phænomena, & in machinâ organorum multiplicitate conspicuâ, levis etiam causa effectus multiplices atque vix prævidendos inferat. Hinc ea omnia quæ in nos aliquâ donantur actione, nunc insidias prætendunt, nunc afferunt juvamenta; hæc porro corpora barbarâ, sed philosophicâ loquendi formulâ, Medici *res non naturales* vocavêre. Sed ut causæ omnes illæ morbis inferendis aptæ natæ sunt, ita, illis semel constitutis, varietates inducunt, & afferunt mutationes. Certum enim est, nec ullâ ratione non demonstratum, quod, morbo semel constituto, naturæque viribus in unum occupatis & consentientibus, si non ex rebus non naturalibus remedium statui præsentî quæritur, illud ante omnia exoptandum est, ut per totum morbi decursum res illæ non naturales in eodem statu permaneant, nec

Res non  
naturales  
Metaptoseon  
causæ.



ullam accipiant mutationem. Quippe omnis mutatio in morbis, quæ cum naturâ in eundem scopum non collimat, per se noceat, dum mutationem facit, & ordinem interturbat certum atque debitum laboris pariter stans directi legibus, à quibus certi ac determinati pendent effectus. Ad hunc laboris ordinem omnia, tum interna, tum externa dirigi debent, referrique & revocari. Certè quidem ad hunc scopum omnia Medicorum instituta referuntur.

Quantas porrò partes agat, tum in morbis concitandis, tum in variis inducendis Epigenesibus, prius & maximè necessaria rerum non naturalium quibus vivimus atmosphæra, jam nimis abundè notum, ut institutionum Medicarum atria amplius pulsare non possit utilitatis aliquid afferre. Jam verò quantum Epigeneseon ab hacce causâ possimus metuere alibi satis expositum est. Verùm nemo est qui non probè intelligat quantas Metaptoses afferre possit aër in morbis jam constitutis, sive è chronicorum, sive ex acutorum classe fuerint illi. Sed, antequàm Metaptoses illæ ad certas reducantur classes, observasse non fuerit inutile, ab atmosphæræ vix per artem dirigendæ facultatibus imperiosis, plerasque errantes morborum causas ad hanc illamve formam dirigi. Errat v. g. herpeticum virus nunc huic, nunc illi parti infensum. Illud à frigore acris ad thoracem & thoracis vicinas partes di-

Atmos-  
phæra causa  
Metaptoseon.

Atmos-  
phæræ calor  
& frigus.

rigitur, adsunt peripneumoniæ, pleuritides, angina falsæ, acres, æruginosis, incoctis foetæ sputaminibus, malè coctionem accipientes, tristesque relicturæ reliquias, quippe quæ à causâ pendebant per se errabundâ, nec per naturæ efficaciam ad hanc vel illam partem inclinatâ. Rectè actum erit à viribus naturæ, si devictis atmosphæræ facultatibus, aut calore aëris superveniente, quippe id salutaris habet ejus constitutio quod perpetuò sit variabilis, ad textum cellularem atque cutim humor extraneus exuberet, quod juventuti flexili illi familiare magis est. Nec thorax tantum atmosphæræ insultibus patet: sed ut inter externa nullum aliud medium est, quod perspirationis coctæ impetum & phases adeò potenter dirigat atque atmosphæra, quot ab ipsâ causarum errantium directiones in abdomen devehantur facile est intelligere. Hinc tot Metaptoseon titulo dignæ diarrhœæ, dysenterix, fluxus superflui aliarum suppressarum vacuationum vicarii, imò hæmorrhoides ipsæ ab impeditâ perspiratione pendere visæ sunt. Multos occurrere aspicias quos ætate vigente pruritus enormes cruciavêre, rubor oculorum lippus, genarum gutta rosea: accedentibus frigoribus symptomata hæc omnia conticescunt; vexant, mutatâ scenâ, hæmorrhoides, articulorum dolor rheumaticus, alvi fluxus tenesmodes, & alia mille mala, ex quibus causariis vulgare

est, ut hiemem æstate exoptent, æstatem hieme requirant.

Verùm ut in hisce omnibus actio physica & mechanica pro organi suscipientis sensibilitate summè variabilis est, impetus ille à sensatione dirigi debet, quæ sola corpus gubernat & ipsi imperitat. Summè, & ante omnia, in expendendis morbosis aëris effectibus, distinguenda est actio aëris, in subitam & impetuosè, aut inopinatò agentem, & eam cui corpus assuetum ita est, ut ab illâ vix impressionem aliquam experiatur. Hæc enim lenta variatio, sensibus diversimodè accepta, maximas quidem animalium differentias & temperamentorum gentilitiorum varietates constituit, sed vix in Metaptosis inducendis aliquid efficere potest; non enim commovemur assuetis. De subitâ igitur & impressionem afferente atmosphæræ conversione intelligendum est quidquid HIPPOCRATES Observatorum primus, quocumque sensu nomen hoc intelligamus, de variis & caloris & frigoris effectibus edixit, quibus brevissimis aphorismis hos evidentes effectus ita tractavit, ut tum morbos, tum Metaptoses indè, vel in chronicis, vel in acutis morbis, repetendas possimus augurari, præfagiaque ab evidentibus hisce qualitatibus efformanda queamus constituere. Ex hisce mihi principiis liceat quasi corollaria ex præceptoris nostri demonstrationibus prosequi.

Subita in  
calorem frigusve mutatio.

Atmos-  
phæræ vis ad  
Metaptoses  
faciendas in  
contagiosis  
morbis.

1<sup>o</sup>. In pu-  
tridis.

Horum  
Metaptoses  
in partes va-  
rias.

In iis morborum classibus in quibus præci-  
puas sibi partes atmosphæra vindicare potest ,  
pessima certè & maximè acuta est morborum  
contagiosorum classis , qui non solum epide-  
micè sæviunt , sed ab aliis in alios communi-  
cantur , qui primo quidem morbi insultu nec  
crisem , nec Metastasin patiuntur , vitam  
quasi ictu subito auferentes : sed brevi utrum-  
que finem sibi affectant. Illa autem classis in  
triplicem resolvitur naturam , quarum prima  
putridos effectus exerit. Altera inflammatio-  
nem parit. Tertia vires opprimit & spiritum  
vitalem obtundit. Tres Metaptoseon species  
ibi metuendæ sunt. Ut putridorum morborum  
Metastasis fit per liquatum adipem & poros  
biliarios , ita etiam propensio humoris putridi  
in hæc partes ab ipsâ humoris constitutione  
sæpe pendet. Tuncque , manca & inutilis  
mutatio , nec in naturæ subsidium à viribus  
ejus concitata & efformata , sed ex solâ vitiosi  
humoris indole nata , ex propriâ cum organis  
turgentibus analogiâ fertur in ipsa , viasque  
elementis suis familiares affectat & sibi vindi-  
cat. Hinc hepar , ventriculumque invadit, bre-  
vique tabus per dysenteriam defluit, emicante  
simul ictero ; & gangræna partes illas præci-  
puè , & ante omnes alias , tabefacit & colli-  
quat , promptamque mortem quasi ab hepate  
afflicto invehit. Nulla enim pars adeò promp-  
tè plectitur in hisce morbis , ut hepar , cujus  
corruptelæ non dubia signa occurrunt in ca-

daveribus intemptorum. Nec tamen diffitendum tabo illo putrido accipiendo & fovendo, nullam partem non obnoxiam esse. Textus cellularis adipe scatet qui putrescentiam bilialem facile suscipit, unde tot maculae, vibices, petechiae cutem diffuere faciunt, nec criticae, nec Metastaticae. Nec minus intelligitur unde ab hac putrida totiùs machinae indole, putrescentes partes versus renes & vesicam Metaptosis faciunt. Ibi jacet ingens adipis copia qui stagnare per ipsam cellulosi textus fabricam debet, unde tot nascuntur fistulae, aliquandò ad exteriora deferendae, aliquandò rupturâ internâ viscera omnia proluentes; quae, si vires naturae valerent, legitimo nomine Metastaticae vocarentur. Etsi verò in morbis ipsis putridis, Metaptosis possit secundariò in pulmones irruere & caput ipsum oppetere, patet attendenti rem non esse ex naturae ordine, nisi jam provento & ad finem lethalem sese vertente morbo, cum demum putrida labes inficit & corrumpit partes, accipiendo tabo minus obnoxias. Tunc enim labefactatas esse omnes partes satis edocent symptomata. Secus verò symptomaticè tantum laeduntur partes illae, & sublatâ semel ex hypochondriis labe illâ lethiferâ, quae oborta erant, cessant deliria, anhelitus, hypochondriorum laborantium affectibus semper respondentes.

At in morbis illis omnibus quantas partes



Atmos-  
phæræ vis ad  
has efficien-  
das Metap-  
toses.

agat ad concitandas Metaptoses atmosphæra evidens est, quippe quæ morbos ipsos protulit, eorum vehementiam adauxit, adeoque & Metaptoseon sævissimarum causa est. Porro, quid in hisce, aut minas intentantibus Metaptosis, aut semel constitutis, noceat non renovatus & vietus aër, ipsâ respiracione putridus effœtusque redditus, norunt omnes. Nec Medicorum, in hisce pessimis casibus, circà aëris efficaciam, novæ sunt annotationes. Imò, si aliquid putridam illam labem in pulmones atque caput determinare posset, aër est, cujus efficaciâ atque absorptione semel vitiatâ, pulmones actione privari, ingurgitari, intumescere necesse est, reditumque adeò à capite tolli, à quo reditu impedito cerebri sinus ingurgitantur, rumpuntur, fitque lethalis, in morbo jam per se lethali, veternus putridus, & insolubilis apoplexia. Hic quidem causarum concursus verè Metaptosin efficiens, eò magis certè funestus dici debet, quò causæ jam vires debilitanti addatur altera vix debellanda debilitatis origo. Quod carceribus, locisque angustioribus in quibus hominum numerus ingens coacervatur & aëris usurâ defraudantur, commune nimis in vitâ civili sæpiùs occurrit, imò in arctiore lectulorum, camerarumque usurâ à Medicis jampridem exprobratur adversùs gentilitias præjudicatas opiniones. Hinc incrementibus sic causarum effectibus certa atque prompta,

imò ad diem ferè & horam, secundùm methodum Hippocraticam, institui potest prognosis, quam tardare vix posset liberior atmosphæræ jam non putridæ usus; cujus tamen subitâ mutatione, symptomata maximè lethalia vidi pluries evanida & deleta funditus.

Forfan nec spes omninò fallax habenda est (non experta loquor) ab aëris quem aiunt *dephlogisticati* usu quem adèò vitalem prædicant, posse olim miasma, vel maximè putridum, in meliùs mutari, novas vires ægro suffici, & res in pristinum statum renovari. Quidni, cùm ab isto aëre faces vividius & purius ardeant? Sed hæc seros manet cura nepotes. Spes sola ad artem nunc pertinet. Saltem in hisce morbis aër quærendus optimus; alioquin qui miasma istud fugere possunt fugâ sibi consulant, aut saltem aëra, qui rarò in nostris felicibus oris vehiculum est horumce miasmatum, vitent atque varient, aut quâquâ ratione corrigant. Cujus quidem emendationis instituendæ forma satis apud Authores prædicata est atque decantata, novumque lumen accepit à nuperrimis circà aëris analysin experimentis.

Nec minùs tamen aëris renovandi efficacia, imò & cautelarum circà illum necessitas demonstratur in alterâ principe morborum inflammatoriorum, sic jure dictorum classe. In hac quidem omnia solida stricta, tensa,

Utilis in talibus aëris purioris admisso.

1°. In inflammatoriis.

dura habentur, ignis violentus ita accenditur ut omnia brevi fluida densentur, concreſcant quaſi, à ſtriſturâ & denſitate arctentur & alligentur; nec niſi laxatis vaſis, & fluidam adeptis minùſque inflammatoriam indolem concipientibus liquoribus, ſpes ſit reſolutionis: quæ ſi non fiat, hærentibus omnibus mors gangrænosa ſupervenit, aut aliqua ſalutis idea emicat, mutato in pus denſo illo lymphatico tenore, qui dùm miſcetur adipi jam acrioribus prædito principiis, & per ipſam caloris aucti efficaciam ſolutionem adepto, dat undique cocta atque facilè putreſcentia excrementa, veras efficientia non Metaptoſes, ſed de quibus alibi dicendum erit, Metaſtaſes. Porro, cùm hic calor non tantùm effectus ſit, ſed etiam cauſa, reſpirationeque, in medio inflammatorio igne pernix atque repetita aërem inhalet, quanti ſit pretii atmophæræ purior influxus, aëriſque placidior renovatio, hariolari facilè ſinit: quippe ut plus aëris conſumitur, ita plus eum renovari neceſſe eſt; alioquin ariditas, ſitis pharyngis exteriora vexabit, tonſillas, vulvam inflammabit; imò exſiccata aſperâ arteriâ atque bronchiis, tuſſis jure ſibi Metaptoſeos titulum vindicabit. Unde etiam rarum eſt in morbis inflammatoriis, jam ad ſolutionem tendentibus, ut ſputa non prodeant, non quidem critica, imò nec levantia, ſed pro reſolutionis ſigno habenda.

Aëris non  
renovati in  
inflammato-  
riis effectus.

Metaptoſes  
variæ.

Nam nulla datur inflammatio, aut inflammatoria diathesis, in quâ pulmones non aliquid patiantur: at sæpe sævissimas experiuntur Metaptoses; imò & ab aëris defectu & narium atque sinuum exsiccatione cerebrum ipsam labem aliquam suscipit, fitque à strangulatione aut anhelitu delirium. Præterea verò universa corporis superficies miasmatis infecta perpetuis, non renovatis atque excrementosis, tum calorem undequaque spargit, tum molem illam excrementitiâ cumulat; unde malum malo additur. Hinc ægri aëris novi beneficium anxietate perpetuâ captant atque sibi quærunt. Hinc in locis calidioribus & siccâ atmosphærâ retorridis, vix ulla datur inflammatio, sine eruptione macularum, aut tumorum ad cutem miliarium. Aërem sibi inclamitant; negatum brevi mille sequuntur mala; imò brevi, Metaptoseos more, ipsa putredo inflammationi additur, fitque ex omnibus complicationibus pessima & maximè frequens, præsertim fervente syrio. Unde quæ stadium suum breviter decurrere debuerant febres inflammatoriæ, novis symptomatibus infames fiunt, cum hinc inflammationis sequelæ, illinc putridarum anxietatum, nausearum, prostrationum simul agglomerata congeries, & ægro & Medico novum afferant sollicitudinum & curarum fontem, cum jam non coctio tantum inflammatorum excrementorum expectanda sit, sed & putridorum nova

Maculæ  
erumpentes  
& humorum  
putredo.

& sæpe intempestiva expulsio : tantæ molis est in hisce morbis puriorem atmosphæræ usum conciliare.

Metaptoses  
in inflamma-  
toriis ab aëris  
subitâ muta-  
tione.

Verùm in morbis inflammatoriis maximus Metaptoseon fons habetur subita atmosphæræ mutatio ; nullum enim est tempus , nulla morbi periodus in quâ subitus elementi illius vitalis impetus corpus subitò non immutet , illudque de statu præsentis deiciat. Porro omnis subita in morbis mutatio mala , sive jam natura vires actuosas , sed ordinatas illas atque regulares exerat , sive opus suum vix incœperit , sive demùm tantùm minetur incœpturum. Hinc metuendus à frigore erethismus omnia suppressens ; hinc à calore humorum morbosorum rarefactio enormis , & putrescentia quæ omnia colliquans , vires prostermit , capiti præcipuè insensus , ut frigus pectori. Jampridem ex observationibus Hippocraticis notaverat BALLONIUS , morbos hybernos & autumnales minùs faciliè coctionem recipere quàm vernos , aut æstivos. Nec minùs frequenti constitit observatione quantum incautè receptus aër in ægroto calente , imò & quasi deusto , erethismos sæpe lethales effecerit , aut saltem ita naturam ab instituto avocaverit , ut quasi novo plectendus sit morbo ægrotans , Metaptosesque sævas experturus sit ad articulos præcipuè , in quos delatus morbi fomes , aut morbi longitudinem , aut abscessus efficit , aut etiam metuendas eodem



mechanismo in viscera Metastases. Semper aër imprudentibus obfuit.

At quod spectat particulares inflammatorios morbos, sive eos qui cum universali erethismo partem tamen aliquam occupavere, ut sunt pleuritis, peripneumonia, hepatitis, &c. eò major atmosphæræ cura circa illos habenda incumbit, quò sæpius sub nomine catarrhorum, imò & communi cum illis causâ, adoriantur: unde etiam à veteribus catarrhales habiti sunt, & sub communi fluxionum acutarum nomine designati. Classis hæc morborum, maximè universalis ab antiquis Authoribus habita, omnium morborum genus illud comprehendebat quod ab humore pendebat per initia mobili. Id omni excremento, aut retento, aut suppresso commune est, sive huc feratur & illuc causa lædendo apta, sive uni & peculiari parti fixa inhæreat. Unde pro præcipuâ eorum origine impedita simul atque vitiosa perspiratio habetur. Huc omnes vernaes illi morbi, qui juventutem magnis afficiunt periculis, referendi sunt; pleuritis, peripneumonia inflammatoria, angina, rheumatismus, quibus sæpe Metaptosis ita communis est, ut pleuritidi phrenitis jungatur, delirium peripneumonix, sive ob extensionem causæ lædentis, sive ob morbi ipsius propagationes jure vicinix & partium correlatione contractas, sive etiam, quod non infrequens, si causa universalis centrum novum

Metaptosis in inflammationibus quarundam singulatim partium.

sibi fumat : unde etiam ad cutem & ad articulos Metastases sperandæ, si vires vitæ prævaluerint, sed spatium temporis ad solutionem sibi postulaverint.

Metaptoses  
suppurato-  
riæ.

Verum universim morbi inflammatorii valentiores suppurationem sibi vindicant ; quæ cum jure meritòque inter Metastases numeranda sit, Metaptosin tamen efficit, mutato symptomatum ordine, nec depulso, sed accrescente, imò cum certo periculo, si liber exitus puri collecto non pateat.

Polypi.

At verò puris inter confectionem atque morbi solutionem, etiam deservescente erethismo, periculum urgens sæpe constituitur à mafsâ concretâ & flocculentâ, quæ, cum humorum locum occupet, membranæ nomen sibi vindicare possit. Vulgato nomine hæc concretio, in vasis majoribus polypi nomen usurpat ; hujus tamen lethalis atrocitatis signa in cadaveribus sæpiùs evidenter deprehensa, nobis satis enodant quâ ratione in morbis illis falsum levamen mortem instantem præcedat ; cum aliundè tamen in moribundis illis, de quibus HIPPOCRATES ait eos occultò mori, gangræna vix ulla sui indicia præstet, sed anxiosi, vigiles, inter ipsam loquelam cadentes moriuntur, insciis, imò mirantibus amicis, & aliquandò ipsis etiam Medicis. Porro quantum in illis inducendis crustosis concrefcentiis confert vita in laboribus, & spasmis antea acta, tantum etiam symbolæ ad-

ferre potest aëris purioris defectus, aut ejus calor immodicus æstuosis in locis thoracem divexans, vasa exsiccans, & cruorem latice seroso exhauriens. Quæ quidem occulta nocendi vis nunquam frequentius, nunquam magis perfidè insidias struit, quàm in tertiâ morborum acutorum classe, de quâ nobis dicendum jam incumbit.

In hâc ultimâ morborum lethalium classe omnia per Metaptosin fieri dicenda sunt: naturæ incertæ ac titubantis & ab ordine virium dimotæ nulla observatur periodus: ipsa labantium virium exordia nil regulare offerunt. Non decertatur in corpore, sed ceditur. Omnia Medicis cæcutientibus occulta apparent & improvisa. Vitale illud vinculum, quodcumque fuerit, obscuratum atque vitiatum est. Symptomata tardè gliscentia, vix ante sui notitiam tradunt quàm insanabilia evaserint. Aliena miseri & insona loquuntur antequam de dolore capitis questi fuerint: oculi errant, & tamen rectè omnia vident; pulsus tremit, antequam febre affectos credideris; de frigore conqueruntur; vix caloris sensum attingunt, illumque incertum, & , ut ita dicam, partialem: nulla coctionis nota datur; aut; si datur, fugax illa est & incerta. Concutienda est & ad se revocanda machina sui oblita officii, donec, concitato demùm imperu, aut murentur, aut augeſcant symptomata illa. Proh quantum est Medicis circa

3°. In malignis.

illam calamitatem decertantibus infortunium ! Morbus à viribus naturæ derelictus atque desertus quot Metaptoses facit , quæ omnes conaminibus sæpe infelicibus Medicorum adscribuntur. Motus tremor est , respiratio anhelitus , admissa alimenta in pondus fatiscunt , aut vomitum , singultum , atque decorem diarrhœam concitant. Plaudunt sibi si alicubi tumor emerferit ; spes frustrat subito evanidus. Aëris puri & renovati efficacia metum dissimulat , forsân & dùm novas vires sanguini atque nervis afflat , superare pericula aliquandò potuit , ut aër vietus , effœtus , vitalibus fraudatus partibus , illi , ut forsân causas , sic novas vires addit. Quantas vires huic morbo , quantas Metaptoses eâdem de causâ expectare fas sit satis constat , si attendas morbos illos ut plurimum iis accidere , qui aëre , aut vitiato , aut non renovato utuntur. Castris , carceribus , navibus frequens incumbit. Loca uliginosa ventis non perflata iis præcipuè infamia sunt. Imò. & à contagio quod aër effecerat in incarceratis reis visi sunt similes morbi , non unâ vice defluxisse in populos atque Magistratus quos primos miseri afflaverant. Sola spes superest posse Metaptoses in Metastasin verti ; quod per parotides in juvenibus aliquandò factum , per diarrhœam in adultioribus : nam vacuationes reliquæ , sine coctione emicantes , periculum augent , & nihil aliud nisi morborum longi-

Metaptoses  
in his ab aëre  
non renovato  
plurimæ.

tudinem declarant. Porro cum morborum illorum indoles ea sit, ut quasi per Metaptoses incedant, & spectaculi varietate artem eludant, patet quantas in eis procreandis partes agat atmosphæra, quæ si non renovetur, variis illis effectibus inducendis plurimum conducit.

Verum quod in triplici horumce lethali affectuum classe deprehenditur, nonne in aliis catarrhalibus rheumaticisque morbis observatur, quos redivivos facit aëris inclementia, quos calor ad sinus & membranam catarrhalem devehit, non sine dolorum capitis periculo, surditatis, amblyopiæ discrimine, quos frigus sæpe in dolores laterum vertit, cotionem quippe omnem intercipiens & præpediens? Nec certè licet purioris physices lumine imbutis aliquid addere iis observationibus, quas in capite tertii Aphorismorum libri congeffit HIPPOCRATES de atmosphæra in morbis & inter ipsorum periodos effectibus, quorum plerique ad Metaptoses referuntur.

Atmosphæra vis in aliis morbis catarrhalibus.

In chronicis Metaptoses eadem causa facit. Calore caput impetitur, frigore premitur respiratio, dolent articuli, coctio atque perspiratio elanguescunt. Actiones calore adaugentur, frigore torpent. Laxatio à calore pendet, à frigore erethismus. Quæ causæ morbos invehunt, faciunt & Metaptoses; unde jure meritòque aëris directio pro Medicinæ cura-

Ejusdem vis in chronicis.



triciſ parte habetur : unde toties cœli mutatio, peregrinatio, imò & navigatio inter Medicinæ inſtituta numerata ſunt. Quid hîc exempla proferam à morbis repetita cutaneis, quos imprudentia aëris quæſiti frigidiuſculi ſæpe in thoracem & in pectus depulit? Arthritidem ab impositâ glacie ſuppreſſam in aſthma metuendum abiſſe novi. Quid hîc ſuppreſſa eryſipelata referam, longis plectenda doloribus, nunc arthriticâ conſtantiâ, nunc ſcorbuticâ incertitudine huc illuc, mutato ſymptomate, errantibus? Sed etiam à ſublato tumore, qui per ſe parvi videbatur momenti, nec ullum intulerat dolorem, & formæ vultûs tantum oberat, apoplexiam & conſtantiâ enatam vidi paralyſin. Quandiu vigerat æſtivus calor res bellè ſe habebat; ad prima autumnî frigora malum erupit. Nonne, notante HIPPOCRATE, frigus aliquandò in morbis convulſificum dici debuit, imò gangrænâ inducens? In genere quidem conſtitutio hiemalis frigida & ſicca minùs morborum parit atque calens & humida : ſed omnes uno ore conſentiunt Medici iſtos & concoctioni minùs aptos & adeò longiores eſſe,

Metaptoſes  
à neglectâ  
diætâ.

Quid à neglectis magni noſtri HIPPOCRATIS præceptis circa diætâ Metaptoſeon poſſit enaſci, ut cognitum ſatis, brevius exſequemur. Ingluvies ſcilicet onus oneri addit, & deficientes vires ſuffocat; verum in

Abingluyie.

peracutis morbis, suadente ipso horrore ciborum insuperabili facilè evincitur, & præ fastidiosis medicamentis effugitur. Aliundè demonstratum est, vel soliùs experientiæ tesserâ, quòd quæcumque vel levissima ventriculus occupant, naturam ab officio divertunt, & ad conatus efficaces reddunt imparem. Adde quòd & clauso calido loco conclusa alimenta spontaneam putredinem concipiant, unde nausea, vomitus, horrores irregulares, rigores, convulsiones oriuntur in morbis inflammatoriis; deliria, ariditas horrenda, foetor intolerabilis in putridis, brevique sequantur maculæ emicantes gangrenosæ. Quid si putridam servant hæc indolem, si malum malo addant, quod frequentissimum est, cumulantur omnis generis excrementa, novoque proventu terrificant animos. Bellè cum ægroto actum erit, si moles hæc in abscessus crudos facessat & apostases textûs cellularis incolas, ab ipsius ingurgitationis continuatione renovandas. Quid si puerili ægrorum cupidini obsequamur & acria permittamus ægrotis, aut nullo distincto habitu lacticina, &c. certè non solum symptomata morbi spectanda sese offerent, sed ventriculi etiam affectus, nauseas, vomitus, anxietates, singultus, & in profundiore organorum systemate irregularia omnia, Metaptosesque puris acris aut potiùs liquidi corrumpentis & exedentis inducent. Nec

Ab acribus  
ingestis.

tutior erit diætæ medicinalis contemptus in chronicis affectibus; quippe qui aut malum chronicum vertat in acutiorem morbum, febrem concitet, aut minore metu, sed periculo non minore, lentam febriculam arcessat & stabiliat vix postea deturbandam; quippe quod in salutem institutum est à naturâ, ab imprudentiâ in onus cachecticum vertitur, quo gravantur viscera, eoque opulentur atque congestione fatiscunt.

A potu  
nimio tepidoque post  
acrium in-  
gluviem.

Moles verò illa alicubi feratur ibique deponatur opus est: quod etiam sub pertinaciâ mali regiminis non sperandum superest. In eo autem falluntur multi quòd ignem semper suppositum credentes, illumque incusare prompti, potu nimio etiam aqueo & tepido sese ingurgitant. Error autem hîc facilè deludens in eo consistit quòd non satis attenderint potiores illi coctionem quamcumque in mutuâ principiorum in se invicem agentium proportionem consistere, eamque toties lædi, quoties aliquod principium eminet, liquidumque, vel maximè per se innocuum, huic coctioni obstare debere. Hinc, ubi moles excrementitia nimio illo liquido diluitur, jam impossibile est resolutionem victricem fieri, sed principia illa inertia atque sine statione, novas stases atque Metaptoseon fontes parturiunt, & in hâc actione sæpe diluentia cum acribus atque calefacientibus consentiunt, mirantibus sæpe agrotis insciis.

Nec minora verò, imò, HIPPOCRATE & BOERHAAVIO testibus, pejora expectare fas est pericula ab inediâ immoderatâ, & per sacras artis leges non directâ. Nutritio quidem ægrorum qui morbo peracuto laborant, in fluidorum renovatione industriâ consistit, cui quidem renovationi efficiendæ apprimè utilis est mucago illa, seu gluten tenerum quod vegetantia legitimâ præparatione tenuata sufficiunt; quod si defecerit, deterit ipsa actio vitæ à febre aucta quodcumque dulce facultate, ut cum HIPPOCRATE loquar, in humoribus reperitur: acria locum ejus sibi assumunt & solida vellicant. Verùm quæ ab inconcinnâ alimentorum directione nascuntur Metaptoses, per se pondus ventriculi, cacochymiam, aut saltem pravam plethoram, inferunt, mox diarrhœam. Cætera quæ ab alimentis superadduntur vitia, à naturâ morbi pendent; vitiosi enim regiminis effectus oritur à virium concoquentium imbecillitate. Ex circâ duplex objectum occupantur & utrique impares fiunt. Unâ scilicet coctio ipsis naturalis alimenti incumbit & morbificæ materiæ coctio: quæ ultima, maximi momenti longior esse debet & difficilior. Inde suppurationes languidæ humorum vix coctorum refluxum inferunt, & resolutiones imperfectæ stases ad organa efficiunt. Præterea destruitur inde æquilibris illa potentiarum agentium actuositas; nervi ipsi in convulsiones aguntur,

Ab inedi  
inmoderatâ

Diatæ  
pravæ in  
morbificæ  
materiæ coc-  
tionem effec-  
tus.

quas sæpe à debilitate pendere arguit HIPPOCRATES ; nascuntur & deliria & fatuitates : imò & ipsa reconvalescentiæ difficultas , hostiles demonstrans reliquias nova mala producit , quibus facile est augurari quantum jungi debeant & ventriculi & intestinorum aut debilitatorum , aut bile & succo animali undequâque in iis exuberante nec absorpto turgentium symptomata. Nihil ergò hîc addendum est veteribus illis regulis quas tanto-perè commendavit HIPPOCRATES , & quarum sese inventorem gloriosè profitetur.

Metaptoses  
ab excrementorum  
retentione.

Alvi obstipatione.

Hæmorrhoidibus  
suppressis.

De excrementorum quorumcumque retentione Metaptoses efficientium quid dicamus quòd non præviderit Medicorum sagax inquisitio ? Ipsa excrementi cujuscumque retentio Metaptosis est. Quid alvi dura obstipatio , contenta exsiccantis atque sibi retinentis in caput præcipuè , postea in diaphragma totumque abdomen possit , impeditâ atque revulsâ ad superiora humorum circulatione , nemo est qui non , aut senserit , aut viderit ? In febribus deliria , cordis palpitationes , anhelitus cotionem præpediunt ; oculorum inflammationes , narium hæmorrhagias inutiles , icteros nocivos infert obstinata alvi durities. Quid jam addamus de suppressis hæmorrhoidibus quæ aliquandò criticæ emicuerant , quarum suppressio cum prædictis symptomatibus Metaptoses maximè metuendas in hepar , lienem , renes effecere , imò & vesicam & uterum mu-



liebrem adortæ eis phlogoses intulerunt? Quid quòd & bilis ab hâc causâ suppressa colicis doloribus ansam dedit : imò &, bile undequâque diffusâ, cutem ipsam pustulis, maculis, & herpetibus deturpavêre hæmorrhoides suppressæ, aut assuetæ oblitæ depurationis. Quæ etiam omnia mulieribus malè menstruatîs accidisse nemo est qui non viderit : quibus quidem omnibus addenda sunt quæ ad partes sexui proprias pertinent. Hinc lumbis dolor ingens, hinc anhelitus, hinc ob vestigium pendentis indè necessariò cachexiæ, artium cruciatus, pallor, pica & malacia morbo ipsi superstites; hinc nervorum omnis tumultuosus impetus, imò imaginationis & memoriæ vitia, deliria, metus, melancholia, & illæ quæ ab utero morbidè affecto nomen sibi sumpserunt convulsiones, atque universa accidentium farrago quæ in mulieribus affectio hysterica, in viris verò hypochondriaca dicitur. Uno verbo morbi nulli alii tot tamque varias Metaptoses inducunt, partim à plethorâ, partim à cachexiâ, partim à nervorum vitio repetendas.

Difficili  
menstrua-  
tione.

At perspirationi illi quam corpus perpetuò exhalat paulisper attendendum. Hæc, strictâ & rigente per erethismum cute, locum vix sibi vindicat : aret cutis, & si quid porosa exhalat, id parvi admodum momenti dici potest. Aqueus est vapor, forsan & aëreus. Sed remanet intus miasma illud stringens &

Perspira-  
tione sup-  
pressâ.

irritans, donec subsidiis efficacibus ars illud diluendum ita mitificaverit ut coctioni ejus possit natura vacare. In genere probatum est ab observatione plurimorum, perspirationem veram atque coctam in statu naturali alimenterum coctioni respondere, partibusque scaterere mucosis, ponderosis, quæ, coctione deficiente, aut nullæ sunt, aut crassioris & crudæ indolis, quæ nocent per se, & plerumque catarrhorum, jure pro causâ habentur. Ut ergo perspirationis illa materies merito infamis est ad accersendos morbos, cum, constante morbo, nulla sit, Metaptosin nullam facere potest. At mitescente crethismo & jam laxatis organorum vasis, si supprimatur illa, quod in corpore, sensilitate per morbum auctâ donato fieri facile potest, morbum facere debet redivivum & sævas Metaptoses. Catarrhus in rheumatismos, inflammatio in abscessus, & quidem in phthisim abire potest; quod non semel tristis experientia demonstravit. Quot phthises quasi epidemicè sævierint à primariâ tabe catarrhali epidemicâ pendentes, nemo est qui, HIPPOCRATEM evolvendo non animadverterit. Imò metus ille omnibus impendet, qui sæpè & levissimâ de causâ in affectus catarrhicos etiam leves incidunt. Sudor verò aliquandò in morbis

Præcipue  
in morbis  
mitescen-  
tibus.

Sudoris in  
morbis sup-  
pressio.

oritur, per vim extraneam, aut sæpè nixus inutilis expressus; noceus ille, morbum nunc designat, nunc auget, nunc tristissimo fato

finientem comitatur. Supprimi quidem moribundorum sudor vix potest; at, sudoribus aliis quibuscumque medio in morbo suppressis, anhelitus, anxietas, rigor, suffocatio, novam morbo formam induunt, ad interiora fomite delato. Nec verò res ita intelligenda est, quasi utile foret cessantem sudorem provocare; quippe acrimoniam, siccitatem, densitatem possent corpori ægrotanti adeoque inflammationis pericula invehere, indeque & coctionem & crisin præpedire. Sed hos causa morbi violenter efficax intulit, nec unam didicit illa nocendi formam, &, si cohibeatur ejus sudatorius furor, necesse est partes alias plecti. Prætereà verò, cum acre aliquod per habitum contractum in corpore exuberat & exundat, ad sudorum illorum excretionem sæpè ante ipsa morbi tempora familiarem semper Medicus attendere debet, quam non immeritò comparaveris cum fluore illo muliebri non minùs observando, qui toties inter naturalia excrementa debet numerari.

Plethoràm acrem undequâque præbet mulieribus lacteus humor post partum per universi textûs cellularis ambitum diffusus. Ille nunc inflammatoriam indolem capescit, quâ excusâ, rheumaticos morbos æmulatur; nunc in cutem vertitur, nisi illum abscessus exhaurierit. His sudor familiaris est nullâ arte cohibendus quem frustra medicamentis provocares; detraherentur scilicet utilia, nociva

Lacteus  
humor re-  
tentus.

remaneret moles solidior facta, & scirrhis & malorum iliadi producendæ apta.

Evacuatio-  
num vicaria-  
rum in his  
consideratio.

Verùm in suppressionibus illis vacuationum quarumcumque, aut in earum augmentis ad alias quascumque attentio sese vertere debet. Nam, v. g. ut suppressus sudor alvum & urinas augere debet, & ad hæc incernicula morbum deferri ex ordine naturæ est, ita ab oppositâ causâ repetendum est quòd iis erumpentibus alvus dura jam à solidatâ bile non commoveatur, aut urinæ latex solidescat & sæpe in calculi granula vertatur. Idem de cæteris intelligendum; nec Metaptoseon illa origo prætermittenda unquam. Inde enim ut supplicia, sic suppetias expectare fas est, fatenturque Medici omnes nullam sæpè aliam rationem dari immodicæ vacuationis pericula depellendi, quàm per correspondentes vacuationes auctas. Suppressa autem incautè vacuatio quæcumque, sive critica fuerit, sive tantùm utilis, per se, Metaptoseon, earumque chronicarum, sæpiùs est origo, imò malo semel constituto, atque in partem aliquam fixo, incassum omninò illa restituitur. Id hæmorrhoidibus, menstruæ sanguinis vacuationi quotidiano usu accidere vel simplicior experientia demonstrat. Aderat juniori fœminæ manûum sudor, qui tinctas ad Minervæ opera lanas à colore deerrare faceret: suppressum astringentibus: lentum illud tabum pulmones infecit. Nil non tentatum ad eam

restituendam fuit ; sudabant manus , sed sudore non eodem , non depuratorio. Quin etiam aliæ ferè omnes causæ de quibus , aut egimus , aut agendum superest , vix aliâ ratione agunt ad Metaptoses ex suppressis pendentes vacuationibus efformandas , quàm dùm erethismum concitant in excretorio organo & eo constituto humorum legitimum fluxum repellunt , atque in alia deferunt viscera præfenti semper discrimine.

Nil est quod dicamus de venerèâ in morbis tentigine ; quippe quæ aut morbi symptoma est , aut non existet , naturâ aliò distractâ ; quæ si adfuerit unquam , aut debilitando , aut nervos prætermodùm concutiendo , prostratis ægri viribus & convulsivâ debilitate inductâ , morbum in infinitam longitudinem protrahit , & Metaptoses pro vario morbi genere diversas inducit. Capiti præsertim , sensuum origini causa hæc inimica est , nervisque , qui ab eâ tentigine subsultant. Tùm nutritio inde læditur , abitque corpus in marasum citissimè colliquantem.

Venerèâ in morbis evacuationio.

Somnus atque vigiliæ quæ sese toto vitæ tempore mutuò excipiunt , in morbis etiam vices alternas exercent. At protractiores vigiliæ pro symptomate vigentis & ferocientis morbi habendæ sunt , & si qualemcumque in corpore mutationem præcedunt atque prænuntiant , factâ semel illâ mutatione , aut cessatè , aut mitigari observantur. Vigilare

Metaptoses à somno & vigiliis.



diu & noctu semper malum; at aliquandò noctu atque interdiu stertere pessimum. Ut enim vigiliæ tensionem atque erethismum, actuososque hostes, nec inertem naturam indicant atque palam ostendunt, ita somnus languore & atoniâ prostratum corpus, infractasque aut deletas vires prænuntiat. Sæpe etiam somnus non merum symptoma est; sæpè Metaptoseos nomine jure vocatur veteris ille, ferreus, à quo surgere vix ægro datur, qui, ut cum HIPPOCRATE loquar, caput opplet, corpus debilitat, aut in paralytim, aut in apoplexiam degener. Præterea vacuationi cuius mechanicè obstat, si sudationes solas exceperis, excrementa ad vasorum ostia congerit, ubi stent, hæreant, & cumulata corrumpantur; unde toties nocuit crisi, Metastasi salutaris; sic etiam sensus obtudit sopor ille fallaci spe illudens, quem intulere narcotica perversâ admistâ administratione. Nec verò sola nocent artis præposteræ instrumenta; somnus ipse naturalis ab effectu suo mechanico, quo omnibus naturæ actionibus plumbea innectit vincula, multis in morbis nocuit, & in locum ordinatæ illius febris quâ vis naturæ agit & agitur, spasmos & convulsiones intulit, & in morbis convulsivis ita malum auxit, ut sæpè miseri agrotantes ministros qui somnum arcerent conduxerint. Hinc ergò metuendas à somno esse Métaptoses, quæ hinc à compressâ nervorum

origine, inde verò ab actionum atoniâ repertuntur, multòties observatum est.

At quantum in producendis atque inferendis morbis valent, tantum etiam in iis effectandis atque evehendis posse curas animi mordaces viventeque sub pectore mœstissimam, omnibus in propatulo est: quippe nihil adeò fixum cordi, vasis, & actuosæ vitæ systemati vinculum innectit atque animi pathema triste; nihil adeò concoctioni, secretioni, excretioni cuicumque nocet, eam tardans atque supprimens. At in hisce morbis, siue animi pathema eos induxerit, siue foverit jam natos atque crudeliter immutaverit, semper ad capitis arcem, ad cerebri functiones malum delabitur & illas ocyùs, aut tardius impetit. Hinc oculis, ore, genis, loquelâ tale malum deprehenditur. Sic in acutis peripneumonia vertitur aut in phrenitidem, in homine violento & irâ ferventi, aut in lethargum, si mœrorum vires prostraverit. Latentes verò sæpiùs causas in abnormem motum concitat furor & animi impotentia: sic arthritidis quæ rheumatismi formam irregularem sibi sumit leviori de causâ, & artus undequâque discruciat, in subito & inopinato animi pathemate sæpè apoplexiam atque phrenitidem mentita est lethum inferens. Grave quidem illud & lethale; at, quæcumque causa exterior exarserit, non rarò contigit ut vi rapidâ delatum virus arthriticum, aut acre aliud quod-

Metaptoses  
ab animi pathematibus.

In caput.

Metastases  
arthriticæ ab  
animi affectibus.

cumque, dum vitam non perimit, longos cruciatus attulerit, aliquandò perpetuos, aliquandò periodicè etiam tolerandos atque redivivos; & aliquandò, quod pejus est, fixum & stabile malum induxerit, delirii aut potius insanix formam aut melancholix indolem sibi assumens; quam vidimus ipsi per decem annos perdurantem, per unicum, sed violentum arthritidis ad pedes delatæ paroxysmum evanescere. Sæpe etiam in irâ, in metu subito morbus in hepar atque lienem fertur, & icterus etiam viridescens, quem non postulabat morbus, cutem ægrotantium infecit. Hæc autem symptomata vivida & morbum immutantia quantum metuenda sint in morbis docet ipsorum effectus etiam in sanitate, quo factum est ut bilem concitare & movere idem sint atque iram accendere, & Pelidæ cedere nescii stomachus pro proverbio habitus sit. Rarius admodum & in prædebilitatum tantum thoracem agunt animi pathemata, illaque vivida & quasi vitam interrompentina, cum hæret vox faucibus. At diaphragma, nerveus ille musculus, sæpe spasmo constringitur, & spiratio ab hac causâ impedita potest humorum hærentiæ atque Metaptofi locum dare, cum præcipuè multi ita constituti sint ut angor animi, cordis subsultus atque palpitaciones inferat: nam nerveæ illi actioni atque inordinato tumultui cor ipsum miserè subiacet; quod tamen febre

Metastasis  
in hepar.

In pectus.

In cor.

femel constitutâ rarum est; nisi tamen febris illa per se nervea sit, atque à causâ illâ occultâ de quâ jam mentionem injecimus oriunda.

Verùm non sine summâ attentione unamquamque harumce causarum æstimandam credimus, ut, dùm ad singulas attendimus, sentiamus tamen rarum esse Metaptosin ab illâ solâ atque unicâ causâ nasci; sed sæpiùs concursus multarum ad effectus exerendos conspirat: prædisponit altera corpus; altera in corpus jam patens & apertum incidit; tertia à variis occurribus mutatur & fit quid novum singulare ex multiplicibus constans elementis. Sic quod in eodem morbo corpus unius ægro-antis inficit, aliud corpus finit intactum & innocuum, verùm malis & malorum mutationibus obnoxia infirmitas est, corpusque tenerum atque debile causas omnes & plenius imbibit & facilius ab iis commovetur.

Effectus  
illi rarò fiunt  
nisi à plurima  
causarum  
concurfu.



## CAPUT QUARTUM.

*De signis tùm diagnosticis , tùm prognosticis Metaptoseon quarumcumque.*

**M**ETAPTOSIN si seorsim à Metastasi, ut hîc postulamus fieri, intueamur, per se, ut jam diximus, mala est: fit enim à morbi prædominantis viribus, dùm vires intercà naturæ, aut inertes sunt, aut distractæ, vel à materiæ morbificæ prædominio accisæ atque prædomitæ. Potest tamen aliquandò, sed tunc, ut scholæ loquuntur, per accidens, salutaris evadere, si vim & ferociam morbi in partem minoris momenti deferat Metaptosis. Ita quotidiana docet observatio in morbis veteriosis atque deliris attolli parotides, quæ, utut malæ sint & per se perniciosæ, arti illas occupanti auxiliorum occasionem præbent. Ita petechias quæ suppurationi tandem idoneæ evadunt, & morbi vim ad cutem pessimâ hâc eruptione transferunt, salutem attulisse narrant Authores. Ita etiam, in tertio Epidemicorum libro, unius ex artubus jacturâ corpus servatum vidit HIPPOCRATES. Metaptosin an hîc potius incusemus quàm Metastasin? At per abscessus quos sola cutis compressio effecerat fluxisse hydropicorum aquas libera-

Metaptoses  
per se malæ,  
per accidens  
bonæ.



zumque corpus visum est. Verùm etiam si non posset aliquandò à Metaptosi salus pendere, summi certè momenti foret & Metaptoses prævidisse atque quasi præsensisse, & quam perniciem possunt intentare advertisse: unde signis earum nos esse maximè intentos necesse est, ea undequâque rimari, iisque aruspicum more inhiare.

Quantum  
utilis sit Me-  
taptoseon  
diagnosis &  
prognosis.

Desumptâ autem primò diagnosi à morbi naturâ & indole, & ab ipsius ægrotantis conditione, tum demùm ex præteritorum recordatione futura augurari fas est. Postea imminentem Metaptosin docet status ipse & gradus morbi, qui tantum periculi importat, quantum à naturali ordine recedit, & quantum ipsa præcipuè læsa functio ordini vitali necessaria est. Aliquandò etiam à læsione communicatâ aliæ læduntur functiones, à quarum vitio superveniente, novos eventus expectare fas est. Sic vicinorum suppuratio molem cancrösam sejungere & expellere visa est. Præterea verò, cum ad amplificanda artis quam profitemur pomœria, præcipuè sit necessarium ea quæ ignoramus ingenuè fateri; revocanda est hîc observatio etiam minùs docta longævorum Medicorum, circà morbos qui epidemicè grassantes id habent commune, ut eadem exhibeant phænomena, eundem assequantur finem, eumque pro exitu sibi sumant. Iis enim ut communia sunt idio-

Unde de-  
sumantur.

A phæno-  
menis mali  
perspectis.

Ab expe-  
rientiæ con-  
stantis analo-  
giâ in epide-  
micis.

pathica symptomata naturam morbi desig-

In ende-  
micis.

nantia, ita pares Metaptoses, imò & decus-  
bitus Metafastin æmulantes similes incum-  
bunt. Nec non endemicas lues observatione  
cognitas attentè perpexisse necesse est;  
siquidem agentium externorum actio pro di-  
versâ locorum indole propria sibi phænomena  
exhibet, quæ corporibus aptata, in habitum  
trahuntur. Hinc, positis hisce omnibus con-  
ditionibus, ancipitem morbum in hanc illamve  
partem deducunt atque determinant super-  
venientia quæcumque prorsus accidentia,  
de quibus jam fusè egimus & de quibus jam  
agendum non supererit. Sic plica Polonica  
Metaptosis mali ancipitis apud Polonos ha-  
betur. Sic dracunculi, apud Indos post fe-  
bres emicant. Sic icterus viperæ morsui su-  
pervenit; &, ut progrediamur ultrà, sic apud  
Barbadenses Americanos, in omnibus ferè  
acutis morbis, maculæ erumpunt. Sic apud  
Neustriæ atque Aremoricæ littora, in omni-  
bus propè acutis affectibus exardent papulæ  
sero plenæ, & miliares. Nec minùs pro  
corporum diversitate diversa expectare fas est  
phænomena. Rusos frequens angina premit,  
& in eam plurimi morbi delabuntur. Hispa-  
nos angit colicus dolor; Anglos rheumatici  
dolores præcipuè excruciant. Quid valeat  
corporum diversitas in inferendis morbis,  
adeoque in Metaptoseon formatione, satis inde  
deducitur, quòd juxtà Caium, in sudore fa-  
moso Anglis epidemico, externorum in An-

In quibus-  
dam corpo-  
rum consti-  
tutionibus.

gliam devectorum corpora illi non forent obnoxia, ut & quòd Romæ pestilentia divexatæ Judæorum corpora ab ipsâ forent immunia, teste Ramazzino. Non verò illa diversitas in omnes æquè causas agere potest, causæ ergò natura ante omnia spectanda est, eique præcipuè insistendum.

Non enim omnes æquè morbi Metaptoseon capaces sunt; at ipsorum Epigeneses facile in Metaptosin abeunt. Verùm in omnibus affectibus spectanda, ut cum Scholis loquar, Metaptosis causæ, Metaptosis morbi, Metaptosis symptomatum. Verùm ut Metaptosis ad se morbum derivet duplex conditio requiritur. 1°. Causa quæ morbum parit non radicitus fixa sit, possitque sedem mutare, & ipsa vel in pejus, vel in melius converti. 2°. Ea saltem, copiosa sit exundetque undequaque, ita ut feratur huc & illuc, imò, non desertâ primâ sede, aliam occupare & invadere queat, adeoque morbum complexum reddere & phænomenis inæqualiter sævientibus, obscurum, inconditum, & quasi absurdum. 3°. Demùm multiplicari possit illa & dato spatio invalescere, partesque sanas in se trahere; quod omnibus ferè epidemicis affectibus improvisis illis commune est, & omnibus certè contagiosis causis quæ à minimâ haustâ & inoculatâ moleculâ mirum in modum in-

A quibus conditionibus mo bo- rum pen- deant variæ Metaptoses.

tumescunt, & nefanda producunt symptomata.

Sæpè fiunt in  
fixiori morbo  
Metaptoses  
symptoma-  
tum.

Hæ quidem conditiones omninò seorsim pensitandæ. Nam, v. g., in morbo ab ictu, aut vulnere violento partem infringentibus aut contudentibus, morbi ipsius Metaptosin sperare absurdum foret. In scirrho pariter lapideo & tumorem efficiente rem sibi spondere nefas : imò in ipsâ inflammatione partes lacerante Metaptoseos spes vana ; quæ, si necdùm partem lues læserit, potest occurrere. Scilicet causa in hisce casibus fixa est & amoveri non potest. Causa ergò morbi intacta Metaptosin non patitur. Verùm symptomatum Metaptosis in quocumque genere morborum metuenda maximè. Hinc, v. g., compressio, prorogatio mali ad vicina, in inflammatione hepatis singultum facit : inflammatio renum cum urinæ suppressione vomitum putridæ & urinosæ materiæ procreavit, genitaliumque dolores & alterutrius è femoribus summè cruciantes retractiones. Ab hac propagatione pariter vertitur angina in peripneumoniam, hæc in pleuritidem, utraque in phrenitidem. Sic etiam, in vulneribus, veram symptomatum Metaptosin efficiunt convulsiones illæ, quæ sæpe, articulis vulneratis, nullo admissio in diætâ errore, sævissimè erumpunt, & ægrum paucarum horarum spatio jugulant, dùm vix aliquid in vulnere deficit notatu dignum.

At, quoties causa mutari potest & gradum aliquem mobilitatis per se nanciscitur, causa simul, simul morbus atque symptomata tolluntur & alium morbum effingunt. Id catarrhalibus quibuscumque affectibus commune est, quos idcirco Antiqui sub nomine fluxionum designaverant, ex eo quòd, non mutato, imò ingravescente malo, ex unâ parte in aliam defluere videantur. Et certè, cùm maximas partes ad hosce morbos inducendos agat perspiratio illa quæ, coctione pessumdatâ, vel levi datâ occasione, suppressitur & refluit; cùm tunc suppressum existat excrementum illud, quod in pluribus regionibus & pondere & quantitate cætera superat; cùm tamen aliundè augeatur quotidie, necdùm constituto satis morbo, hujus excrementi non excernenda materies: patet eam levem primo intuitu morbum, solosque frontales sinus occupantem, oculis objicere, mox invalescente causâ musculorum omnium actionem impedire, indeque, multiplicato Metaptoseon fonte, gulam ejusque glandulas occupare, brevi etiam pulmones & eorum membranas, imò nec intacta relinquere primævi vitii fautores stomachum & intestina; unde nullo alio in morborum ordine tot observantur Metaptofes. Quid si degener humor ille, novamque & acrem indolem assumens, rheumatismos, & illos quidem inflammatorios induxerit; si sævam & multis infamem

In mobili-  
bus causis  
morbi simul  
causæque  
Metaptofes.  
Exempla  
ex catarrha-  
libus.

Exempla  
ex catharro  
in alias acrimo-  
nias degenerare.



erroribus arthritidem acuerit, quot ille Metaptoſeon formas induet? Diverſitas porro illa prævidenda & præmetuenda erit, cum ſefe notam fecerit cauſa quæcumque determinans. Sic arthriticas & rheumaticas quotidie obſervamus anginas atque pleuritides quæ à membranis in muſculos proximos feruntur, faviunt abſceſſum, anthracum & furunculorum more; unde rursus in articulos, imò &, obſervante HIPPOCRATE, in genitalia ruunt; tum inexpectatâ, nec præviſâ favitiâ rursus in relictos articulos invadunt: poſtea ſæpius per urinas, rarius per diarrhœam alvinam ægri liberantur. Neque enim illud omittendum eſt quod humor perſpirationis incoctus, & cruditatem præ inertiâ naturæ ſervans, aliquam etiam ſpontaneam, præ calore & motu, mutationem ſubire poſſit, &, niſi à viribus naturæ mutetur in melius, in pejus verti, & aliquam novam nanciſci acredinem. Tunc bilis, urina, ſudatio aliquam etiam alterationem ſubire debent; unde, inter catarrales morbos, non ſolum arthriticæ peſtes, ſed etiam eryſipelata, puſtulæ, & cætera hujusmodi vitia numerantur jure, cum perſpirationis vitia referant: quæ quidem inter hoſce morbos affinitas facilè demonſ-

Ex ſopitis malis ſuppreſſâ perſpiratione re-  
crudeſcentibus.

tratur, à quæcumque cauſâ repetantur illa, quod, imminutâ, aut peſſumdatâ perſpiratione, illa etiam jam ſopita recrudeſcant atque revivifcant, eadẽ ſequantur fata, eaſdem

Metaptoſes

Metaptoses subeant; quod in morbis plerisque hujus profapiæ observatum est. Hinc, in hisce affectibus, pro Metaptosi frequentiori habentur gravedines, sternutamenta, tinnitus aurium, capitis gravitates, anginae species non una, tussis, dolor laterum pectoris, icteri, nausæ, diarrhœæ, tormina, ischuriæ, & præcipuè dolor articularum, quosquidem comitantur phlogoses, pruritus, & cætera hujus generis symptomata. Nec mirum si horror ille & frigoris interni sensus importunus, imò & spasmodicus rigor, qui morbos istos invadentes comitatur, de novo & inopinatò media inter morbi phænomena assurgens, non Metastases solùm, sed & Metaptoses nuntiet & præfagiat plerumque.

Cùm verò ex eo intuitu pateat humorum omnium mutationes, eorum effectus in solida posse variabiles efficere, patet simul nullum esse morbum ab humorum mutatione pendentem, in quo non Metaptosis metuenda sit; exceptis, ut diximus, iis qui partes solidas lacerando atque corrumpendo vitium ipsis inusserunt indelebile; in quibus ad solam symptomatum Metaptosim nostra vertitur attentio. Ut verò crisis atque Metastasis ad eas tantùm pertinet causas quæ possunt coctionem suscipere, ita contrà Metaptosis ad quoscumque humores referri potest, qui corruptelam qualemcumque possunt induere. Cùm enim malefica earum actio adaugetur,

Humorum  
morbis pro-  
priae sunt  
Metaptoses.

ad plures vitium inde natum extendi functiones debet. Sic summus scorbuti gradus Metastasin vix patitur; Metaptosis in hoc casu semper & quasi quotidiana metuenda est; hinc atque inde emicant abscessus; hîc ossium tumor animadvertitur; illic vibices, hîc herpes defluunt; illic pruritus torquet; anhelitus, tussis, diarrhœa simul vexant. Res eadem advertitur in virulentis humoribus venereo, scrophuloso, rachitico, sed nullo alio in exuberante humore adeò violenter atque in atrâ illâ bile cancrôsâ.

Quâ ratione infectis aliquo vitio humoribus Metaptoses fiant.

Hæc verò omnia satis apertè nos deducunt ad intelligendum quâ ratione omnes quas alibi recensuimus humoralium affectuum classes sibi Metaptoses maximè vindicent. Quoties enim humor aliquis corpori inditus in eoque habitans in melius mutari non potest, aut per actuosas naturæ vires expelli, res in eodem statu remanere non potest, notante HIPPOCRATE; sed, ut facultas rectè morata rectum producit, ita quæ semel malè constituta fuit, in cæteras omnes redundans & communicata, debet illas & vitare & sui similes efficere. Remanet enim & vivit intus causa, quæ non emendata, imò pejorata, vitium intulit: unde crescere vitia necessarium est. Ita in suppuratione internâ levi pus paucum, refluxus parvus, symptomata producit æquivoca, vix nisi sagacioribus deprehendenda oculis. At vivit interea ulcus, bre-

vique hos facit progressus ut pro uno ulcere deprehendantur multiplicia, eandem formam, eundemque characterem sibi assumunt: vix aliqua datur phthisis pulmonibus perimendis apta, quæ non ad externa etiam pus deferat, aut quâcumque de parte evomat. Nulla hîc speranda in corpore vieto atque debellato Metastasis: superat pus undequaque, & exuberans humores facit verè Metaptosin inducentes, imò aliquandò falsâ spe deludentes. Idem omnium humorum neglectorum, ac moderatiùs primò sævientium, postea verò exasperatorum, fatum est. Idem etiam eorum qui, dum vacuabantur, aut ad cutem ferebantur, innocui videri poterant, aut saltem partem tantum unicam lædentes, sed imprudenti arte, aut infelici fato percussî, jam interiora depascuntur. Id sæpiùs observatum est in præposterâ agyrtarum sedulitate, qui dum in sanando herpete occupantur, jamque sibi inconsideratè plaudunt, viderunt totam cutim, imò & cellularem textum scatere furunculis, quorum fatum illud est ut, uno extincto alter, imò plures renascantur, ad viscera tandem deferendi, unde certiolem perniciem intentant, per dissimulatas insidias. Si verò in universam humorum massam diffundatur nocens humor, plures fiunt Metaptoses donec aut illum ars expulerit, aut natura per Metastasin felicem ad emunctoria amandaverit. Hinc etiam in im-

perfectâ Metastasi aliquandò reliquæ humoris non satis debellati Metaptosin efficiunt ; crissimque jure imperfectam inde judicaveris , quòd sanitas non sit restituta ; Metaptoseseque cò magis timebis , quò plus de læsione functionum restitabit. Hinc etiam sæpè accidit ut in obstructione per Metastasin factâ curandâ , cùm pendeat illa à quiescentiis illis excrementosis , in viscus aliquod , v. g. hepar depositis , Metaptoses novæ nascantur ; cutis , v. g. , herpetibus fœdatur , fluor-albus in mulieribus concitatur , in viris hæmorrhoides , aut stillatio oculorum , aurium , imò & gonorrhœæ antea illas non expertis nascuntur : qui enim latebat immobilis humor in motum agitur , & cùm causa aliqua cognita morbum præcessit , admonendi sunt ægrotantes , ne nova illa , seu potius rediiva , nil tale suspicantes terreat.

Metaptoses  
per medica-  
menta in-  
ducæ.

At sæpe etiam medicamentorum actio , si illa ex irritantium genere fuerint , Metaptoses induxit , dùm motum febrilem accendunt , dùm humores movent , dùm corporis extranei personam agunt , in spem meliorem admissa pharmaca. Ita à vomitorio singultus , à cathartico diarrhœa , tormina , tenesmus , à cantharidibus ischuria , ab aromaticis stimulantibus tussis , à spirituosissimis vigiliæ , dolores capitis , pruritus , tentigines veneræ ortæ sunt. At latebât aliquandò in medelâ non imprudenti prædispositio ad morbum corporea.



Verùm etsi omnium humorum illorum morbificorum ea indoles esse debeat ut vires, ubi semel intus intumuerunt, sibi assumant, nullâ aliâ in morborum classe res adeò evidentè patet, atque in affectibus illis contagiosis, quorum ferociam quâ ab alio in aliud corpus trudentur negare impossibile est. At hîc demonstrare prorsus inutile quâ ratione atomus intus in corpus prædispositum accepta rapidè sese multiplicet, & certis ictibus violenta & semper eadem inducat symptomata. Leniore jam morbo Metastasis speranda, graviore putridæ ut plurimum, at semper horrendæ Metaptoses assurgunt, in ipsâ etiam morte corpus deturpantes. Sic sphaceli, maculæ gangrænosæ, intestinorum tabum ejicientium graveolens effluvium, urinæ sanguineæ, sputa è pectore anhelo nigra, rubra, putida spontè diffunduntur. Hæc quidem omnia in morbis extremæ ferociæ pestilentialibus observantur, quæ mitius sæviunt in variolis aliisque hujus generis morbis, qui tamen naturâ ad pestilenciales referri possunt, & sæpius, ubi à corpore prædisposito putridam nacti sunt indolem, possunt non sine injuriâ ad pestem ipsam referri.

Porro ex hisce paucis accuratè perpensis patet quàm latè diffundatur Metaptoseon metus in morbis omnibus, qui accidentariò in homines incidunt, cùm nulla sit febris; nullus ex acutis morbis qui non illas pati

Metaptoses  
in contagiosis  
& pestilentialibus fre-  
quentiores.

Quibus in  
morbis Me-  
raptosis præ  
Metastasi  
frequentior  
fiat.

possit : & , cùm plurimi ex illis criseos atque Metaftaseos sint capaces leviori morbo , multò plures erunt qui , graviore illo & periculum inferente , possint Metaptosin experiri : siquidem aliquis , imò qualiscumque naturæ labor , ad coctionem imperfectam expectandus est , ejusque viribus locus datur , qui nullus omninò , aut sine nullo successu apparet in Metaptosi. Putredo , dùm sese multiplicat , Metaptoses facit ; at , vires prosterrens & evincens , Metaftasin respuit. Præterea , verò quotiescumque , in morbis etiam localibus & uni parti addictis , causa morbi viribus infensa est & actiones lædit vitales , ita ut earum obstet efficacix , Metaptoses à causâ illâ arcessuntur , ut , v. g. , hæmorrhagia in thoracis affectibus ; in doloribus capitis deliria , imaginationis atque memoriæ vitia ; manuum atque pedum inflatio in cordis palpitationibus , quæ præsertim pendere possunt à polypo , aut ossificatione orificii vatorum magnorum , ut sæpe vidimus occurrere in animalibus vetulis fractis labore immodico. Maculas ab hac causâ livescentes cum anhelitu demùm insuperabili mihi vidisse contigit : symptomata omnia in lævam corporis partem acutiùs sæviebant. Dolores laterum , imò & ventris hydrops , plus in lævam assurgens , pro Metaptosi jure observabantur.

Si verò arguas hæc pro symptomatibus haberi debuisse, non inficias quidem ibo. At differt Metaptosis à symptomate, quòd sublatâ causâ, illicò tollatur symptoma; quod quidem de Metaptosi dicendum non est. De-bilitatem textûs cellularis non tollit illicò ab-sentia causæ; sed ubi ad aliquem gradum increvit causâ, solidisque labem inussit durabilem, tunc sibi curationem propriam vindicat affectus ille, qui jure in principiis pro symptomate habebatur. Sic curam sibi ex-postulant propriam, suasque sibi proprias indicationes commonstrant agenti Medico, hernia post vomitus, spasmus post dentitionem, menstruorum evacuatione cessante affectio hysterica, &c.

In quo Metaptosis differat à simplici morbi symptomate.

Suæ sunt eâdem lege & eâdem conditione, morbis etiam maximè chronicis, Metaptoses, quarum singula non licet percurrere symptomata. Quantum enim Metaptoseon efficiant phthises, sive pulmonales, sive hepaticæ, sive à quocumque alio viscere pendeant vix enumerare dabitur. Diversæ illæ sunt pro diversâ partis affectæ naturâ, & varia exhibent phænomena; quin etiam, morbo grassante & dominium sibi vindicante, quotidie novæ erumpunt. Postea verò puris acredine consumptum corpus ulcuscula, imò & ulcera experitur; undequâque exurgunt etiam narium, aut aliarum partium hæmorrhagiæ, diarrhœæ, inflationes ad usque hydropem

Metaptoses in chronicis affectibus phthisi, lue, arthritide, vulneribus, &c.

devectæ, aliaque dira symptomata. Nonne totum Metaptosis scater virus venereum ad usque intimam ossium structuram pertingentibus? Arthritis etiam, ubi superexundat & totum corpus detinet, quam partem finit intactam? Ne repetita toties de scorbuticâ lue, de herpetibus exsuperantibus, elephantiasi, aliisque intus educatis venenis videamur, jam exposita sub Epigeneseon titulo, recoquere. Imò nec fracturis, aut casibus Chirurgicis suæ defunt Metaptoses, dum vicinia intacta malum accipit, dum quiete articuli indurantur & concresecunt, dum supinus ipse situs & coactus in dorsum decubitus renes vesicamque calculi elementis inficiunt, dum nervi subsiliunt, imò & in convulsiones rapiuntur, dum natura, uni intenta operi, nec ventriculum finit concoctioni incumbere, nec intestina agere, bilis fluxum impedit, nullaue aut coctio, aut excrementorum excretio fit, ut suo didicere periculo quicumque minùs obsequentes regulis diæteticæ fuerunt, aut antea saburrâ laboraverunt. Ne loquamur hîc de iis quæ sæpe accidere possunt externis complicationibus, quæ viris militaribus in vulnerum curatione nimis familiares, Chirurgicæ sedulitati sæpe insidias struunt, nullâ arte prævidendas; imò, si prævideri possent, non tamen idcirco sanarentur in corpore undique vitiato. Verùm de complicationibus illis hîc agere impossibile est. Has in classes redigere

ex dictis facile est : at alios tangit iste labor , nec omnia omnes possumus. Certè ex his omnibus satis intelligitur quanti nostrâ interfit , ut ad ea omnia attendamus , quæ morbum comitantia , & Metaptoses & fatum morbi possunt prænuntiare.

Igitur in excutiendis Metaptosibus quibuscumque nunquam præteribit Medicus quo tempore illæ exardeant & erumpant. Ut enim nulla crisis , nec Metastasis possunt nos in fiduciam inducere , quæ non appareant post signa coctionis & morbo jam ad statum perveniente , quodcumque alieno tempore apparet , Metaptosis est ; pertinent sæpius ad incipientem , nec adultum morbum Metaptoses. Nam licet nondùm dominatum exerceat morbus , crescit tamen viribus non resistentibus. Hinc RODERICUS A CASTRO , Dux noster , inter Metaptoses recenset symptomata quæ prædominantur , ut horror , rigor , sudor in febribus , quæ cùm symptomata partem essentialem morbi constituent , vix Metaptoseon nomen sibi merentur. Sed febris helodes , seu sudatoria , sed quæ rigore est stipata erratico , sed frigorigera , sed quæ sibi præsumit anhelitum & anxietatem , hæmorrhagias , sudores , diarrhœam , hæc criseos jura usurpat ante diem : fit enim id per Metaptosin superexundantis materiæ , quod per naturæ vires fieri debuerat. Porro judicatoria non judicantia , ut ait HIPPOCRATES , partim lethalia , partim diffi-

Ex his  
eruantur  
diagnosis &  
præfagia  
præsentis  
Metaptoseos.

Metaptose  
incipiente  
morbo.



cilis sunt iudicii. Sed in incipientibus morbis tumores sæpe evanidi, semper inertes, morbum incoctum errantisque humoris vestigia designant, qui postea in caput aut pulmones fertur. Maculæ erysipelatosæ, nullo alio tempore morbi conspiciendæ, non tanto apparent discrimine, sed fiduciam de securitate morbi auferre debent: nam ubi statim emicuerint illæ, brevi fugientes, vulgò aut vomitus & nausæ per totum morbi curriculum torquent ægrum, aut tussis asperrima divexat pulmones. Ita & vomitus & diarrhœæ spontaneæ, præsertim præmaturæ, aut latere putridam saburram, aut humoris incerti, nec Metastasin adhuc facientis, huc illucve decursum demonstrant. Hinc, sæpe in morbis eruptivis, ante eruptionem similes nausæ advertuntur, quæ, si in Metaptoses facessant loco eruptionis quæ fieri debebat, nec tamen erumpit, recusante scilicet naturâ, summo versatur æger in periculo, vitæque auferetur, aut longi saltem temporis fastidiis erit illa redimenda. Sic etiam, ut à chronicis exempla repetamus, ante arthritidem ingens flatuum stomachalium eruptio vulgò morbum prænuntiat, aut, nondum arthritide constitutâ, dolores huc & illuc torquent; sæpe etiam erysipelas sese huic præcursorem effecit. Cordis palpitationes, tremores indefessos pulsui & pulmonibus æquè insensos, Metaptosin veræ atque legitimæ arthritidos extitisse

vidi, sed devix, nec satis in articulos sævientes. At si post inanes conatus, insultus illi arthritici tandem in articulos non decubuerint, viderunt omnes inde hepatitidem, videre ischuriam nasci, cujus reliquias tardius & per artem concitata arthritidis sustulit. Quid & quòd ipsam maniam, plures per annos durabilem, tandem sublatam viderim, erumpente quæ prius non extiterat arthritide. Idem de colicis doloribus dicendum; idem de erysipelatibus quæ in habitum trahuntur. Imò etiam symptomata à stomacho repetenda, sese febribus intermittentibus pro præludio statuunt, & pro Metaptosi, dum paroxysmorum intervalla occupant; dolores quoque osteocopi dicti ante febrem pluribus diebus adoriuntur, ut & latentis obstructionis pondus, aut dolor quicumque fugax: imò & vermes aliquando apparuere, qui, præter febres convulsivas quas inferunt pluries sævientes, pluries sopitas, spasms interea superstitis, quàm diversa antea sæpe intulere symptomata, quàm variè affilientes & vix prævidendas creavere Metaptoses, imò quas non assumpsere morborum non duraturas species ac formas? Quid, si venenatorum atomorum variam indolem adeò diversè in corpus agentium sectemur, spasmodicam agunt scenam per multiplices effectus, multiplicesque Metaptoses, donec aliquem sibi characterem assumant. Hic certè Medico ad omnia circumstantia

Metapto-  
seon natura  
morbi futuri  
indolem pro-  
dit.

severo examine attendenti, in tantis tenebrarum umbris aliqua lux affulget ex ipsâ Metaptoseon naturâ; nam in morbo putrido, etiam sub inflammatoriâ larvâ, sese dissimulantes Metaptoses putridæ illius atomi signant. Sic dysenteria erumpens in morbo ejus symptomata phlogosin exprimunt, latere putridum quid, hæsitantibus significat; idem petechiæ, idem maculæ luridæ, idem milliares pustulæ nigrescentes, proximâ sæpe morte conspicuæ, incassum cheu indicant.

Metaptoses  
morbo pro-  
vectiori.

At constituto & invalescente semel morbo, & ad sui fastigium evecto, quodcumque Metastasin non procreat in Metaptosin vertitur. Coctionis defectus tunc tibi signa præbeat, quæ ex urinis nunquam fallaci augurio defumuntur, nisi tamen Metaptoses has pravarum Metastasium titulo volueris insignire. Hinc apoplexia sibi convulsiones adscititias assumit, & in paralyfin inde, hinc in convulsiones vertitur. Ipsa paralyfis, nativæ oblita inertix, sensu destitutos artus in motum agit violentum, spem prætendens fallacem. At lethargus in phrenitidem transit; vertitur intrò quidquid exteriùs emicabat, jungitur phrenitidi peripneumonia. Angina delirium sibi procomite assumit, aut pulmonalem inficit fistulam. Pleuritidem pariter infestat peripneumonia, imò & hepatitis. Quandòque junctus renum nephritico dolori vomitus nova concitat accidentia, & testiculorum tumores

fuscitantur. Vidi ab anginae erysipelatosæ radiis totam tracheæ superficiem infici, delabi inde ad pulmones malum, oriri que phthisin à causâ, quæ primo aspectu simplicior videbatur. At, utero læso, quanta convulsionum agmina expectanda sunt? Putredo adscititia variolas infames efficit. Primum periculi adhuc latentis signum præbet anhelitus, imò reduplicata & offendens respiratio, aut, ut in phreniticis, nunc lenta, nunc incerta. Quæ tibi phænomena in jamjam morituris cumularè Observatores post Antiquos, maximè colendi DURETUS & PROSPER ALPINUS.

Quid jam sectemur morbos sic dictos putridos, aliosque quibus malignitatis nota iniusta est. Nulla est Metaptoseon in putridis casibus classis, quæ non naturam morbi designet, uti modo dicebamus. Diagnosim morbi facit ipsa Metaptosis, quippe extrà circuitum delata morbi pars, jam caret tumultu illo febrili qui ad plures, imò sæpe oppositas causas pertinere potest. Sævit effera peripneumonia; putridam fore tibi sputa præmatura, cruda, copiosa, cum virium defectu & urinis prætermodum turbidis, imò olentibus, certò designabunt. Bilis præmaturus effluxus, icterus primis morbi diebus erumpens, quantum terroris injicit HIPPOCRATI, tantum solutionis putridæ in humorum mole latere satis edocet. Præterea licet aliquandò in principio nondum prævideri

Metaptoseon in putridis præ-sagia.

possit qualis sit metuenda atque prævertenda Metaptosis, morbo jam adulto & ad extremum sui fastigium evecto dubium superesse non potest. Vicit quidem ille naturam: quidquid exoritur in ægri detrimentum apparet; attamen an omnis omninò spes abjicienda? Sæpe sub sphacelo externo vita emicuit & quasi pullulavit. Ecquid enim? Generalis in morbis illis universalibus & totiùs substantiæ regula est, ut à principibus visceribus malum avertatur, & ad sedes minùs metuen- das dirigatur, dùm intereà jam evidenter cognitum, & sub oculis positum, per potentissima artis auxilia debellatur. Huc miram exerere efficaciam acida potentissima: huc cortex Peruvianus, Medicis mirantibus, vitam revocavit pereuntem & quasi difflatam. Hic quidem Metastaseos jura videtur capescere Metaptosis, cauterii ad instar revulsivi, quo cutis ulsa partes maleficas ad sese advocat & quasi imbibit.

In morbis sæpè datur specifica & quasi epidemica Metaptosis.

At non eadem evidentiâ semper occurrit hæc salutis via, nec in omnibus adeò certò casibus indicatur. Sæpè enim ad cognititas morborum classes aliqui referri non possunt morbi. Quibusdam etiam, etsi evidentes mutationes cognititas faciant, inest latens quid quod feratur ad has illasve partes, & sibi propria procreet symptomata Medico non prævidenda: & id quidem pluribus morbis epidemicis accidit, quibus familiares sunt hæ



vel illæ Metaptoses, nullâ ratione, sed observatione solâ casuum similium prævidendæ. Stat suus ancipiti fortunæ locus in arte nostrâ, non ex ipso naturæ vitio quam ipsa sua creatio certam facit atque constantem, sed ex humanorum sensuum & artificum industriæ defectu. Huc afferat auxilium qualecumque titubans observatio. At quoties pluribus exemplis res constitit, tunc prævisa erit quæcumque Metaptosis, quæ aut non deest, aut saltem aliqua nec indubitata sui dat indicia. Id, jampridem à SYDENHAMO annotatum, quotidianâ confirmatur experienciâ. Ipsi nova morbo symptomata ver affert, nova indit autumnus phænomena : at nota epidemica ipsi morbo epidemico propria semper superadest ; imò & in levibus ac vix notabilibus ejusdem speciei incommodis non deest illa epidemice indolis tessera huic anno peculiaris, alii anno incognita : imò ipsam etiam assumunt, quicumque chronici habent aliquid, aut putridi, aut inflammatorii, quales sunt & scorbutus, & morbi rheumatizantes atque arthritici, quorum origo & catarrhalis est & inflammatoria. Exempla in re notissimâ proferre inutile est, cum nullus sit observator attentus qui rem non viderit.

At est etiam Metaptosis non una quam endemicam vocare possis, quæ Populis quibusdam multò plus quàm aliis competit. Talis est ea Alepensis pustula, quæ iis iolis populis

Metaptoses  
etiam dantur  
quasi endemicae.

competit , referente & describente RUSSELLO.  
 Ita etiam & Asiaticis & Afris proprius dracunculus ille , etiam ab Antiquis descriptus. Ita etiam febris illa Americana Siamensis dicta , & Occitanis Medicis descriptus anthrax : quæ Metaptoses plus metuendæ sunt in climatibus quibusdam quàm in aliis. Imò inter endemicos affectus qui sibi proprias varietates vindicant , æquum est recensere illos qui ad vitæ conditionem variam referuntur , imò & ad ipsas artes in quibus hominum variæ conditiones exercentur. Carcerum ille morbus febrilis , qui aliquandò pessimâ contagione in populos victu opiparo & aëre libero utentes diffusus est , quàm pessimam intulit Metaptoseon sobolem , verèque pestilentium bubonum , anthracum , petechiarum genera ? Quod etiam evenit illis qui , ob fortunæ penuriam , in locis angustis & effossis agglomerati , aëris usurâ defraudant sese , & in minori symptomatum ferociâ ulcera cutanea viridescencia experiuntur , rhagadesque ore diducto hiulcas , quæ etiam , febre sanatâ , ideò non sanantur , aut etiam protuberantias adiposas à vitio putrefacti textûs cellulosi pendentes. His omnibus si febris ardens emicet , si variolæ erumpant , tantùm accumulabitur putredinis saniosæ vixque sanabilis , aderitque mixtus è putredine atque naturâ morbi morbus novus priori periculosus magis. At sedentariis quibuscumque iisque qui corpore incurvo

Metaptoses  
 quibusdam  
 conditioni-  
 bus artibus-  
 que propriæ.

allaborant, ad ventriculum & hepar anxietas ingens, malaque inde nascenda morbis sese jungunt: unde, morbo etiam sanato, reconvalescentia difficilis oritur, ob angorem vix extinguendum ipsius ventriculi. His abdominalis plethora & circuitus tarditas metuenda sunt; his hæmorrhoidum cruciatus facile incidunt. Quid jam hîc referam quæ iis qui mineras excoquunt, & præsertim plumbatas malorum feracissimas impendent? Colicus dolor, funestâ Metaptosi, in paralyfin abit, ut abundè notum est. Quid si arsenicales vapores naribus & per pulmones excipiantur? Quanta & quàm pessima mala advolabunt, si catarrhus aliundè accersitus partes jam affectas invaserit? At dùm atomi illæ intra sanguinem admittuntur, nervosumque genus, quâcumque pateat illud, afficitur, sæpe spasmus durabilis laryngem, gulam invasit, ventriculum ipsum coarctavit, imò & dùm nervos cordis impetiit, in massas abiit sanguis polyposas, longis perimentes palpitationibus; imò & vidi, potu immodico spirituosorum, <sup>Metaptoses</sup> à diætæ vitiis <sup>inductæ.</sup> concretiones ad radicem magnorum vasorum positas; unde motus cordis præpeditus suffocationes, vel ad minimum motum, efficiebat, & anhelitum cujus sequela demùm, motu impedito & sanguinis coarctato reditu, mortis nuntia, erat thoracis hydrops brevi in alias partes decumbens. Alia sunt innumera Metaptoseon genera, quæ diætâ gentibus variis

familiaris inducere potest. Sed nullâ aliâ in conditione majus periculum impendet quàm in ciborum inconcinnè adhibitâ mole, quæ saburram intestinale procreat, fontemque uberrimum efficit in morbis acutis complicationum, in chronicis verò ingentem anomaliam infert, novaque procreat symptomata. Multi sunt quos ab opiparis epulis ingens divexat pruritus, sive universalis ille sit, sive in aliquam partem labes statuerit imperium atque dominatum. Sæpe à solâ crapulæ culpâ arthritis renovata pœnitentiam edocuit, feram quidem illam, si relictis articulis lues in caput aut in reum stomachum irruerit. Pro cutaneorum affectuum fonte habuerunt multi piscium & cochlearum usum: certè nullâ aliâ in causâ tot in ipsâ cute diversarum Metaptofeon origo delituit. Longum certè fuerit miserrimum affectuum nostrorum campum decurrere: satis sit si à præcedentibus observatis intellexerimus Metaptofes quasvis à morbi ferocientis violentâ vi natas naturæ ipsi penitus adversari; aliquandò etiam mortis esse prænuntias, semper verò aliquid mali præfagire; has ergò aut morbi violentiam, aut vires accisas, ut in inediâ, fame & malignitate causæ sit, aut demùm causarum complicationem indicare. Has igitur prænosces hisce omnibus consideratis; scilicet perpenſis, 1<sup>o</sup>. naturâ morbi, de quâ abundè dictum; 2<sup>o</sup>. ratione communitatis functionum: ita si ren unus

Quid generatim confutito morbo Metaptoſis quælibet indicet?

Judicia de Metaptoſibus ex naturâ morbi.

tentetur; alterius functiones præpediuntur, potestque sævissima Metaptosis in utroque calculum ingenerare, idem videre est in oculorum functionibus, utrique quidem alterutrius inflammatio nocet; quippe sanum, dum alterius laborem in se unum suscipit, opprimi à causis influentibus par erit, simulque partem mali accipere. Idem in omnibus ferè morbis vigorem affecutis accidit, & in incipientibus ac nondum constitutis hariolari licet. Quippe ita constitutum est corpus, ut nulla detur pars quæ non aliam sibi vicariam habeat in functionis supplementum. Id observatur in catarrhis, quorum plerosque membrana Schneideriana accipit, mox in pleuram, pulmones, intestina, rariùs in vesicam decubituros. Si porro catarrhus in renes aut oculos inciderit, eadem prorsus evenient atque in inflammatione simplici: laborabit uterque, nec ab illâ labe communicatâ, immunem esse in corpore partem crediderim ullam, præter ovaria mulierum, aut virorum testiculos, qui dum sibi suppleant, vix tamen ullam mali communiter experiantur.

Ex functionum læsarum notâ analogiâ.

Quid hîc addamus de lineâ illâ non satis observatâ atque cognitâ, quæ hominem in duas partes æquales partitur atque dividit; quâ fit ut ad dextri lateris partes, analogiâ quâdam ab HIPPOCRATE & Antiquis observatâ, propagetur malum, lævâ intactâ, nisi impulerit malum functionum paritas. Porro,

Situ partium conformi.



ut Veterum more loquar, quæ κατ' ἔξιν fit malorum communio boni ut plurimum augurii, naturæque agentis testimonium, potius ad Metastasin pertinet quàm ad Metaptosim, in quâ omnia confusè & nullo certo ordine peraguntur.

Ex indole  
causæ.

3°. Ratione causæ: nam aliæ in quasdam partes potius agunt, desertis atque non oppugnatis aliis. Moles catarrhalis aëris spiramenta occupat, à quibus in articulos fertur & cum quibus consentit, atque in junioribus genitalia invadit. Venenata quæcumque causa à capite in ventriculum & lumbares musculos, inde ad cutem fertur in Metastasi, in Metaptosi universas simul occupat, & multiplicata non ideò priorem locum deserit. Quid agamus hîc de atomis illis extraneis acribus atque cruciantibus, quæ habitu inducto, jus civitatis intrâ corpus nactæ sunt, & nunc silent, nunc etiam possunt huc illuc deferri. Porro licet nulla sit pars quæ non possit affici acribus atomis, tamen in partes tendineas atque membraneas plus exercent venena illa imperii. Imò licet vulgò nullâ ratione nisi temporis tractu immutari possint, visa est aliquandò ipsa arthritidis veluti fermentescere, atque instar atomorum contagiosarum multiplicari, incrementum, & omnes simul partes sævissimè invadere, nec respirationi, aut capiti parcere, imò & in gangrænam abire fœralem, atque etiam hydropem mentiri: quod

præsertim accisis viribus in senili debilitate vulgatiùs, in viris tamen atque etiam ætate florentibus factum vidi, Metaptosi unâ aliam primò quidem excipiente, postea etiam comitante & conjunctâ. Metuenda hæc esse atque prævidenda in senili debilitate facile est augurari. Viget scilicet hostis, destruit vires, & iis sufficiens materia impar vix affluit. In genere verò Medicus observator id sibi antè oculos habere debet morbos chronicos quoscumque, ubi in acutam vertuntur ferociam, duplicia fata nobis expectanda relinquere, vel scilicet expulsionem morbi, viribus naturæ ad id unum vergentibus, aut mali per Metaptoses repetitas augmentum; quippe vel majora viribus audet natura, quibus inutilibus factis, malum undequâque spargitur & invalescit acredine novâ sibi per vim vitæ adscitâ; vel malum ipsum per se novas vires assumpsit, novamque actionem, dum interea, causâ præcedenti nondum abactâ, alligatur & quasi constringitur functionum efficacia, quarum unaquæque pro vi peculiari habenda est, quarum summa simul conspirans vim naturæ efficit.

4°. At, ut notandum etiam est, alia prorsus phænomena morborum expectanda sunt, ingensque Metaptoseon varietas pro variâ corporis conditione. Aliæ sunt infantibus familiares, cum pleræque in hâc ætate Metaptoses ad ventriculum atque intestina vergant,

Ex ætate  
& conditione  
ægtorantis.

humoresque stomachales incredibili rapiditate corrumpantur. Omnes verò ferè à partibus maximè disitis ortæ causæ arcessunt in his convulsiones & spasmos, quorum sæpe sequela fuit artuum dislocatio atque disjunctio per totum vitæ peragendæ spatium duratura. Mox progrediente ætate aderunt tumores lymphatici: puellis verò brevi cachexiæ vestigium debilitatem nativam & testabitur & augebit. Jamque, minitante menstruâ eruptione, ventriculi omnia mala renovabuntur à debilitate pendentia symptomata. Simul verò nervorum æquilibrî motu ob menstruorum penuriam fatiscente, quæ struuntur aut capiti aut thoraci insidiæ semper reformidandæ, semper prævertendæ sunt: nam nullâ aliâ in corporis conditione tot hæmorrhagiæ per pulmones aut per nares, tot etiam in acutis morbis deliria, tot in chronicis affectibus insanix metuendæ sunt. Inflammationes generatim in fœmineâ infirmitate, minùs ad supurationem vergunt. Periculum hoc viragibus plus impendit aut florenti virorum juventæ; his crises per hæmorrhagias salubriter erumpunt; his menstruorum loco hæmorrhoides sæpe aut Metastases aut Metaptoses efficiunt. At senili ætati & jamjam decrepitæ, quod in florenti ætate Metastaseon materiam præbuisset in Metaptosin vertitur; deficiente scilicet naturâ, nulla est morbi forma, quæ non in illos glomerata inelucta-

bilem finem prænuntiet, donec iners gangræna vitæ miserrimæ terminum imponat. Hinc in variis ætatibus atque conditionibus ingens Metaptoseon diversitas; quæ tamen omnia subijciuntur & naturæ morbi ipsius, & etiam epidemicæ illius indoli.

Ex his apparet quantas & quàm pessimas agant partes in morbis quæcumque sunt & dicuntur Metaptoses, quocumque tempore morbi appareant illæ; imò, jam decrescente malo, quæ prius siluerant aliquandò apparent, sive regiminis perversus usus eas induxerit, sive malum in fluxione revinctum & sub erethismo quasi compressum rursus enituerit; quòd, ut arthritidi scorbutoque non incognitum, plurimum observatur in morbis cutaneis, præsertimque lacteis mulierum, imò, quoties cachexiæ vestigium atque alimentaris spontanea degeneratio per febris activitatem dissimulatur. Morbo etenim composito & silente fœdatur maculis cutis, aut œdema pedum hydropem minatur, vulgarem illam debilitatorum Metaptosin, de quâ SYDENHAMUS doctè & disertè nos admonuit. Imò quotidianum est in autumnalibus febribus intermittentibus lienem ipsum intumescere & in aliquod volumen increescere, quod solutâ febre etiam per longum tempus remanet, imò aliquandò per totam vitam, quod ipsemet vidi. At non rarò, in obstructionibus, si præsertim ab humore aliquo suppresso ena-

Metaptoses  
etiam morbo  
decrescente.

tæ fuerint eique debuerint originem, evenit ut quo gradu solvitur malum, pustulæ nascantur: quòd, ad Metastases etsi aliquà ratione pertineat, potest tamen referri ad Metaptoses, cum ab ipso malo pendeant, ipsumque sæpe ferociùs excipiant.

Metaptoses  
ex usu reme-  
diorum præ-  
videndæ.

Ad genus idem pariter referendæ sunt quæcumque ab admissorum remedium efficaciam pendunt. V. g., ea quæ à topicorum administratione sæpe repetuntur phymata, papulæ, hæmorrhoides ab usu aloëticorum natæ, ischuriæ quas induxit cantharidum appositio, aut gingivarum tumor dentiumque vacillatio ab imprudenti mercurialium usu accita & provocata. Quæ omnia, etsi à malo non pendeant, possunt prævideri per cognitam & experientiâ exploratam remedium horum actionem.

Cura ex  
Metaptoseon  
consideratio-  
ne qualis.


Ex his porrò satis deducitur curanti agrum Medico Metaptoses quasdam potuisse prævideri, plures verò improvisas assurgere: indicationes verò curatorias, iis admissis, ita esse variandas ut princeps morbi

In acutis. causa semper sibi præcipuam curam postulet, & eâ quidem ratione, ut in acutis morbis, prævisis Metaptosis, nullisque circumstantibus insidiis neglectis, præcipua tamen hæc sit quæ à naturâ morbi petitur sollicitudo. Quotiescumque pars quædam impetitur & præcipua imbibit symptomata præcipuam in se trahit attentionem, & Metaptosis ferè  
semper



semper Metastaseos loco habetur. Huc forsan natura vergit; huc certè saltem causa morbi defertur; huc recludendam esse viam ipsa mali inclinatio demonstrat. Certè si nihil sibi petechiæ postulent in morbo per se summè pestilentiali & putrido, at bubones, etsi non pendeant à criticâ dispositione, in id incumbendum esse docent ut quò virus fertur, huc exeat. Via enim, ubi semel fuerit aperta, forsan ea erit artis nostræ felicitas, ut impetu facto, naturam onere aliquâ saltem parte liberet importuno. At in chronicis lentèque factis Metaptosis, res aliquandò aliter se habet si, v. g., cachexia immutata morbum immutet, atque aut in scorbutum, aut in putredinem intestinale transeat: si scrophulosa, aut venerea diathesis in phthisim pulmonalem, aut fluxum hepaticum abeat: si rheumatismus, aut humor quilibet extraneus paralyfin nuntiet: hinc enim mutantur indicationes rei peragendæ: natura quippe morbi mutata est prorsus & symptomata in aliud systema conversa. Cæterum sæpius, uti jam dictum, Metaptosis accumulationem mali significat, unde in acutis morbus, ob accitum illud infortunium, varias remediorum directiones potius postulat quàm novam methodum: in chronicis verò dum complicationem morbi sæpè facit superveniens Metaptosis, sæpè quoque indicationes agendi multiplicat, imò & nonnunquam adversos inter se conatus expostulat.

In chroni-  
cis.



## PARS TERTIA.

### *De Metastasi.*

Quid sit  
Metastasis?  
In quo ab  
Epigenesi &  
Metaptosi  
differat.

**M**ETASTASIS est morbi mutatio, à naturæ contra causam lædentem decertantis viribus concitata, & ad salutem corporis instituta. Unde in Metastasi duo semper consideranda obijciuntur: hinc causa lædens, indè natura in ipsam debellandam incumbens & occupata. Porro differt Metastasis toto genere ab Epigenesi, quæ etsi, ut causa divertens atque revellens, possit aliquandò in Metastasin mutari, tamen indè ab istâ differt quòd etsi Epigenesis ab essentiâ morbi concitari posset, & ipsi juxtà rerum ordinem supervenire, nihil nisi mechanicum in se continet, nihil ad sanationem à viribus instituendam sibi vindicat, estque, aut symptoma mechanicè superadditum, aut causæ influxus non necessariæ. Quantumvis autem sub nomine Metaptoseon possit etiam Metastasis comprehendi, & utraque ad idem genus referri queat morbi mutatio, differt tamen Metastasis à Metaptosi qualem descripsimus, quòd hæc semper per se mala sit, malo omine à causâ grassantis impetu appareat, arguatque naturæ prostratæ, aut inertiam, aut aberrationem. Illa

Verò contrà actuosam indicet naturam, viresque ejus aliquâ sui parte victrices; unde, in salutem còrporis semper instituta, scopum suum sæpè attingit, licèt illo aliquandò defraudetur. Hinc *Metaftâsis* non tam latè patet atque *Metaptosis*: at sæpè superadditur & *Epigenesis*, & *Metaptosis* *Metaftasi*. Ita pustulæ in variolis & in aliis morbis eruptivis *Metaftasin* efficiunt sæpè salutarem, quibus aliquandò infelici *Metaptosi* jungitur corruptela putrida, unde naturæ deficiunt vires. Ipsa *Metaftasis* in oculos, in laryngem facta *Metaptoses* sibi jungit metuendas, quæ naturæ salutare institutum corrumpunt. Adde huc causarum externarum influxus, quos sæpè invexère imprudentia, inscitia, negligentia ægrorum, victûs delicta, peccata ab adstantibus admissa, aëris mala constitutio, at præcipuè & ante alias causas, prævia, quæcumque fuerit, depravata corporis constitutio, sive peccet fluidorum indoles, sive solidorum tenor, aut nativâ, aut conquistâ laboret infirmitate.

*Epigeneses*  
& *Metaptoses* *Metaftasi*  
superadditæ.

*Metaftasis* ergò debet spectari ut salutaris, cum sit secundum naturæ ordinem & ejus institutum, cum sit, ut cum Antiquioribus loquar, ad ignobiliora à nobilibus partibus, ut si per naturæ agentis vires deferatur à vitalibus partibus ad articulos, aut ad textum cellularem nociva & morbum efficiens materies. Pessima contrà erit si fiat à cute, textu

*Metaftasin*  
quid faciat  
bonam vel  
malam?

cellulari, glandulis externis ad vitalia organa. Utilis pariter erit si conatus virium per humori nocenti consonos exitus morbum tollere allaboret, ipsique & gradu & tempore correspondent. Timorem incutiet si vias causæ nullatenus aptatas sibi arripiat; si parva Metastasis causam grandem attingere non valeat; si præmatura, crudis adhuc causis, nec turgentibus, adeoque eliminationi imparibus humoribus morbificis, emicet alieno tempore.

Completa  
est, vel in-  
completa  
Metastasis.

Ea verò spectanda, aut in acutis affectibus, aut in chronicis, estque vel completa, vel incompleta. Quæ ultima, etsi spe fallaci aliquandò illudat, aliquid tamen oneris detrahit & præludit illis quæ salutare esse possunt, imò sæpè morbi morem, symptomata, decursum immutat illa morbi qualiscumque conversio à viribus naturæ facta, & in corporis utilitatem instituta.

Divisio  
hujus de Me-  
tastasis  
tractationis.

In hoc igitur consistit nostra de Metastasi tractatio, ut attentè spectemus 1°. quibus de causis, quo naturæ molimine fiant Metastases. 2°. Quot Metastaseon species det aut natura morbi, aut partium in quas decumbit differentia. 3°. Quibus signis possit & Metastasis & ipsius exitus ægrique fortuna futura prævideri, indèque curandi indicatio præsumi. 4°. Accedet postremò toti operi quidam veluti appendix, tractans eas, quæ à variis morborum complicationibus ortæ, ex dif-

unctis primò, deinde verò uniformi naturæ motu in unum coeuntibus affectionibus, constant mutationes. Ista, ut actione naturæ plerumque producta, phænomenorum complicatio & confusio, ad Metastasim proinde videtur præcipuè pertinere, eique adeò conjungetur.





## CAPUT PRIMUM.

*De Metastaseos mechanismo & causis efficientibus.*

**J**AMPRIDEM apud veteres Medicos observatione compertum est causam morbi in eo solummodò à morbo differre, quòd hæc nullâ actione prædita possit intrâ corpus, illâsâ ad sensum machinâ, remanere, & reverâ permaneat, donec, stimulo semel inflictò atque viribus laceffit, concitet symptomata, semper quidem à causâ morbi pendentia & ab ipsâ repetenda, sed sæpè etiam à viribus naturæ, quæ, concitata in lædentem materiam, nituntur contrâ ad eam expellendam, atque extrâ corporis limites eliminandam.

Symptomata morborum alia causæ, alia naturæ tribuenda.

Duplex ergò exoritur ordo symptomatum. Alia enim à causâ morbi lædente pendent, consistuntque in functionum læsione, vacationum ordine suppresso, earum indole mutatâ & perversâ, nervearum actionum ataxiâ. Alia contrâ à viribus naturæ concitantur, ortumque ducunt ab augmento & multiplicatione nixûum atque conatûum, quibus & augentur functiones, & vacationes crescunt, reparantur, aut etiam multiplicantur. Hinc meritò GALENUS in morbo semper du-

plicem effectuum ordinem agnosci voluit, cum alii ab ipsâ vitii efficacîâ pendeant, alii à decertantis naturæ viribus repetendi sint; scilicet, in morbo quovis ad curationem tendente, certamen inest inter lædentem causam & resistentes atque resilientes naturæ vires, quarum victoriam & prædicere atque prænoscere, & adjuvare artis est.

Simplex quidem est & ab ipsius rei visceribus trahitur morbi hæc idea. Siquidem nulla est observatio quæ non edoceat naturam, à mechanismo corporis actuoso pendentem, solam sibi instrumenti curatorii titulum & jura vindicare posse. Arti decus ingens, utilitas insignis incumbit quoties auxiliatricem se jactare potest. Ut autem mechanismus ille universalis intelligatur, à simplicissimis functionibus res auspicanda est. Velut enim, in statu naturali & sano, alimentorum massa nondum subacta & in usus nostros redacta extranei quid habet, ita ad eam subigendam atque immutandam vires corporis aliquâ ratione adaugentur atque increſcunt. Augmentum illud, licet existat in sano & valido corpore, sentiri se vix patitur. Verum jam à lautiori cœnâ vultus rubicundior, pulsus elatior novum nixum in naturâ, laboremque ejus adauctum simplicissimis hominibus demonstrabunt. Si moles illa viribus grandior fuerit, nixus ille pro naturæ debilitate plus

Natura  
morborum  
curatrix.  
Analogia à  
coctione na-  
turali ducta.

minùsve increfcit, nec ceſſat donec, aut plenior vacuatio finem labori impoſuerit, aut longior inedia, conſumendis nata humoribus, pondus ſuſtulerit. Si jam, aut imprudentiâ accedente, aut viribus infirmatis, increverit adhuc extranea illa moles, proportionalem experietur difficultatem quominùs & ſeparetur pars excrementitia, & mutetur in propriam animali ſubſtantiam pars quæ nutriendo apta eſt; omnia tunc in laborante naturâ invertentur, conatusque ad coctiorem naturales illi aut tardabuntur, aut etiam interrumpentur. Tunc non ſine phænomenis novos nixus demonſtrantibus natura irritata atque concitata maſſam hoſtilem, longiore temporis morâ, proteret. Unde primò horrores illi atque rigores in malè concoquentibus adeò familiares; poſteà calor exardeſcet, & demùm ſudores erumpent, omniſque ille labor plus minùsve temporis, plus minùsve laboris ſibi poſtulabit.

Ut coctio  
naturalis, ſic  
& morboſa,  
ſed operoſior.

Mechaniſmus porrò non alius quærendus eſt, ut jam alibi probatum conſidimus, in coctione morboſâ, adeò apud Antiquos famoſâ; ſiquidem actionis paritas adeſt, licet in labore majori violentia magis, cum in grandiori atque ferociori cauſâ majores objectæ reſiſtentia, & minùs regularem & minùs efficacem coctionis nixum reddant. Siquidem, præter alia omnia quæ ab improviſis & in cauſâ conſtanti non devitandis

accidentibus nascuntur impedimenta, ipsa sola materiæ resistentis atque quasi resilientis pertinacia, virium agentium salutaribus effectibus obsistens, nunc has, nunc illas, pro ipsius rei naturâ functiones lædit, aliam sæpè obstinatiùs invadens, aliam comprimens. His positis, jam non ex ordine instituto procedit naturæ labor. Obstat causa ubique præsens, officioque partium innectit vincula. Imò & ipsa non tardari solùm, sed etiam prorsùs perire potest coctio. Porro, si omnia secundùm naturæ ordinem agantur, nec ulla, quod vix supponi potest, sese obtrudant impedimenta, functionumque æqualis supponatur nixus, paritasque virium & æqualis partitio per omnes atque singulas partes, à quibus exurgit vis corporis universa naturæ nomine designata, fiantque hæc in homine robustiori; tunc, utut vehementissimam admiseris causam, violenta quidem orientur symptomata ab aucto actionis vitalis tono, verùm erunt illa ex naturæ ordine, coctionem tandem, aut seriùs, aut ociùs efficientis. Ipsâ scilicet naturæ vi omnia mutabuntur, novâ factâ excrementorum mole, novo partium utilium proventu, sive, ut scholarum more loquar, partim assimilatio fiet materiæ devictæ, partim nova & proportionalis materiæ lædenti excrementorum exclusio, quæ & numerosiora esse debere, & à statu naturali multùm dissita ipsa ratio indicat;

at, his semel expulsis, omnia in statum naturæ proprium esse revocanda ipsa coctionis idea supponit.

Ipsa tamen  
hæc naturæ  
actio violentior  
ipsi sæpè  
moras nec-  
essere valet.

Verùm fatendum est, in hisce naturalis facultatis augmentis, symptomata concitata ab hujus violentiâ posse per se ipsius naturæ intentioni repagula objicere: nam, vel alicujus partis innata, aut acquisita debilitas, sæpè densato in suis principiis & tenuato in constitutione acquisitâ sanguini potest hærentiam inducere, dum interea fibrarum erethismus inflammationem accersit ipsi coctioni nocivam, vel externa quæcumque pariter coctioni moras injiciunt. Tum animi pathemata, tum adstantium, aut etiam medicantium inscitia, secundum primum HIPPOCRATIS Aphorismum, naturam sæpè susdeque convellunt & à scopo divertunt, unde symptomata supervenientia Metaptosesque diversæ concoctricem facultatem ad aliena occupant, aut etiam ipsius vires omninò prosterunt. Id enim omnis semper Medicus ante oculos habere debet, quod observatio demonstravit ab ipsius HIPPOCRATIS ævo constantissima, naturam salubriter ad duo objecta non posse attendere & in ipsis occupari, sed è duobus alterum ab altero hebetari & quasi excludi. Hoc quidem in ipso naturali functionum statu compertum est. Siquidem si animum ad aliquid appuleris languent illicò functiones omnes, & suspensæ interrumpuntur, cessant vacuationes quæ-



libet. Quicumque dolore in aliquâ parte torquetur; hic nunquam felicem sibi concoctionem naturalem sperare potest, aut etiam benè coctam aut rectè moratam vacuationem: unde, rectè HIPPOCRATES doloris in corpus actionem à mutatione excrementorum judicari pronuntiat.

Hinc ergò, in morbis complicatis duplicique causarum infestarum actioni obnoxiiis, coctio semper, aut incerta, aut longa erit, difficilisque judicationis tales morbi rectè æstimantur; quippe utraque pari passu incedere non potest coctio quam sibi quæque causa expostulat; sed altera nocet alteri, ita ut sæpè neutra à naturâ perficiatur, sed illa, tantis impar malis, succumbat. Ecquid enim in unum finem collimat coctio, ut partes heterogeneæ homogeneam sibi assumant indolem, expellanturque expellenda juxtà naturæ morem & ordinem. Hinc, multiplicatis hostibus, & longior & difficilior ipsi opera incumbit.

Complicatio morborum difficilem reddit coctionem.

His semel positis quæ noscuntur ab omnibus, atque ab HIPPOCRATE ad usque nostra viguerunt tempora principiis, facile est præsentire non omnes æquè morbos huic patere coctioni, sed eos tantùm qui nondùm solidis infixi ea ita adorti sunt, ut eorum substantiam nec vitiauerint nec corruerint. Coqui per se potest atque immutari valet hostilis materia quoties humorum formam, conditio-

Non omnes igitur morbi æquè concoctioni patent.

nem, constitutionem adoritur. Debet enim, ut in omni mutandâ materiâ, posse atomus hostilis fluida fieri & à motu perpetuo alterari, mutari, legitimisque & naturæ familiaribus particulis immisceri, atque ab iis superari. Quod si non sit ea hujus humoris nocentis indoles ut mutationem subeat, repugnetque ut vincatur, frustrâ veram atque legitimam coctionem tibi sponderis.

Morbi rebellis materies in partem quamdam sæpè defertur uti-  
liter.

Non ideò tamen desperiit omninò naturæ actio. Fit enim nixus novus ad hostilem materiam quâvis viâ expellendam atque removendam. Concentrari in unum illud objectum vires observatione notum est. Febrilis illa actio universalis peculiarem sibi brevi vindicat actionem, fitque in parte ad quam deferretur febris quasi peculiaris, quam, ut calor atque dolor acutus, imò & in partibus externis rubor comitantur, inflammationem vocant. Ubi textus cellularis nocivæ materiæ centrum ac sedem præbet, hanc in novam indolem vertit, imò adipem ipsum & humores ibi per circuitum raptos immutat, solida vicina destruit, & hostilem atomum partibus remixtum utilibus tandem vacuat, felici quidem successu, si ad externa materies illa conversa, novo & insperato mechanismo expellatur. Id autem non solum in partibus singulatim læsis fieri perspicitur, sed etiam quoties irritis natura conatibus, sive inquilinæ humorum naturalium indoli, sive excrementis

ad naturæ normam densatis atque tenuatis, morbi materiam undique diffusam assimilare nequit. Tunc enim humorum naturæ consonorum crescens facultas & principiorum inter se attractio atomos separat, sejungit, segregat hostiles; has circuitus in debilitata organa congerit & accumulatur. Tuncque novo molimine nixuque potenti renitentes agitat, donec ipsa laceret organa materies jam viribus inferior, viasque sibi novas, quasi terebrato corpore adaperiat.

Morbi ergo qui vires naturæ frustra exercent, nec coctionis commoda aut utilitatem possunt experiri, illi sunt qui, extra naturæ centrum positi, frustra illam laceſſunt, aut agunt compressione, aut irritatione inutili adeoque nocivâ. Nihil enim nocet magis quàm irritatio inutilis: scilicet in se ipsam agit natura, viresque suas consumit: unde eas fatiscere necessum est. Idem etiam de iis dicendum est affectibus, qui vires vitales & actionis illius originem opprimunt, ipsique quasi vincula injiciunt. Quibus etiam addendi sunt affectus illi, qui nerveam partem adoriuntur, & in illam, cæteris intactis, agunt. Quamvis enim forsan, in affectibus etiam nerveis, aliqua insit coctionis forma & species, nondum illam ars valuit severâ observatione comprehendere; imò & illorum inconstantia in symptomatibus sub pertinaci causâ exerendis observandi spem elusit.

Quidam morbi omnino naturæ actionem eludunt.

Alii mutationes spontè concipiunt non sivas.

Quoties ergò materies humiditate leni attingi & lentescere non potest; frustrà coctionem, aut moliri tentabis, aut à naturæ viribus sperabis, &, si quæ, ut in scirrhis materiis, spontanea mutatio incidit, laborque in centro peculiari & ab actione naturæ se-juncto nascitur, non modò inutilis ille dicendus erit, sed & nocivus, cùm hic necessarius sit causæ nocentis effectus, ut partes alienas naturæque extraneas intrà vasorum motorum systema introducat. Contrà labor novus à materiis illis intrà vasa accendetur, vires consumet, erodet solida, novamque ab inutilibus naturæ nixibus concipiet acredinem brevi feralem, ut experientia de cancroso viru satis pronuntiavit.

Conatus naturæ in concoctionem non semper utilis.

In venenatis.

An ergò, si hosce similesque excluderis morbos, coctio, ut semper necessaria, ita etiam semper utilis? Minimè certè: quod quidem concludere facillimum erit, si paulisper attendamus ad ea quæ possunt hujus successui obistere. 1°. Quidem si moles admissa hujus sit naturæ, quæ aut eliminari, aut moli naturali assimilari non possit omninò. Tales sunt partes plurimæ venenatæ quæ, dùm à corpore non possunt immutari, aut per convenientes vias expelli, ipsum mutare ex rei necessitate debent; quippe absumitur vis innata, & frustrà dùm ingentes conatus exerit sese ipsam immutat. Tales sunt partes illæ verè venenosæ, à quibus animalium prin-

cipiorum indoles adeò aliena est, ut horum formam & structuram assequi nunquam possint. Hæ spinæ infixæ ad instar, ut HELMONTII verbis utar, vanas & inutiles concitant suppurationes, totum corpus, aut in pus convertunt, aut ita stringunt, ut jam nullus detur nisi convulsionibus & spasmodicis locus. Morbosæ illæ moleculæ vires naturæ exsuperant atque vincunt; at ipsæ vinci & superari nequeunt. 2°. Quoties ea est humoris morbum efficientis natura, ut omnia per ipsam suam indolem colliquet & putredine imbuat, adeoque totam quasi corporis molem diffluere faciat: unde ipsa vis aucta, dum superficiem & contractus puncta multiplicat, malum auget & perniciem magis instantem facit. 3°. Quoties, immutato mechanismo non satis cognito, moles humorum nativam indolem universim amisit, &, ne subtiliora sectari videamur, vapescit, & liquido illo subtili, aëreo, vitali defraudatur, ita ut nec viribus adaugendis, nec naturalibus functionibus exercendis vacare possit; quod in aliquibus malignis morbis non adeò rarum est. His si addideris eas quæcumque ita positæ sunt affectiones, ut dum centrum morbi peculiare sibi vindicant, non possit ordo naturæ ad hoc usque penetrare; præterea verò si attenderis plurimis deesse exitum atque eliminationis ob clausos aditus facultatem, senties certè quâ ratione possit in casibus hisce om-

In colli-  
quante ma-  
teriâ.

In pestum-  
datis humo-  
ribus.

Centro  
mali extrâ  
vias naturæ  
posito.



nibus nixus ille coctionis necessarius, aut non fieri, aut, si fiat, perniciem intentare vano & irritò impetu, qui tunc ad accelerandum feralem exitum concurrit.

**Metaſtaſis** Fit ergò Metaſtaſis à viribus naturæ contra naturæ opus. hostilem adverſamque ipſi naturæ materiẽ decertantis. Porrò, ut intelligatur quid ſint vires illæ, & quâ ratione agant & agantur, omnis attentio ad univerſæ mechanifmum naturæ undequâque agentis convertenda eſt, id eſt, ad ſummam Creatoris providentiam, quâ edictum fuit ut omnia motu ſemel indito propagarentur atque vigefcerent. Porrò innumerabiles effectus à ſimplicitate unius actionis pendent, & quas in univerſo orbe diſpoſuit Creator optimus, eas in individuïs etiam ita diſiſit conditiones, ut certi indè naſcerentur ordinatique effectus. Vires porrò illas corpus humanum quaſi intùs reſiſtas non ſemper expandit, ſed adſunt quoties ipſa rei neceſſitas reſciſcit novi latentis & innatæ facultatis renixus. Vires illæ evidenter agentes negari magis non poſſunt quàm vires ſatis cognitæ, quibus non ſolùm extranei cibi in inquilinam naturam mutatio fit, ſed etiam functiones omnes exercentur; nihil enim magis demonſtratum eſt quàm propoſitio illa, exiſtere ſcilicet perpetuum in corpore vivente mechanifmum, quo omnia illa ita ſapienter peraguntur, ut pro re natâ poſſint augeri, imminui, & obſtantia vincere atque ſuperare.

Ad illud verò plenius assequendum non solum vires adaugentur, sed etiam tempus plus minusve durabile requiritur, ita ut coctio nulla, morbo semel posito, statim apparere possit. An verò vires illæ à naturâ corpori viventi insitæ ab animâ sentiente pendeant, stimuloque quem percipit illa actiuo, licet in sensus nostros crassioris structuræ sui signa ostendere nullâ ratione videatur, quærere distuli. Quippe quæstio hæc ad nos nullâ ratione potest pertinere qui in observatione rerum conquiescimus. Licebit tantum admirari naturæ, seu potius ejus Conditoris sagacem & fecundam providentiam, qui simplicissimo mechanismo tot & tanta exerit effectuum phænomena. Quippe vel levi intuitu observamus mechanismum unicum atque uniformem exrendis Coctioni, Crisi, Metastasi, inò & Solutioni sufficere, positoque semel illo, quem omnis ætas, omnis Nationum observantium consensus, vel etiam minus doctarum, observavit, functionum stimulo, omnia sanationum naturalium phænomena enodari nullus est qui non aspiat.

Eadem naturæ actio solutionem producit & crisin & Metastasin.

Distantia principiorum à naturâ hinc in acredine consistit, illinc in crassitie, seu proportionem elementorum in humoribus mutatâ; unde nascitur Metastaseon in coctione difficili materiæ. Acredo siquidem, quæcumque sit, five nobis in suis incognita principis, vellicet, & videatur intus nata, fota

Coctio difficiliior fit ob humorum vel crassitiem vel acredinem.

atque educata, sive ad classes cognitās & proinde ad effectus determinatos referatur, stimulo semper agit, quem expellere quidem ingentibus & pro ejus conditione reduplicatis nixibus natura aggreditur. Crassitiei nocentis exempla suppeditat frequentissima gravis ingluvies quæ febres vehementissimas excitare potest, imò ardentes, aut etiam phrenitides, vel lethargos, notante id HIPPOCRATE. Inter acredines numerantur venena omnia illa acria, miasmataque varii ordinis & efficacæ, quæ non solum solida irritando ea stimulant, sed etiam ipsam humorum indolem immutant; ita ut, etiamsi vehementissimis frustra laboret conatibus natura, tamen reduplicatis nixibus vinci se pateretur, nec grassanti causæ posset obsistere, nisi aliqua cruda etiam & non præparata molis pars exire posset per evacuationes, quæ, etiamsi curando malo eâ de ratione impares sunt, quod à naturâ nihil mutatum sit, tamen pro salutaribus aliquâ ratione haberi possunt, quod molem imminuant nocivam, dum intereâ ars salutare porrigit diluentium & demalcentium auxilium. Id in morbis quibuscumque putridis eò magis occurrit quod fomites illi putridi à quâcumque parte sibi incrementa sumant stomacho, intestinis, renibus, stagnatione qualicumque, imò & ab externis vires acquirere queant, ut aëre & alimentis, &c. Quid si dentur venena acria intus enata, quæ vires supprimant, so-

poremque inducant, ut negare impossibile est: datur enim acredo narcotica.

Si ergò acre quodcumque, narcoticâ exceptâ & stupefaciente acredine, imò nec ipsâ etiam exceptâ, stimulos quasi ex ipsâ suæ naturæ necessitate infligat & vires ad motum provocet, an concipi poterunt acria quæ acutos morbos non excitent, sed longâ egeant ut expellantur coctione? Rem porrò in corpore animali frequenter occurrere docet vel simplicior admissorum intrâ corpus observatio. Nec enim omnibus stimulis æquè omnes partent corporis partes, nec in omnes humores agunt acria æquali efficacîâ. Sic salia pura deferuntur in urinas, sic aromatica sudorum & perspirationis vias affectant: nec ulla est notabilis acredo quæ non promptos sibi conciliet exitus, si non aliquam cum principiis humorum constitutivis adhæSIONEM contraxerit, unde per coctionem, aquâ mediante, temporis morâ & resistantiâ superatâ, possit tandem discuti. Is est enim naturæ scopus & labor, ut repellatur per coctionis institutum ab humorum inquilinorum massâ quidquid ipsis alienum est, nec propter aut adhærentiam, aut crassitiem illicò vias excrementorum patentes subire potest. Præterea verò vigere potest intùs, imò grassari & multiplicari fomes morbosus, iners, symptomatum expers, non actuosus, sed quasi ex insidiis agens, dum latitat intùs in glandulis aut

Post morbos sæpe latet acredo pertinax.

cellulis, & per accidens accipit actionem. Imò sæpè, si causæ adsint, aut corrumpentes, aut fomitem augentes, coctionis efficacia, utut repetita, inutilis evadit, & dum spes defraudat imbellis coctio, malum intus grassatur & progressus tales accipit, ut post nixus naturæ inutiles æger tandem occumbat. Exempla similium casuum sæpè offerunt lues scorbutica aut venerea, lactei mulierum affectus in quibus maximas agit partes textus cellularis, repositam intus materiam hostilem recondens. Imò sæpè etiam, acutis morbis, præsertim illis qui per eruptionem finiuntur, supersunt mansuefactæ jam reliquæ, quæ nunquam nisi dato tempore & quasi per intervalla erumpunt. Id post variolas adeò commune est & vulgatum, ut non ampliori indagatione egeat, cum vix ullus ex ægris sit qui non sæpius, imò per multiplices vices, furunculis Metastaticis ita laboret, ut deficiente uno alter erumpat. At etiam materies reposita, erumpente frigore, nunc oculos, nunc aures laceffit, donec exhaustus deficiat per plures Metastases fomes ille plures per annos agnoscendus atque repetitus. Et id quidem nobis ideam suppeditat quâ possimus intelligere quâ ratione Metastasis in completam atque incompletam rectè dividatur.

Etiam post  
acutos.

In acutissimis sæpè pars morbi solutionem, Et certè in morbis etiam acutissimis, si materies coquenda atque immutanda hujus indolis sit, ut possit ita per vires auctas subigi



atque immutari, ut naturæ familiarem atque  
inquinam adipiscatur unâ sui parte indolem,  
alterâ verò legitimum excrementorum cha-  
racterem, solutio fit incompleta quidem, cui  
perfectionem imponit, reliquiarum non adeò  
facilè mutandarum Metastasis. Coctio ipsa  
nisi post hanc absolutam, erit imperfecta &  
incompleta, ejusque signa ad hunc usque fi-  
nem minùs evidentia perdurabunt. Solutio  
verò perfecta decrementum morbi efficiens,  
& vix ullam vacuationem sibi expostulans,  
oppidò rara est in morbis cum vigore aliquo  
naturam adorientibus. Nam, cùm materia  
morbifica quæcumque plus excrementosam  
materiam referat quàm inquinam & naturæ  
proximam, rarum est illam, quæcumque sit  
ejus indoles, sine evidentium excrementorum  
vacuatione expelli, imò & vulgò non unam  
in morbis alicujus momenti forritur illa for-  
mam exitus, sed vulgò omnia simul adauc-  
gentur excrementa, & in finiente morbo re-  
farciantur effluuntque vehementiùs perspira-  
toria, scybalosa & urinosa excrementa. Id  
certè naturæ consonum est victrici, & ejus  
actionis formæ conforme: siquidem ut in ali-  
cujus momenti morbo vigente, atque omnia  
corporis organa stringente, supprimuntur  
illa, ita & decrescente illo, hæc quoque res-  
titui & refarciri æquum est, pro variâ pro-  
portionem quâ fuerant antea cohibita atque ad  
suorum ostia vasorum retenta & impedita,

pars excre-  
tionem,  
pars Metasta-  
sim subit.

Solutio  
plena rara.

Morbi excre-  
tio fit sæpiùs  
per omnia  
simul adauc-  
ta corporis  
excrementa.

Crisis fit  
perfectâ coc-  
tione, ma-  
teriâ aliquam  
præ alias af-  
fectante ex-  
cretionum  
viam.

Nec aliter se res habet in partâ vehementissimo labore victoriâ. Hæc autem crisis est & dicitur, quæ Metastases victoriâ felici atque completâ præcellit & prævertitur, in quâ scilicet per nixus vehementissimos in motum acta materia, quæ morbum efficiebat veluti agglomerata, demùm fertur impetu in aliquod peculiare excretionum organum, jam expellenda. Tunc, quæ illam potuerunt in ipso certamine ad exitum per coctionis molimina præparare, victrices corporis vires, jam ob mitificatam humorum acredinem, ad nixus majores eliciendos habiles factæ, impetum illum, libertatis restitutæ jure, suscipiunt, unoque nisu morbum depellunt. Quod fieri non potest salubriter & efficaci depulsione, nisi materies expellenda ita fuerit præparata, ut hâc abactâ corpus liberum sartum & integrum permaneat.

Crisis sæpè  
fit imper-  
fecta, mor-  
bum mi-  
nuens ante  
plenam coc-  
tionem.

Si quæ ergò ante hanc coctionem materies expellatur, hæc potest quandoque salubriter, sed non curativè expelli duobus in casibus. 1°. Si primarum viarum officina quisquiliis turgeat, quarum præsentia morbum potuisset adaugere, absentia minuere. 2°. Si, quod non adeò vulgare est in morbis alioquin sanabilibus, materies ita undequâque exundet, ut exitum ipsa sollicitet; quod *turgere* ipsi HIPPOCRATI dicebatur. At medius quidam terminus est inter hunc rariorem casum & perfectam illam crisin. Si scilicet materies

hâc ratione exundet, ut possit & debeat ex ordine naturæ vacuari antequam coctio, aut propter exuberantiam, aut propter resistentiæ pertinaciam perfecta sit, fit tunc crisis imperfecta, ad naturæ levamentum apta, non ad morbi sanationem sufficiens: juvat illa quidem, sed non sanat. Talem videmus casum in morbis qui per reduplicaciones aguntur, aut ad intermittentium naturam accedunt. Est enim sua cuique reduplicacioni coctio imperfecta, est & sua, sive per sudores, sive per alvum, vacuatio, morbus persistat integer, at de ferociâ suâ aliquid deponit, donec per multos illos & pro variâ conditione variatos paroxysmos, tandem vires ad coctionem necessariæ resarciantur; quæ observatio familiaris est, saltem apud nos.

Hæc quidem pauca de crisis dicta sunt, ut saltem liceat ex his naturæ nixibus ejus constantiam, uniformitatem, providentiam observatione constanti deprehensas ita admirari, ut illam etiam in Metastasis productione forsan non adeò evidenti impetu agentem persequi possimus. Etenim nihil aliud nobis offert spectandum Metastasis quæcumque præter materiem morbificam quæ, utut naturæ legibus subjiciatur & aliquâ ex parte obtemperet, ita tamen constituta est, sive mole, sive acredine partium, ut nullâ ratione possit prorsus consonam naturæ formam assumere, & naturalia œconomix animalis pro-

Materies  
Metastaseon  
non omnino  
coctionis ex-  
pers, sed  
cruda magis  
& pertinax  
quàm cri-  
sium.

ducta, sive assimilanda sint, sive expellenda, æmulari. Igitur si coctio hostilium harum atomorum, imperfecta quidem, aliquatenus tamen fieri possit, nulla alia nobis idea superest, nullus alius mechanismus, nisi quo materies illa à functionibus avertatur, & à centro naturæ actuofo repellatur. Quod quidem quotidianâ observatione demonstratur in variolis, in abscessibus illis qui naturæ actionem præviam sibi vindicant; in hæmorrhagiis etiam, in herpetibus, arthriticis morbis, aliisque hujus prosapiæ affectibus, qui, quamvis materiâ constant indomabili, tamen aliquâ ratione à viribus naturæ superantur, quatenus collecta materies in hunc illumve ablegata locum, peculiare sibi centrum actionis vindicat. Nec res illa quidem, quamvis certè providentiâ admirandâ videatur institui, alium supponit mechanismum præter eum quo partes homogeneæ per se uniuntur, & motu illo perpetuo in corpore concitato ad viscera structuræ analogæ feruntur & quasi trahuntur. Hisce porrò materiæ hostilis suscipiendis Metastasis præ cæteris patere debent, & inter alia subjici viscera illa quæ cellulosâ & dilatabili structurâ constant, ut sunt cutis & glandulæ, tum verò ea quorum hæc est fabrica ut excipiendis, discernendis everrendisque excrementis idonea sint, ut hepar, renes, vesica, &, præcipuè ante alia, cutis perspirationis organum. Nec toties natura in crimen

Metastaseon  
materiæ ex-  
cipiunt par-  
tes molliores  
aut excre-  
mentis dica-  
ta.

crimen vocanda est, quoties Metastasis fit in pulmones, hepar, &c. : id enim sæpè fit ex materiæ analogiâ, sæpè ex ordine rerum circumstantium ; at sæpè etiam ex adstantium peccatis contingit.

Patet certè ex his, aliisque sæpè observatis, Metastasin minùs esse tutam atque securam quàm ea crisis quæ fit per vacuationem : ejecto enim hoste, quid superest timendum ? At in Metastasi sua supersunt pericula : adest enim semper, centro actionis mutato, sed naturâ morbi eâdem & indomabili, hostis ad portas. Multa possunt ita concurrere, ut centro illo novo relicto, aut ad priores sedes, aut ad metuendas magis regrediatur malum, & in vires jam præcedenti accisas certamine sæviat. Sua ipsi centro novo actio aliquandò non sine periculo est, novusque exoritur morbus priori, aut periculo æqualis, aut metuendus magis. Hoc historia variolarum abundè probat, quæ sæpè in oculos, sæpiùs in pulmones aut hepar, ejectis reliquis, infames fuere : & id epidemico more accidisse visum est ; imò plures rusticos regiminis impatientes peremit diarrhœa variolis superinducta.

Præterea verò Metastasis cum ad existendum duo supponat, aut materiæ rebellem atque non expellendam per vias naturales indolem, aut virium nimiam debilitatem, non rarò imperfecta est, atque toti morbo expellendo impar. Undè sæpiùs per repetitas Me-

Metastasis  
tuta minùs  
est aliis mu-  
tationibus.

Metastasis  
imperfecta  
sæpè est.



taſtaſes morbi expulſio ſit; adeòque in perfectâ etiam Metaſtaſi & plures per dies duraturâ, ipſam non adeò perfectâ coctio antecedit, ſed inſunt differentiæ plures quas poſteà ſuis locis annotare non erit inutile.

Metaſtaſis  
ipſo morbo  
ſæpè pericu-  
loſior.

Verùm ex his ſemel poſitis atque comprobatis principiis illud ſequitur Metaſtaſin non ſolùm minùs ſecuram eſſe perfectâ criſi, ſed illam etiam eſſe ipſo morbo periculoſiorem aliquandò facile eſt demonſtrare. Si ſcilicet aut pulmones, aut ventriculum, aut ipſum hepar adoriatur, vel demùm, quod in morbis acutis non inauditum eſt, in ipſam capitis arcem decumbat, &, interiora ejus organa impetendo, vires & vitam miſerè deſtruat. Nec certè difficile eſt indè concludere Metaſtaſi non uſque ſidendum eſſe, ſed, cùm & materiem magis rebellem & vires minùs actuoſas arguat, opus eſſe ingentibus artis moliminibus ut adjuvetur illa & in loca tutiora relegetur, & in iis ſemel accepta quaſi cohibeatur, imò & augeatur. Spectatoris & admiratoris otioſi perſonam agebat in inſtante & prænuntiata criſi Medicus. At, in Metaſtaſi, non obſequioſum tantùm ſe præſtare debuit, ſed & actuoſum & ad omnia feliciùs peragenda promptum: nam Metaſtaſis quæ ſui dat indicia non ſit illicò, ſed ſæpè plurium dierum poſtulat intervalla, nec ideò tamen, aut completa, aut perfectâ ſemper dici poteſt. Summè ergò noſtrâ intereſt ut phænomena

Medici in  
Metaſtaſi  
impendente  
munus.

tùm instantis, tùm fientis, tùm factæ Metastaseos recenseamus. Fit in morbo Metastico infirmior eaque imperfecta coctio, annotanturque ejus signa non æquivoca, sed nunquam perfecta, quæ tùm in linguâ, tùm in urinis, tùm in ipsâ cutis superficie jam molliori atque flexiliori, imò in oculis ipsis, in ipsis vultûs lineamentis deprehenduntur. Scilicet omnimodè perfecta coctio & suis numeris omnibus absoluta perfectam crisin efficeret, aut victricem solutionem; hîc autem adsunt semper, & has in flocculento deprehendes urinæ sedimento, hostiles reliquiæ, dirutæ quidem atque prostratæ, sed exstantes tamen: verùm, ut coctio perfecta non erat, cruditas non adeò mala emicat. Nonnisi peractâ absolutâque Metastasi coctio deprehenditur, in suis signis perfecta atque completa; scilicet tunc demùm profligata expulsaque est hostilis materies.

Imperfectæ  
coctionis si-  
gna Metasta-  
seos prænun-  
tia.

Nec verò etiam obliviscendum quod ab HIPPOCRATE notatum fuit, fieri aliquandò mutationem Metastaseos in crisin, seu vacationem, tùm etiam Metastaseon inter se mutationes. Nec mirum, siquidem Metastasis ipsa morbus est ab eadem, sed mutatâ causâ pendens, novamque prorsus induens formam, novam indolem, nova phænomena. Prioris nobis ideam mutationis exhibuit HIPPOCRATES, dùm observat dolentes ad articulos jamjamque abscessum sibi expectantes, ab illo liberari excretâ, copiosâ &

Metastaseon  
in se mutuo  
aut in crisin  
mutationes.

crassâ urinâ. Quod non adeò rarum esse omnes testabuntur, qui ægris observandis operam navant. Idem etiam iis accidisse, qui, dum interiorum abscessuum penè experiuntur angustias, diarrhœâ biliosâ liberati sunt: testes appello Practicos omnes. Ab hæmorrhagiâ, sive per hæmorrhoides, sive per uterum, instantes hepatis abscessus devictos fuisse pariter fatebuntur Medici. Nec id solum, licet efficacius, efficient hæmorrhagiæ illæ violentæ atque copiosæ quæ crisin efficiunt, sed etiam lentæ illæ atque perdurantes quæ efficaciam diuturnitate compensant. Licet enim de iis siluerit HIPPOCRATES, forsitan in iis oris vitam degens in quibus res rarior est, tamen apud nos casum hunc non adeò rarum esse omnes pariter consentient, saltem de menstruorum & hæmorrhoidum fluxu.

Metastaseon  
sæpè metuenda  
mutatio.

At Metastasium mutationes atque inter se conversiones quàm frequentes sint atque metuendæ, si deessent alia exempla, quàm terribilia nobis præstarent variolæ illæ, quæ non aliâ ratione, dum vertuntur ad interiora, ut ad vulgi mentem loquar, tot miseros insperatò perimunt. Scilicet quæ fieri debuit ad cutim Metastasis fit in caput, angit laryngem, pulmones arctat & suffocat. Verùm nulla est pars quam non aliquandò Metastaseon imminentium mutatio atque conversio vexaverit. Sic erysipelas, aut potius materies illa sæpè catarrhalis, quæ ad exteriora delata erysipelas

facit, nunc anginam, nunc peripneumoniam  
 Metastaticâ phasi facit, & post variè illuden-  
 tia phænomena in dysenteriam vertitur. Cur  
 in ipso morborum acutorum furore, sæpè  
 surditas emicat, diarrhoeam, & illam quidem  
 salutarem, prænuntians? Cur sæpè idem pa-  
 rotidibus, aut bubonibus accidit, quos jamjam  
 suppuraturos esse jures, mox sustulit diar-  
 rhœa, aut meliùs adhuc hepatis subitò incref-  
 centis tumor indolens ad tactum? Scilicet  
 coëctio aliquâ ratione facta est, & ipsius morbi  
 principis ab humorum centro expulsio incepta  
 per naturæ vires: sed pars superest materiæ per  
 se rebellis, quæ errat adhuc huc & illuc, imò  
 aliquandò ab ægrorum, aut adstantium malè  
 moratâ curâ renovatur, dùm salutare quæ  
 partem operis in se suscipiebant vacuationes,  
 arte præposterâ tardantur. Fluctuat incerto  
 passu titubans natura & iter ingressum regredi  
 cogitur. Hinc novas adoritur partes hostilis  
 materies, iteratur in debilitato corpore certa-  
 men, præclarèque cum ægro actum erit, si  
 meliùs monita ars naturæ obsequiosa ipsam  
 ad pristinum revocet ordinem, ut possit uni-  
 formibus nixibus ita materiem morbosam  
 edomare, ut jam vasorum diametris obsecun-  
 det illa, aut alibi cum minore periculo fe-  
 ratur. Id artis est observasse sedulò, huic  
 proposito obsequi, in id intendere summum  
 est artificium. Huic si temeritas obstiterit,  
 aberrat à scopo natura, cui contradicere pia-

Artis in  
 his munus &  
 naturæ vis.

culum est, tuncque, aut falsos sibi gratulatur successus, brevi infelicitè rependendos, aut nascitur abnormis morbi longitudo. Illud enim in omni crisi, sive illa per vacationes fiat, sive per Metastasin, annotandum est, naturam quidem in unum opus intentam atque efficaciter laborantem videri, impetumque ejus in unam partem deferri, in quam, aut sit apostasis, aut per quam fluxu rapido humores rapiuntur: sed cum vires illius refarciantur integrè & ad pristinam revocentur integritatem, omnes simul placidè redeunt vacationes, undè salutaris ordo rerum renascitur, lingua, gingivæ, labia & colorem & mollitiem & secretiones recipiunt, urinæ facilè, nec adurentes prodeunt, cutis lubricitatem pristinam & humiditatem ipsi innatam jam reperit, simultaneâ actione omnium functionum ita conspirantium, ut qui uni nocuerit omnibus simul noceat. Nec est, ex veterum doctrinâ, ut ars malè sedula partes suas in hoc labore agere velit: quippe una actio ex omnium conjunctione conflatur, ut ex rotarum omnium actione partes suas peragit horologium. Inest scilicet in naturâ rerum ordo immutabilis, & ideò immutabilis quòd mechanices legibus suis obsecundet. Has quidem penitus intelligere atque intueri impossibile est, at videre & observare licet.

Debilitas  
ægrî reli-  
quias morbo-

Et certè indè intelligere facile est cur & quando, debilitatis præsertim naturæ viribus,



sæpè Metastasis, ut & crisis, non uno tenore rum fovee  
paratque  
Metastases. perficiantur. Vires enim naturæ aliquatenus  
& aliquâ sui parte causam potentiorē debellant, sed non integrè & nonnisi per vices. Scilicet, aut illæ ita debiles sunt ut partim tantum agere possint; pars oneris superest: aut ita accisæ ut dum cæteræ partes adhuc agere possunt, ferietur una atque onus ipsi conceditum exonerare non possit: aut demum multiplicatur intereà materies hostilis. Qui tres casus quotidie occurrunt in debilitatis, aut per alium qui præcesserit morbum, aut per nativam constitutionem, hominibus, vel pravâ humorum diathesi vexatis, vel sese malè sedulò ingurgitantibus. Tunc enim nec crisis nec Metastasis integrè fiunt, sed, vix ullâ coctione præviâ, aut illâ incertâ, nec signis stabilibus aut firmis constitutâ, pars causæ exit, pars alias per partes erraticè vagatur aliam sibi sedem quærens, & dato tempore, novoque inito certamine, eruptura. Tot hujusmodi abscessibus, sive apostasibus, ut græcè loquar, acuti morbi vertuntur in chronicos affectus: id in arthriticis scorbuticisque quotidie videmus. Illud etiam sæpè observatum post variolas, quarum reliquæ Metastaticæ per annos grassantur, imò per totam vitam residuæ extant: ita abscessus non notabiles post peripneumonias phthisim induxerunt. Ita sæpè ipsa arthritis, dum paroxysmis ludit acutis, videtur jam exhausta; at

brevi recrudescit illa & in aliam partem defavit acutè, ita ut vetulorum præsertim vita tota in repetitis consumatur arthritidos paroxysmis, quibus tandem vires opprimuntur.

Dixit vi-  
tia Metastasi-  
bus mate-  
riem suffi-  
ciunt.

Quòd si malâ & perversâ vitâ, nondum renovatis digestivis viribus, alimenta ita oggerantur, ut jamjam laborantis naturæ opus, aut pervertatur, aut elanguat, ut quotidianum est apud pauperioris fortis homines, quibus nihil præ inediâ timendum atque metuendum sibi fingit malèsuada imaginatio; certè in hâc imprudentiâ benè cum naturâ actum erit, si pars extranea quotidie renovata non pejorem accipiat indolem, quàm quæ abscessûs materiæ competit. At certè major copia materiæ fiet, si non pejor, si non exundans, si non, malis profligatis atque discedentibus, subdat putridam materiem, fomitemque morbosum corpori fracto atque lassato inferat: quod quidem ad Epigeneses pertinet. Sic sæpè Metastasis arthritica ad ventriculum & intestina deferitur, ibique materies nidulans putredinem concipit, caput opplet, & putridæ febris symptomata capefcit. Exardet illa, & toto febrili tempore non dubia arthritidis symptomata, ut dolores articulorum evanidi, cruciatus ad aliquas partes apparent. At, si prosperè res cedat, fatendum est aliquandò feliciter evenire ut febris sua tempora peragens & morbum auferat, & illam quæ præcesserat arthritidem. Id pariter in quibusdam herpe-

Utilitas fe-  
bris ad Me-  
tastaticas re-  
liquias tol-  
lendas.

tibus accidisse non inauditum. Quod enim à vulgaribus naturæ viribus fieri non poterat, ab iis accensis atque prætermodum auctis quidni speraremus? Certè tollendis multis malis, quæ levia simul & Metastatica dici poterant, sæpè in vitæ decursu profuit febris: tales sunt sæpè juveniles illæ in vultu efflorescentiæ, quas superveniens febris, post vacationes multas, aut arte factas, aut à naturâ inductas, sanavit. Artem instituerat Cl. GRANT de hepatis, aut lienis infarctibus per febrem arte concitandam tollendis, quod certè ad illos tantum defluxus pertinet, qui à Metastatico conatu sumpserant originem. Certè quantas in Metastasis inducendis atque faciendis partes agat bilis, pluries exponendi sese dabit locus. Sufficiat hîc in mutatione humorum Metastaticorum annotavisse quàm facilè ex naturalibus humoribus alter alteri suppleat, & sic, mutato ordine, mutatâque corporis, per rerum illarum non naturalium influxum, conditione, possit incocepta Metastasis aliò protinùs verti: quod quidem non sine aliquo periculo fieri posse facile est intellectu, cum scilicet, virium naturalium ordine certo agentium impunè perverti impetus non possit, imò debeat immutatio illa supponere inter utriusque actionis intervalla inertiam quamdam, aut potius tumultuarium motum, cujus effectus necessarius est, sic docente GALENO, novum ex-

Ex his de-  
monstrata  
Metastaseon  
mutabilis in-  
doles.

Omnis in corpore mutatio excrementa parit. ccrementorum proventum ingenerare. Siquidem nulla, notante eodem, supponi potest in corpore motûs & ejus effectûum mutatio, quin indè etiam ex materiæ necessitate nova ingenerentur excrementa, quæ novas sibi excretiones postulant, novosque edunt effectus. Et hic quidem naturalium corporum sese per vires internas immutantium novasque proprietates acquirentium intuitus, in hoc certamine naturæ cum causâ lædenti, cujus effectus semper in mutatione consistit, nunquam omittendus est. Siquidem indè multa in excrementis Medico spectanda occurrunt, quæ quidem, in eo quòd pertinet ad excrementorum varietatem, sive in coloribus, sive in gravitate, sive in odore, aliquandò in doctrinæ formam poterunt redigi. Quod, etsi nondùm factum, licèt ab HIPPOCRATE nuntiatum, non idcirco tamen negligendum est. Id certè in sedimenti urinosi copiâ, colore, varietatibus, ejusque cum causæ lædantis & partis læsæ analogiâ, ut jam à pluribus annotatum est, experienciâ attentiori adhuc considerandum, cùm plura in eo puri consona, mucoque densato simul in mole & in constituentibus principiis tenuato analogia deprehendantur; ne plura hîc addamus de partibus bilis, quæ ipsis urinis colorem igneum, earumque sedimento rubedinem impertiunt, nullis sæpè aliis hepatis læsi signis sese prodentibus, quod jam notavêre olim & Du-

RETUS & PROSPER ALPINUS. Hæc verò ,  
 etsi omnia forsan empyricæ observationi huc  
 usque subiecta fuerint, patet tamen & Phy-  
 sicis & Chemicis quâ ratione possint aliqua-  
 tenus ad theoriæ normam adaptari; modò in  
 hâc inquisitione nimis præcipitanter non aga-  
 mus, liceatque morari aliquantumper in na-  
 turæ divitiarum fundo, qui nos non oscitan-  
 tes finit hariolari, sed introsipientes altius  
 immorari.

At satis ex his intelligetur axiomatis illius *Nil paucum*  
 HIPPOCRATICI veritas, *nil paucum esse* *criticum*, ef-  
*criticum*. Nec fidendum usque, aut abscessui, *fatum Hip-*  
 pocratis.

aut vacuationi cuivis, quæ non fuerit causæ  
 lædenti proportionalis. Quid enim sperandum  
 à minimâ vacuatione in maximo malo? Vi-  
 rium tunc fiunt nixus inutiles, & debilitas  
 indè nata veræ mox erupturæ crisi officiet,  
 imò morbi longitudinem præfagiet actionum  
 vitæ nixus inutilis. Quodcumque paucum ap-  
 paret in morbis, aut Metaptosim sapit, aut  
 virium imbecillitatem. Fieri tamen aliquandò  
 potuit ut Metastasis cum machinæ levamento  
 fiat, ubi parte non contemnendâ hostilis ma-  
 teriæ natura liberata est. Nec prætereà facilè  
 denegare possumus quod experientia confir-  
 mat, Metastasi scilicet semel factâ, posse  
 tamen, hâc persistente atque vigente, crisin  
 perfectam fieri. Nam collectis viribus natura  
 crisin perfectam efficiet, stabitque intereà  
 Metastasis, corpusque solutum atque sanatum

*Crisis & Me-  
 tastasis sæpè  
 simul in eo-  
 dem corpore.*



à duplici curationis fonte permanebit. Vidimus in febribus, collecto abscessu, & materiâ per suppurationem evadente, coctionem perfici, &, stante puris generatione, natura per alvum & diarrhœam morbum profligavit, imò etiam per sudores, quamvis cum septentrionalibus Medicis omnibus, imò & DURETO atque BALLONIO consentiamus, rarò admodum crisin perfectam apud nos per sudores solos sejunctos expectandam esse, sed sæpius fallacem, cujus fallaciæ testis sit immanis quæ vulgò sudores apud nos excipit debilitas. Lentior tamen in hoc composito casu eâ de ratione expectanda crisis est quòd eo qui præcessit labore vires fuerint accisæ atque imminutæ, adeoque & labor difficilior & affectus longiores expectandi sint. Sæpè casus ille Metastaseos cum crisi copulatæ observandus occurrit in parotidibus, imperfectam Metastasin in morborum malignorum decursu efficientibus. Partem criseos per Metastasin efficiunt illæ, vitamque reddunt ad efficaciores nifus aptiorem. Coctionis aliqua signa, sed incerta, sed dubia, tum in linguâ, tum in urinis apparuerant; sed, crisi verè imminente, firmiora illa evadunt. Idem etiam accidit in ictero illo quem sexto exacto die rigor superviens nuntiat. Metastasis in hepar facta futuram diarrhœam criticam præagit, hanc icterus prænuntiat. Ita etiam multoties, in pleuritide, peripneumoniâ, hæmorrhagiæ

utiles Metastaticæ, crisin per sputa cocta futuram, cæteris concurrentibus salutaribus signis, denuntiant. Hæmorrhoidibus etiam cum cruciatu supervenientibus idem factum est. Hæc verò omnia aliquibus signis salutaribus præcedi debent, undè ipsam subodorem salutem, si præsertim, ubi jam dictum, Metastases illæ aliquam fervaverint cum morbi furentis causâ connexionem.



## CAPUT SECUNDUM.

*De variis Metastaseon speciebus.*

Metastases  
ad classes re-  
vocari va-  
lent.

**E**X iis quæ huc usque posuit atque demonstravit observatio, satis intellectum confidimus quid sit Metastasis, & quâ ratione à naturæ viribus concitetur. Mutationes porro physicæ quæ à viribus corporis in motum salutarem actis ingenerantur, non unâ ratione diversitates multiplices possunt efficere, humorumque crasin atque ordinem intervertere. Imò satis probatum est illas omnes mutationes à solis naturæ viribus pendentes, ad certa posse genera referri atque in classes revocari: quippe quod mutatur & novum characterem induit semper, pro illorum ex quibus constat elementorum naturâ, & actione instrumentorum agentium, proprietates & suas metitur ab illis acceptas. Quod verò mutari non potest, ita actione instrumentorum involvitur atque cicuratur, ut possit, novâ connexionem sibi conciliatâ, tandem expelli atque à corpore auferri & avocari.

In Metastasi  
consideranda  
actio naturæ  
& mali materies.

Hinc fit ut in Metastasi quâcumque duplex rerum ordo constituendus sit: alter in quo morbi causa sedulò exploranda sit; alter in quo virium ad certamen conspirantium nixus

sedulò perpendi debeat. Ut ergò amplissimus ille, *Metaftaseon* quarumcumque ambitus, sive mutationum illarum salutarium quas ad corporis salutem humores subeunt, possit meditantibus sese objicere atque ab observatoribus deprehendi, ante omnia universus humorum excernendorum intuitus subjiciendus est oculis, à quo fonte omnia illa mutationum genera derivantur & pendent.

Quodcumque intrà corpus introducitur debet per naturæ laborem perpetuum, aut in nostram converti naturam, aut cum natura-  
Cuilibet coctioni sua sunt excre-  
menta.  
 libus excrementis eam adipisci concordiam atque consonantiam quâ possit cum iis expelli. Conversio porrò illa fieri non potest quin dissociantur à se invicem partes dissimiles atque superflue, sociantur contra atque connectantur illæ quæ homogeneæ sunt; quo mechanismo necesse est ut excrementa nascantur. Coctio nulla, nulla assimilatio concipi potest, sine aliquâ excrementorum generatione.

Id ergò omnibus causis lædentibus evenire  
 necesse est cum aliquâ disparitate. Disparitas hæc pendet à tempore & nixûum violentiâ :  
Coctionis morificæ excrementa plura.  
 nam vires, pro obstantis materiæ ratione plus minusve exardescunt, antea quasi sepositæ & nullis fervefactæ causarum stimulantium excessibus. At quò plus virium exerit natura, aut quò longiori utitur temporis intervallo, eò plus excrementorum ingenerat illa; &

simul materiæ à quibus morbosa lues pendet, per se magis excrementitiæ sunt, quàm quæ ex naturæ ordine vulgari virium impetu concoquantur. Verùm licèt salutaris quæcumque Metastasis auctum virium nixum supponat, si universas Metastasiùm leges & species animus sit comprehendere, non eas tantùm in morborum impetu satis erit observasse, sed, ut eas undique quasi pullulantes videamus, earumque mechanismum intelligamus, operæ pretium erit, si universim mutationes & decubitus humorum salutare, etiam extrà morbos, legibus naturæ vix mutata obsequiosas intueamur; nixus enim naturæ non semper evidens est, & cum tumultu agit, & in ipso virium vitæ salubris exercitio multa deponuntur in totiùs corporis salutem, quæ, si rigidè sumatur vocis interpretatio, Metastaseos nomen sibi vix vindicare possunt.

Metastaseon analogia cum quibusdam naturalibus in sanorum vitâ phænomenis.

Metastaseon post dentitiones specimina.

Id verò per omnes ætates, per varia loca, pro diversitate & victûs & morum, observatur. Ipsa *dentitio* infantis sæpè Metastases non unius generis efficit. Ipsi sæpè post diarrhœas, aut potiùs eorum loco alvi fluxûm quos gratulantur infantibus nutriculæ, abscessus ad glandulas enascuntur, conspiciuntur ventris tumefactiones, imò & in articulos spina ventrosa decumbit, sæpiùs quidem Metastaseon titulo dignæ, sed quæ aliquandò etiam in Metastases facessunt, tum varii oculorum morbi, glandularum quarumcumque intu-



mescentiæ, quæ quamvis salutaria per se dici non possint, tamen, cùm corpus à morte liberent & convulsionibus lethalibus, aliquâ ratione *Metastases* se vocari sinunt. Nec minùs nomen istud merentur quæ versùs septimum ætatis annum eminent sæpè *parotides* ad dentitum molarium eruptiones, tùm etiam quæcumque mutationes in lymphâ antea vappidâ & quasi lacteâ exsurgunt, quibus novus excrementorum proventus procreatur; adeoque *Metastatici* dicendi sunt illi *decubitus*, ignes *sylvatici*, *crustæ*, *pustulæ*, *papulæ*, tumores volatiles, qui, plus de *erysipelatis* naturâ quàm de aliâ quâcumque participes, ejusdem speciei classẽ complent.

Verùm mutatio illa maxima, & præcipuè In pubertatis tempore. insignis ad pubertatem, in utroque sexu emicat: artuum torositas, vocis mutatio, glandularum actiuosa fabrica, novarum secretionum ordo enascens inter naturæ agentes effectus naturales habendi sunt. Sed simul tot sæpè faciem deturpant *pustulæ*, tot glandularum dolores atque abscessus, tot inflammatorii in articulos rheumatismi, tot narium hæmorrhagiæ, pulmonum hæmoptyses & sanguinis ad loca superiora *decubitus*, ad salutem corporis & causarum lædentium sublationem instituti, sed per se ad nova inferenda pericula prompti, ut non sine ratione lubricam hanc & periculis plenam ætatem *Majores nostri* incusaverint. Stabilis est magis & fir-

In ætate  
adultiori &  
variis vitæ  
conditioni-  
bus.

mior ætas illa quæ periodos istas superavit. Tunc loco hæmorrhagiarum è naribus hæmorrhoides superveniunt, infarctus hepatis, ventriculi tormenta. Locorum, victûs, imò & ipsa vestium mutatio, si præsertim inconsultò & incautè fiat, novas in corpore mutationes inducunt, undè tot Metastatici morbi in eos decumbunt qui novas regiones affectant. Id videre est constanti eorum observatione qui Medicinam in insulis Americanis exercent: advenis enim, aliorum morborum loco, pustulæ, sudamina, erysipelata, epidermidis avulsio prominent; ut est etiam apud nos diarrhœa iis familiaris qui Parisiorum Lutetiam primùm invisunt, colicus dolor illis qui Pictavienses oras advehuntur. Alia sunt multa adcò ut loquacem delassare valeant FABIUM. Tot porrò erysipelatosæ phænomena ichorem & tenuem fundentia humorem, qui ferè ad puris consistentiam vergat, an Metastatica dicenda sunt? Certè humorem inimicum in hisce malis natura in cutem atque ejus cellulas expulit. Imò si ars præpostera, aut formæ cupida industria, intùs repellat, jam nulla superest ulli visceri securitas, funestoque toties exemplo, aut phthisis pulmonalis, aut mesentericarum glandularum obstructio superveniunt. At sæpiùs frustrà artificiosam harum Metastasin ars molitur: superat in loco clauso, calido solidatum malum, & prohibita illa Metastasis per Metaptoses varias corpus

erodit. Sic decrepita ætas, imò jam inclinata, In ætate  
senili & de-  
crepita. dum minùs vacare apta est iis secretionibus quæ robur postulant, excrementorum farragine obruitur, hanc ubi cohibere suadet malè intellectæ munditiei lepidior libido, Metastasin natura sibi vindicat. Imò sanitas illa decrepitorum senum per Metastases iteratas atque variatas, si non stet integra, saltem aliquâ ratione quotidiano naturæ labore singulis diebus refarcitur atque renovatur. Hinc tot senili ætati pituitæ crassæ, indivulsæ excreationes, quibus deficientibus suppleant œdemata erysipelatosa, phymata, papulæ, lippitudines, aurium indurationes, sensum prostratorum imminutiones, quibus, etsi miserrima sit, vita debetur; alioquin brevi in pulmones excrementosa farrago verteretur.

Nulla est ex rebus non naturalibus quæ, dum mutationes lymphæ & humoribus impertit, similes non inferat Metastases. Morborum porrò illorum omnes causæ adeò variè historiam morborum medicam adimplent, ut iis insistere vanum foret, atque prorsus extrà propositum. Consideranda tantùm nobis erit in casibus illis qui vires naturæ auctas supponunt Metastasis vera & legitima, non à vitæ infirmioris incommodis pendens iisque accommodata, sed à vero morbo liberans, cum venenum intùs existens expellere satagit natura atque in illud incumbit, morbusque Metastases  
in morbis.

adeſt aut chronicus, aut ex acutorum genere.

In chro-  
nicis.

Verùm quia in chronicis labor non adeò evidens eſt, & ea quæ in illis naſcitur Metaſtaſis ſæpiùs abſque ullo impetu critico oritur, ſed eſt potiùs lenta in unam partem naturæ directio, atque ſequela continuati nec interrupti laboris, juvat certè paucis ad eos animum advertere morbos, qui in chronicis Metaſtatici eſſe poſſunt, & ad vires naturæ curatrices poſſunt pertinere. Verùm ut in morbis chronicis Metaptoſis maximè frequens eſt, ita Metaſtaſis ſimplex & ſubita ad ſalutem vergens rara eſt oppidò, imò ad paucos omninò pertinet.

Chronico-  
rum morbo-  
rum ratio.

Verùm, ut fixior eſſe poſſit doctrina eorum chronicorum morborum, qui per Metaſtaſin curari poſſunt, paucis advertamus quare & quomodò morbus poſſit chronica mala efficiere, & longa ſibi poſtulare temporis ſpatia ut corpus proterat, aut ab eo tandem ſuperetur & depellatur.

Omnis  
cauſa chro-  
nicos parare  
morbos va-  
let.

In quocumque morbo à ſuppreſſâ perſpiratione pendente, aiebat SANCTORIUS, *apparet cachexia veſtigium, vel febris*. Quod quidem dicebat de hâc unicâ cauſâ vir gra-viſſimus, poteſt in genere non ſolùm ad quamcumque ſuppreſſarum vacuationum ſpeciem referri, iisſque competere, ſed etiam applicari ad quodcumque cauſarum genus, quod ad ſolidæ ipſius ſubſtantix vitium non pertinet. Quæcumque enim cauſa

functiones lædit, duplicem subire sortem debet. Vel 1<sup>o</sup>. deprimit vires, earumque actiuo impetui impedimenta struit; quo in ferali & lugendo certamine, si funditus natura brevi non succumbat, grassari malum, adeoque non inferri solum, sed adaugeri debilitatem necessarium est. Hinc si in hoc casu febris accedat, lenta illa erit, per Metaptosim facta, & symptomatis debellandis forsan capax, sed nunquam causæ eruendæ.

2<sup>o</sup>. Vel ea quoque causa à naturæ viribus occupatur; qui est omnium morborum salubrium casus. Materiæ lædentis, vel copia, vel resistentia major minorve, temporis differentias constituit. Ea quidem causæ lædentis conditio morbos vulgò celeres facit & citò depellendos; sed in eâ quoque aliquandò chronici dari possunt, qui etiam sine artis ministerio, sed multò meliùs illâ subsidium ferente, à naturâ vincuntur: tales sunt illi qui, dum sensim multiplicantur, viribus debilitatis primùm, atque infirmitate laborantibus, eò tandem deveniunt ut febres stimulo aucto accendant, naturâque chronicâ depositâ in acutorum ferociam mutantur: quæ quidem naturæ actio aliquandò quorundam temeritate felici usurpata est, ut jam annotatum, ad tollendum morbum. Et illa certè methodus Agyrtis non incognita, aliquandò veris titubantibus & mussantibus Medicis, gloriam curationis eripuit, dum,

Chronici  
sæpè sanantur  
lentâ  
versâ in acutam  
indole.



substracto per draſtica vacuantia morbi fomite, febris intereà accendebatur. Id quidem in maniâ non ſemel eveniſſe vidi. Ea etiam imprudentia vel caſus catarrhales veteres affectus ſuſtulit, titubantſque à longo tempore ſanitas in priſtinum vigorem reſtituta eſt. Nec alia eſt cardiacorum illorum ſtimulantium actio, quibus concitata natura, quod videbatur indomabile malum à ſe repulit. Id in herpetibus, malisſque rebellibus cutaneis, lacteis, lymphaticisſque accidiſſe quis neget? Sed rarò curatio illa fit, ſine humorum mutatione, quâ qui priùs humor iners erat & agendi facultate deſtitutus, vim acquirit phlogiſticam, jamque & in pus coctum verti & ſanabilem abſceſſum efficere poteſt.

Chronici  
alii Metaſta-  
ſes utiles ex-  
periuntur;  
non mutatâ  
indole.

Verùm etiam ſine acuto illo tumultu alii ſunt morbi chronici, qui Metaſtaſes experiuntur ſoliùs naturæ viribus: quoties ſcilicet materies mobilis & nondùm depoſita, à nobilioribus, ut Veteres loquebantur, ad ignobiliores partes deferretur. Id arthriticis, imò & rheumaticis humoribus familiare experientia demonſtravit. Hoc erumpente nondùm unquàm cognito, imò nec præviſo morboſo fomite aſthmata, melancholias, imò & manias ſanatas vidiſſe me ſi dixerim nihil novi afferam. Hinc tot hæmorrhagiæ, tot hemiſcra-niæ quæ juniores vexant, primò quidem in hæmorrhoides, poſteà verò in arthritidem faceſſunt. At non ſemel vidi in ſenio jam

fatifcente ipsam etiam arthritidem & quidem periodicam abire in erysipelas & mox in squamosos herpes, sub quibus squammis si humor exhalans ichorosus fluere cessaret, vertebat se morbus, & arthriticos dolores jam desuetos revocabat. At in hisce morbis verè chronicis levamen vulgò affert Metastasis, non veram curationem & integram, nisi fomitem illum intrà corpus juvenile accidentalis aliqua causa intulerit, quod rarum est; verùm dùm levationem mali momentosi aliquam attulit, pretiosas ad agendum indicationes suffecit, & sæpè obscuram mali indolem dubitantibus detexit.

Nec minùs Metastaseos nomen meretur levatio illa, quæ in morbis omnem humorum molem inquinantibus, expulsâ in aliquam partem mali causâ, morbi formam mutat. Ita, notante EUGALENO, sæpè scorbutus formam & phænomena prorsus immutat, dùm feliciùs ad crura & pedes morbus deferretur, aut gingivas atque os, reliquis relictis visceribus, occupat. Ita lues ipsa venerea in tumorem aliquem glandulosum quasi concentratur. Ita serophulosus tumor, partes intimas & viscera maximè momentosa occupans, non sine præsentì degenerescentiæ periculo, à mesenterio atque partibus lymphaticis in cutem deferretur & textum cellularem, ibique & crustas rebelles & adipis induratio-

Nec ipsi  
totiùs humo-  
rum massæ  
morbi chro-  
nici Metasta-  
sibus carent.

nes efficit, dùm intereà rediviva intùs sanitas efflorescit. Hi sunt morbi in quibus incepta per artem curatio, illicò, aut dolores offert sæpè in articulos sævientes, aut cutem, in quibus, dùm sepositum fomitem textus cellularis accipit, cutis ita fœdatur, ut pristinum incommodum ægri requirant ac sibi reddi postulent, cùm contrà pergendum sit audacter, nam remeare gradum impossibile est & maximè periculosum. Vidi sic tumores verè œdematosos nec longo tempore perdurantes, per annorum spatium lentè indurari, tandemque lentum incommodum, in suppurationem crurum torquentem & cruciantem abire. Sed longa hæc atque sæva Metastasis, corpori, quod videbatur Medicinæ cuiusvis impervium, sanitatem retulit ipsi priùs vix cognitam. Id sæpè omnibus Medicis evenit, etiam vix sortem hanc sibi spondentibus. Id etiam induratis mammis, post longa indurationis scirrhusæ pericula, felici & insperatâ suppuratione, evenire ægroto gratulatus sum. Quod artem effecisse aliquoties contigit, sæpè etiam naturæ opus fuit. Sic febricula catarrhalis accidentariò concitata sæpè hæc protulit, viribus naturæ concitatis, phænomena.

Hæ Metastases aliquandò per rerum non naturalium influxum contingunt.

Sic etiam quodcumque è rebus non naturalibus corpori immutando idoneum est, dùm similes mutationes afferre potest, Metastasin facit. Hinc adeò famosa est apud Medicos tùm antiquos,

antiquos, tùm recentiores veris efficacia, quæ mechanico etiam & facilè exponendo effectû, <sup>Per tempestatum mutationes.</sup> dùm secretiones & præcipuè perspirationem auget, inertibusque vasis oscillandi vim addit, morbos mutat, languentibusque vasis, oneris parte ablatâ, vires addit, unde sæpè emicat altè in juvenibus cruor è naribus. Pueris pariter, imò infantulis, post longas emaciationes, abscessus crustæque fiunt, quæ hieme delituerant : calor auctus eruptiones auget, verque per omnia diffunditur. At, æstate ingruente, minor fit Metastaseon fecunditas, eò quòd, etiamsi augeatur motus, cœli ariditas vasis & fluidis, vehiculum subtrahit, donec omnia rursus, autumnò ingruente, in pristinam revocentur inertiam, secretiones minuantur, earum intervertatur ordo : unde à Medicis, non sine ratione, notatum est morbos autumnales & longiores esse & difficiliores ad crîsim & curationem. Hinc in senibus præsertim catarrhosa lues autumnò ingruens jam provecto, nonnisi erumpente vere, crîsim accipit sæpè per Metastases ad articulos, ad vesicam & cutem, imò aliquandò per abscessus. Cæterùm iis mutationibus insistere quas Authores adeò plures & annotaverunt & diligenter descripserunt inutile prorsus est, tanquam de re satis cognitâ. At cum HIPPOCRATE sufficiet meminisse barometricam illam corporum animalium virtutem non adeò tempestatibus esse propriam,

ut singulis varietatibus tempestatum, imò & dierum sua non sit in morbis mutandis efficacia. Id enim designat, cum ait, quocumque tempore frigus & calor sibi successerint & se exceperint, morbos autumnales esse expectandos.

Per mutationes locorum.

Quod autem de tempestatibus quæ tempestivè non apparent ait HIPPOCRATES, de locis etiam in quibus ea varietas infamis est, quidni intelligendum? Certè sua est quibuscumque calidis & humentibus locis in advenas descæviens lues; ut in insulis Americanis annotavêre Medici. Sua est etiam septentrionalibus qui ad loca meridiana ablegantur Metastatica depuratio. Ita quasi indigena est Hispanis ad Peruviam adventantibus herpetum eruptio, quam sub feliciori & meliori cœlo conticescere experiuntur. Iis verò qui à meridianis ad septentrionales oras devehuntur, præter omnia catarrhis debita fata, morbi impendent plures erysipelatosi, quos rursus sanat in patrias sedes regressus.

Patrium solum quid in his possit?

Victum à pueris assuctum, propinquorum amicitiam, mentis exhilarationem inter præcipua aëris illius nativi quem adeò multi extollunt commoda recenscam. Nam alioquin quid variabile illud elementum fixi possit atque firmi in corpus agere, nisi ex cognitis atque mechanicis legibus hariolari impossibile est. Certum verò est atque fixum in isto Patriæ amore, sæpiùs factum ut, dum veteres



& altè infitos habitus resumimus, vetera etiam mala recrudescant, deleta etiam per peregrinos habitus sanitas refarciatur: quod iis præsertim locis accidit, quæ situ atque victu multum à cæteris Europæ populis distant: in quo aliquâ ratione homines vegetantium naturam æmulantur, quæ in locis non suis marcescunt & dispereunt, aut certè staturam, colorem, habitum immutant.

Ex hâc brevi circà rerum non naturalium actionem excursionem satis patet, quantum ab illis possit subverti ordo naturæ & ad alias amandari partes; ut, v. g., calor immodicus caput impetit, aëris impetus in pectus & thoracem agit, sive frigidior fuerit, sive aren-tior, gulam, buccas, œsophagi superiora simul invadens. Ventriculi cum capite & cute sympatheia, multis cognita atque deprehen-sa exemplis, id efficit ut ab uno ad aliud ex istis visceribus Metastases facilè deferantur. Quod thoraci minas incutiit sæpè in vesicam atque articulos desæviit. Intereà ingluvies, mala in ventriculo & intestinis coctio hepar, bilis meatus infarcit, vires prostermit, &, æquè omni corpori nociva, primam scenam vulgò, catarrhi more, ad thoracem infert, postcà ad totum æquè corpus dispertitur. At in his casibus nec crises, nec Metastases legitimæ spe-randæ sunt, nisi alvum liberent, sive per hæ-morrhoides enatas, sive per abscessus, sive demùm per diarrhœas, imò & intestinorum

Quid res  
cæteræ non  
naturales?

Quænam  
malis ab in-  
gluvie ortis  
Metastases  
conveniunt?

abscessus, quibus tamen eliminandis aliquandò symbolam confert urinæ latex, quisquillas ferè coctas avehens, plus tamen in juvenibus quàm in ætate provectis, plus in hominibus sanitati propioribus quàm in maximi momenti morbis: ita ut multi negaverint posse per urinas fieri crises, aut Metastases; quod, etsi verum fortè sit in morbis acutioribus, chronicis non competit, quippe contrarium non unâ vice vidi: nam longa & post annos ad hanc viam delata Metastasis plures divexavit mihi probè notos & assiduè visos, dum corpus intereà imbellè priùs corroboraretur evidenter, auferrenturque in his præfocans anxietas, in illis longi & arthritidi spuriae similes articulorum dolores, in aliis etiam totus hydrops insperato & uno quasi impetu abire videretur.

Vera aliquandò per urinas chronicorum crisis & Metastasis.

In ipsâ sanitate crises & Metastases observantur.

Patet ex his corpus, si etiam intrâ sanitatis limites spectetur, totum esse Metastaticum, & cum ad diversitatem summam excrementorum generandam per se, pro circumstantiarum in ipsum incidentium varietate, disponatur, sequitur indè illud, notante sic SANC-TORIO, crisi aliquâ egere, quam statim temporibus fœminæ experiuntur; imò & latentius per occultam perspirationem, impetu quodam menstruo auctam, ut plurimum marium corpora, eodem ad stateram notante, liberantur. At, si ex illo certò ordine qui tam facilè intervertitur, quâcumque de causâ deturbetur, sit

aut morbi feminium, aut crisis. Ita familiares sunt juvenculis hæmorrhagiæ, adultioribus diarrhœæ biliosæ, vetulis decubitus, præcipuè in pulmones, & cum iis bellè à naturâ actum erit, si indè in hanc aliamve partem causa catarrhalis deferatur.

Verùm cum pateat undique textus cellularis, certum est in eam portam facillimè esse deferendos abscessus, ut potè qui tenuiori & laxiori textu gaudeat, aut, si collectio simultanea fieri non possit, in eas partes quæ lymphâ scatent uberiori, ut sunt articuli. Nec ullum viscus ab hâc labe immune dici potest: inest quædam humoribus quasi innata proprietates, visceribus organismi ignoti sympathia, quâ causas externas sibi analogas quasi ad se alliciunt, suscipiunt & mutationes imprimunt, quas sola edocet observatio. Abscessum ab irâ vehementiori natum vidi. Ab insueto furore brevî icterum vulgò flavum & viridifcentem sæpiùs observatum quis nescit? Unde apud veteres bilis pro irâ synonymè sumitur. Cordis palpitationes, imò & thoracis arctationes, postea per abscessum sanandas metus intulit. Veneris nimia & præpostera exercitatio quantam vesicæ & renibus, ut & omni generi nervoso labem intulerit, tot graves indicavêre Authores. Adde quos decubitus sæpè sæpiùs intulit ipsa materiæ nutritiæ exundantia, tùm in juvenibus, tùm in vetulis, ad glandulas, ad articulos, ad ipsa

In quas partes generatim Metastases fiant & abscessus.

ossium capita, quæ scivisse, ad quæ attendisse necesse est, ut omnis Metastasis doctrina comprehendatur. Nec mirum si morbi prius ignoti Metastasis, ipsius causam seriùs edocuit.

Ex his intelligitur omne Metastaseon systema in chronicis.

At illa quidem corpus humanum spectandi ratio satis intelligere sinit quâ possit ratione fieri, ut non solum in morbis chronicis satis aliundè cognitis, fiant Metastases de quibus jam egimus, sed etiam quâ fiat ut causarii illi de sanitate anxii, sibi ipsis onerosi, aliis importuni, aliquandò, collectis naturæ viribus, ad sanitatem per abscessus improvisos reducantur; quomodò Metastasi, sive per artem fonticulis atque cauterio inustæ succedat aliquandò nova Metastasis; scilicet à naturâ humor depositus & in motum actus in alium locum fertur, magno sæpè agrotantium infortunio. Nunc igitur in morbis acutis exsequenda superest Metastasis.

Metastasis in acutis supponit aliquid inflammatorii.

Morbi quidem acuti qui Metastasin experiri possunt & crisin qualemcumque, omnes quidem certâ ratione vires in motum actas supponunt, & stimulum insignem quo partes hostiles permutatæ emunguntur. Hinc omnes qui Metastasin salutarem possunt experiri morbi, aliquid sub se habent inflammatorii: at non eadem ipsis forma, nec causa similis.

Quot acutorum species Metastasin patiantur?

Hinc Metastatici dici possunt morbi 1<sup>o</sup> inflammatorii propriè sic dicti, sive sint illi phlegmonosi, sive erysipelata mentiantur,

sive demùm œdema calidum atque renitens efficiant. 2°. Illi qui à veneno aliquo intùs quâcumque de causâ introducto pendent. 3°. Illi qui ab intùs natâ putredine, aut acredine quâcumque trahunt originem: symptomatibus quidem multùm differunt illi ab his qui purè inflammatorii dicendi sunt, licèt multa habeant symptomata cum illis communia. 4°. Demùm ultimum at non minimum locum occupant qui à suppressâ aliquâ vacuatione pendere dici possunt. Verùm hæc jam Metastaseon natura sat fusè in causis tractata est; neque jam in præcedenti capite sat exacta, hîc rursùs recensere animus est. Licèt autem omnes illæ morborum classes referantur ad actionem acridinis vasa stimulantis, & æstum, aut saltem calorem qualemcumque concitantis, tamen, cùm sua sibi unaquæque acredo propria habeat symptomata, propriosque indè exerat effectus, servat etiam & profert propriam sibi & Metastaseos formam & symptomata.

Inflammatorii certè morbi primam atque præcipuam classem constituunt; circà quorum varias species multa etiam Metastases consideranti distinguenda sunt. Differunt enim ratione symptomatum & effectuum, ratione causæ & loci quem occupant. Primò quidem morbi inflammatorii alii universales sunt; peculiarem alii sedem occupant. Inflammatorii universales, vel ab æstu concitato in interiora

Prima Metastaseon classis in morbis inflammatoriis.

Quorum varietates ad doctrinam Metastaseon non inutiles.



grassante nati, & à circuitu per stimulum externum qualemcumque aucto effervescentes, nihil in peculiari causâ sibi vindicant. Hi FEBREM ARDENTEM sic Veteribus aliquandò dictam nobis exhibent, ignis etiam nomine simpliciter ab Authoribus designati. Aliquandò etiam, ut bilis pro principio inflammationis habebatur, biliosæ febres vocatæ sunt. Hi à causâ hostili acri irritante pendent, sive illa repetenda sit à rerum non naturalium influxu, sive ab atomis hostilibus intus admissis. Si autem leves sint, & functionibus, præsertim vitalibus, auctis tantum, sed vix læsis, nihil metuendum offerant; post paucos dies ita resolvuntur, ut, proventu tantum excrementorum aucto, atque sedimentis, ut in urinâ patet, condensatis atque copiosius exeuntibus, morbus solvatur. Nam nulla coctio, nulla morbi levatio, nulla morbi sanatio concipi potest, quin excrementa illa cocta & in ordinem naturæ redacta exeant. Si verò violentior fuerit inflammatio, omnia majora & vehementiora emicabunt, respiratio cita, vel intercisa, ardens, pulsus vehemens, calor exurens; omnia excrementa cruda, pauca, urentia, imò & debilium viscerum consensus, deliria, tusses, renum dolores concitant: hinc coctio tardior, protractior morbus. At si mitescunt omnia; necesse est ex ratione & proportionem vehementiæ sympto-

Metafastes  
in levibus  
illis raræ ad  
graves tantum  
pertinent.

matum majorem cumulari excrementorum copiam, quæ, ubi jam motu & mutatione nocendi vim amiserunt, crisin atque impetum copiâ & agglomeratione partium inter se analogarum concitant, & vario modo, pro loci affecti declivitate, aut debilitate auferuntur in ægri salutem. At si excrementosæ illæ partes, aut ubertate peccant, aut aliquid è pristinx acredinis indole obtinent, nec jam illis viam per naturalia emunctoria sibi cudere licuerit, brevî in textum cellulosum, naturâ suâ laxiorem & cedentem externorum impulsui, materies illa deponetur, ibique collecta, calore loci & inflammationis fota, in pus abibit, novum sibi parabit exitum, fietque abscessus sic propriè dictus, vera inflammationis sequela, & Metastasis phlegmonodæ dyscrasiæ evidentissima. Hæc quidem aperta est & maximè communis abscessuum phlegmonodeorum origo. At si aliqua priùs pars indoluerit, aut vitio aliquo intincta fuerit, huc materiam ferri æquum est; unde universalis in peculiarem morbum vertitur: quod sæpè, causâ aliquâ in omnes agente, epidemicum fit.

Verùm etsi causæ huic producendæ Metastasi concurrentes multùm differant, ut effectus earum primarius idem est, scilicet inflammatio, sic eadem est excrementorum indè generatorum forma, & licèt inter se per diversam partium volatiliū exaltationem, per

Metastases  
in pus &  
abscessus,  
quandò fiant  
& in quas  
partes?

Pus idem  
ex variis  
causis.

densatarum molecularum tenuationem varia inferant phænomena, adeoque inter se discrepare videantur, in hoc conveniunt ut idem sensibus offerant productum, scilicet pus album, leve & æquale, si omnia ex ordine processerint.

Paris  
theoria.

Scilicet effectus est necessarius & quasi mechanicus motûs perpetui in humorem mutabilem & alterationis capacem, ut principia ejus & tenuioris evadant substantiæ, & densitatem ex intimiore partium unione, conjugatione, forsan & mutuâ attractione, contrahant. Hinc quò humores intrâ corpus & plus laboris experti sunt, & diutiùs vasorum actionem pertulerunt, eò etiam magis partium tenuium & volatiliùm emittunt, ac ponderis, sub eodem volumine, plus acquirunt: fluat ergò & ponderosiores simul atque tenuiores. Densitas ergò atque pondus principiorum, tenuitasque eorundem novum humorem efficiunt, qui ex inspissatâ crustosâque & jam hærente lymphâ vertitur in excrementum leve & æquale ex partibus ponderosis, imò & etiam aliquandò solidatis, tophosis scilicet atque calculosis constans; & illud aliquandò in levibus præsertim morbis, iisque qui solvuntur per urinas, exit sub formâ sedimenti ponderosi quod puris formam æmularatur. At si, aut copiosius fuerit, aut aliquid etiam retinuerit acredinis nativæ quâ ipsi

Pus elimi-  
natur per  
urinas, aut  
per inflam-  
matorias  
Metastases  
in varias  
partes.

exitus denegatur, in textum cellularem patentem per collectas vires decumbit, fitque sæpè abscessus, nullo prævio inflammationis centro annuntiatus, estque vera inflammatoria Metastasis, suppuratioque illicò nata nil de morbo relinquit residui præter suppurationis incommoda, eò copiosiora quò morbus antecedens fuerit vehementior, quò pars excipiens laxior atque magis cellulosa. Hæc est vera Metastasis, quæ in junioribus vulgò, aut ad parotides, quod infantum proprium est, aut ad inguina, aut versùs articulos deferitur, & à quibus sæpè liberavit urina fluens, crassa, & copiosa; in adultioribus versùs musculorum intervalla, anum, renes, perniciem intentant abscessus illi, quippe parvus datur exitus, nec omnimodus, dùm interea corpus universum in pus vertitur, & lenta tabes universam machinam depascitur. Verum, si aliquod extiterit etiam in morbo universim inflammatorio inflammationis centrum, unde omnia fluant & ad quod referantur, jam non alibi ferentur humores quàm in centrum illud, quòd jam quasi laceratum & discissum sese obvium, omnibus causis incidentibus, præbet: unde tot inflammationes tam internæ quàm externæ in suppurationem versæ. Nec difficile est indè intelligere cur tot inflammationes, quæ in junioribus per hæmorrhagiam judicabantur, in vetulis abscessum efficiant, cum in his pars sanguinis

Aut centrum inflammatorium in morbo natum occupat.

rubra non adeò ubertim reperiatur, sanguisque jam glutinosus facile concreascit. Nec difficiliùs etiam intelligere licet cur tam obivium sit sputa puriformia benè cocta, cum pure confusa habere, eaque promiscuè introspicere, cum tanta sit inter crisin illam & hanc Metastasin analogia, quam vix nisi sequelæ distinguant inter se. Nec certè ex observatis

Aut in vasis  
jam pus con-  
fectum, sine  
inflamma-  
tione in par-  
tes abscedit.

hisce non intelligitur quò fiat ut in morbis summè inflammatoriis, nec ullo tamen inflammatorio centro notabilibus, subito & quasi confertim nascantur abscessus enòrmes, qui ingentem vim puris sub scalpro aperiente effundant, cum etiam musculorum intervalla eo repleantur. Facta est scilicet intrà sanguinea vasa crustæ priùs inflammatoriæ tenuatio in puriformem prorsus materiam, quæ urinas, sputa invadat, & simul in textum cellularem deponatur, ita ut homo in pus versus videatur: quod quidem eò timendum magis est quò ægrum corpus magis sanguineæ fuerit constitutionis. Nec rarum est in arte hæmorrhagias imprudenter cohibitas in abscessus faceßere; quod observatum est quidem in morborum acutorum historiâ, verùm etiam extrà morbos observatur: nam sæpè, præsertim in validis ac robustis & hæmorrhagiæ assuetis, sine ullo symptomatum apparatu plethora mota, anxiosos, graves efficiens sine ullo morbo homines, si præsertim catarrhodes quid jungatur, abscessus efficit, quam-

Abscessus  
nati absque  
morbis præ-  
viis.



quàm in statu naturali frequentius sit hæmorrhagias per diarrhœam biliosam suppleri. Rem observavêre antiquiores artis Magistri.

Patet ex his illud quod ex ipsis effectibus necessario sequitur, in morbis plerisque evidenter inflammatoriis, imò & in aliis quibuscumque admittendam esse non unam Metastaseon differentiam; ita ut alia sit, ut Medici loquuntur, Metastasis causæ, alia sit symptomatum: nam causa quidem sæpè per Metastasin tollitur. At si vehemens fuerit inflammatio, cum circuitûs ipsius violentus furor, cum calor necessario humorum moli mutationes inferant, potest, imò debet inde ingens excrementorum moles nasci, quæ sublatâ quidem priori & principe causâ, aut per crisin, aut per suppurationem videtur conticescere: at dolores supersunt; osteocopos dicebant Antiqui, languet cum incertis cruciatibus anxius æger. Nova igitur ex hoc naturæ ordine interrupto exoritur causa, quæ tandem vertitur in abscessum qualemcumque, ita ut inde consistat massa, quæ morbo faciendo per se primùm non conduxerat: & casus ille juvenum est, præsertim quibus hæserit hæmorrhagia. Porro ex hac causâ à morbis jam exactis & profligatis longi exorti undequâque dolores, nonnisi longo tempore in abscessus colliguntur, &, ab articulis præsertim incipientes, sub inflammatorii rheumatismi, aut sævæ ischiados nomine, post

In inflammatoriis Metastases aliæ causæ, aliæ symptomatum.

Materia per inflammatorium morbum producta sæpè Metastasin secundariam facit.

menes plures, aut thoracem, aut hepar abscellu fatigant, aut, quod melius, in cutem & textum cellularem & ad crura decumbunt. Superfuit enim ab inflammatione prægressâ malè solutâ humor excrementitius, qui, dum sub dissimulatâ inertiâ acredinem concipit, novum morbum efficit, sæpè etiam abscessus improvisos elicit; pluries casum hunc, si ad præterita attendere detur, reperiens, lethalemque exitum falsæ reconvalescentiæ plausu propinquorum olim exceptæ miraberis; quod quidem præsertim in ætatum necessariâ mutatione, aut in victûs atque regionum conversione annotare est. In hisce enim casibus, causâ primariâ non subsistente, absoluta tamen solutio impossibilis est, vigente & corpori inhærente humorum pessumdatorum mole, quæ primum comitata morbum, novum nunc, ipsâ corporis conditione mutatâ, affectum parturit & educat.

In inflam-  
matoriis Me-  
tastases etiam  
pendent à  
specificâ acris  
morbofi na-  
turâ.

Alius est Metastaseon ordo in morbis qui ab acri prorsus extraneo intrâ corpus introducto pendent: illud enim, aut individuo unico peculiare est & in corpore à cæteris se juncto natum, ita ut in ipso solùm visum sit, nec prætereà usquam. Id observatione prosequendum, viasque naturæ subodorari signis tum salutaribus, tum exitalibus ritè perpenſis, plerumque ars attentata potest. Aut est epidemicum & per populum sese dispergens, illudque in omnibus communia infert phæ-

nomina; aut endemicum, vel gentilitium etiam esse potest. Suam acre illud indolem sibi habet, à Medicis sedulioribus deprehendendam, sed, quâcumque agat ratione, sive fixioris sit naturæ, sive volatilis magis, ejus tamen effectus ad classes certas actionis referuntur. Nam aut phlegmonem concitat, aut ad erysipelatis naturam accedit, aut saltem ad calidi illius œdematis indolem, quod pro erysipelate jure habeas, revocari debet. Aliquando, ut in variolis, omnes hosce characteres seorsim & diversis temporibus insumit. Verum, si hasce agentis naturæ formas è medio sustuleris, alia prorsus supererit Metastaseos statuenda idea: nam qui aliquando morbis etiam vehementissimis Metastaseon formâ supersunt dolores, etiam vehementes, erratici, ii, ut jam abundè dictum, ocyus ferius in abscessus finiuntur. Sed aliquando evenisse visum est ut, mutatâ prorsus, & quasi exhaustâ priori nocendi formâ, dispareat illarum causarum agendi norma, cessat fibrarum erethismus, disperit nervorum sensus ad actionem exstimulans, supersunt congestiones, quæ scirrhosos infarctus efficient atque obstructions, quibus solvendis nova erit accersenda Metastasis. Illi quidem dolores, dum principio per actionem naturæ fiebant, phlogosim sibi ascitam habuere, quæ, cessante actione naturæ, conticuit. Quid his superest? Ut quæ struxit ipsis impedimenta

Varia ejus  
acris indoles  
per effectus  
deprehenda.

Congestiones & obstructions  
post morbos  
inflammatorios exactos  
maximè in  
senibus.

vasorum inertia, compressione, circuituque vasorum impedito, crescant, vicina compriment, obstant functionibus omnibus, in hydropem postea abeant: quod fatum precipue seniorum est & decrepitorum illorum, in quibus natura debiles admodum nixus facit, & in quibus id familiare est, ut ad crura Metastasis morborum oedemati molli atque cedenti jungat ulcera, ob laxitatem & inertiam ferè insanabilia. Id etiam in hac ætate accidit, ut vel vehementissimi antea morbi sibi laxiorem & oedematofam indolem assument. Fit enim Metastasis & partium nocivarum amandatio, sed desunt vires, & phlogosi cessante remanet obstructio, à quâ nulla speranda est Metastasis; timenda verò sola Metaptosis gangrænosa, quæ mortem & annuntiat & præcedit vulgò.

Rara est phlegmonis semel nati Metastasis, nisi in ferocissimo malo aut debilibus ægis.

Porro insignis illa & regularis suppurationum scena ad phlegmonem & phlegmonodeum ardorem solos pertinet; qui ubi semel intus conceptus est, atque vehementer infusus, rarò sedem suam deserit, plus metuendus vicinæ quàm aliis partibus. Sed duplici tamen ratione, etiam in Metastasi, pertimescendum se præstat, dum scilicet universus sanguis & omnis ejus moles in pus quasi verti videtur, vel ubi tantâ ferocit violentiâ ut gangræna metuenda sit, quod accidit quoties, aut ignis tantâ vi incenditur ut jam nullus ordo, nulla partium conjugatio fieri possit,

sed omnia tenuissima auferantur & vitalis aura avolet; vel viribus, aut deficientibus, aut confidentibus, natura opus requisitum nequit perficere & absolvere. Prius quotidianum est in bubonibus illis qui ante coctionem apparent. Unde, præter ephemeras, febres à bubonibus incipientes esse pro malignis habendas edixit HIPPOCRATES. In posteriori casu, partes nocivæ, recusante vi vitali, nec inviscantur, nec cœunt; & in debilitate summâ quidni ergò vitam supprimant in læsâ parte?

At verò sæpius à malè moratâ naturæ actione semicoctum pus erumpit, & crisis imperfecta ab inchoatâ, necdum perfectâ Metastasi expectanda est. Certè à phlegmonibus atque phygettis malè suppuratis in casibus non adeò malignis ortos atque perdurantes, imò pervicaciâ eludentes medicamina vidi pruritus enormes, importunos, omni majores patientiâ, qui semper aliquid erysipelatosi subditum supponunt; ut & pruritus per phlegmonem enatam tolli in junioribus observare contigit. Verùm indè concluditur posse quidem non suppuratam phlegmonem retro-  
 pelli; at tunc causam phlegmonis non universim per suppurationem superficierum tolli videmus, materiemque huc illuc delatam, aut alias phlegmones, aut etiam erysipelata, herpes, aut alterius generis exanthemata in membranas atque cutis extrema deferre,

Nonnunquam tamen imperfectus phlegmo Metastaticè repelli potest.



novas & improvifas clades aliquandò concitatura. Plus tamen metuendum erat à phlegmone, glandulis, vifceribusque pulpoſis (ſi fas ita loqui), plus verò ab eryſipelate, membranofis nervoſiſque partibus, quæ quidem eryſipelate ſic propriè dicto non afficiuntur, quandòquidem illud ad cutem ſolam pertinet, ſed ſpaſmo ſtringuntur inflammatorio, & ichore, ut cum HIPPOCRATE loquar, diffluunt.\*

In inflam-  
matoriis fre-  
quentiùs  
hinc eryſipe-  
latofæ Me-  
taſtaſes.

At illa quæ eryſipelas mentitur acredo, ferè univerſim ſpectatà, in Metaptoſibus conſtituitur; aliquandò tamen veras, ſæpè fallaces, & ſæpiùs redivivas Metaſtaſes efficiens in morbis vel vehementiſſimis; quippe materies eryſipelati inducendo apta per ſe, etiamſi fuerit pertinaci cum humorum atomis nexa vinculo, minori impetu ſolida laceſſit atque deſtruit, unde ab his ad illas partes faciliùs fertur. In eruptionem hujusmodi abit ſæpè in junioribus reſpreſſa hæmorrhagia, abit & ſeroſa diarrhœa, abit etiam quaſi propriâ naturâ ſudor retropreſſus. Illa quidem eryſipelatoſa diatheſis nuſquam pro univerſali humorum indole habenda eſt: extranea ſemper eſt, cum pendeat, ubi non ab externâ combuſtione, aut locali impreſſione orta eſt, ab admiſſâ, aut natâ intùs acredine, quæ perſpirationis vias affectabat, & ad earum hæſitabat oſtia. Ab hâc cauſarum clafſe, omnes febrium gradus oriri fas eſt; nam modò le-

vissimas, vixque notatu dignas, & solutione simplici resolvendas invehit, modò vehementissimas concitat, imò & ardore urente notabiles, pro vario acris veneni morfu atque nocendi efficacità. At illæ, ubi externè erysipelas concitarunt, mitigantur vulgò. Aliquando tamen, erysipelate extante, supersunt febres; scilicet erysipelatoſa eruptio Metaſtaseos naturam frustrà æmulatur, ubi mäteries aut superflua superabundat, aut partes aliquas occupat erysipelatoſo humorì fovendo idoneas, ut est gula, larynx, pharynx, ventriculus atque intestina, in quæ humor ille exundat: verùm infeliciùs thoracem & pleuram invadit illamque occupat, quod vincitur infortunium, si novâ nec in robustioribus incognitâ Metaſtasi, rursùs ab hisce visceribus ad cutim possit ille humor deferri; quod jam scivère Veteres, in quod semper consentiunt Authores etiam recentiores, & ii qui tantum posuère in admo- vendis vesicantibus fiducia, quæ nihil aliud ad cutim afferunt præter verum erysipelas, in phlegmonodeam naturam sæpè degener. Nec opus est hîc in ea insistere quæ circa hanc Metaſtasin annotavère ab HIPPOCRATE omnes: quippe ea est humoris erysipelatoſi illius volatilitas atque tenuitas, ut non solùm ab internis ad externa deferatur, sed etiam di- versas partes, nunc huc, nunc illuc delatum, occupet; sæpè à capite ad crura feratur, nunc

Humoris  
erysipelatoſi  
summa in-  
constantia.

dorsum, nunc faciem invadens, improvisum ubique & inexpectatum. Sic illud vidi à capite incipiens, cum jam sanatum videretur & ægra de sanitate restitutâ sibi plauderet, omnes, ne unâ quidem exceptâ, partes externas successivè invasisse, datis perfidæ quietis intervallis. Verum id quidem omnibus erysipelatibus, sive illa Metastaseos naturam habeant, sive ipsa morbi causam constituent, commune est, ut sibi ipsis veram faciant, mutatâ sæpè sede, symptomatis cutanei Metastasin. At erysipelas Metastasin faciens, summâ artis curâ servandum atque fovendum, juvenibus satis commune est; & anginx, sive veræ, sive spurix Metastasin familiarem producit: contrâ verò capitis doloribus, caro, comati, prælusisse sæpè visum est, ac præcipuè ventriculi atque intestinorum morbis, & præsertim dysenterix. At symptomaticum atque prævium omnibus erysipelatosi cutis affectibus, anxium, nauseosumque ventriculi cruciatum quis non vidit? Imò &, quamvis vulgò comes se præbeat articulorum morbis, aliquandò tamen ipsorum crisis fuit. At in mulierum morbis menstrua dum cohibentur, non rarò ipsis ad faciem & oculos erumpunt erysipelata: infantum dentitioni quoties erysipelata pro Metaptosi sunt? Quoties etiam pro Metastasi? Cutis scilicet infantum tenera atque levis ipsorum

impetui patet, quoties acescens & ferè lactea cohibetur perspiratio.

In genere quodcumque acre & fugax est erysipelatis formam facillè assumit; unde tussibus & pertussibus, nauseis atque vomitibus, iisque quæ sibi succedunt invicem sine ullo necessitudinis arcto vinculo symptomatibus, fas est succedere erysipelas in quâcumque ætate, in quâcumque tempestate, quod ad cutim esse servandum magnâ sollicitudine ipsa ratio indicat; quippe quâ facilitate erumpit eadem retropellitur.

Acre fugax  
omne facillè  
erysipelatis  
formam induit.

At certè id in corporis necessariâ mutatione verum, iis præcipuè imminere juvenibus erysipelata qui simul juniores facillè hæmorrhagiis laborant, iisque postea metuendos esse abscessus & hæmorrhoidas. Ætas ingravescens dolores ad articulos efficiet; postea verò in senio cutis textus & omnes cellulæ excipient acre illud, unde & pruritus & omnes efflorescentiæ cutaneæ, quarum, licèt causâ sæpè multum differat, effectus tamen idem est, scilicet erysipelas, quorum alia summe mordentia & dolorifera, alia prurientia, alia phlyctænosa sunt & gangrænæ proxima.

Erysipelatis  
pro ætatum  
successione  
phases.

Hinc alia Metastaseon classis intelligitur: scilicet earum quæ à causâ pendent, ut ita dicam, alienigenâ, quæ toties, dirâ Metastasi in viscera delapsa, phthisim, vel hydropem tandem accersivit: primam, si partes phlogosi lentâ vix notandâ at pervicaci affe-

Secunda  
Metastaseon  
classis à fo-  
mitibus cor-  
pori extra-  
neis & ad-  
ventitiis.

Fomites  
illi intus  
nunc phlo-  
gosim, nunc  
lentas ob-  
struct ones  
pariunt.

Illos in cu-  
tem reduces  
sanatio se-  
quitur.

Facile re-  
crudescunt.

cit; alteram, si, ipsam viscerum substan-  
tiam adorta, actionem virium retulerit, atque  
verterit sese & vicina in scirrhosam duritiem.  
In hoc ultimo casu Metastasis, antequam  
materies fixior evaserit, salutari omine appa-  
ret, & coctione præcedenti nuntiatur. Id  
toties scabiei retropulsæ, herpetibus, faciei  
pustulis accidit, ut non minimam morborum  
interiora lento morsu depascentium partem ad  
hanc causam referre æquum sit. Hæc porro  
Metastaseon species non solum genere acre-  
dinis differt, sed gradu & variis effectibus.  
Tunc sæpè herpetibus, aut aliquâ cutis defor-  
mitate apparentibus contiguere tussis, dysen-  
terix, vomitus, singultus, aliaque hujus-  
modi symptomata. Sed hæc mutationes  
expectare vix fas est, nisi jam in causario  
anteà ægro aliqua istorum morborum signa  
præcedentia extiterint, aut anteaactæ vitæ his-  
toria simile quid expectandum edocuerit.  
Quippe miserè nos edocet observatio quòd,  
etsi hujusmodi extranea excrementa videantur  
devicta, quasi è cineribus reviviscant illa;  
tùm verò illos, qui morbos à causâ intus si-  
mili latente experiuntur, iis non unâ vice esse  
obnoxios, similesque Metastases pluries pati,  
donec corpori & humorum similium genera-  
tioni tempus, ætas, locorum mutatio va-  
rietatem necessariam attulerint. Speranda qui-  
dem & omni arte & operâ molienda Metasta-  
sis, quoties retropulsa eadem, aut etiam



Metaptosis quæcumque morbum efficit visceribus infestum. Verùm aliquandò quidem confestim retropulsa lues nocet; aliquandò sub specie fallacis inertiae vix inferre malum videtur, donec novas vires nacta novum efficiat mali centrum; sed tunc illam ad pristinas sedes revocare non adeò facile est. Aliquandò subito emicat, &, pro partis naturâ atque sensibilitate, acutos struit inflammatoriosque morbos. Felix fortunatumque erit si novus ille affectus, à causâ impetuosè agente prolatus, nondùm accisis viribus, nondùm occupatâ per congestionem sede fixâ, ad locum derelictum novo impetu feratur; & in hoc quidem eventu sperando multas conditiones animadvertere fas est. Sit, v. g., acuta eruptio retropulsa, scabiei, v. g., in pulmones tussi acutâ, febre, suffocatione sæviens; sit eadem in caput apoplectico modo functiones lædens, aut etiam vomitu atque singultu ventriculum fatigans, certè multò major spes eminet eam ad cutem revocandam, si, dùm omni ope atque operâ erethismum tollimus, laxatio & ad cutem derivatio eam revocet. Omne enim malum, eâdem non mutatâ causâ, à loci diversitate funestam minatur ægro sortem, & in solâ symptomatum vehementiâ consistit, quæ si tollantur, viscera remanent intacta, nondùm scilicet destructo, aut pefsumdato organismo. At ubi lentè in viscera quorum substantia vix dolet, glandulasve de-

Retropulsi  
nunc protinûs, nunc  
lentè no-  
cent.

Si lentè  
noceant, no-  
cent sæpè pe-  
riculosius.

cubuit, ut hepar, lien, imò ipsa intima pul-  
monum à nervis sejuncta substantia, de de-  
leto malo sibi gratulantur ægri, vix aliquid  
intus latere morbosæ luis suspicantes. Me-  
tastasis illa pessima, lentâ tabe inflictâ, conge-  
ritur latenter, latenter ipsam viscerum exedit  
substantiam, quâ jam, per veneni intus gras-  
santis vix sensilem efficaciam, exesâ atque  
immutatâ, virus ipsum vix revocare possis ad  
cutem, quippe jam intimè substantiæ viscerum  
adhæret, & ipsis suam afflavit indolem. Hinc  
corpus lentâ tabe pereditur, quippe indè  
atomi nocentes quâquâversum feruntur. Hanc  
frustrâ ad pristinam sedem revocare satagas:  
illius est recreare qui creavit. Qui casus  
sæpè fuit illis accersitus mulieribus, quæ,  
cutis deformitatem dum metuunt, insidias  
pulmoni illatas, aut vix sentiunt, aut de iis  
queri nefas arbitrantur, ne sapientum con-  
silia de latente tabe admoneant, operamque  
impendant, ut vel ipsius formæ dispendio  
pristinæ sedes malum occupet. At postea ferâ  
pœnitentiâ imprudentiam expendunt; nam,  
uti jam dictum, vix ulla certa spes Metas-  
taseos plenariæ affulget, quæ tamen non  
omninò inaudita fuit.

Horum  
Metastases  
fiunt, vel in-  
tegrâ fomitibus  
manente na-  
tura;

Hæ quidem Metastaseon species tria ge-  
nera constituunt præcipua, quæ in morborum  
variis speciebus occurrunt, & specie quidem  
criseos annotari possunt. Materia scilicet  
morbifica antea descæviens, nec solutionis  
absolutæ

absolutæ spem finens concipi, aliquandò qualis antea fuit ad minùs periculosa loca, per naturæ vires in hunc unum scopum conjuratas & conspirantes, cum coctionis præviæ signis certioribus, expellitur, pristinum semper servans characterem; aliquandò etiam penitus immutata & in novam conversa materiem. Sic sæpè erysipelas, per internas simul atque externas partes feralem personam agens, in phlegmonem fixiorem abit & anthracibus reperitis tollitur. Sic herpes etiam morbos inflammatorios attulerunt, à quibus mutati & crîsim per urinas & Metastasin per abscessus invenerunt. Sic hæmorrhagiæ quæ criticæ esse debuerunt, imprudenter cohibitæ, post longa morbi maligni tormenta, crîsim per abscessus invenerunt. At aliquandò abscessus ipse visceribus insidens, tabumque periculosum efficiens, per varios partis ferè ulceratæ & totiùs naturæ nixus, in abscessum legitimum mutatus est, & cellularem textum salvo viscere occupavit. Non solùm ichor in puris naturam conversus est, sed centrum morbi mutatum. In genere enim ubi partes solidæ non avulsæ, aut organismus non destructus est, in id conspirat natura, ut à partibus in quibus metuenda est stasis, ad securum magis locum transferat materiam. An id instinctu aliquo atque providentiâ præviâ fiat, ut STAHLII Discipuli voluerunt, quærere vix utile est; modò de observatione constet. Suf-

Vel mutata  
ejus formâ &  
indole;

Vel abs-  
cessu jam in-  
tùs formato  
ad exteriora  
tamen sese  
salubriter  
vertente.

ficiet tamen hîc annotasse partes omnes, quò majori sunt in œconomiâ animali momenti, cò majores ex ipsâ mechanicâ structurâ causis impetentibus offerre resistentias, minùs verò resistere & contrà cedere faciliùs, textum cellulare[m] qui non solùm undequâque per corpus universum extenditur, sed inter se communicantibus cellulis ita constat, ut nulla sit quæ non intimum cum aliis quibuscumque ejusdem textûs partibus commercium exerceat.

Tertia Me-  
tastaseon  
species à ma-  
teriâ intus  
enatâ in  
morbis.

Verùm, præter hæc omnes Metastaticas quæ antea extiterant partes, plurimæ aliæ sunt Metastases, quæ in morbis ipsis à causâ quidem præviâ pendent, sed in ipso corpore excrementorum loco fotæ, natæ, atque educatæ sunt. Tale nobis exemplum præbent morbi quicumque epidemici, qui, dum summâ desæviunt violentiâ, parem Metastaseon formam æmulantur, causâ scilicet pari. Sic pluribus ad parotides, & axillas, & ad inguina nascuntur suppurantes glandulæ, quas summâ curâ servare apertas artis est, cum nihil tale antea in corpore extiterit. Crusta primùm nascitur inflammatoria, postea ingens ichoris primò, postea puris copia exstat. Ipsa

Metastaseos  
hujus mate-  
ria à causâ  
mali sæpè  
prorsus di-  
versa est &  
non unius  
formæ ca-  
pax.

contagii causa quid cum pure commune habet? Facile est id in phlegmonodeâ causæ naturâ deprehendere & evincere, cum scilicet illud pus ipsum, parti nocenti involvendæ ejusque efficaciz auferendæ & mitigandæ aptum, intrâ sani animalis vasa infusum,

contagiosam pestem evidenter accersat, cujus effectus nonnisi jam fracto morbo pus rursum eliciat, antea verò dira concitet symptomata, eaque contagione infecta. Quidni res eadem accidat in erysipelate? Vidi ego herpes, qui antea non sui ulla dederant indicia, post morbos acutos epidemicos affatim erumpere. An latebat intus eorum quasi præludium & prospera? Res quidem potest vera esse. At, illud herpeticum genus, postquam deferbuit omninò morbus, evanuit & cessavit, potiùsquam sanatum est: nunquam revocatum fuit aut renovatum, jure certè inter Metastases locum sibi vindicans. Præterea verò ubi densitas illa inflammatoria in pus versa non est, sæpè per se glandulas occupat & corporis universam molem reliquit. Tuncque defervescente erethismo, in mollibus præsertim vixque actuosis corporibus, indurantur illæ, concrecenteque muco & quasi solidato, scirrhosam brevi accipiunt atque mutantur indolem; quæ quidem scirrhusa massa quomodò illicò concreseat, & in duras moleculas granulofas adeò promptè vertatur, ut lapideam duritiem Metastasis illa mentiatur, non mirabitur quicumque attenderit quàm facile crusta illa per vim sanguinis densata concreseat & solida evadat, parvo temporis intervallo, etiam in vasculis ad emissum sanguinem continendum destinatis.

Verum, etiamsi Metastasis, propriè sumpta,



Eadem in  
quibundam  
chronicis  
oritur Me-  
tastasis con-  
species.

sæpius ad morbos acutos pertineat quàm ad alios, dantur tamen morbi non quidem acuti, sed actionem naturæ & efficientes & supponentes, in quibus sæpè dato impetu Metastasis fit etiam subita & acutorum in morem.

In œdema-  
tibus calidis.

Hujus generis sunt œdemata illa, quæ forsan maxima sui parte inflammatoria dici possunt, & ab HIPPOCRATE aliisque Authoribus digito non cedentia nuncupantur. Pellucida sunt illa atque nitentia, sub cute tamen tensâ atque rupturam minitante: attrectata dolent, imò & facili de causâ rubore facilè evanescente afficiuntur. Porrò licèt ad erysipelas referantur, coloreque tantùm differant ab illo, id habent peculiare quòd plus inertix in naturâ supponant, aut minùs efficacix in causâ lædente; hincque plus vulgò ad partes infimas pertinent quàm ad alias, ad longævam ætatem quàm ad juvenilem alacritatem, ad loca frigida quàm ad ea quæ fervidiori sole incalescunt: unde iis accidit œdematibus ut sæpè à parte in partem ferantur; & si, infortunio aliquo, à parte minùs nobili ad viscus aliquod devehantur, facile est in his casibus novam sibi spondere Metastasin, cum vasa, aut vix accisa sunt, aut vix erethismo densata. Hinc sæpè accidit ut tûmor qui priùs ad pulmones, postea ad pedes Metastaseos in morem delatus fuerat, tandem per ingentem urinarum fluxum evanescat & criticè avehatur. Quod etiam iis œdematibus accidere videtur

quæ à morfibus animalium pendent. Adeò verum est illud quod jam ediximus ipsa morbi excrementa ab eo generari, nec antea extitisse. Vidi ego hominem, gravi suffocatione ferè peremptum, illicò & quasi temporis momento pedum tumore sublevari, ita ut ritè incederet, bellè decumberet, qui postea tumor pedum per urinas evaserat. At eadem causa idem bis effecit, donec tandem, deficientibus viribus, idem levamentum prorsus supervacaneum ipsa reddiderit toties renovata recidiva. Uno verbo, in omnibus morbis actuosus, etiamsi ab inflammatione distent, modò solida non disrupta fuerint, modò non deletus sit organismus partium solidarum in fluidas agentium, Metastasis à partibus actione præditis ad cellulas ferè inertes speranda est. Quid etiam in morbis in quibus actio elanguet & quasi dormitat alius est Metastaseon ordo, quem occursum non omninò deleta spes est.

Morbi quidem in quibus vires elanguent triplici sub aspectu spectari possunt. In aliis scilicet principium vitale actuosum soporatur, & quasi oppressum indormiscit, unde & cordis elanguet actio, & respiratio veterioso sopore sonora, fatiscit; in aliis à causâ putredinosâ prosternuntur & opprimuntur vires vitales; in aliis demùm omnes actiones elanguescunt, dimidiatamque, ut ita dicam, vitam degent ægri, sublati viri-

Eadem & in morbis soporosis & virium prostratione notandis.

bus, exhaustoque ac deficiente actuositatis principio. In prioribus, ubi jam nulla exercetur functio ac vita fatiscit, quid sperandum? At, si respiratio cordisque motus integri supersunt, morbi somno analogi nullam non Metastasin experiuntur. Ita sæpè à veterno liberavit abscessus ubicumque natus, aliquandò ad parotides, aliquandò pessimo omine ad pulmones. At sæpiùs diarrhœa spontè enata atque dysenteria ab hoc veterno agros extraxerunt. Imò febris ipsa pro quâdam habenda Metastasi. Quid enim! Tot causæ capitis arcem impetunt, tot in eam defæviunt? Et quamvis pars ipsa tono aliquo vix donari videatur, quamvis actionibus obsit ipsa veternosâ affectio, tamen ex istâ etiam malâ relaxatione faciliùs Metastases fiunt quàm in aliâ corporis conditione. Patet enim textus cellularis, nec impulsui virium naturalium resistit; hiant cutis spiramina, & partem acceptam humoris regredi vix patiuntur & vias iterare. Hinc tot herpes ab apoplexiâ enascuntur, tot insultus veternosos ipsa arthritis facit. Imò & excisam vidi atque sublatam meliceridem in apoplexiam, moxque in paralysem abiisse, quâ rursus alias occupante partes, omnia in pristinum statum revocabantur.

Eadem &  
in summè  
putridis.

At in morbis summè putridis omniaque corrumpentibus, si vehementem atque pestiferum attigerint illi gradum, plus Metapto-

feon expectandum est quàm verarum Metastaseon, nec nisi jam mitesciente morbo sperandæ sunt, sed ubi jam vires aliquâ ratione legitimum infumunt dominium, atque aliquâ ratione reviviscunt, aut impetu facto, aut per ipsas Metaptoses extrâ actionis centrum constitutas. Tunc omnia à Metastasibus multiplicatis expectanda sunt, nihil à solutione, nihil à crisi, quæ, in tanto humorum omnium vitio si fieret, in ipso suo expulso hostilis materia vires omnes, imò & corpus ipsum pessumdaret. At in nullo alio morborum acutorum genere tam properè Metastases fiunt, & ante perfectam coctionem, imperfectæ quidem illæ atque incompletæ. Superabundat enim atque regurgitat undequâque materies naturæ cedere impar, unde pro pure ichor per ulcera elabitur. Profluens tamen onus à naturâ ferendum imminuit; unde pluribus Metastasibus opus est. Primæ quidem & nondùm satis adulto morbo in glandulas fiunt, aut inguinales, aut alias à centro ita diffitas, ut apud illas reditus sanguini denegetur, aut saltem in illis moretur. Postea verò in hepar deferuntur morbi putridi & flavedine inficiunt corpus, quam diarrhœa, imò dysenteria, primò putrida, postea, acciso & mitesciente morbo, benignior, longo & ultrâ morbi fines protracto intervallo, postea tollit. Accedit brevi in urinis antea putridis sedimentum, primò quidem rubrum & lateri-

In his variâ ut temporaria ita & Metastaseon forma & indoles.

titium, postea flavescent, indeque album, leve & æquale. His vulgò sub ultima morbi tempora accedit sudor, nullusque suo critico motu caret ex naturalibus humoribus, quicumque sit: quippe omnes & singuli partem humoris sibi adsciverant & in se assumpserant. Hinc diversæ febrium istarum putridarum, &, ut Veteres loquebantur, pestilentialium species plures ex his Metastasis affectant. Imò & apud veterem HIPPOCRATEM artus alicujus avulsio, in febre & constitutione pestilentiali, pro Metastasi habetur, metuenda herclè, licet, manuscriptorum defectu, vix illam metuisse videatur. Certè, quoties adest Metastatica gangræna, licet morbum pristinum auferat, metuenda illa Metastasis novum herclè morbum priori non minùs gravem inducit, aut saltem ingentia sibi postulantem auxilia, ne nova Metaptosis ipsum in corpus deferat, eumque per totam machinam diffundat, unde ab introducto veneno lentior, sed certa perniciès inferatur.

Nec carent  
Metastasi  
morbi ipsi  
cachectici.

Superest jam ut de iis loquamur Metastasis quæ possunt in iis morbis observari in quibus actiones vitæ, aut non agunt, aut tacitè agunt, & nullum affectant inipetum. Ii sunt morbi chronici sic dicti, in quibus nedùm incusetur actio nimia, contra actio illa destructa morbum ipsum constituit & facit. Ii sunt in quibus imminet cachexia, & qui, si sibi relinquuntur, in hydropem evadunt. In



illis omnibus causa morbi vires destruit ; hinc nulla in iis speranda est *activitatis* norma : languent concoctiones omnes , & deficiunt spiritus , demissi & vappidi , ut Angli dicunt. Debilitas ex eorum essentiâ est. Verùm licet scirrhusa moles , aut iners obstructio nullam admittat curatricem actionem , licet ipsa cachexia actionem impediat , possunt , in tantâ rerum omnium calamitate & socordiâ , causæ accedere multiplices quæ ipsam exstimulent , quæ , si medicamentis excitentur , naturam reddunt actuosam. Ita acre in aquis intrâ corpus stagnantibus quâcumque de causâ inductum , ipsis mobilitatem conciliavit unde vacuarentur illæ , imò , compressione adjuvante , in proximis nata inflammatio abscessum conflagavit utilem & salutiferum. In cachexiâ juvenicularum puellarum nonne quæ videtur iners natura fluxum menstrualem effecit , reparandis atque instaurandis viribus utilem : quæ enim stagnabat plethora in motum subitò agitur. Ita etiam quæ autumno & hieme , famulantibus simul tempestatibus , ægrum divexavit catarrhalis moles , erumpente calore verno , auctâque per mechanicam caloris actionem perspiratione , solvitur , aut Metastasi aliquâ inflammatoriâ aufertur , modò non in inflammatoriam phthiseos pulmonalis naturam abeat. Multòties certè ab hâc mutatione tumor pedum imminens sanatus est , aut erysipelatum atque pustularum eruptio cessit ;

Ex stimulo  
quolibet ac-  
cedente.

Ex aëris &  
tempestatum  
mutationi-  
bus.

Sæpè accedente in aliquâ parte peculiari erethismo.

imò fôtus atque ab aëris calore accersitus arthritidis vix expectatæ impetus, mala hyberna sustulerunt. Tollitur scilicet indè pars oneris, & virium redintegratur actio. Præterea, licet partes omnes universum corpus constituentes elangueant, fit sæpè in unâ, cæteris otiantibus, parte organicâ erethismus, quâ vires ejus edant effectus aliquos, qui ubi partes alias in consensum traxerint, corpori novas vires addant, ita ut morbo febris se comitem addat. Hæc ubi corpus iners ejusque facultates in motum traxerit molem illam adurit, immutat, & excrementorum jamjam excernendorum titulo donat. Unde si in causariis illis ac prælanguidis morbus acutus occasione aliquâ efferbuerit, Metastases plures partim inflammatoriæ, partim œdematosæ expectandæ sunt, quæ materiæ copiam vincant. Tunc ingens excretorum humorum copia undequâque exundans quasi incalescit, intumescit, mutatur; jam verò novam indolem nactus ille humor actuosam suscipit efficaciam: at corpus insigni humorum copiâ liberandum & tempus sibi postulat, & multarum coctionum multiplicationem sibi vindicat. Unde morbus ille acutus, corpus liberans & sartum ac tectum ab antiquo malo præstans, plures morbos efficit sæpiùs redi-vivos omnesque Metastaticos.

## CAPUT TERTIUM.

*De signis Metastasisum.*

CUM Metastasis quæcumque summi sit momenti in morbis, maximè nostrâ interest ea omnia aucupari signa quibus illa prævideri possit, & etiam quæ commoda possit inferre, quæ premere corpus queat incommodis. Quæ omnia ominari atque prædicere impossibile est, nisi ante ejus existentiam è collectis undique signis, nec uno neglecto, affore præferimus.

Ex his patet in nostrâ præsentî disquisitione comprehendi signa Metastasisum tum diagnostica, tum etiam prognostica. Præterea cum ex signis illis alia universalia sint & ad omnes æquè Metastases pertineant, & sint ex ipsarum essentiâ, ea universalia, communia & primaria dicenda sunt. Alia huic illive mutationi Metastaticæ peculiaris sunt, nec ad ullam aliam pertinent; unde peculiaris cuique sunt & ad uniuscujusque fortunam referuntur. Rursus verò ex his signis mutationum Metastasin minitantibus alia essentialia sunt, alia ex complicatione & commixtione, sive constitutionis, sive alterius morbi, nascuntur. Ea porro verè, secundum scholarum loquendi

Signa diagnostica alia universalis, alia peculiaris cuique Metastasi.

Alia essentialia, alia accidentalia.

formulam, accidentalia dici possunt. Hæc quidem singula dum persequimur, ab ordine illo, quamquam rem omnem sub se divisam continente, recedere liceat, cum pluribus vinculis ex ipsâ rerum substantiâ nascentibus nimum inter se materiæ lædentes jungantur, ut ea possimus ordine certo & definito prosequi.

Diagnostica signa essentialia.

At generalia illa, quæ futuram arguunt Metastasin, ante omnia definire erit ex nostro officio, cum ad omnes æquè pertineant illa. Insunt quidem ex subiecto in quod incidunt, à diversis rerum occurrentium actionibus plurima differentiarum capita & effectus prorsus diversos: at semper ex ipsâ rei naturâ adsunt; quippe ab illâ ipsâ pendent, nec sine illis Metastasis ulla potest existere.

Metastasis initio nunquam apparer.

Porro, uti jam sæpius dictum, nulla concipi potest Metastasis quæ non à viribus naturæ excitetur. Hinc nunquam statim & incipiente morbo fieri potest: nam materiarum rectè supponitur mutatio in Metastasi; mutatio autem quæcumque necessariò præviam postulat actionem in id conspirantium organorum. Ergo illa quæcumque mutatio fieret statim, ea nunquam morbum, seu naturæ decertantis conamen supponeret. Si Metastasin simulent præmaturè eductæ vacuationes, etiam si salubriter exeant & in corporis commoda, turgebat, ut verbis HIPPOCRATIS utamur, materia, id est, impetu morbi acta,

Turgens initio materia Metastasin sæpè simulat.

exundabat undique, ut in cholerâ morbo, humor hostilis, quodque per stimulum inflictum emissum fuit, saltem de hâc nocente materiâ aliquid, non sine periculo, detrahit. Præterea verò Metastasis victricem ex aliquâ parte naturam, accisamque ex parte hostilem materiam supponit, feliciaque naturæ conamina, & illud certè suis se signis indicat; quæ signa tempore certo apparent, vario quidem pro naturâ morbi, & agentis corporis variatâ infirmitate: morbi enim vario admodum, pro naturâ & vehementiâ causæ, ordine stadia sua percurrunt. Incipiunt scilicet, & necdum constituti sunt, augentur & crescunt, & fatendum est quòd quoties increscit & augetur morbus, toties etiam causæ dominium increscat morbiferæ; unde vix ulla speranda aut crisis, aut Metastasis. At, ubi semel grassanti illi causæ vires residuæ moram injecerint & æquato certamine omnia processerint, tunc mutationes illas subitas, quas criseos nomine expectare fas est, collectis natura viribus elicit; tuncque, pro variâ morbi naturâ, aut crisis fit, aut Metastasis, quæ ipsa critica est. Ut ergò crisis, sic Metastasis morbum jam Marte æquo cum naturâ decertantem, & vires naturæ aliquâ parte morbum superantes exigit; quod quidem tempus, in morbis maximè acutis breve, in minùs acutis lentius emergit, in chronicis etiam per certas periodos fieri potest.

Vera Metastasis supponit naturam aliquatenus victricem.



Signa in  
morbis lethalia & Metastasi locum  
non relinquunt.

Verum non in eâ rerum ignorantia positi sumus Medici, ut eas per sua signa periodos statuere & prævidere non possimus; in vehemente enim morbo, mortem vel ab initio possumus prænuntiare. Si enim ex HIPPOCRATICIS signis quæ mortem nuntiant plura concurrant, si respiratio simul, simul functiones animales, si quæcumque ad vitam pertinent, ita à morbo in pejus ruant, ut agenti causæ morbiferæ actio vitæ vix resistat, secretiones pariter ex ordine naturæ penitus recedant atque injussè fiant, nihil naturalis ordinis residuum sit, vigeat ubique hostilis causa, quid superandum superest? Morbo incrementi cedit ægrum corpus; Metaptoses variæ, perniciosæ, symptomaticæ præludunt. Omnia quæ funesta atque exitii nuntia edixit HIPPOCRATES signa prognostica in hoc consistunt, ut magnoperè à statu naturali recedant functiones omnes. Quò verò plus ab illo distant signa enascentia, eò magis exitiosa sunt. Hinc ut benè spirare in morbis plerumque felix fuit, sic malè spirare fuit exitiosum. Sic etiam, sine malâ respiratione, scilicet, aut coercitâ atque brevi, aut rarâ & suspiriosâ, si deliret ægrotans, terroris non adeò impendet legitimi; si jungatur delirio vitium respirationis, aut animi terror, aut delirium ipsum respirationi aliquoquin liberæ vitium aliquod imprefferit, ut in obliuiosis quotidie respirationem raram videmus,

Ex respiratione.

quæ etiam illis communis est quos triste ac melancholicum deliramentum occupat: observantis Medici metus increfcit pro gradu quo functiones illæ plus minùsve læduntur, & à ftatu naturali longiùs diftant. Tùm verò etiam pulfus, fi vehementes, validi, liberi, nobis eò plus inducent fiduciæ quòd circuitum fanguinis magis liberum arguant. At parvi, celerrimi, malè fibi correfpondentes nec liberam circulationem, nec proximam crifim arguunt. Unde, etiamfi non ii fimus qui recentium obfervationes circa pulfûs obfervatas varietates velimus convellere, inefle profitebimur quamdam pulfui etiam proximè critico libertatem, quam Medici accuratiffimi diftinguere atque fejungere præ cæteris norunt, vigetque intùs, & fub ipfâ criticâ dyfcratiâ obfervatur firmior fuperantis naturæ vigor. Prognoftica verò figna illa quæ à calore petuntur, aut vultu, aut ventriculi & inteftinorum vitiis, nifi infantem, imò præfentem gangrænâ arguant, atque adeò folidorum diftractionem mortemque, fintque aliis ftipata fignis quæ vel ipfa rei atrocitas infert, poffunt quidem varias morborum phafes indicare, at certè per fe lethalia non funt, nifi quatenùs agunt in organa vitalia. Sic, v. g., in homine quem veneni insumpti urget & ad mortem trahit lethalis efficacia, primò quidem æger fymptomata experietur, quæ ventriculo atque inteftinis propria funt,

Ex pulfu.

Ex aliis  
qualitatibus.Veneni le-  
thalis fym-  
ptomata.

eorumque inflammationem comitantur : tales sunt dolores vehementes , singultus , vomitus , convulsiones , extremorum frigus atque eorum livor , hæc tristitia quidem , sed per se non feralia. Postea remediis nullus dabitur locus , ubi jam deficientibus pulsibus , ipsa mali partem susceperit respiratio , eaque intercisa atque simul fuerit facta celerrima , atque in inspiratione & expiratione correspondentibus inæqualis. Scilicet , antequam signa hæc exardeant , vires elanguescunt , prosterunturque , at integris instrumentis ad pristinum statum revocari possunt. Sed in hisce ultimis symptomatibus destruuntur ipsæ & earum instrumenta deficiunt ; hisce igitur ita constitutis Metastasis expectare inutile foret : pulsat atria mors ineluctabilis. Licet porro incipiente lethali , necdum constituto satis morbo symptomata hæc nondum eò pervenire ferociæ ut spem detrahant , tamen eorum agglomeratio præmatura justam ac legitimam formidinem incutit : quippe in virium fontes agunt illa , ipsis vincula innectunt , quibus superante morbo vincuntur. Nam etiamsi à sævioribus mitescere aliquandò & mollius incedere principiis , in casu absolutè & necessario lethali , illa videantur symptomata , stationes tamen occupant quibus occupatis vires sese exerere non possunt , eò quidem magis quò functionum læsarum numerus major est , atque adeò quò minùs de vitâ su-

pereſt. Nec tamen diffidendum eſt ſæpè à cauſâ morbificâ, in validis præſertim robuſtiſque hominibus, infidias ſtrui. Sana omnia incauto ſecuraque videantur : nil ſaltem emi-  
 nenter culpabile eſt. Sed diligenter facultatum omnium, ſimulque ſingularum ordinem in-  
 tuenti, videbitur æquè iners & languidum earum exercitium : ceſſant omnia, fato oc-  
 cumbit æger, aliquandò improviſo. Hinc culpa in Medicos reſuſa artem infamat. Præ-  
 terea in his peſſimis caſibus id annotandum, adeſſe cauſam peſſimam quæ quidem func-  
 tiones turbare non videtur, ſed eas ſaltem pro rei momentosa actione non auget, imò la-  
 tenter impedit; unde caſu, ut ita dicam, ſubito eas proſternunt atque deſtruunt cauſæ inſidioſæ, pugnaeque nullum locum relin-  
 quunt : nam ubi primùm cauſa agere incipit corpus illicò deſtruit; quod quidem eâ de cauſâ oritur quòd corpus ſentiat minùs ſive illud ab oppreſſione cerebri pendeat, ſive etiam cauſa lædens narcotici inſtar agat, ſenſumque omninò, ut multis venenis fami-  
 liare eſt, obſcuret & obtundat. Similes qui-  
 dem eventus in malignis omninò morbis non adeò rari ſunt. In his incipientibus vix ullus querelæ, at nullus ſaltem ejulatibus locus eſt : obtuſus eſt & quaſi ſtupens æger, vix delirat proſtratâ & deletâ actione nerveâ; graſſatur interea cauſa, quæ latenter omnes ſubito ictu functiones deſtruit.

Infidioſa  
 in ſummâ  
 lethaliſſima  
 ſymptoma-  
 ta.

Sympto-  
mata quoque  
levioris mali  
Metastasi  
excludunt.

Nec verò Metastasis in causâ omninò contrariâ expectanda est, scilicet si omnia vel levia sint, vel naturæ legibus ita obsequentia, ut vel quæ tutior atque magis experenda est, fieri possit resolutio, vel humorum expellendorum crisis. Nullus Metastasi relinquitur locus, nec expectanda hæc, saltem regularis, quæ naturæ laborantis nixus majores & vim aliquam solidis illatam supponit. Quippe ad naturalem excrementorum indolem accedere non potuerunt quæ materiam Metastasi præbent: debuerunt ergò mutari. At si hinc paucitate, illinc ipsius materiæ nocentis miiori naturâ, potuit illa in inquilinam aut materiæ nutritiæ, quod rarius, aut excrementorum, quod frequentius est, indolem converti, sensim defervescit morbus, declinanti-que morbo nihil novi accidit, nisi quòd major fiat copia excrementorum aut naturalium illorum, aut ad naturalia proximorum.

Phænomena  
criseos in  
graviori  
morbo, cum  
Metastaseos  
phænomenis  
collata.

At si violentior causa exarserit, fit impetus post coctionem & stante illâ; symptomata nixu critico efferantur; mox vacuationes ingruunt pro naturâ morbi diversæ, sed causæ morbi per phænomena sua declaratæ consonæ atque conformes. Tùm verò si universa & integra fuerit materiæ hostilis vacuatio, laxantur omnia, vacuationes omnes in pristinam restituuntur integritatem, imò & primo criseos tempore adaugentur: quippe quæ, primò cohibitæ, postea per liberos & laxatos



meatus faciliùs exitum moliuntur. Sunt ergò tria hîc in naturæ motu critico requirenda. Primò quidem nixus, qui non sine tumultu atque impetu fit, symptomataque exerit quæ timorem incuterent, si non præcessisset ipsa semper secura coctio. Postea vacuatorius impetus, qui sæpè debilitatem habet adscititiam & præcedenti certamini proportionalem. Tertiò demùm libertas in secretionibus omnibus restituta, quam sequitur functionum alacritas, sanitatis & comes & signum. Eadem porrò in quâvis Metastasi expectanda sunt, si integra illa fuerit, quippe quæ eodem jure potiaturs atque alia crisis: sed in hoc differt quòd Metastasis quæcumque brevi sua sibi propria concitet symptomata, febrem vulgò à primâ diversam, serotinas reduplicaciones, leves sudatiunculas. Inest quidem cæteris omnibus functionibus libertas redux & oneris pristini amotio, sed, ut in debiliore per labores pristinos corpore, symptomata hæc spem lætitiæque tardant. Imò & si Metastasis in locum non optandum decubuerit, ibique deposita grassetur materia, mox exardescunt nova symptomata, atque novi tumultus concitabuntur, primamque lætitiæ lacrymæ excipient.

In quo differant à criticis Metastaseos symptomata.

Ex hisce porrò sedulo animo pensitandis statim intelligitur quæ sint Metastaseos signa, quotiesque ea sit expectanda. Alteram quidem illa spem salutis profert, sed ambiguam sanè

Indè signa diagnostica & prognostica Metastaseos.

Quid antè & quam nunquam cum solutione, aut etiam  
Metaſtaſeon. cum criſi integrâ conferre poſſis. In morbo  
quocumque in quo Metaſtaſis ſperandam ſe  
relinquit, quæ ipſam comitantur phanome-  
na, nec adeò violenta ſunt ut mortem præ-  
foribus adſtare deſignent, nec adeò lenia ut  
ſpondeant ſolutionem, nec tamen ſatis ordi-  
nata, ſatis diſtincta ut perfectam ſpondeant  
criſim; nec ipſa præcedens coctio adeò per-  
fecta & numeris omnibus abſoluta. Tùm  
verò tacitam ſpem exſuſcitant ſigna criſeos  
non evidentia, quæ prædicentis audaciam  
ſuſtentant. Inceſſu ancipiti progreditur mor-  
bus, & quas intentat minæ, aut minùs certo  
paſſu vitalia organa agrediuntur, aut, ſi  
centrum aliquod morbus occupat, in hoc  
unum deſæviunt, cætera organa reſiſtunt va-  
lidiùs. Si enim morbus univerſalis ſit, & par-  
tes affectæ eâ vi reſiſtant ut ægro periculum  
immane non impendat, ſed adſint ſigna  
æquivoca, coctionem quidem aliquam deſi-  
gnantia, ſed fugacia & interrupta, ſi ipſa  
ſpes affulgens nunc emicet & ſpem augeat,  
nunc ceſſet & incutiat formidinem, errare  
adhuc judicabis nocentem materiam, & res  
in incerto ſtatu poſitas: nam, in hâc malo-  
rum ſerie, deducitur adeſſe quidem materiem  
ſolutioni obſtantem, quæ hujus ſit pervicaciæ  
ut vinci non poſſit, ſed quæ per ipſam par-  
tium affectarum vitalem reſiſtentiam morti  
inferendæ ſit impar. Superſt ergò ut aliquâ

mutatione in id evadat idonea ut expellatur ; quod ipsâ circuitûs & virium efficacîâ contingere par est. Siquidem , etsi aliquandò conticescant vires delassatæ , mutatio in meliùs quæcumque delitescentis naturæ , sed tacitè operantis indicat actionem qualemcumque : hæc tandem superabit morbum , aut saltem in partes minori sensu , adeòque minori donatas resistentiâ ablegabit.

Porro , si materies illa in centrum aliquod fixum abigatur , ibique sæviat , centrum verò illud non adeò sit vitæ necessarium , sequitur ut mutatio in parte fiat : ea mutatio novâ symptomatum serie stipata Metastasis jure audit : talis est suppuratio , quæ in loco affecto phlegmonodeas causas sequitur , & quæ sæpè , si centrum illud non præpoperè discissum atque divulsum sit , ab hâc parte in alias ferri potest , intacto & integro illo quod priùs læsum fuerat centro ; tenuatâ scilicet per vitæ vires quæ priùs labem intulerat materiâ , jamque mobilitatem adeptâ , imò aliquandò canalibus urinæ excretoriis adæquatâ , ita ut partim saltem sub sedimenti formâ cum iis exeat.

Quid in ipsâ Metastasi fiat ?

In hoc ergò laborantis , atque inter ipsos conatus titubantis naturæ certamine , cùm coctio incerta sit , nuncque ejus signa emineant , nunc contrà obscurentur vigeatque morbus , facile est intelligere quâ ratione observari queant , inter hæc discrimina , Metastases imperfectæ quæ de morbo aliquid detra-

Metastaseon etiam imperfectarum utilitas.

In morbis  
universali-  
bus.

In locali-  
bus.

hant, ipsum verò non absolvant. Duplex harum Metaptoseon dos est, ut partem quidem morbosæ materiæ detrahant, tùm verò ut ab ipsarum repetitione coctio postea plenior & securior evadat. Est quoddam prodi-  
re tenuis; harum quidem Metaptoseon phænomena plus ad morbos in quibus universa humorum moles inficitur, quàm ad alios quoscumque pertinent. Sic diarrhœa in febribus spontanea morbum effecit levio-  
rem. Idem etiam miliaribus febribus sæpè per paroxysmos, erumpente in cutem veneno, contigit. Sed omnibus hisce ea lex est, ut non statim appareant inter morborum initia, ut aliquâ saltem copiâ prodeant, ut cum aliquâ symptomatum levatione accidant. Quamvis autem in hocce genere morborum qui ab evidenti universali causâ pendent frequentiores sunt  
Metastases, non tamen non reperiuntur illæ in morbis localibus, ut arthritide & rheumatismo inflammatorio, si ea sit causæ violentia, ut mutari advectos humores necesse sit. Sic & sæpè anginas imminuit deque earum periculo detrahit erumpens erysipelas externum. Sic & rheumatismus erumpens à thorace & pulmonibus labem divertere visus est. Ipsæ vehementes contusiones Metastasim aliquandò passæ sunt & sanatæ per abscessus in locis enatos disitis; tumores glandularum à catarrho facti, pariter per urinas ablati sunt, quippe à locali causâ nascitur universale ma-

lum. Sanguis viri antea sani crustâ illâ catarrhosâ brevi obducitur, quæ quasi præludium Metastaseos, aut saltem criseos spectari potest, quâ semel constitutâ, rarò solutio simplex, sæpius crisis, aut Metastasis expectari se finit. Imò aliquandò in senibus & infantulis depositus in glandulis catarrhus obduruit. Sæpius verò in morbis illis peculiaribus & parti alienæ propriis, nec universo corpori attingendo aptis, malum in partes concentratur, ibique ingravescit. Longam fore & difficulter sanabilem Metastasin jure prælagimus: siquidem uni & soli parti, cæteris feriantibus, præcipua pars operæ peragenda incumbit, nec onus æqualiter dispertit causa morbi.

Cùm fiat à naturæ viribus actio illa, quæcumque fuerit, non illam expectare & sperare fas est, nisi aliquod nobis prodeat indicium eas aliquâ ratione vigere; quæ signa petuntur à functionibus naturæ residuis, sese aliquâ ratione extollentibus, pulsu pro diversitate Metastaseos vario, sed validiori saltem ante tumultum criticum, respiratione pleniori & uberiori, linguæ mutatis aspectibus, cùm scilicet interni hujus limbi jam naturalem colorem recipiunt & uvidi naturali humore conspiciuntur, utut dorsum ipsius linguæ remaneat horridum, squallidum, & retorridum. Tùm verò signa alia repetes ab excrementorum in melius mutatione & morbi

Signa futuræ Metastaseos universalis.

Ex viribus sese extollentibus & incipientibus coctionis signis.



euphoriâ. Sed nihil laxationem illam criticam uberius & plenius indicat urinis, quæ, cum nobis statum excrementorum primæ & secundæ coctionis indicent, jure habitæ sunt pro legitimis coctionis signis. Hæ ergo si, pristinam limpiditatem servando, jam aliquid insignis sedimenti albi, levis & æqualis deposuerint, crisin jam instare designant. Idem etiam de affuturâ Metastasi significabunt, positis quibusdam differentiis quas Metastasis crisi magis imperfecta affert: nam, ut Metastasis materiæ morbificæ virulentiam non omninò excisam atque deletam significat, ita imperfectioris coctionis, aut in functionum exercitio, aut in excrementorum naturâ signa profert. Nondum perfecta, nondum matura est coctio, ubi fit plerumque Metastasis; &, cum Metastasis ipsa morbus sit, sæpè eâ jam ferocius incipiente, desinere aliquandiu videntur coctionis signa. Adest ergo in Metastasi coctio, non perfecta satis, illamque nuntiant coctionis signa in urinis, ut & cæterarum excretionum natura in melius versa. Cutis mollior, levior & jam humectata, lingua pariter tangenti minùs aspera, sputa facilius prodeuntia, veterum excrementorum & habitu assueto prodeuntium redintegratio, pristinam brevi renovandam fore sanitatem denuntiant. Sed coctionem Metastaseos præviam multa distinguunt. Sic urina non adeò in metuendâ Metastasi limpida est, sed sæpè,

Quid coctionem Metastasi præviam specialius designat?

utut

utut sedimentum semper nobis præstet, eneo-remata nobis multa leviora, adeoque minùs cocta, exhibet. Sæpè turbida remanet, ut in naturæ tumultu sit, eaque quæ limpida ejecta erat aliquid crudi indè designat quòd tota brevè turbetur, adeoque contentæ in urinâ materies nondùm ordinem suum resumpserunt, sed quæ pondus per coctionem acquirere debuerant leves adhuc remanent, *Metafasti* quidem aptæ, sed ad coctionem verè criticam impares. Sic etiam sæpè sedimentum illud rubicundum ac lateritium bilis copiosæ effluxum nuntiat, atque sæpissimè pustulis & eruptionibus biliosis præludit. Sedimentum etiam, licèt leve albumque sit, si fuerit copiosissimum, nec satis ponderosum, *Metafastes* à copiâ materiæ pendentes præfagit: tunc enim superest plerumque materies quam, etsi fuerit cocta & in statum saniozem conversa, tamen incernicula capere non possunt; & id quoque redundantis plethoricæ cacochymix signum est. Sed, ne ad singularia de quibus dicendi alibi dabitur locus digrediamur, quæ signa in urinis evidenter deprehenduntur inquirenti, linguæ morbidæ attendenti inspectio declarabit; quippe quæ statum intimarum partium, si eam à respiratione seposueris, satis designet. Arida enim, exsucca & rubicunda, sed colore rubro insignis, omnia stricta & crispata declarat. Idem etiam gingivarum & dentium ipsorum ariditas significat: laxari omnia ali-

Lingua.

quatenus, sed non tamen ita ut res ad naturæ ordinem redeant, si squalens omninò & confertim excrementis onerata appareat. Vicia verò tunc ea quæ antea sub erethismo revincta apparebant ostentat, putridamque nigredo & fœtor indolem vitii jam sinunt agnosci, ut & acredinem qualemcumque fissuræ, rimæ, pustulæ leves indicant. At, jam sibi victoriam parante naturâ, etiamsi lingua nunquam in medio squalidior & excrementis magis scattens apparuerit, tamen ad limbos quasi è fonte puro scaturit lymphâ nitidior, uti jam diximus, tuncque Metastasin expectare fas est; plus autem nitoris crisis perfecta sibi expostulat. Hinc etiam Metastases præfagiunt quædam quæ, aut antea delituerant, aut tunc primum apparent ad labra & partes levi epithelide tectas pustulæ, sive crustosæ sint, sive lymphâ plenæ; nam hæ nihil aliud significant præter aliquam erethismi laxationem & materiæ vitiatæ in laxiores cellulas defluxum. Hæc porrò laxatio, si non pessimis comitatum se arguat debilitatis symptomatibus, semper meliora augurari permittit: sub eâ enim laxatione omnia regulatâ magis atque magis ordinatâ actione perfici demonstrat. At insufficiens erit illa laxatio, si non constans atque uniformis fuerit, sed per renovatos cesset paroxysmos. Nam quod pauco tempore perdurat, nec regulari ordine peragitur, ut non constans est, constantem pariter effectum

Pustulæ in quibusdam locis apparentes.

Certâ modò appareant & copiâ & constantiâ.

elicere non potest. Porro effectûs producti constantia in alicujus momenti certaminibus prorsus necessaria est. Hinc etiam elicitur veritas sententiæ illius HIPPOCRATICÆ quæ ad Metastases omnes pertinet, *nihil paucum esse criticum*. Nam quid ad morbum sanandum efficient momentosum paucæ effluentes laticis ichorosi guttulæ? Vanos sanè atque inutiles naturæ conatus. Hi coctione, aut nullâ, aut minùs perfectâ stipati, plus de viribus quàm de morbo detrahunt, arguuntque effectos virium nixus, summamque corporis ægri debilitatem: quod uno verbo comprehendit HIPPOCRATES cùm ait: *Judicatoria non judicantia, partim lethalia, partim verò difficilis judicii*. Sit ergò quantitas delatæ materiæ causæ proportionalis, si certum ab eâ solatium quæsieris; alioquin in invalido corpore morbi longitudinem augurari fas erit.

Præterea verò cùm naturæ actio certis determinetur regulis, à quibus in suâ existentia ipsi nunquam recedere licet, sed quas non omninò introspicere nostræ debilitatis sequela est, necesse est, ad certam inducendam nostro augurio fiduciam, ut morbo quidem præcipuè ipsi correspondeat materies ad Metastasim faciendam accommodata, ut consonet parti affectæ, postea verò ætati, tempestati, regioni, vitæ regimini: quæ omnia in corpore humano ægrotanti ingentem varietatum fontem inducunt, quibus in inspiciendis accurata

Signa singularia Metastases designantia.

sedulitas requiritur. Hinc nostra nos tractatio quasi manu deducit ad ea singulatim expendenda, à quibus pendet studium singulare, quod à nobis suo jure postulant peculiaria atque secundaria Metastaseon signa, quæ, cum præcedentibus conjuncta, hanc illamve Metastasim indicant atque designant, ita ut una pro alterâ non habeatur. Causarum enim illarum influxus & variata admodum forma Metastaseon non solum locum, sed genus & speciem determinant.

Apostases. In genere Antiqui abscessum, sive *πρωσίω* nomine, qui Metastasium speciem constituunt præcipuam, non solum abscessus suppurantes, quos *ελκία* nomine designabant, intellexerunt, sed tumores omnes qui, vel ab ipso corporis fundo, etiam sine prævio morbo, enati, vel post morbum in partem aliquam ita decumbunt, ut in priori casu alacritas major & sanitas uberius nascatur, in altero morbus, aut imminuatur, aut evanescat. Hinc abscessus illi in calidos aut frigidos malè divisi fuere; quippe omnes auctam naturæ actionem supponunt. At alii phlegmonem æmulantur, & nonnisi pure cocto albo, lævi & æquali, aliquamque cum sputis concoctis & urinis morbidis analogiam servante, involutam materiem hostilem ostendunt, eaque corpus liberant. Involvi verò sæpè materiem hostilem, & mox semper in pus propriè dictum mutari, ut censuerant Veteres, à vario-

Apostases  
phlegmono-  
deæ suppu-  
rantes.



larum infirione, ut jam alibi dictum est, Recentiores probavêre. Siquidem in hoc casu pus, vel maximè salutare, materiem contagio inferendo aptam involvit, non immutat. Aut igitur pus, aut gangræna phlegmonas propriè dictos sequuntur, quorum signa præbent morbi magnitudo, nec solutionis, nec criseos perfectæ spem nobis relinquentis. Dolores erratici primùm, sed vehementissimi, ab hâc in illam partem delati, metum incutiunt, cùm stipentur simul febre acerrimâ & discordi functionum exercitio; secretiones aut nullæ, aut paucæ fiunt, aut saltem à naturali statû plurimùm abludunt, tùm verò in centrum aliquod decumbunt, centrum vulgò priùs debilitate aliquâ infirmatum. Sed ubi jam centrum illud occupatum est, omnia hîc defluunt ac brevi spatio feruntur, non sine notabili primariorum symptomatum mitigatione, urinarum & secretionum quarumcumque instauratione. Si ad oculos centrum illud pateat, fit tumor notabilis, fastigiatus, œdemate aliquandò fastigium illud impediens; aut, si profundius tumor sedem fixerit, œdema solùm apparet molle, sed dolori responsans acuto; imò in internis etiam suppurationibus, notante HIPPOCRATE, œdema sæpè partibus in externis sese deprehendendum finit. Urinæ primùm sedimento albido crassiori donatæ, sed substantiâ tamen turbidâ atque non limpidâ, distinguntur. Hinc limpidiores

Earum  
signa.

fiunt & minùs sedimenti servant, lingua fit mollior & humidior; imò, si HIPPOCRATI usque fidendum est, illa linguæ medietas quæ abscessui responfat, plus humiditatis servat quàm opposita; saltem id in Causis edixit. Nova tunc suppurationi propria symptomata exardescunt, quibus hîc insistere prorsùs inutile est, cùm locus errori rarò detur. At illud quod quasi phlegmoni insidet œdema, præsertim si in pulmonibus scena agitur, aliquandò errori locum dat, dùm instat metus ne effundatur in cavitates ichor purulentus. Sed quamvis res ita se habere possit, nec rarò complicatione Metastaseos accidat, tamen febris lenta, imò brevi hectica hæsitantes dirigit. Hîc unica spes affulget. vacuari pus totum, nec ullas fermentantes atque novum pus cientes sèrvare intùs reliquias; & quoties ad externa fertur humor qui ex omni corpore in morbo universali ibi cogitur, maturo Chirurghi ferro, aut cauterio opus est. Porrò pater satis ex hisce quantum sub Metastasi purulentâ lateat periculi, quod eò magis instat & multiplicatur quò major fuerit morbus. Imò quantumvis totus prior morbus fuerit per Metastasim absumptus, tamen multi indè propullulant purulenti, Metastatici affectus, quibus materies nutritia cum adipe mixta, tota in pus vertitur, & corpus, puresum marasmo, feбри organorumque destructioni tandem succumbit. Qui etiam infe-

Apostaseos  
ad interna  
rupturæ &  
phthiseos  
periculum.

licissimus casus apud juniores & cacochymos in externis etiam abscessibus suppurantibus accidit. Omnia in sphacelo Metastatico pejora mortem portendunt certissimam & fere ineluctabilem, si præcipuè Metastasis illa non fuerit completa atque absoluta. In his Metastasisibus lingua, utut humiditatem nacta sit, nigra remanet; scybala exeunt nigra, rodentia, splendida. Iphis etiam urinis sedimentum inest, sed sæpè nigrescens atque furfuraceum: loco tepidi caloris per cutim exhalantis frigus molestum tractantis manus inficit. At ubi sphacelus ille per virium naturæ nixum vehementissimum & ultrà præscriptos limites adactum concitatus est, ut in peste illâ à THUCYDIDE descriptâ, illicò vires concidunt, & ex prognosticis HIPPOCRATICIS mortem expectare fas est, nisi mali causa in unum depulsa centrum sinat illas redintegrari, tuncque salutaribus, etiam in debilitate maximâ, erumpentibus signis, limbus roseus vitam à morte secernit atque disjungit: urinæ, quæ, etiam cum coctionis incertæ atque vacillantis signis, sedimentum atrum depouunt, jam minùs atrum ad fundum secedere sinunt, imò brevi albicantem, unde fit ut in ipsâ desperatione spes affulgeat; tuncque apostasis illa abit in suppurationem, quam etiam lingua minùs nigricans & ad limbos vividior indicat. Sæpè etiam in linguâ quæ pustulæ nigricantes eruperant, sub crustæ

Phlegmonodea apostasis in sphacelum desinens.

Sphacelus aliquoties à vivis partibus, naturâ agente, separatur.

Tales in  
epidemicis  
morbis ob-  
servati casus.

formâ abeunt, & ipse labiorum epidermis similem patitur mutationem. Sed, tam metuendos in epidemicis atque contagiosis morbis visos casus cum Medici omnes agnoscant, fatentur improvisam illis nonnunquam succucurrisse Metastasin, & ex ipso mortis sinu ægros evasisse. Signa aderant lethalia omnia in prognosticis HIPPOCRATIS congesta. Forsan vires corporis, è sudorum levium urinarumque subsidio, utut pessimarum, imò & quandòque sanguinearum, spem aliquam sinebant in sinu reconditam. Imò &, in casibus illis, apud nos sub clementioris cœli indulgentiâ rarissimis, nisi in contagioso morborum pestilentialium veneno, Metaptosis quæ venenum in aliquo centro cumulavit, cæteras ei minùs obnoxias reliquit, & sine novo virium naturalium nixu aliquam effecit Metastaseon speciem, incompletam sanè & insufficientem, sed quæ præceptam viribus naturæ libertatem restituat; unde illa ipsa Metaptosis meliorem spem conciliet. Verùm, rebus in statum feliciorem constitutis, ichor primùm, postea pus prodit, & in abscessum salutarem omnia labantia restituuntur.

Apostases  
non omnes  
suppurant.

Hæc quidem ad inflammatorios affectus, à quâcumque demùm causâ orti fuerint, referuntur, & ad eos solos possunt applicari; sed universæ naturæ laborantis atque decertantis actio simplex & uniformis, aliquâ ratione ad phlegmones per se revocari potest. Ex hâc

observatione Veteres, uti jam dictum est, sub universali ἀποσώσας nomine non solum abscessus puris productivos recensuere, sed omnia eruptionum genera quæ, dum partem unam liberant, gravant aliam quamcumque, felici omine, si secundum naturæ institutum causa lædens, jam mutata & viribus naturæ accisa, à nobiliori & momentosâ parte in aliam ignobiliorem nec præsentis adeò necessitatis deferatur.

At, inter abscessus illos, si voce minus usitatâ liceat abuti, qui nunquam suppurationem subeunt, plures notandi sunt quos ubi natura semel eduxit, iners illa manet, & quasi officio suo defuncta quiescit. Frigidos vocabant Antiqui nostri Præceptores, eò quòd nec erethismum, nec calorem illum cæterorum arentem secum ferrent, nec semel constituti in alienam mutarentur indolem, sed immoti permanerent, aut saltem sensim solverentur, sine morbofo apparatu; alio hodie sensu frigidorum tumorum nomen accipitur. Morbum à lymphâ crassâ, viscidâ, inertî pendentem, sine ullâ naturæ actione, apud recentes vox illa significat, quæ quidem speciem unam, non genus universum comprehendit. Frigidos quidem ad Veterum sensum affuturos tarda morbi motio, satis quidem ut non citò solveretur pervicacis, imò qui per se simpliciter non solveretur, indicabat. Urina iis adfuit partibus scatens divulsis nec unitis, sed quæ

Dantur  
etiam apof-  
temata in  
morbis fri-  
gida Veteri-  
bus dicta.

Eorum

signa.



vocabat HIPPOCRATES *ἡ γὰρ διεσθηνότα*, unde ipsis turbida quædam inerat facies. Declarabant eosdem lingua quidem limosa & squalida, sed humiditate non carens, imò aliquandò humidior; fastidium ciborum, quos & insipidos & nauseabundos ventriculus respuebat. Signa etiam dabat febris, non quidem lenta, sed non vehemens, nisi per paroxysmos, frigore interstincta irregulari, nec qui proportionalem inferat ardorem; nec ista etiam Metastasis statim fit, sed per partes, & febris pariter non statim cessat. Unde certè illa vulgò, si quæ alia, incompleta est Metastasis, nisi tamen in infantibus ad dentitionem promptis appareat, quos à convulsione liberat ista febris; aut etiam eminet in juvenibus jam pubertatem molientibus, in quibus omnis naturæ impetus in glandulas jam novum organismum molientes dirigitur, cum jam barbæ, aut genitalium pili efflorescunt, odorque specificus efformatur. Nam quòd scrophulosis atque strumosis res eadem accidat, id à fermento proprio lympham vitiantem repetendum est, quod, etsi aliquâ parte Metastaticum aliquandò dici queat, tamen non quiescente, sed potius invalescente malo, Metaptosim æmulatur.

Incompleta  
plerumque  
ea est Metas-  
tasis.

Nec verò etiam negandum est in illâ glandulosâ Metastasi, etiam sine aliis signis quæ illum proprio stigmate designent, ex ipsâ rei naturâ & mechanismo necessario reperiri sæ-

Fomes sæpè  
in his latet,  
his curatis  
evolvendus.

pius fomitem extraneum, sive ille natalia febris ipsi debuerit, sive extiterit antea. Sed, ubi ars sanandis illis tumoribus cautam etiam & prudentem curam adhibet, ab illis jamjam solutionem spondentibus & mobilitatem concipiente eorum humore morbifico, novos exardescere videmus quotidie morbos, novasque effici Metastases, quæ, ut plurimum sub exanthematum & pustularum genere continentur, quanquam inde & phthises & apoplexias nasci viderint omnes.

Lentæ pariter, aut saltem parùm vividæ febris opus est, illi quæ rarò in adultis & robustis, nisi jam à longo tempore cachectici & causarii fuerint, observatur, & ad infantes solos lactantesque, præsertim mulieres, pertinet, in articulos, ligamenta & ossa Metastasis, quâ, præsertim eorum extremitates, mollitiem affectant aliquam: unde, ligamentis hinc laxioribus, illinc etiam, præ partiali spasmò strictioribus, osseque tumefacto, distorsiones nascuntur sæpè per totam vitam durabiles. Inest certè in hisce malis cachexia, quæ pessimo motu actuositatem concepit & acidum virosum extulit: quod, ipso illo naturæ motu, acidum, in partes spongiosas depositum, fit convulsionum materies & cruciatibus localibus, sed pessimè sævientibus, affectus nerveos universales, inauditos & Medicorum ipsorum stuporem inducentes excipit atque immutat, sæpè phthisi inducendæ, aut

Articulorum tumores frigidi à cachecticâ acedenteque humorum crasi.

Horum  
signa.

cachexiæ adaugendæ natum, aut pessimam utriusque morbi complicationem efficiens. Illis urina turbida, jumentosa; illis dolores acres admodum atque erratici, sed qui, aut ad articulos, aut ad spinam deferantur; illis inquieta nox, anxia vigilia, sæpè appetitus stridens admodum, gingivis intereà, aut in-  
ertibus, aut, si scorbutici quid lateat, tume-  
factis, &, si non aliqua hujus labis aliundè  
signa appareant, facies, imò & labra ipsa  
pallidiora sunt, compressione solâ erubesc-  
centia. His etiam abdomen prominulum sæpè  
sine dolore tumet, nec sine sensu sunt glan-  
dulæ. Tument etiam aliquandò pedes, si,  
quod sæpè fit, æger erectus stare voluerit.  
Sed aliquandò pedum aut manuum tumores  
renitentes atque resistentes ex tumore ad ar-  
ticulos pendent, qui solvi quidem videtur, si  
dolor profundior sibi sedem cuderit, &  
quasi ad articularum interiora vertatur; tunc-  
que nova dolorifica febris ardorque enascens  
putridus, cariem ibi sedere ossaque depasci  
testatur, comitante marasmo.

Cachexia  
hæc acris per  
morbos acu-  
tos mota.

Rarum quidem est ferox illud malum, ca-  
chexiæ acris in motum actæ superveniens, sed  
non inauditum & prætervisum, si præsertim  
quid intus scorbutici latuerit: & hoc quidem  
sæpè pependit à superveniente acuto morbo,  
tanquam ab occasione. Sed tamen ab hâc ob-  
servatione, quæ frequentius sub leniori, nec  
adeò metuendâ formâ erumpit, deducere licet

Metastases etiam chronicas posse ingens inferre periculum : unde etiam artis est eas, si fieri possit, ubi morbis acutis succedunt & locus affectus suadet, actuosas reddere & in legitimam actionem vertere, dum omnia gaudent naturæ agentis efficaciam & solidæ partes adhuc illæscunt sunt : nam neglecta talis Metastasis, & simul semper accumulato intus fomite morbofo metuenda, longam, aut feralem corpori labem inurit ; & certè si adultos deformatos interrogare libuerit eorumque audire historiam, patebit eos deformationis, ut plurimos saltem, causam ab infantia iniisse, illamque morbis acutis, ut aiunt, malè curatis debuisse. Nullâ enim aliâ in ætate, causis quibuscumque impetentibus, mollis cedit facilius ossæ compages, aut articulorum ligamenta, quæ ad eò doloribus & lymphaticæ glutinosæ congestionis obnoxia sunt.

Familiale est febribus intermittentibus ut in lienis obstructiones desinant. At, quoties lienis ille morbus adest sæpè interminabilis, nec medicamentis auscultans, toties etiam adest morbis illis fomes, qui minimâ de causâ morbum renovet. At tandem qui morbum facit fomes & qui ab ipso morbo factus est, per naturæ efficaciam solvitur. Metastasis scilicet hæc est materiæ pervicacis, indolem suam servantis usque, & eosdem semper effectus elicere paratæ ; sed quæ sæpè post longa temporum intervalla multasque vices, expulsa

Tumores  
lienis indolentes post  
intermittentium curam.

fenfim, quamvis immutata, tandem exulabit. Qui casus in febribus istis evidens, & à plurimis Auctoribus annotatus, forsan non unicus est in œconomiâ animali; suspectosque eos habere licet qui vultu, ore, incessu, post morbos quos abactos credunt, latere aliquod malum declarant. Illud est fomitis latentis, nec extincti post Metastases periculum præsens, quod HIPPOCRATES *Τα καὶ ἀλιμπανόμενα* vocaverat. Certè qui illam sanitatis alacritatem nunquam recuperavêre, hos sæpè idem recrudescens morbus divexat & infida tantùm, causâ nec mitigatâ, nec expulsâ, Metastasis liberaverat. Idque fatale novimus iis qui eodem morbo sæpè conflictantur.

Herpetum  
arthritidos-  
que &c. in in-  
ternas apos-  
tafes muta-  
tio.

Sic herpes, sub apostasium nomine, apud Antiquos plus cogniti quàm famoso nec satis definito herpetum titulo, si conticescant, quod evenit ubi per falsam Metastasim delituerunt, metuendâ herclè mutatione, intimam viscerum substantiam labe tacitâ perdunt, nec priùs erumpunt quàm ruinam immedicabilem intulerint. Idem & arthritidi percussæ contingit; novaque in salutem Metastasis emicare poterit, si rursus appareant, cutemque sædent & inficiant herpes, arthritidis articulos; quod ut fiat sæpè ars inutilis conatus exerit. Nam, etsi longum eorum intervallum possit causæ defectui & absentiae tribui, credique possit ex organicæ structuræ



virio ipsos reviviscere, plerorumque tamen finis, vel in hydropem, vel rariùs in phthisim eos testatur adfuisse & in obstructionem fuisse conversos, ubi jam moveri impos facta materies, nullâ ratione pristinas sedes potest rursùs invadere. Hinc proavorum nostrorum famosæ adeò de arthritide querelæ, quam pingebant ferocem, quoties incrudesceret, metuendam quoties sileret. Ita ut etiam hodie rectè, meo quidem iudicio, pro signo latentis arthritidis meritòque metuendæ habeatur, semel etiam, aut longè disitis intervallis eâ laborasse; tunc verò signa in morbo anomala & erratica tormentum variant. Secretiones pariter ordinem respuunt: urina nunc apparet sedimento gravis & quasi ipso onerata; nunc tenuis & limpida defluit, cruditatibusque atque coctionis vices sese quasi protinùs excipiunt. Nec id arthritidi soli competit, sed omnibus illis affectibus qui, quâcumque de ratione, nunc erumpunt, nunc conticescunt, ut sunt rheumatici illi dolores, imò & scorbutici, qui arthritidi quidem affines sunt, sed aliquam tamen mutantur à primævo fomite differentiam.

Signa deli-  
tescentis  
arthritidos,  
&c.

Morbos illos Metastaticos, sive Metastasis efficiendis chronicis pares, prælagire licet ex cognitione illarum quæ eos olim intulère causarum; sive Venus impura, aut præposterè adhibita fuerit, sive ingluvies, sive vini absurda & enormis potatio. Sed omnibus id

Diagnosis à  
causarum  
procatharti-  
carum na-  
turâ.

commune est quòd duplici potissimùm tempore sæviant: primo quidem, & sævissimo, in eâ ætate in quâ primùm incipit imminui SANCTORIANA illa perspiratio: altero, sed leniùs ut plurimùm, desævivit quo inertes humores motum concipiunt, vere scilicet & primâ æstâte. Verùm notandum est dictum illud HIPPOCRATICUM, quòd quo tempore frigus & calor eodem tempore dominantur, eodem etiam morbos autumnales expectare oporteat. Unde incerta tempora fomitibus illis semper maligna sunt & metuenda; quippe resurgunt è latebris in quibus eorum actio indormiebat inters, & ipsa oscillationum in fibris variata conditio, perspiratoriique excrementi miscela, nunc aucta, nunc interrupta, novum motum ipsis, sed incertum & inordinatum conciliant.

Temporum  
& climatum  
varius influ-  
xus in has  
Metastaseon  
species.

Hinc ergò tempore illo quo actio imminuitur, aut ejus effectus præpediuntur, autumno scilicet, Metastasis, imò & Epigenesis atque Metaptosis magis apparent, vere verò crisis salutaris magis expectanda est: quippe motus omnes per frigoris ingruentis actionem tardantur, febris minori quidem movetur impetu, sed minùs regulari; multiplicantur humores, & naturæ decursus, viribus elanguescantibus, tardatur: quæ omnia vehementiùs, sed magis ad naturæ normam in verno tempore & illâ solidorum relaxatione peraguntur, notante id, jampridem post Hip-

POCRATEM & GALENUM, BALLONIO. Hinc hieme fiunt Metastases minùs victrices lentioresque; quæ æstate fervidâ contingunt, multò plus ad crîsum perfectarum naturam accedunt. Imò qui morbus in septentrionali cœlo Metastases sibi postulabit, sub clementiori solis influxu crîsi terminabitur: unde, Observatorum in diversis climatibus scribentium libris perpensis, multò plus crîsum observatarum magisque regularium & spem inducentium certam reperies in fervidis regionibus, quàm in iis qui naturam in frigidioribus oris eidem operi intentam deprehenderunt.

Sed in hâc summâ causarum circumstantium varietate diversoque influxu, ubi ad formandam prognosim qualemcumque simul concurrerint invasio morbi cum corporis viribus collata, & rerum non naturalium accuratè perpensus influxus, tunc summâ attentione perpendendum supererit ingenium morbi epidemicum: nam licèt in morbis omnia actione evidenti videri possint regi atque dirigi, subest tamen semper latens aliquid quod, nisi exploratum jam fuerit, divinari non potest atque præsagiri, notante id SYDENHAMO, seque ipsum incusante, quòd, hujus studii defectu, in incipientibus morbis epidemicis unus vel alter ægrotans periculum evadere non potuerint, quod omnibus Medicis metuendum pronuntiat. At in hoc quidem viro clarissimo non assentiemur: quippe licèt na-

Epidemicæ  
in his constitutionis influxus.

turæ vias assequi non semper datum sit, hanc tamen sequi semper licet & ultrà salutares metas prodeuntem sistere, tardanti verò calcar addere semper concessum est, nec ultrà tendere. Verùm ejus vias, sive inutiles nixu eas affectet, sive salubriter peragat, expiscari attentis & meditantibus ipsa non denegabit unquam. Hinc severæ atque austeræ observationi pretium accedit.

Quæ sit  
indicatio ex  
incompletâ  
Metastasi.

Sed id nunquam attentius faciendum quàm cùm incompleta Metastasis exurgit & ægrum solatur, non sanat; illa quidem incompleta est. Talem signis fusè expositis expectare fas erat: sed tamen in eo Medico utilior est quòd vias naturæ indicet, nisi per se pessima sit & à pessimâ causâ inducta, ut est gangræna illa BELSIENSIS à SECALI CORNUTO inducta, quæ, etsi à pessimo malo pendeat illudque sublevet, omni ope atque operâ præpediendâ est; quippe destructioni organicæ ars semper obstare, quantum in se est, debet, nec nisi causâ jam debellatâ suppurationem expectare fas est. Id etiam de porriginè, de tineâ, de morbis pruriginosis intelligendum est, imò & de plicâ Polonicâ.

Imperfectarum Metastasisum prognosis.

Cæteræ omnes incompletæ Metastases & de Metaptosi participes in eâ HIPPOCRATICA sententiâ continentur, *Judicatoria non judicantia, partim lethalia, partim difficilis judicii*. Ex autem apparent in ipsâ dimicatione, victoriâ nondùm comparatâ, & coc-

tione adhuc vix incipiente, nec satis formatâ. Porro nixus illi naturæ vires exhauriunt & iter à naturâ institutum corrumpunt, adeoque compositum atque complexum morbum efficiunt. Quamvis autem sententia illa HIPPOCRATICA, universim spectata, vera sit atque animo tenenda, dantur tamen casus in quibus Metastasis illa, nedùm noceat, prodesse potest. Sic dantur morbi per se paroxysmis conflati, post quos Metastasis fit erysipelatoſa, quæ, per intervallum perſtans & quasi immobilis, rursus paroxysmo redeunte attenuatur, postea verò augetur, defervescente paroxysmo, donec imminuatur sensim per plures paroxysmorum reditus. Impetus naturæ in causam agit quam attenuat. Symptoma ipsum cessantis effervescentiæ & partialis coctionis peractæ signum est. Idem etiam accidit Metastaticis illis lienis tumoribus qui, febribus intermittentibus erumpentibus, post primos paroxysmos apparent, &, si imprudenti medelâ febres sustuleris, remanent forſan immedicabiles affectus, quos febris ipsa certò certius sustulisset.

In genere tamen, licet sæpè sæpiùs in febribus malignis parotides appareant quæ Metastasin efficiant minùs perfectam, & quas cauterio ad suppurationem advocare utile sit, ut, vias naturæ secuti, ipsi opposita vincamus obstacula, fatendum est Metastases illas posse sine periculo cum Metaptosis confundi, in hoc quidem utiles quòd materiem morbosam

Imperfectæ  
Metastases  
cum Metap-  
tosis sæpè  
confundi  
possunt.



è naturæ centro detrahant, adeoque onus ferendum imminuant. Sed quid ipsis fiduciæ tribuendum sit sola indicabunt coctionis signa ; nam , si certo tempore illa appareant perstentque , omnia ad salutem ægri accommodari prædici potest. Hujus si defuerint signa , nil tibi sperandum superest , nisi ut res in meliorem statum , tardiùs quidem & protractiori morbo , vertantur. Hi Metastasis nixus, sine ullâ præviâ coctione , aut tantùm sub inconstantibus coctionis signis emicantes , quæ sæpè falsâ spe illudunt , delitescentiam efficiunt , sæpissimè lethalem. Scilicet non cessat natura , sed inter ipsos suos nixus inutiles occumbit , aut , si plus pertinaciæ quàm sævitiei profert morbi causa , quod efficacix natura amisit pertinaciâ debet compensare. Imò hinc morbi acuti vertuntur in chronica pathemata , vitæque restitutâ , sanitatem vix datur attingere.



## CAPUT QUARTUM.

*De morborum mutationibus quæ à complicatione pendent.*

SI ad prædicta & præcedenti tractata elucubratione attendimus, minùs mira Medicis videbitur morborum aliorum in alios mutatio, quæ tantoperè minùs gnaros admiratione percellit; siue enim mutatio illa salutaris sit, siue in perniciem abeat, tamen nobis aut Epigenesim, aut Metaptosim, aut demùm Metastasim exhibet. At, si illa, quæcumque sit, aut Epigenesis, aut Metaptosis salutaris evadat, aut crisi locum dat, aut in Metastasim definir. Complicatio enim adeò famosa, morbos efficiens & complexos & notabiles symptomatibus disparibus, huc ferè revocatur; quippe quæ à diversis, imò ab oppositis causis inducitur mutatio physica, tamen ad unum effectum prædominantem illum refertur, invadente cæteras concurrentes causas affectione principe, easque in se disparibus quidem primò & in morbi principio phænomenis, sed postea in unum finem & unicam mutationem consentientibus, ut notaverat dudùm HIPPOCRATES. Omnia enim in naturâ à summo rerum Conditore ita sapienter fuerunt ordi-

Complica-  
tionum ra-  
tio.

Duæ cau-  
sæ suis dis-  
tinctæ phæ-  
nomenis, in  
morbi de-  
cursu, naturæ  
actione, con-  
fundi pos-  
sunt.

nata ut, licet nixum eorum legesque quibus reguntur prætervideamus, extraneum illud & inexpectatum, quod solâ infirmitate sensûs nostri abnorme apparet, per se tamen regulatum sit, & legibus æternis in omni suâ essentiâ connexum. Ita Epigenesis à causâ pendens prorsus à morbo alienâ, duas in corpore causas, adeoque multiplices effectus elicere potest. Sed evidens est à duabus causis simul corpus impetentibus tertium quid enasci, novum quidem, sed quod, ab utrâque formatum, per varia phænomena morbum tamen unicum efficiat. In principiis quidem morbi, actione naturæ nondum constitutâ, suis se quælibet causa detegendam finit phænomenis: at, ubi natura vires exeruit, causæ omnes & singulæ certamine uno involvuntur, cessant symptomata ad alterutram pertinentia, nova ex composito & complexo vitio efformantur & nascuntur. Hinc rebellem morbum expectare fas est, quippe occupatur naturæ vis circa complexum fomitem. Unde fit ut sæpè in hisce casibus Metastasis legitima crisi prævia sit, crisis Metastasi; novaque circa finem morbi complexionis idea renovatur & nascitur. Is est scilicet corporis mechanismus, ea hujus organisationis actio, ut Epigenesis illa complicationem inducens, quæcumque sit, nunquam simplicia phænomena, & qualia sola produxisset, efficiat: quippe corpori jam mutato nova superveniens mutatio, com-

plexos atque combinatos producit effectus; imò dum formato & constituto malo se sociam addit, brevi naturam ejus, aut induit, aut immutat. Indè oritur quid novum, proprietates novas sibi aptans, mutansque naturæ decertationem; attamen unico certamine res conficitur. Id quidem in solis affectibus acutis observare licet, non in chronicorum inertia, quæ solis patet Epigenesibus.

Et certè Epigenesis, corpus immutans, non sub uno, aut simplici intuitu spectanda est & perpendenda. Eam quidem primo intueamur aspectu, quæ priori mutationi morbum constituenti contraria sit; illius effectus ea retundit, & ei ipsa remedio est. Hanc omni ope atque operâ sibi postulant, & efficere, aut saltem imitari conantur Medici. Sic ulcus, aut vulnus hydropi illatum, aquas aliquandò cum levamento extrahit, & id quandòque videmus in ulceribus per accidens inductis, quæ, vel combustio, vel vulnus quodcumque in cruribus tumefactis induxit. Hinc edocti scalprum tumidis cruribus admovimus Medici. Sed Epigenesis hæc ulcerosa quantum nocebit, si lymphæ stagnanti putridam conciliaverit illuviem? Sic accidentaria, vel etiam naturalis, ut in menstruatis mulieribus, hæmorrhagia, venæsectionem efficiens, inflammatorium furorem compescuit. Sic etiam improvisa apestia ingluviei debita, quantumvis ut plurimum mala maximè metuenda intulerit, aliquandò ta-

Complicationes ab Epigenesibus.

Epigenesis causæ morbi adversa ipsi pro remedio fit.

men, dùm repetito vomitu machinam succutit, convellit, movet funditus, causam sæpè residem abstulit, imò diarrhœam effecit in morbis capitis atque pulmonum salutare. Idem dicendum de absurdis devoratis, de quarumcumque rerum non naturalium influxu, quæ, ut rectè directæ possunt sanitatem afferre, ita in statu naturali per se nocerent, & in morbosâ corporis conditione possent Epigenesim efficere.

Remedio-  
rum actio  
Epigenesis  
vera est in  
morbis.

Uno verbo nihil aliud afferunt medicamenta præter Epigenesim illam. Hinc tanti momenti res est ista recto usu admove: nam Epigenesis quam advehunt, si malè morata fuerit, morbum quidem immutat & tollit symptomata priora, sed alia accersit, ut toties videre est in HYPERCATHARSI, quæ quidem inertem saburram sustulit, at inflammationem intestinorum & omnia invexit debilitatis nimix mala, quamvis illa catharseos adhibitio postularetur ab indicationibus; sed vel præmatura illa fuit catharsis, vel nimia.

Quæ ultra  
modum in-  
ducta mor-  
bum novum  
priori curato  
substituit.

Alter hîc sese offert Epigeneseos per artem inductæ casus, in quo, licèt indicata fuerit inducenda Epigenesis, tamen proportionē peccat illa cum causâ lædente, unde destruat quidem priorem, sed hujus loco malum aliud invehat. Ea nunquam magis annotanda fuit quàm in actuosis medicamentis & irritantibus, quæ sæpè, cachexiæ vincendæ adhibita, eam quidem aliquâ ratione superant, sed sæpè hujus



hujus in locum, imò & cum ipsâ, necdùm superatâ actione violentâ, inflammatoriam dispositionem inferunt, ardoremque fervidum cum cachexiâ jungunt, si ita fuerint constituta ut simul inflammando debilitent, ut familiare est drastice illis medicamentis, quæ ex resinis & aromaticis conflantur, hinc stimulantibus, illinc vacuantibus, venenorum certè ratione agunt. Longum foret Epigenesibus ab hâc causâ inter Agyrtarum manus pendentibus diutius insistere, cùm actio medicamentorum mechanica inter morborum causas ab omnibus rectè recenseatur, adeoque inter Epigeneses jure locum obtineat. Natura verò idem mutationis genus efficiens, Epigeneses illas in chronicis morbis lentius efficit. Sic loci, aëris, alimentorum mutatio, contrarias inducens in corpore morbofo dispositiones, pristina vitia sustulit. Sic herpetibus tollendis sæpè satis fuit in calidiora climata digressus; imò ipsi imminenti phthisi ultramarina expeditio remedio fuit; & Romanis morbosâ illâ dispositione laborantibus familiare fuit in Ægyptum emigrare; successum ad ipsam transmarinam peregrinationem referebat PLINIUS. Aliundè multis quoque, dùm phlogisticâ atque biliosâ phthisi laborantibus profuit umbrosa atque frigida loca querere, id sæpè accidit ut loco diatheseos illius inflammatoriæ nascatur cachexia, quippe in omnibus casibus

fines sunt certi extrà quos nequit rectum consistere.

Sic cachexia inflammationis loco sæpè inducta, &c. Imò sæpè, post inflammatorium erethismum solida irritabilia crispantem, densantemque fluida, ubi sedata sunt omnia, sequitur atonia proportionalis tensioni præcedenti; quippe fracto tono, eò solida laxantur magis, quò fuerit tensio violenta magis: undè nihil adeò commune est, præsertim si victûs ratio cæteraque non naturalia in eundem scopum concurrant, quàm ut morbi cachectici quasi Epigenesis morbis inflammatoriis succedant, & æger, cui metuebamus phthisim, abeat in hydropem. Id inter manus, vel etiam eorum qui sese fingunt doctos Medicantium, accidit, ubi præposteris venæsectionibus ægrorum vires prostravêre, ut sæpè contrà phthisis eos excepit qui parcâ nimiùm manu, timidi & hæsitantes, phlebotomiam administravêre; utroque in casu Epigenesis mala. Nam, dùm remedium præsentì malo quærimus, contrariamque inducimus Epigenesim, in vitia adversa, imò & opposita furtim delabimur. Hinc Medicorum doctissimorum ars sæpè fuit corpora quæ venæsectionibus diluentibusque debilitavêre, lentè cardiacis & actionem moderatè augmentibus rescire. Hinc etiam constat effati illius HIPPOCRATICI veritas: quæ corpora lentè attenuata sunt, lentè rescire oportet. Ultrà enim metam feretur quicumque contractum mali habitum impete facto

tentaverit restituere ; reviviscet erethismus in prædebilitato corpore & jam ad conatus effica- ces impari. Porro in eo artis prudentia consistit, ut dum morbi sequelas profligamus, latentes ejus non exsuscitemus scintillas : latet enim aliquandò sub atoniâ erethismus, non universalis quidem, sed in parte aliquâ concentratus. Sic violentior medicamento stimulantis, quod sub roborantis titulo adhi- bueris, actio, veluti cineri suppositum doloso, potest pristinum revocare incendium : latentis verò hujus erethismi signa in urinis, in pulsu deprehendes. Adhucdum hîc in suâ etiam parvitate duritiei aliqua servat signa : illæ te- nuitatem nimis limpidam insipientium oculis offerunt.

At verò ex hoc phænomenorum morbis su-  
pervenientium intuitu satis deducitur Epige-  
neses illas, ab arte accitas & ab illâ mode-  
randas, à naturâ auxilium invocante requiri  
sæpius, quatenus in statu sano per se nocuæ,  
vitium præsens & excessum peccantem emen-  
dant atque corrigunt. Idem ergò dicendum de  
omnibus rerum naturalium intrâ morborum  
spatium concursibus, quæ, vel rectè, vel malè  
adhibita, ut morborum, sic sanationum  
causæ efficiuntur. Tales sunt quæ nunc à ple-  
niori diætâ, nec viribus proportionali pendent,  
nunc à strictiori & tenuiori, ut notavit HIP-  
POCRATES & ab HIPPOCRATE BOERHAA-  
VIUS, priori magis metuendâ : siquidem na-

Ars Medici  
omnis in  
moderandâ  
hâc reme-  
diorum Epi-  
genesi.

tura sola vires refarcit : nec ars alimenta nutritientia potest concoquere ; quæ ad pleniora vacuanda potens , ad amissa refarcienda nullâ ratione potest conferre. Hinc peccata in regimine adeò sæpè plectuntur ægri. Quod tamen doctrinæ institutum sæpè solum sufficiens fuit ad superandos acutos morbos arti per se minus obediens.

Epigeneseon  
aliud genus  
fortuito in-  
cursu mor-  
bum mutans.

Aëris fri-  
gidi admissio  
subita.

At datur alia Epigeneseon classis verè fortuita ; hæc morbo non opposita , adeoque ipsi curando nullâ ratione conferens , vires contrà morbi auget , morbi extricationem impedit , virium exercitio obstat & morbis , aut longitudinem infert , aut pericula. Epigeneses illæ possunt quidem omni morbi tempore , mutatis phænomenis , atque pro corporis conditione variatis effectibus , illucescere ; sed brevè , si salutem augurari fas est , omnia ad eundem phænomenorum ordinem revocantur. Sic frigidi aëris effectus insoliti atque subiti multis in affectibus ordinem naturæ mutant , & , ut nova symptomata excitant , sic acrisias faciunt. Sæpè incauta aëris admissio feбри addidit dolores rheumaticos , aut , dùm sudores suppressit , vomitus , nauseas , tussis concitavit. Sic infantibus in febre levi suppressa perspiratio quintanas tussis longo vix solubiles tempore effecit , imò & tumores pustulosos , aut phlyctænosos , sæpè redivivos , aut tardè suppurantes : sic , in ardore inexploto febris biliosæ ardentis , glacies manibus contrectata ,

frigore agens, icterum intulit frigusque penè gangrænosum. Sæpè, incauto aëris usu, febris moderata in erysipelas abiit vultûs atque faciei, quod semel constitutum longo tempore in has illasve partes renovatum desæviit. Ab illâ causâ sæpè catarrhi per Metaptosim ulcera effecêre; quantum noceat in casibus chirurgicis aëris & tempestatum inclementia, nemo est ex Chirurgis qui non observaverit. Convulsificum esse frigus jamdudum annotavit HIPPOCRATES. Certè maximè notanda & metum incutientia nervorum symptomata ab hujus subitâ actione concitantur. Porro nihil adeò regulari motûs febrilis actioni nocet, quàm irregularis ille atque inconditus spasmodum tumultus, causaque vehemētissima esse debet atque ferè funesta quæ febrem interrumpit spasmis, quibus continendis atque sedandis vulgò febris comparata est. Hinc jure meritòque in febribus emicantes subito spasmos exhorremus: quippe id saltem ab iis expectandum, partes illas quæ motui & sensui præbent originem, à causâ ipsâ impeti; quod in febribus sic dictis malignis non rarò observatur.

Contrà caloris æstuosi scelus est ut putrescant omnia in morbo febrili. Hinc ab eo solo tot nascuntur maculæ, vibices, petechiæ, miliares eruptiones, hydroa, quæ in febribus insularum Americanarum Medici omnes annotavêre. Adde ariditatem linguæ, faucium,

Aëris æstuosi accessio.



imò & pulmonum ipsorum, ab aëris astu in molem humorum agente & ipsum colliquante : unde febribus complicantur simplicibus anginae spuriae, tussis symptomaticae sic dictae. Quid jam de pruriginosis morbis ab hac causâ nascentibus dicamus, aut etiam herpetibus, non iis qui per vim morbi educuntur, sed ex ipsius fundo nascuntur, additâ acri materiâ excrementosâ ; non Metaptosim nec Metaftasim efficiunt illi, sed malum malo addunt. Putridum acre quale nascatur ab aëris stagnantis & putridi exhalatione norunt omnes illi, qui febrium illarum salutarium intermittentium inde mutatam indolem quotannis observant. Rectè pergebat morbus sua decurrens stadia ; mutatur illicò aëris conditio, vixque elasticam servat facultatem ; illicò nascuntur nausea, vomitus, cibi fastidium, animi demissio melancholica, brevi-que sese comitem addit icterus. Verùm illa mutationum in morbis causa nimis nota est, ut ad illam diutiùs attendamus : suffecerit hîc annotasse complicationes illas, five symptomata ad Metaptoses referenda, rarò admodum aliquid indicationibus curativis immutare : princeps causa, morbus scilicet omni operâ tollendus est ; nisi in veram Metaptosim illa cesserint, novumque protulerint morbum. Sit satis ad observationes SYDENHAMI & ante ipsum BALLONII revocasse harum rerum studiosum. Hi Authores attentè notaverunt

quanta mutatio fiat in morbis, quanta Epigeneseon varietas oriatur in affectibus, veneno grassante epidemico, sive eum in autumno, sive vigente vere spectaveris. Verum nulla feralis magis Epigenesis quàm ea quæ à tristibus animi motibus infertur. Stupor actiones omnes nervorum ita in morbis necessarias occupat, ut jam nulla actio speranda sit; tuncque aut, cerebro cessante, Epigenesis fit, aut, causâ illuc delatâ, Metaptosis, veraque causarum complicatio. Verum Epigenesis, constringens & quasi alligans omnia, morbi faciem immutat; inflammationis loco, quæ, utut sæpè funesta, tamen certum ordinem servat, spasmus viget durus, iners, ob corporis & præcipuè cordis majorumque vasorum stricturem; fit icterus, stric-  
tis vasis enascens, non criticus; brevi ventriculus nauseat, viridia, capite obfesso, evomit; scybala nulla expectanda sunt; urinæ, aut supprimuntur, aut tenues evadunt, quique actionem gestibus & voce exprimebat gemens, taciturnus, tremens, veterinoque tristi occupatus æger vix jam vitalem auram carpit. Deliramenta ipsa tristia sunt, morosa; languentibus respirationis musculis fit illa suspiriosa, aut intercisa, aut intrò revocata; vultus decolor, musculi faciei collapsi, & oculi, aut lacrymosi, aut demissi: brevè spasmus labia, guttur, linguâ tremebundâ, occupabit, præclareque secum agi clamitabit

Mutationes  
morborum  
ab animi af-  
fectibus  
complicatis,

æger, si mors tantis malis medeatur. Urinæ, in spasmo melancholico, turbidæ, & quales jumentorum minguntur. Pessima est quæ turbida, nihil deponens omnia confusa arguit; melior si è turbidâ limpidior evadat & sedimentum deponat copiosum; inter utramque anceps quæ, limpida reddita, citò turbatur: superest scilicet aliquid in naturâ virium, sed incertarum & titubantium. Ira furor brevis morbum fanatu facilem in phrenitidem immutat; ira suppressa illa, cordis palpitaciones invehit & crethismum latenter auget, uno verbo ut omnia complectar, morbum merè organicum in nerveam indolem immutat. Spasmus qui à quâcumque causâ morbo superinductus, sive lentus ille sit, & atoniam simulans crethismumque dissimulans, sive vehementer fuerit & stringens omnia crispatione evidenti, sive fugax ille ab aliâ in aliam partem circumferatur, ita agit ut eo præsentem nulla ordinata & regularis actio sit speranda. Nerveus adest organicæ atoniæ autor tonus; rigores, horrores, aut universales, aut etiam in unâ parte, febrilem interrumpunt ordinem, imò ipsum vix nisi per intervalla emicare sinunt; morbum in catalepsim verti aliquandò observationes edocuère. Aut etiam dùm convulsiva diathesis & deliria dissimulata, sed vera procreantur, dùm oculorum nitor extinguatur, dùm tendinibus subsultus impri-

Quocumque à nerveo affectu.

muntur, febris oritur illa durabilis sub nomine febris lentæ nervæ cognita, & ab Authoribus descripta. Causa hîc certè in corpore jam antea ægrotante adest multiplex. Vixque morbus adeò compositus, sine multiplici causarum concursu potest intelligi. At in eo mechanismus consistit morbi, ut luctam & certamen naturæ in unicum tendentis scopum tardet, aut augeat; fitque adeò morbus ex levioze gravior; ex solubili infarctu fit infarctus, aut Metaptosim sibi assumens, aut sperans à naturâ Metastasim.

Verùm iniusta labes non intrâ stadium morbi terminatur: ut enim, si sub ejus stadio non soluto, nec omninò convalescentibus ægris casus ille accadat, ne morbus redeat metus est; ita etiam in medio morbi metus; aut mœror, aut ira invadens tonum novum nervis indit. Tunc exacto morbo, (quod sperare non licet, nisi jam inclinante morbo & quasi devicto Epigenesis illa inciderit) nervi sæpè acceptam perniciem servant, Epigenesisque illa non solum morbi stadia longo superat intervallo, sed etiam per longiora vitæ spatia protenditur. Quæ enim infirmato corpori nota inuritur, ea profundius penetrat & longam impressio- num seriem ita servat, ut aliquandò etiam ab hâc causâ mania & insania pullulaverint. Verùm, notante id doctissimo MEADIO, notam hanc ultimam altè impressam sæpiùs fecit inexpectata latititia, quæ, tonum pariter nervorum

Indè aut morbi nondum exacti recrudescentia, aut durabilis convalescentibus impressa labes.

conturbans, & à statu sano dejiciens, circuitum potius auget atque cæterarum functionum liberius exercitium, ita ut mœstitia nimia mortem accersat, lætitia insaniam: tanti est momenti in morbis omnibus mentis motus compescere & moderatum animi tenere morem: vincula enim quæ inter idearum fontem & corpus intercedunt, licet minus cognita, effectus tamen manifestos efficiunt. Quid ipse viderim de animi affectibus Epigenesim efficientibus in morbo maxime chronico, ipsumque prorsus immutantibus, liceat hîc enarrare. Laborabat vir quinquaginta annos natus arthritide venerâ summè cruciante, ita ut ad motum ineptus esset, cruraque erectum ipsi situm debilitata, imò & macilenta recusarent. Reus sit capitis & fortunarum malè consumptarum; in carcerem conjiciendus apprehenditur. Illicò arthritidis illa & omnia cessant symptomata. Scriptis diu noctique vacat: perpauco alitur cibo: insontem judex pronuntiat. Domum reduci post quindecim dies integros, post quindecim noctes anxias & insomnes, dum ipsi gratulamur omnes, illicò cum ingenti cruciatu spina & incurvatur & distorquetur; urgent eum negotia jam mitiora & vitæ tedium inextuperabile. Quid multa? Res eum coegere ut in eo statu ad Indias sese exulem amandaret; negat eum transcendere Navarcha moriturum; cedit tamen, & Pelago immergendum asportat, felicem jam &

Exemplum  
insigne re-  
rum exter-  
narum in  
morbo ac-  
tionis.



à negotiis diffitum operosis. At vix in calidiores oras pervenit cum sudoribus actus est morbus spontaneis & viro incognitis; pristinum vigorem spina recepit directamque se fecit, ita ut vino & Veneri incautè & imprudenter, sed impunè tamen, sese tradiderit; nec dubium finit de tabi venerei existentia, lues quam scorto Parisiensi reliquerat evidenter veneream, quam sustulit usus mercurii. Sed dubium non est quin, si rursus in spinæ articulos morbus non concidisset, brevè ipsi fuisset occumbendum. Nec crediderim ullum sibi spondere potuisse Medicum successus imperatos, quos à fervidiori Mozembicæ aëre sibi reperit. Unde duo nobis exempla profert casus ille, tum felicitum, tum infelicitum Epigeneseon, quæ potuerunt à rebus externis induci. Nec rarò Medici ægro durioris impotens loquacitas, morbo jam ad curationem progredienti fecit acrisiam, & Metaptosim creavit, atque à terrore, Epigenesim.

At ingluviei & malè directæ diætæ incommoda quàm multa sint ad Epigeneses efficiendas videre qui voluerit, adeat rusticorum casas, autumnii præsertim degeneris tempore. Ibi enim, post morbos epidemicos inflammatorios plerumque, & à laboriosâ messi contractos, cachexiam & hydropem, vultus decolorationes, & tandem febres inveniet marasmodos lentas, quantum à priorum genere distitas; circa quæ, satis abundè cognita,

Ingluviei  
& pravæ  
diætæ influ-  
sus in mor-  
bos.

insistere extrà operæ limites foret , cùm præfertim plus sequelam morbis quàm in iis veram efficiant complicationem. Præjudicatas omnes huc referas etiam à rerum gnaris acceptas opiniones : quosdam videas qui bellè cum naturâ agi credunt , si se nimio aquæ potu jam fractos diluant. Alios qui enormi se macient inediâ , symptomataque sibi adsciscant è debilitate composita atque spâsmo , qui veræ febris locum occupat. Quasi verò non illud esset ingens artis opus HIPPOCRATICÆ alimenta semper viribus proportionalia ægris offerre , quibus benè dirigendis tota Medici cura allaborare debet , ne prægravet alimenti materiâ , aut contrâ deficiat resarciendis viribus ; in quibus tota & integra constat reconvalescentiæ essentia , non aliundè unquam quæritanda , nisi tamen levibus egeat natura cardiacis , ut fulciatur , non irritetur ventriculus. Verùm in his omnibus supervenientibus quasi accidentariò causis scitè cum HIPPOCRATE notandum est , quòd quæ accidentia subitò & quasi improvisò concitantur , si cum naturâ morbi jam existentis ita non concidant ut ipsum alere queant , fugacia sunt , atque brevi sublato causarum impetu & præsentia tolluntur ; ita ut ex ejus doctrinâ non ultrâ viginti quatuor horarum spatium erroris illius effectus protendantur ; cùm morbus ipse , aut potius naturæ nixus iis tollendis pares sint. Metuenda tantùm erit quæ causa

Supervenientium ab externis rebus in morbis accidentium prognosis generalis.

vivax repetitis ictibus naturam conteret, ejusque obtundet efficaciam.

Quas jam Epigeneses in morbis efficiant, aut præpostera menstruatio, aut hæmorrhoidum malè accersita vacuatio, ex dictis hiorari fas est: sed nihil potentiùs naturam morbi immutat quàm partus superveniens, sive alieno, sive legitimo tempore accidat: nam non solum directiones omnes naturæ in hunc solum actum intenduntur &, cæteris omnibus omissis, in hunc unum conspirant, sed omnes cavitates scilicet lacteo turgescunt humore, qui, si acredinem combiberit aliquam, illico lues hæc universalis omnia corrumpit & pessimam undique dispertit indolem, à viribus naturæ fractis vix vincendam & superandam. Notandum tamen est, quòd observatio demonstravit, morbos inflammatorios minùs violentos esse in illo perpetuo lochiorum fluxu & dulcissimi lactis miscelâ. Id evidenter apparet quoties variolæ in puerperas incidunt: numerosæ enim apparent papulæ, quæ, lacteo candore insignes, vix se sinunt exsiccari durationemque morbo efficiunt, felices illæ si non à febre in lac agente aliquam nanciscantur rancidam putredinem. Sed quicumque fuerint morbi illi, multiplicibus terminantur vacuationibus, easque ab artis sedulitate faciendas ista postulat corporis conditio.

Quid jam hîc addamus de venenatis atomis quæ, si in corpore per morbi efficaciam nas-

Partus in morbis quid mutet?

Quid afferant contagiosa miasmata?

cantur, aut Metaptosim faciunt, aut Metastasis, sed morbum novum non procreant; si aliundè accita fuerint, jam morbum priori additum efficient, veramque complicationem, modò id annotetur quod ipsa indicat ratio, corpora jam alio morbo occupata multò minùs patere contagio: quippe in febrili impetu vis absorbens, vasis animalibus in sanitate constitutis propria, perit omninò nec jam exerceri potest: ita vel ipsam quartanam in peste adversùs eam præsidium attulisse notaverunt Massilienses Medici.

Epigeneses  
quæ morbo  
nihil adden-  
tes nec mu-  
tantes ab eo  
distinctæ  
manent.

Dùm verò sectamur Epigeneses morbo complicando idoneas, superest genus aliud hîc omni dignum attentione, earum scilicet quæ morbo ipsi nec addunt nec detrahunt, sed duplicis generis effectus inducunt; quod expositis principiis fieri, aut intelligi non potest, nisi in læsione functionum mediocri admodum; secùs enim confunderentur omnia. Exemplum nobis præbent febres intermittentes, quæ cum continuâ aliundè accitâ grassantur: mixtam curationem sibi postulant illæ. Sed, sublatis illis, secundum Cl. Torti & Morgagni doctrinam, continua degener sæpè sublata est, nec proprio indiget piaculo. Peripneumonia etiam cum saburrâ intestinali conjuncta, potest hîc aliquâ ratione recenseri, dùm symptomata concitat, quorum alia ad ipsius thoracis arcem referuntur, ut sunt tussis, lateris dolor punctorius, suffocatio, screatus

flavi & biliosi feri ; alia verò vomitus , nauseas , cibi fastidium comprehendunt , & complexâ indigent curatione. Arthritide in articulos sæviente , si febris intermittens emicet , in hâc complicatione vulgò arthritidis tempore paroxyfmi cessat , & vehementior mitiorem dolorem dolor obscurat , & quasi cessare facit redivivum cessante febre. Ita annotasse videtur HIPPOCRATES quòd insultus epileptici febre emicante non appareant qui postea febre cessante renovantur.

Satis hæc fuerint ut Epigeneseon morbos complicantium & in eos incidentium fata & actionem intelligamus. Nam quòd , v. g. , pustulæ in variolis nigrescant , quòd cum miliar eruptione variolosa complicetur , id non complicationis morbosæ nomine designatur , sed potiùs augmentum est in ipso morbo , quod etiam de erysipelatosâ diathesi , aut de petèchiis erumpentibus dicendum fuit. Jam scimus satis de Metaptosis quid censendum sit , quæ à viribus morbi cum absolutè pendeat , semper malæ sunt , copiamque aut acrem efficaciam materiæ designant. Harum signa à cruditate materiæ repetenda esse jam diximus , intempestâque in augmento apparitione. Sed hæ complicationum titulum sibi arrogare non possunt , etiamsi symptomata multum diversa sibi vindicent , nam hæc morbus ipse produxit & extulit. Sic icterum in morbis biliosis præmaturum , lethalem esse

Metaptosis in morbis per se complicationes non faciunt.



HIPPOCRATES edixit, qui eundem, in morbo jam maturo & præcedente coctione adeò salutarem pronuntiat. Idem de BUBONIBUS & PAROTIDIBUS scripserat. Sensuum quorumcumque amissionem, imò unum oculum altero minorem fieri, aut convulsiones quascumque, cæteròquin feбри adeò infensas, in febre adesse funestum nos edocuit. Hæ quidem Metaptoses sunt; at hæ Metaptoses, cùm ab acredine materiæ, aut ejus copiâ pendeant, morbum quidem magis exitialem efficiunt, ejusque fata immutant; at morbo ipsi diversitatem indolis non imperitiunt, nisi vires fregerint, aut earum actuositatem retuderint. Tales sunt hæmorrhagia juvenum, diarrhœa adultorum, fluxus hæmorrhoidalis præposterus; morborum quidem primò symptomata sunt illi affectus accidentales; at complicatio mali nascitur ab eorum effectibus, quibus omnibus morbus fit in cachexiam degener. Sic ipsa inflammatoriâ humorum conditio, centri sibi nanciscendi jam impotens, huc fertur & illuc, partesque omnes alternè quassat & concutit; si ferox & violenta fuerit, suffocat, angit, & in gangrænam sine inflammatione degenerat; si levior fuerit, rheumatismi speciem æmulator, cui ferè semper se comitem addit melancholia, in quam desinit densum illud inflammatorium, ubi semel vires accisæ erethismum non sinunt & actuositatem naturæ

At ex Metaptoseon effectibus oriuntur variae morborum complicationes.

Complicationes ab inflammatoriâ Metaptosi natæ.

enervant. Sed horum accidentium pleraque morbi potius succedanea sunt quàm ejus comites.

At morbum, & quidem crudeliter, immutat erysipelas, in phrenitidem, anginam, pleuritidem abiens. Furunculus ipse cui suppurandi copia adempta est bellè cum corpore agit, si tantùm in pruritus abeat, enormes illos & acredine insigni vigilias, anxietates, fitim inducentes. At aliquandò moles illa, acris & irritans, glandulis ferè insensilibus accepta, earum actionem præpedit & in scirrhosam duritiem vertit; unde sæpè diarrhœas nasci & hydropis pericula induci ab erysipelate repressio visum est. Hæc porrò Metaptosis, sæpè à morbo acuto nascens, quem amovisset suppuratio prompta & facilis, in chronicam vertitur ægritudinem; vix ullis sanandam artis auxiliis. Quò enim labes illa acris subrepat occultiùs, eò etiam fixiùs incumbit, nec jam erethismi febrilis impetu vincendam se finit. Nascitur forsàn, nec rarò in prædebilitato corpore, à stimulo inducto erethismus inutilis: talis est ille qui partem aliquam incassum adoritur, cæteris intactis, imò per atoniam præviam relaxatis. Hic, cum vires corporis in sui subsidium non accersat, incassum furit, morbumque chronicum & parti addictum alicui facit. Dolet æger miserrimus, &, si lento non conficiatur marasmo, oritur animi & corporis ægritudo:

Ab erysi-  
pelatosâ Me-  
taptosi.

unde melancholia primum, postea hydropes sequuntur; quæ quidem sequelæ, per se pessimæ, sæpè morbo acuto malè sanato debentur. Infortunium illud non rarò iis accidit quibus, dum inflammatorio laborarent morbo, evenit ut, vel ob ætatis in sexu periodos, vel ob multiplicatas nimiooperè venæsectiones, per sanguinis effluxum vires ante coactionem peragendam concidant & collabascant. Tædiofa, incerta, morbo ipso tristior remanet reconvalescentia periculi plena. Pedum tumor, anhelitus, suffocatio miseros divexat, & complicatio debilitatis jungitur cum phlogosi inertis & inutili. Id etiam in infantibus à lacte depulsis & dentitione laborantibus pluries visum; cum universum glandularum mesaraicarum systema post febres, imò & post convulsiones materie hostili obruitur, atque infarctum indurescit & scirrhum adeoque inutile evadit. Brevi viridescens diarrhœa marasmmum imminentem denuntiat; imò sæpè complicatùr in misellis cum hydropè suppuratio. Verùm mutationes illæ Metaptosim facientes, omnibus æquè in ætatibus à saburrâ intestinali aliquandò oriuntur, à quâ, si dicere fas est quod demonstravit observatio, morborum per se simplicium, mox verò sese vel periodicè, vel erraticè reduplicantium complicatio ita pendet, ut sæpè alter alterum excipiat continuò paroxysmum; undè ad sim-

A Metaptosis in infantiâ familiaribus.

A saburrâ intestinalis Metaptosis.

plicitatem revocandam toties contulit vomitorium ex arte exhibitum.

Verùm ipsæ intermittentes febres, quoties in hepar Metaptosim efficiunt, aut sæpius adhuc in lienem, toties solâ sanantur evacuatione, quæ quidem si fuerit neglecta, tollaturque febris, aut posthabitâ Metaptosi per febrifuga suspendatur, remanet longa malorum series ab obstructione pendens & ab illâ repetenda. Imò, ut materies illa per se non est pessimi ordinis, pluries accidit, & Medicos omnes testes appello, quòd dùm curare satagimus obstructionem illam visceribus metuendam, febrem revocamus, eamque pristini moris. Quid enim? Actio medicamento- rum febrem aliquam concitare nata, pristinam ejusdem naturam evolvit, & certè eidem suscitandæ feбри apta est quæ priorem invexerat materies.

Nec verò sæpè accidere negabimus ut, dùm in chronicis obstructionibus tollendis insudamus, sæpè facies, nasus, labra, genæque deturpentur turpi Metaptosi. Quod ter quaterque vidi in fœminâ quæ, dùm uteri laboraret doloribus, aperientibus assumptis, genas vidit herpete fœdari. Malum, si quod aliud, fœdum imprudenti medicatione sustulit: illicò uteri dolores reviviscebant. Tentamina alia eundem effectum attulerant: mutata methodus, Medicus mutatus eidem ansam dederunt Metaptosi, donec, converso

Ab intermittenti-  
um  
Metaptosi-  
bus.

Ab aliis  
humoralium  
vitiis  
Metaptosi-  
bus.

prorsus regimine, an arte, an tempore, cum difficultate summâ, post ingentia artis molimina convaluerit. At jam inclinante ætate pristinorum malorum vix memori arthritidis ingruit, quæ eam statis divexat adhucdum temporibus. Similes mihi contigere observandi casus, in quibus extrusus à visceribus humor, qui nauseas, flatu, ventris durtiem, anxietatem præcordiorum intulerat, abibat in herpes fluentes, pruritibus infames. Arthritidem certè magni mercarentur miseri homines; sed multò majori emerent pretio ii quibus arthritidis illa vetula quasi & erumpere impotens, in vesicam viasque urinæ excernendæ dicatas deponitur, quæ tot additis effectibus huic causæ debitis, tandem hominem perimit, & è medio post enormes cruciatus tollit. Hæc quidem symptomata omnia potius Metaptoseon titulo quàm complicationis nomine designanda videantur. At ut Metaptosis cum morbo stare ex suâ naturâ & potest & debet, illa morbum non solum complexum facit, sed est frequentissima complicationum origo. Nec minùs verò humor arthriticus à doloribus aliquandò conquiescens sanitatem non adeò importat, quin intervalla illius horrendâ melancholiâ infamia sint, anxietatesque doloribus redimant ægri, in quibus saltem aliqua mentis securitas inest.

A mens-  
truationis  
Metaptosi-  
bus.

Ingens in sequiori sexu acutarum & chronicarum Metaptoseon origo est fluxus ille



uterinus qui, five tardet erumpere in ætate nondum adultâ, five, jam constitutus semel, renuat ordinem suum servare, five demum cesset ætatis necessitate, malorum agglomerationem facit, vix describendam, atque numerandam, seque omnibus superinjicit, vires debilitans, nerveæ & sensilis partis æquilibres tollens oscillationes, & vitæ dimidium auferens & detrahens. Ventriculus quidem principem scenam agit; mox caput & pulmones. Omnia plethorâ laborant, & spâsmo ab hâc causâ nascente cruciantur. Hinc somnolentiæ, lethargi, maniæ, melancholiæ, vomitus, singultus, tormina ab hâc causâ nascuntur; hinc anxietates, suffocationes, strangulationes. Nullus est in quem non vertatur morbus uteri suppressa vacuatio. Indè pullulant novæ excrementorum formæ, diarrhœæ, dysenterix, tenesmi, urinæ etiam nigricantes & sedimento atro terrorem insciis incutientes, uno verbo omnia nerveæ partis mala inferentes. Jure certò melancholia illa spâsmodica sub nomine affectionis hystericæ designata fuit & indicata. Hæc vulgò, acutis ferocientibus morbis, conticescit: at semper metus est ne alieno tempore, causâ & origine mali non sublatis, reviviscat. Nec scenis illis crudelibus minùs ansam dat fluxus ille mulierum albus qui, quoties cachexiam non indicat quæ in viris hydropem efficeret, toties uteri aut crethismum, aut obstructionem

A fluxûs  
albi. Metap-  
tosibus.

supponit. Porrò suppressum illum lotionibus imprudentioribus vidi in tormina atrocissima facessere, unde nascerentur convulsiones. Brevi imminet phlogosis abdominalis lenta tumorque glandularum meseraicarum protinus scirrhusus, comitante picâ atque malaciâ, comitantibus particularibus singularum partium tumoribus œdematosis, quos dum sibi plaudunt sublatos atque evanidos, en illi aliâ in parte erumpunt. Urinæ quidem, nervosæ illæ atque limpidæ, hinc novam sibi formam adsciscunt, lacteæque fiunt atque turbidæ: Metastaticas faciliè crederes. At imminet brevi propinquum hydropis periculum; qui hydrops mulieribus frequens admodum, minus instans ipsis mortis periculum affert: hunc enim à spâsmo peculiari ita pendere vidi, ut, omnibus rebellis medicamentis actuositate pollentibus, per se & solo lactis usu evanuerit prorsus, nunquam postea redux. Idem evenisse infantiis illis muliebribus observatum est, &, referente MEADIO, visus est aliquandò hydrops maniam tollere, hydropem mania. Quid si cum fluore mulierum albo simul acris aliquis fomes vacuetur, qui suppressus ulcera, fistulas efficere potis est, aut in interiora quæcumque viscera scirrhos brevi canerosos efformare. Pessima certè est quæcumque ad interiora fomitum illorum fermenti more agentium repulsio, scabiei, herpetum, aut pruriginosæ cujuscvis materiæ,

A fomiti-  
bus fluori  
commixtis.

mala quæcumque implicans, & dissimulatam iis indolem, sæpè latentem, nec propriis deprehendendam signis, impertiens. Hinc tussis, hinc peripneumoniæ, hinc abscessus interni, hinc asthmata convulsiva, hinc colici dolores ad nullam referendi classem. Benè actum erit cum ægris si omnia, in mulieribus, ad affectionem hysterica referri possint, & in viris ad hypochondriacam melancholiam.

Quid jam loquamur de Metaptosis puerperarum lacteis, & illâ concordia quæ mamas inter & uterum intercedit, unde etiam alternis in se invicem agunt symptomatibus, ab illis in hunc deciduis? Longum foret omnes enumerare puerperarum morbos, qui omnes Metaptosis constant, in quos adeò strictum obtinent imperium timor, odium, mentis impotentia & quæcumque alia ex non naturalibus repetita causis, deferuntur in tenellum & alieno turgidum humore corpusculum, cui vis deest concoctrix & digestio eò difficilior, quò ubertas materiæ major, nervique labore prævio summè cruciante laxati. Tum verò universus textus cellularis allaborat, fiuntque, in sanioribus etiam, pustulæ, abscessus lactei, jungiturque atque complicatur nerveæ illi prætermodum auctæ sensibilitati summa humorum non facile concoquendorum intemperies; unde multiplicantur mala & periculum intenditur, nisi complica-

A lacteis  
puerperarum  
Metaptosis.

tionibus illis aut depuratoria vacuationes, aut Metaſtatici abſceſſus opem ferant.

Maxima  
nerveorum  
affectum  
pars oritur à  
fermento-  
rum reliquiis  
nervos irri-  
tantibus.

Verum ex his attentè obſervatis ſatis intelligitur maximam nerveorum adeò infamium morborum partem, pro humorum Metaptoſi cum nerveâ debilitate compoſitâ habendam eſſe. At verò ſi pars aliqua priùs allaboraverit, ſi, vel vitio conſtitutionis, vel adventitiâ quâlibet cauſâ, adfuerit aliquod vitii ſeminiũ, ſi glandulæ aliquæ jam induerint, quantus imminet mali adaugendi metus. Multiplicantur ipſâ mole lacteâ ea imbibente fermenta quæque, naſcuntur hæmorrhagiæ, naſcuntur fluxus albi virulenti, tum prædominante veneno metuendi, tum debilitate viribus inductâ. Nec negare poſſumus reliquias illas morborum venereorum quæ non immeritò pro nerveis habentur, aliquâ, imò magnâ ex ſui parte à Metaptoſi materiæ alicujus jam non remediis cedentis eſſe repetendas, ſive illas morbus ipſe, ſive etiam methodi adhibitæ efficacia extruſerit. Nam complicatio certè morborum maxima fit à fermentis ante morbum ipſum in corpore jam ſævum exercentibus imperium. Nocet cicatricibus quibuſcumque inducendis fermentum venereum, & nova mala veteri juncta ad uſque intimam devehuntur viſcerum, imò & oſſium ſubſtantiam. Vix unquam ulla in hocce caſu ſperanda morbi ſolutio; id ſuperest expectandum quòd malum  
in

Maximè  
venereis.

in cruciatus abeat & dolores externos & quasi extra centrum vitæ positos : alioquin corrumpetur & in tophos molles atque cretaceos abibit ipsa viscerum substantia. Fermentis quibuscumque nuper adscitis, v. g., variolis, quanta ab hoc malo addatur virulentiae viderunt omnes qui mala hæc simul complicata medicanda sibi incumbere doluerunt. At quanta & quàm sæva observatur quotidie scorbuti in marinis itineribus cum præcedentibus, aut erumpentibus novis morbis complicatio. Febres verè pestilenciales indè exurgunt, & in congestorum angusto sub navium spatio hominum turbâ fiunt contagiosæ, quæ etiam postea in portus & urbes sævière. Fit scorbutus acutus, qui quos non peremit, afflictis viribus, & vitiato glandularum organismo, longâ prostermit vixque debellandâ infirmitate; totâ vitâ causarios indè factos sæpiùs vidi. Nec certè, si vera & observata profari licet, ad infantiae terminos omninò absolvitur scrophulosum illud coagulum : etsi enim sanatum possit videri, plasticum quid atque coagulatum relinquit intrâ glandulosum systema, quod, in morbis à scrophuloso viru alienis, sæpè per totum vitæ curriculum jungitur; obstruuntur facilè viscera; adeps crassior & vix resolvendus bili aliisque humoribus oleum legitimum non impertit, malisque supervenientibus insolubilem jungit inertiam, arti-

Scorbuticis.

Scrophulos.  
fis.



culos ossaque longis, tædiosis, imò & vix sanabilibus abscessibus sæpè inficiens: adeò ingentis est pretii mala hæc omnia, vel in infantiâ, debellasse.

Complica-  
tiones à qui-  
busdam re-  
mediis.

Sed novus complicationum fons ab ipsâ auxiliatrici arte oritur; agunt enim mutando medicamina. Hinc semper ante oculos habendum est à medicamentorum actione morbos necessariò mutari, sive sanentur illi, sive subleventur, sive nulli cedant efficacix. Porro, in mutationibus illis efficiendis, si vacuantia exceperis, quorum effectus evidens est & satis ex alibi dictis intelligitur, tria sunt medicamina quæ jure Medicorum attentionem postulant.

Mercurio.

Ea porro sunt mercurius, cortex Peruvianus & opium, quibus in administrandis opus est sagacis Medici solertiâ. Mercurius porro nervos convellit, & eâ donat actuositatem quâ longo post tempore ad minimum exardent timorem, ad externa omnia subsiliunt, tremunt, convelluntur. Verùm omnia hæc symptomata, expulsis mercurialibus atomis, an cessant? Constat aperturâ cadaverum posse aliquandò in cavitatibus & cellulis ossis servari mercurium, ibique alienam & extraneam corpori massam fieri, unde etiam nervi cur non vellicentur? Prætereà semel inductus nervis habitus, potest eò diutiùs inhærere & miseros efficere, quòd melancholia, ab hoc inducta medicamento, atrox, suspicio-

nibus & timoribus plena, per medicamentorum ingentem supellectilem semper ab his credatur abigenda & expellenda; unde ignem igni addunt malumque in cruciatum vergunt: infringitur tandem tonus, & omnia cachexiæ mala immedicabili more perimunt, cum jam regularem renuat natura actionem concipere. Quid jam dicamus de noxis sublimati illius corrosivi adeò famosi, qui & intestina & ventriculum lento malo afficit & labe peredit incertâ, destructo intestinali muco? Quid de aliis agyrtarum tentaminibus dicam, ac noxis & infidiis quibus nummos ægrorum emungunt, & morbum falso sedant levamine? Sed de his alii plura dixere. At si morbus aliquis exoriatur ex acutorum genere, liquatis omnibus fluidis, inductoque fibræ spasmò perpetuo, quid expectandum nisi acrisias & difficultates coctionis? Adde hîc periculum rupturæ quod pulmonibus, gulæ, œsophago, salivalique systemati imminet.

Nullum certè aliud medicamentum in rerum naturâ adeò utile existit atque kinakina, qui effectus evidentes elicit & rectè, notante ALBERTINO, morbos etiam rebelles non sanat, nisi crisi factâ quæ morbum ipsum, succurrente medicamenti efficaciâ, tollit. Verùm illud ipsius scelus est quòd aërem humoribus stimulum invehat, quòd ordinem naturæ aliquandò mutet & intervertat, & alibi occupatam constrictione, imò & adstric-

Kinâ.

tione evidenti quasi alliget. Hinc saburræ intestinali cumulandæ confert eò magis quòd ipsum alimentis miscendum vulgus edicat. Colon quidem & intestina crassiora aliquandò tono intestinis inducto videtur depurgasse, sed infido incertoque modo, nec partes maximè tenues vincente, aut eliminante. Prætereà cutim sæpè ipsam stringit perspirationique regulari illi & coctæ officit. Unde etiam obstructionibus invehendis tussique excitandæ aptus cortex ille fuisse videtur. Hunc ergò purgantibus miscendum in febribus intermittentibus Medicorum Gallorum edocuit industria, dùm intereà Metaptoses omnes gangrænosas potenter debellat pharmacum illud efficax, vimque fractis & nervis & vasis indit, quod ut non universale prædicari debet, sic nec ergò credendum omninò viro, alioqui de Republicâ Medicâ benè merenti TORTI, qui kinamkinam omnibus ferè aptat casibus, omnesque febres ad intermittentes reducit, paroxysmosque quoscumque tertianario exacerbantes modo ad tertianam annumerat; periodus enim illa in naturâ sedet & ad ferè omnes morbos pertinet. Nec tamen hîc prætermissum sinemus multò cautiore manu kinamkinam esse adhibendam in septentrionalibus & frigidioribus climatibus, quàm in calidioribus & sudori, cui obstat cortex, maximè propensis & obviis.

At verò licèt insigne dolorum levamen dul-

cemque sæpè inferat soporem opium, adeò-  
 que & ægris & Medicis maximè pretiosum  
 dici debeat, nullum aliud est medicamentum  
 quod cautiore manu sit adhibendum, absti-  
 nendumque ab eo potiùs in morbis acutis  
 quam incautè adhibendum suaserim. Non  
 enim hoc medicamentum tantùm naturæ vias  
 immutare dicendum est, aut vires malè di-  
 rigere; supprimit quippe illas atque inertem  
 naturam facit: elanguescunt ejus actione  
 coctiones omnes, secretiones omnes suppri-  
 muntur, exceptâ forsan illâ quæ laxationem  
 supponit perspiratione, seu potiùs evapora-  
 tione crudâ atque incoctâ. Stante ejus actione  
 natura nihil agit, nec agitur; oppletur in-  
 terea caput & in ipsum morbus deferitur.  
 Postea verò inertis delata circuitu in partes  
 morbosas materies viscera opprimit & gan-  
 grænam infert, aut in morbo mitiori in-  
 farctum efficit, à quo semel constituto brevi  
 agglomerata materies scirrhosam infert du-  
 ritiem. Omnia hîc Metaptoseos jure in partes  
 maximè laxas & stagnationi obvias deferun-  
 tur, morborumque medicatrix natura suo  
 defraudatur jure. Quid mirum, si febres indè  
 supprimantur, cùm febrilis actio sit naturæ  
 curationem molientis instrumentum, actio  
 autem illa pereat. Suppurationi quidem ali-  
 quandò favere visum est opium, sed tunc tan-  
 tùm cùm sperandam resolutionem actio ejus  
 sustulit. Nam, si suppurationi celeriter fa-

ciendæ aliquid sit pretium, quæ tardat omnia vis narcotica, nocet etiam suppurationi. At, cum ab actione vehementiori, aut spasmo fortiter constringente debetur gangrænæ metus, nihil mirum si opium ritè & ex arte admotum eam præcidat, ut nuperis apud Anglos experimentis constitit & ratio indicat. Certè, si doloribus instantibus opium offerre licet, id sine timore fiat, quoties dolores non critici sunt, nec ad scopum certum admoti atque directi. Id in doloribus à Chirurgi manu allatis, id in spasmis vehementibus, nec ordinatis, id demùm fieri licet, quoties dolores captum hominis & superant, & in ipsâ mali vehementiâ metus est ne functiones omnes, præcipuè verò quæ à sensibus pendent, exsuperentur atque profligentur. Hinc etiam intelliguntur adversi inter se opii effectus, dùm hinc auget vacuationes, illinc has suppressit atque moderatur; sed de his alii. Sufficiat nobis indè deduxisse quantum in Metaptosis & complicationibus & quidem illis lentis inducendis valeat opii vis narcotica.

A vesicantibus, &c.

Contrarios prorsus effectus stringentes, irritantesque intulerunt, quæ artificialem concitant Metaptosim rubefacientia, vesicantia, fonticuli, imò & cucurbitulæ aliaque hujusce generis auxilia, quæ partim malum à parte revellunt in aliam, partim etiam exundantem materiæ lædentis copiam vacuant, ingenti quidem successu, si natura, institutis nostris



auscultans, indicatas ab arte vias affectare non denegaverit; & quidem, ubi plus vitium quàm morbi superest, quidni in partem quam ars consultò debilitat non ferretur illa. At, ubi cuncta stringuntur erethismo; tormentum sibi inutile æger detestatur: ubi deficiunt vires, deficit in ipso appposito emplastro efficacia. Nec minùs tamen salubriter potentissimum subsidium quæritur in phænigmis illis, quoties princeps aliqua pars laborat, & humoris aliqujus errores devii omni ope atque operâ ad nativum, aut saltem minùs nocuum locum revocandi sunt. Saltem securitas indè nascitur, dùm intereà vacuantibus, revellentibus atque corrigentibus medicamentis ars agit efficacius in causas.

Ex hisce porrò omnibus deducitur in summâ morborum acutorum vehementiâ indicationem unam præ cæteris semper dominium obtinere, minùsque patere corpus acutè decumbens causis quibuscumque alienis impellentibus. Deest scilicet vis absorbens in horum vasorum eâ conditione quâ stricta omnia atque revincta tenentur. At falsa ut plurimum spes est eorum qui agros solantur, spondentes indè pristina eradicanda iri quæ priùs vexabant vitia: quippe ea, quo gradu vires redeunt rursùs antiquum sibi assumunt dominium, nisi tamen malum illud pro aliquâ sui parte inter causas morbi suam contulerit symbolum. Hæc quidem in acutorum morborum furore

In ipsâ acutorum complicatione indicatio semper una princeps habetur præ aliis implenda.

Rarò in his existentes antea fomites destruantur.

vera esse & constanter observata minùs mirabimur; cùm in tanto tumultu subitâque mutatione rerum omnium, ea quæ in habitum ducta sunt mala omninò expungi actione naturæ in unicum directâ scopum difficilius sit, quàm in lentâ morborum chronicorum decertatione: quod tamen in iis non semper observari quotidie experiuntur ii qui, à lue venereâ sanati, non minùs tamen herpetibus subjiciuntur, quos sibi per mercurii efficaciam tollendos frustra sperabant; adeò differt à se invicem natura fermentorum illorum quæ corpori insident.

Distinctæ  
magis sunt  
in chronicis  
quàm in acutis  
morbis  
complicationes.

Et quidem in genere fatendum est multò plura & maximè esse observanda complicationum & complexionum in morbis chronicis jura, quàm in acutis citò, aut perimentibus, aut ad salutem deducantibus. Quippe, cùm naturæ actio hostem non proterat, quidni alteri etiam adverso, aut in primum vix agente detur locus? Nihil in chronicis plerisque, nisi tardè, peragit natura iners; non sollicitata, nullos partium intromittendarum efficaciam ponit obices, neque enim omnia, ut in acutis affectibus erethismo vinciuntur. Hinc longâ laborantibus infirmitate & querulis sæpè accidit ut acuto corripiantur morbo, &, malè à debili naturâ defensi, succumbant. Ipsa etiam vitii alicujus chronici admissio aliis locum dat & aditum præbet. Nonne quotidie venereum virus, dùm coctio-

nes pessumdat, dùm humorum naturam vitiat & indolem eorum subvertit, scorbuticæ lui ansam præbet? Anne venereum virus simul cum herpetibus stare quotidie distinctum non videmus? unde chronicarum illarum complexionum duo genera præsertim exurgunt, quarum aliud, quasi fortuito & multiplici infortunio nascitur, aliud ex ipso principis mali fonte sumit originem, dùm concoctiones, dùm humores, dùm ipse animi tenor infirmatur, atque jam, benè cocta vix patiatur fieri excrementa. Norunt id miseræ mulieres, quæ, dùm accepta à parentibus fermenta intus concepta & educata servant, novum ipsis superaddunt à lacteis quiscuiliis venenorum fontem. Norunt id etiam populi infelices, ad quos indigetes morbi proprio jure pertinent, & endemicum malum vulgare est, & addit se comitem malis aliunde accersitis; quid si Syriacis, Ægyptiis, Arabibus dracunculo laborantibus accedat lues venerea? At certè sæpè scorbutus septentrionalibus populis endemicus sese scabiei, herpetibus, imò & elephantiasi conjunxit, ita ut duplici malo duplex medicina fuerit adhibenda.

Imò morbis acutis fomes ille præexistens nova induxit pericula, sed hâc tamen lege ut, vigentibus morbi, per hanc causam præexistentem duplicati, symptomatibus, cætera morbo propria & ab acuto morbo aliena conticescant. Sic, v. g., scorbutica lues

Duplex in chronicis complexio-num ordo.

Fit tamen in acutis complicati fomicis maximus in morbum principem influxus.

peripneumoniæ acutæ maritata, resolutionem ejus difficiliorem reddet, suppurationem malè moratam & periculum gangrænæ præsentius, quæ omnia inflammationi per se competunt; sed nec gingivarum afferet tumorem, nec maculas simpliciter scorbuticas, nec ossium cariem minitabitur. Imò, cum hæc inertiam naturæ supponant aliquam, actio virium aucta pristino malo aliquam curationem afferet. Idem etiam lûi venereæ, idem herpetibus competet, idem cuicumque alii morbo chronico. Nam, cum acuto laborans morbo rarò possit extraneum concipere fomitem, chronici mali fontem, contrà chronico affectus veneno & ab ejus actione debilitatus acutos morbos omnes suscipere poterit; quæ complicatio, ut frequenterprehenditur, ita maximè periculosa est, in morbis præsertim depuratoriis, ut sunt variolæ, morbilli, herpes miliaris, &c. quibus finitis & ferè absolutis chronica lues recens concepta nova addit infortunia.

Idem influxus maximè observatur in chronicis.

Maximè verò chronici affectus inter se complicantur: in his enim casibus quos vero & legitimo nomine Medicorum crucem vocare licet, natura viribus suis quæ languent inertes conatibusque infirmis vix agit & acceptas causas non immutat. Hinc mala se invicem excipiunt, imò quisque pro suâ parte diversum exercet imperium. An non quotidie arthritidi scorbutus jungitur? &, ut rem

ulteriùs feramus, an non ipsa senectus morbus est? An non ipsa gestatio muliebris complicati affectûs ideam nobis sufficit? Qui tamen omnibus morbis patent, imò &, eos etsi difficiliùs combibant, solutioni tamen minùs faciles ideò reddunt, quòd prædebilitatam machinam, imò recedentes à statu sano secretiones supponunt. An non intemperies ipsæ quæ plerorumque sanitatem interturbant & discriminant, propensosque reddunt ad hanc illamve infirmitatem, aliquandò complicationum nomine designari valent: ut, si BILIOSUS morbo lymphatico laboret, extinguatur certè temperies nativa, homoque alienam sibi assumpsit naturam, sæpèque ita commutatam, ut jam in reconvalescenti perftet prorsùs conversa propria illi & peculiaris antea sanitas.


Verùm in hisce scrutandis affectionibus semper ante oculos habere debemus quantum his illisve evolvendis præbeant auxilii causæ concurrentes, à victu, ab aëre, ab animi affectibus, à commercio cum infectis repetendæ, tum verò id annotandum iis etiam præcipuè impeti partes prædebilitatas. Nec enim, in morbis etiam qui contagium secum nullum inferre valent, indifferens tamen & indiscriminatum esse debet cum ægrotis commercium. Mutato habitu, mutatâ perspiratione exhalante, quid verat atomos introduci in vicina corpora quæ ipsis noceant? Certè

Multæ causæ morborum evolutioni favent.



sudantium multa corpora assistentium nares pruritu, cutem papulis inficiunt. Præterea dolorum, cruciatuum semper præsens impressio, ut menti torquendæ, sic corpori convellendo, & symptomatibus quibuscumque affectui jam præsentis addendis apta est. Nec negligenda erunt quæ circa partium consortium & sympathiam Authores observare: imò & divisio illa ab Antiquis recepta corporis in duas æquas portiones mente servanda est, cum eæ quæ è directo fiunt malorum in corpore commutationes, testibus HIPPOCRATE atque Antiquis quibuscumque, & magis frequentes sint, & minùs metuendæ.





# DE PRÆCIPUIS MORBORUM

## MUTATIONIBUS ET CONVERSIONIBUS.

QUID sit in morbis mutatio ?	1
Divisio mutationum in morbis admittenda.	2
Quid sit <i>Epigenesis</i> ?	<i>ibid</i>
Quid sit <i>Metaptosis</i> latiori sensu ?	<i>ibid</i>
Quid <i>Metaptosis</i> strictè dicta ?	<i>ibid</i>
Quid <i>Metastasis</i> ?	<i>ibid</i>
Quid dicatur multis diadoche ?	3
Divisionis nostræ commoda.	<i>ibid</i>

---

## PARS PRIMA.

### *De Epigenesi.*

Epigeneseon divisio.	4
----------------------	---

---

## SECTIO PRIMA.

### *De Epigenesi quæ ab ipso morbo pendet.*

Epigenesis à morbo pendens, quæ ?	<i>ibid</i>
Divisio causarum Epigeneses quæ à morbo sunt inducentium.	6

---

## CAPUT PRIMUM.

### *De virium vitio Epigeneseon causâ.*

Virium naturalium ratio ad concoctionem.	<i>ib.</i>
--	------------

Coctio & naturalis & morboſa eodem fiunt mechanifmo.	8
Coctio morboſa naturali tantum operoſior.	9
Coctionis effectus eliminatio nocentium.	<i>ibid</i>
Ex his oritur prognofis.	10
Spes omnis in actionum conſtantiâ ſita eſt.	11
Epigenefeon à viribus pendentium ortus & diviſio.	12

## ARTICULUS PRIMUS.

<i>De Epigenefi à viribus corporis nimis valide agentibus pendente.</i>	13
Quâ ratione vis naturæ nimia poſſit intelligi.	<i>ib.</i>
Hujus in viribus exceſſûs cauſa duplex, mo- bilitas, robur.	14
Epigenefis à nimia mobilitate.	<i>ibid</i>
Epigenefes in morbis cerebri.	15
Epigenefes in morbis thoracis.	17
Epigenefes in morbis ventriculi.	18
Epigenefes in morbis hepatis.	19
Epigenefes ad bilis ſecretionem turbatam per- tinentes.	21
Epigenefes ab uteri morbis.	23
Epigenefes ab aliis morbis.	24
Ab arthritide.	<i>ibid</i>
A dentitione.	<i>ibid</i>
A glandularum infarctibus.	25
Epigenefes à nimio robore fibrarum.	<i>ibid</i>

## ARTICULUS SECUNDUS.

<i>De Epigenefibus à virium defectu.</i>	28
Virium defectus triplex; primus à morbi mag- nitudine prægravante.	<i>ibid</i>
Altera virium infirmitas à principio vitali & viribus oppreſſis.	30
1 <sup>o</sup> . Mole materie vitale principium oppri- mentis.	<i>ibid</i>

2º. Viribus vicio materiæ lædenti & corruptæ prostratis.	30
Tertius virium deficiendi modus <i>quod ipsæ antè exhaustæ fuerint.</i>	31
Effectus à virium in morbis defectu quocum- que pendentes.	<i>ibid</i>
Effectus in coctione materiæ morbificæ depre- hendendi.	32
In excretionibus cruditas.	33
In urinis.	<i>ibid</i>
In alvi excrementis.	<i>ibid</i>
In perspiratione.	<i>ibid</i>
Crudorum excrementorum in debilibus pro- ventus maximus.	34
Exemplum à senibus, infantibus, mulieribus.	<i>ibid</i>
Differentia effectuum à viribus auctis immi- nutisque oriundorum.	35

### ARTICULUS TERTIUS.

<i>De actione virium inæquali Epigeneseon causâ.</i>	36
Prima species inæqualitatis & inconstantix actionis à debilitate speciali alicujus organi.	37
Exempla ex utero sumpta.	38
Ex cute.	<i>ibid</i>
Ex ventriculo.	<i>ibid</i>
Secunda inæqualitatis & inconstantix in viri- bus species à systematis nervei mobilitate inconditâ.	39
Cum debilitate jure confunditur.	<i>ibid</i>
Aliquandò per morbum acquisita.	<i>ibid</i>
Post vacuationes nimias.	40
In suppurationibus magnis.	<i>ibid</i>
Post venena admissa.	<i>ibid</i>
Venenorum effectus observati.	41

Variae convulsivæ Epigeneses à plurimis morbis.	42
Speciatim in ventriculo.	43
Spasmus ille duplex continuus & remittens.	44
Spasmodum in morbis effectus & prognosia varia.	<i>ibid</i>
Debilitati in univèrsum debentur.	46
Epigeneses convulsivæ non semper à debilitate.	47
1°. A morbificæ causæ vi naturam superante.	<i>ibid</i>
Nervos occupante.	<i>ibid</i>
Sensum nerveum stupefaciente.	48
2°. A naturæ nixibus, aut partium irritamento.	<i>ibid</i>

---

## CAPUT SECUNDUM.

<i>De humorum vitio Epigeneseon causâ.</i>	50
Humorum summa variatio.	51
Humorum mutatio in morbis ætatum depurationis.	<i>ibid</i>
Epigeneses ab imperfectâ depuratione.	52
Epigeneseon ab humorum vitio divisio generalis.	53
<i>Aucta humorum consistentia.</i>	<i>ibid</i>
A laxitate vasorum.	<i>ibid</i>
Undè cachexia.	<i>ibid</i>
Observanda post morbos etiam acutos.	54
In quorundam viscerum labe.	<i>ibid</i>
Colluvies illa per varias excretionum vias aliquandò sublata.	55
Alia glutinosi spontanei causa inertia ventriculi, bilis, &c.	56
Gluten illud degener & ab actione naturæ motum.	<i>ibid</i>
Glutinosum à fomite pendens.	57



Spissitudo humorum inflammatoria.	58
Post morbos ipsos superstes.	59
Adhæssiones viscerum ab hâc inspissatione pendentes.	<i>ibid</i>
Superstes ab eâdem causâ morborum re- liquiæ.	60
Atra bilis.	61
Atra bilis mota.	<i>ibid</i>
Atra bilis etiam in cachecticis.	62
Atra bilis spontè nata.	<i>ibid</i>
Atra bilis per nerveam irritationem creata & mota.	63
<i>Humorum colliquatio, sive aucta fluiditas.</i>	64
A putritate.	<i>ibid</i>
In quo colliquatio putrida differt à scorbuticâ.	65
Exemplum insigne.	<i>ibid</i>
Mutatio consistentiæ quælibet ab <i>acrimoniâ</i> ferè nascitur.	66
Actio acrium in sanguinem.	67
In adipem.	<i>ibid</i>
In bilem.	68
In lac.	69
Actio acidorum in sanguinem.	<i>ibid</i>
In bilem.	<i>ibid</i>
Acidi spontanei effectus in varias partes.	70
Rancidi acris effectus.	<i>ibid</i>
Acris muriatici in lympham actio.	71
Alia multa ad certas acrium classes referri nequeunt.	<i>ibid</i>
Venenorum nomine distinguuntur.	72
Venena in corpore ipso nata.	<i>ibid</i>
Variolæ.	<i>ibid</i>
Pestis.	73
Miliaris eruptionis materies.	74
Contagiosa generatim miasmata.	<i>ibid</i>
Phthificos contagium.	75
Epigeneses ab his oriundæ.	<i>ibid</i>

Venena extrà corpus nata.	76
Violentiora Epigeneses non faciunt.	<i>ibid</i>
Epigeneses ab his quæ in ventriculum agunt.	77
Solidorum & fluidorum in Epigenesibus producendis concursus.	<i>ibid</i>

## CAPUT TERTIUM.

*De Epigenesibus quæ pendent à causis accidentalibus, ad morbum tamen pertinentibus.* 79

## ARTICULUS PRIMUS.

*De Epigenesibus quæ à medicamentorum actione pendent.* 80

Medicamenta sine naturæ adminiculo nihil valent.	<i>ibid</i>
Epigeneses à malè perspectâ plerumque medicamenta inter & morbum proportionem.	81
Ab adhibitione intempestivâ.	<i>ibid</i>
Ab evacuantibus & alterantibus.	82
A venæsectione.	83
Ejus commoda in acutis inflammatoriis.	<i>ibid</i>
In lentis phlogosis.	<i>ibid</i>
Epigeneses à venæsectione, si nimia adhibeatur.	<i>ibid</i>
Si præpostera.	84
Si in morbis veneratis.	85
Si naturâ crism medicante.	<i>ibid</i>
Epigeneses à venæsectione ex loco non convenienti factâ.	86
Epigeneses ab omisâ venæsectione.	87
Epigeneses à purgantibus.	89
A vomitoriis.	90
Ab aliis evacuantibus.	92

A quorundam medicamentorum in varias partes singulari actione.	93
A cantharidibus.	<i>ibid</i>
A mercurio.	<i>ibid</i>
Ab omni actuosâ substantiâ.	94
Ab alterantibus.	95
A balneo.	<i>ibid</i>
A depurantibus.	96
Ab antimonialibus.	<i>ibid</i>
A napello , hyoscyamo , cicutâ.	97
A salinis.	<i>ibid</i>
A resinosis.	98
A saponaceis.	<i>ibid</i>
Epigeneses à facultatibus medicamentorum compositis.	<i>ibid</i>
Ab opio & narcoticis.	99
Ab usu kinæ.	<i>ibid</i>
Epigeneses à diluentibus & demulcentibus.	100

## ARTICULUS SECUNDUS.

### *De causis aliis externis Epigeneses inducentibus.*

Rerum non naturalium in morbos influxus.	<i>ib.</i>
Influxus atmosphæræ.	102
Frigoris & hiemis actio.	103
Caloris, æstatis, & non renovati aëris actio.	104
Incautiùs renovati aëris incommoda.	106
A vento erysipelas.	<i>ibid</i>
Epigeneses à cibis.	107
A diætâ lautiori.	<i>ibid</i>
Ab inediâ nimiâ.	108
A diætâ negligentiori in acutis.	<i>ibid</i>
Epigeneses à malâ alimentorum qualitate.	110
Præcipuè glutinosâ.	<i>ibid</i>
Epigeneses à somno & vigiliis.	111
Epigeneses à motu & quiete.	112
A cohibitis vacuationibus.	114

Varii humoris repulsi decubitus.	115
Epigeneses ab auctis vacuationibus, præsertim feminis.	116
Epigeneses ab animi affectibus.	117
Ab immodicâ lætitiâ.	<i>ibid</i>
A violentis affectibus.	118
A lentis & tristibus affectibus.	119

---

## SECTIO SECUNDA.

<i>De Epigenesibus quæ non ab ipsâ morbi natura pendent.</i>	123
Causarum & effectuum in morbis multiplex confusio.	<i>ibid</i>
Causarum & morborum varius concursus.	124
Complicationum divisio.	125

---

## CAPUT PRIMUM.

<i>De Epigenesibus quæ pendent à fomite morbo so præexistenti.</i>	126
Fomites per se non morbofi.	<i>ibid</i>
Epigeneses à chylo & quiscuiliis primæ coctionis.	127
Epigeneses à lacte muliebri.	128
A lacte degeneri.	130
Ab urinis retentis.	131
A bile.	<i>ibid</i>
Epigeneses à sudore & exhalatione cutaneâ retropulsis.	132
Fomites morbofi non expediti.	134
Horum fomitem divisio quadruplex.	<i>ibid</i>
Epigeneses à lue venereâ.	135
A lue venereâ in acutis.	136
A lue venereâ in chronicis.	137

Scorbutus ipsius luis Epigenesis.	138
Epigeneses a scorbuto in acutis.	140
Diarrhœa scorbutica Epigenesis frequens.	141
Scorbutus cachexiæ proles veteribus ignotus.	<i>ibid</i>
Epigeneses ab herpetibus.	142
A veneno rachitico & scrophuloso.	144
Scrophulosæ Epigeneseos duplex genus.	145
Proprius multis acredinis fomes Epigeneses facit.	146

---

## CAPUT SECUNDUM.

<i>De Epigenesibus à causis intus tempore ipso morbi natis.</i>	148
Morbi ipsius actione nascuntur intrà corpus Epigeneseon causæ.	<i>ibid</i>
Quæ & loco & tempore differunt.	149
Ex ipsâ coctionis naturalis consideratione intelligi possunt.	<i>ibid</i>
Naturalia coctionis excrementa in ipsâ sanitate maximè variabilia.	151
Multò magis variari debent morbosa excrementa.	<i>ibid</i>
Indè multæ Epigeneses.	152
Epigeneses à vitiatâ & imperfectâ coctione morbosâ.	<i>ibid</i>
Quarum sentina sæpè in visceribus excoctoriis latet.	153
Hinc affectus nervorum paralytici post morbos residui.	154
Huc referri debent & plurimæ affectiones spasmodicæ.	155
Affectus nervei materiæ alicui subtiliori videntur tribuendi.	156
Duplex conjicitur esse causæ genus in nerveis affectibus.	157



Causa materialis morborum nerveorum exemplis demonstrata.	157
Sua cuique morbo esse potest subtilioris spi- ritûs productio.	160
Indè fortè contagium.	<i>ibid</i>
Triplex contagii genus.	<i>ibid</i>
Prima ejus origo ferè semper à corpore agro- tante.	161
Multas subire potest Epigeneses.	<i>ibid</i>
Scorbuticum & phthisicum contagium.	162
Contagium Epigenesibus characterem impri- mit suum.	163
Contagii proprietas duplex.	<i>ibid</i>
1°. Adhærendi vis.	164
2°. Facultas sese multiplicandi.	<i>ibid</i>
Corporibus actu ægrotantibus rarò adhæret contagium.	<i>ibid</i>
Contagii formæ degeneres.	165
Nec putredo extra corpora nata contagii expers.	166
Ipsi chronici morbi novas concipiunt vires à suscepto contagio.	167

## CAPUT TERTIUM.

<i>De Epigenesibus quæ à Chirurgiâ pendent.</i>	170
Chirurgici casus Epigeneses ex se inferre va- lent.	<i>ibid</i>
Divisiones Epigeneseon à Chirurgiâ oriun- darum.	<i>ibid</i>
Epigeneses sub ipso mali accidentis tempore.	171
Epigeneses sympathicæ à læso capite.	<i>ibid</i>
Convulsiones in vulneribus.	172
Epigeneses in vulneribus à tempore læsionis remotiores.	173

A primis viis.	174
A latente veneno.	<i>ibid</i>
Ab animi affectibus.	<i>ibid</i>
A concussione factâ in partibus dissitis.	<i>ibid</i>
A malo sympathicè in dissitas partes translato.	175
Erysipelas & emphysema.	176
Effectus perversi regiminis in vulnerum curâ.	<i>ibid</i>
Viæti aëris, &c.	<i>ibid</i>
Effectus succussionum merè spasmodicus.	178
Luis veneræ rachiticæ & scrophulosæ in vul- neribus effectus.	<i>ibid</i>
Epigeneses ab ipsis necessariis in Chirurgiâ cautelis.	179
Ab exercitii defectu necessario.	180
Ab animi mœrore.	182
Epigeneses in graviditate & partu.	<i>ibid</i>
1°. Tempore gestationis.	<i>ibid</i>
Pressione mechanicâ.	<i>ibid</i>
Nervis affectis.	<i>ibid</i>
Mutatis humoribus.	183
Sanguine refluo.	<i>ibid</i>
Vitiatâ coctione.	<i>ibid</i>
Vitiatâ bile.	<i>ibid</i>
2°. Epigeneses ab ipso partu.	184
3°. A lactis secretionē.	185

## P A R S S E C U N D A.

### *De Metaptosi.*

Quid sit Metaptosis? In quo differat ab Epi- genesi.	186
In quo differat à Metastasi.	<i>ibid</i>
Duplex Metaptoseon consideratio.	187
Metaptosis strictè dicta.	<i>ibid</i>

Metaptofeon natura varia.	188
Species Metaptofeon duplex.	189
Partis hujus divisio.	<i>ibid</i>

## CAPUT PRIMUM.

*De naturâ morborum qui Metaptosim pati possunt.*

Qui morbi Metaptosim non admittant ?	191
Quinam horum morborum sit exitus ?	<i>ibid</i>
Suppuratio.	192
Partis inertia.	<i>ibid</i>
Sæpè in cancrum degener.	<i>ibid</i>
Undè aliqua Metaptofeon oriri potest species.	193
Veræ Metaptoses oriuntur in materiâ mobili.	<i>ibid</i>
In organis actuosis & cellulosis.	194
Quinam morbi Metaptosis obnoxii sint ?	<i>ib.</i>
Classis prima ; morbi à suppressis vacuationibus.	195
Morbi à suppressâ subitò perspiratione.	<i>ibid</i>
Catarrhalium cum inflammatione Metaptoses.	196
Catarrhalium cum saburrâ Metaptoses.	197
Aliarum evacuationum suppressio.	198
Suppressa evacuatio menstrua.	199
Metaptoses aliæ morbi ipsius , aliæ symptomatum.	201
Perspirationis vitia conjuncta Metaptoses conduplicant.	<i>ibid</i>
Metaptoses ab imminutione liquorum digestivorum.	202
Metaptoses à vitiis organorum concoquentium.	204
Colici doloris Metaptosis in paralyfim.	206
Biliofæ Metaptoses.	<i>ibid</i>
Hæmorrhoides	

Hæmorrhoides indè Metaptoicæ.	208
Cæteros humores & ingesta vitiat vitiosa bilis.	<i>ibid</i>
Atta bilis in Metaptoses ruens.	209
Metaptoses ab aliis humoribus, v. g., urinâ. <i>ib.</i>	
Metaptoses ab humoribus à morbo efformatis. Pure.	210
Dispositio partium ad suscipiendas Metaptoses.	212
A variis causis oritur ea dispositio.	<i>ibid</i>
Classis altera morborum Metaptosim admittentium.	213
Morbi ab introducto venenato miasmate. <i>ibid</i>	
1°. Acuti.	<i>ibid</i>
2°. Chronici.	214

## CAPUT SECUNDUM.

*De variis Metaptoseon causis & speciebus.* 216

Metaptoses primariæ &amp; secundariæ. 217

Causarum capita quatuor. *ibid*

## §. I.

Causa prior Metaptoseon, fomes multiplicandi se capax. 218

Fomes Metaptoseon ferax in peste & variolis. *ibid*

In chronicis malis. 219

Morbosus fomes diu sæpè delitescit. 221

## §. II.

Causa Metaptoseon altera morborum veneni copia naturam gravans. 222

In levi morbo vix ulla Metaptosis. *ibid*Metaptoses contingunt in gravi morbo. *ibid*

1°. In morbo exuperanti præ imbecillitate virium. 224

- 2°. In morbo gravi propter oppressum vitale virium principium. 224
- 3°. In exuberantiâ materiei per ipsius naturæ actionem evolutæ. 226
- In evolutione corporum. *ibid*
- In infantiâ. *ibid*
- In pubertatis limine. *ibid*
- Metaptoseon puerorum ætati propriarum à pubertate dissipatio. 227
- Metaptoseon causæ sexui fœmineo propriæ. 228
- Cuilibet ætati & conditioni suæ Metaptoses. *ibid*

## §. III.

- Tertia Metaptoseon causa; à vitiosâ partium corporis constitutione. 229
- Ruit in debiliorem partem Metaptosis. *ibid*
- In caput. *ibid*
- In pectus. 230
- Metaptoses per malam partium conformationem. 233
- In nervos. *ibid*
- In contenta viscera. *ibid*
- Per latentes intus deformitates. 235
- Per deformia genitalia. *ibid*
- In mulieribus. *ibid*
- Veræ fiunt nerveorum morborum Metaptoses. 237
- In viris. *ibid*
- Nervei aliis affectibus sæpè alternati. 238
- Nervæ Metaptoses à causis sæpè non nerveis. *ibid*
- Nervæ imbecillitas superstes, in senioribus durabilior. 239
- Ortæ inter morbos deformitates sæpè Metaptoseon superstitum causæ. 240



## §. IV.

Quarta causa humorum depravatio latens in Metaptoses prona, datâ occasione erumpens.	241
Dantur in corpore fomitis morborum latibula?	<i>ibid</i>
Quænam sint hæc latibula?	242
Textus cellularis.	<i>ibid</i>
Glandulæ.	243
Fomitis evolutio Metaptoses facit.	<i>ibid</i>
Fomitis evolutioni accedit naturæ debilitas.	244
Accedunt & ab exactis morbis non extincti fomitis reliquæ.	<i>ibid</i>
A scorbuto.	<i>ibid</i>
A lacte degeneri.	245
A fomite scrophuloso.	246
A fermento herpetico.	<i>ibid</i>
Quæstiones ad humoris morborum ejusque Metaptoseon diagnosim pertinentes.	247
1°. An morbus sit totiûs substantiæ?	<i>ibid</i>
2°. An sit alicui peculiari parti proprium malum?	248
Ex morbo peculiari sæpè morbus oritur totiûs substantiæ.	249
Varia Metaptoseon classes ex effectibus desumendæ.	250

## CAPUT TERTIUM.

<i>De causis Metaptoseon accidentalibus &amp; earum effectibus.</i>	252
Res non naturales Metaptoseon causæ.	<i>ibid</i>
Atmosphæra causa Metaptoseon.	253
Atmosphære calor & frigus.	<i>ibid</i>
Subita in calorem frigusve mutatio.	255

Atmosphæræ vis ad Metaptoses faciendas in contagiosis morbis.	256
1°. In putridis.	<i>ibid</i>
Horum Metaptoses in partes varias,	<i>ibid</i>
Atmosphæræ vis ad has efficiendas Metaptoses.	258
Utilis in talibus aëris purioris admissio.	259
2°. In inflammatoriis.	<i>ibid</i>
Aëris non renovati in inflammatoriis effectus.	260
Metaptoses variæ.	<i>ibid</i>
Maculæ erumpentes & humorum putredo.	261
Metaptoses in inflammatoriis ab aëris subitâ mutatione.	262
Metaptoses in inflammationibus quarumdam singulatim partium.	263
Metaptoses suppuratoriæ.	264
Polypi,	<i>ibid</i>
3°. In malignis.	265
Metaptoses in his ab aëre non renovato plu- rimæ.	266
Atmosphæræ vis in aliis morbis catarrhalibus.	267
Ejusdem vis in chronicis.	<i>ibid</i>
Metaptoses à neglectâ diætâ,	268
Ab ingluvie.	<i>ibid</i>
Ab acribus ingestis.	269
A potu nimio tepidoque post acrium in- gluviem.	270
Ab inediâ immoderatâ.	271
Diætæ prævæ in materiæ morbificæ coctionem effectus.	<i>ibid</i>
Metaptoses ab excrementorum retentione.	272
Alvi obstipatione.	<i>ibid</i>
Hæmorrhoidibus suppressis.	<i>ibid</i>
Difficili menstruatione.	273
Perspiratione suppressâ.	<i>ibid</i>

Præcipuè morbis mitescentibus.	274
Sudoris in morbis suppressio.	<i>ibid</i>
Lacteus humor retentus.	275
Evacuationum vicariarum in his consideratio.	276
Venerea in morbis evacuatio.	277
Metaptoses à somno & vigiliis.	<i>ibid</i>
Metaptoses ab animi pathematibus.	279
In caput.	<i>ibid</i>
Metaptoses arthriticæ ab animi affectibus.	<i>ibid</i>
Metaptosis in hepar.	280
In pectus.	<i>ibid</i>
In cor.	<i>ibid</i>
Effectus illi rarò. fiunt nisi à plurium causarum concursu.	281

## CAPUT QUARTUM.

*De signis tùm diagnosticis, tùm prognosticis*

*Metaptoseon quarumcumque.* 282

Metaptoses per se malæ, per accidens bonæ. *ib.*

Quantùm utilis sit Metaptoseon diagnosis & prognosis. 283

Undè desumantur. *ibid*

A phænomenis mali perspectis. *ibid*

Ab experientię constantis analogiâ in epidemicis. *ibid*

In endemicis. 284

In quibusdam constitutionibus. *ibid*

A quibus conditionibus morborum pendeant variæ Metaptoses. 285

Sæpè fiunt in fixiori morbo Metaptoses symptomatum. 286

In mobilibus causis morbi simul causæque Metaptoses. 287

Exempla ex catarrhalibus. *ibid*

Ex catarrho in alias acrimonias degeneri. *ibid*

Ex sopitis morbis suppressâ perspiratione re-  
crudescentibus. 288

Humorum morbis propriæ sunt Metaptoses. 289

Quâ ratione infectis aliquo vitio humoribus  
Metaptoses fiant. 290

Metaptoses per medicamenta inductæ. 292

Metaptoses in contagiosis & pestilentialibus  
frequentiores. 293

Quibus in morbis Metaptosis præ Metastasi  
frequentior fiat. *ibid*

In quo Metaptosis differat à simplici morbi  
symptomate. 295

Metaptoses in chronicis affectibus phthisi,  
lue, aithritide, vulneribus, &c. *ibid*

Ex his eruuntur diagnosis & præfagia præ-  
sentis Metaptoseos. 297

Metaptoses incipiente morbo. *ibid*

Quarum natura morbi futuri indolem prodit. 300

Metaptoses morbo proVectiori. *ibid*

Metaptoseon in putridis præfagia. 301

In morbis sæpè datur specifica & quasi epide-  
mica Metaptosis. 302

Metaptoses etiam dantur quasi endemica. 303

Metaptoses quibusdam conditionibus artibus-  
que propriæ. 304

Metaptoses à diætæ vitiis inductæ. 305

Quid generatim constituto morbo Metaptosis  
quælibet indicet? 306

Judicia de Metaptosis ex naturâ morbi. *ibid*

Ex functionum læsarum notâ analogiâ. 307

Situ partium conformi. *ibid*

Ex indole causæ. 308

Ex ætate & conditione ægrotantis. 309

Metaptoses etiam morbo decrescente. 311

Metaptoses ex usu remediorum prævidendæ. 312

Cura ex Metaptoseon consideratione qualis.

In acutis.	312 <i>ibid</i>
In chronicis.	313

---

## P A R S T E R T I A.

### *De Metastasi.*

Quid sit Metastasis? In quo ab Epigenesi & Metaptosi differat.

Epigeneses & Metaptoses Metastasi superadditæ.

Metastasim quid faciat bonam vel malam? *ibid*

Completa est vel incompleta Metastasis.

Divisio hujus de Metastasis tractationis. *ibid*

---

## C A P U T P R I M U M.

*De Metastaseos mechanismo & causis efficientibus.*

Symptomata morborum alia causæ, alia naturæ tribuenda.

Natura morborum curatrix.

Analogia à coctione naturali ducta.

Ut coctio naturalis, sic & morbofa, sed operosior.

Ipsa tamen hæc naturæ actio violentior ipsi morasnectere valet.

Complicatio morborum difficilem reddit coctionem.

Non omnes igitur morbi æquè concoctioni patent.

Morbi rebellis materies in partem quamdam sæpè defertur utiliter.



- Quidam morbi omnem naturæ actionem eludunt. 325
- Alii mutationes spontè concipiunt nocivas. 326
- Conatus naturæ in coctionem non semper utilis. *ibid*
- In venenatis. *ibid*
- In colliquante materiâ. 327
- In pessumdatis humoribus. *ibid*
- Centro mali extrâ vias naturæ posito. *ibid*
- Metastasis naturæ opus. 328
- Eadem naturæ actio solutionem producit & crîsim & Metastasim. 329
- Coctio difficilior fit ob humorum vel crassitiam, vel acredinem. *ibid*
- Post morbos sæpè latet acredo pertinax. 331
- Etiâ post acutos. 332
- In acutissimis sæpè pars morbi solutionem, pars excretionem, pars Metastasim subit. *ib.*
- Solutio plena rara. 333
- Morbi excretio fit sæpiùs per omnia simul adaucta corporis excrementa. *ibid*
- Crisis fit perfectâ coctione, materiâ aliquam præ alias affectante excretionum viam. 334
- Crisis sæpè fit imperfecta, morbum minuens ante plenam coctionem. *ibid*
- Materies Metastaseon non omninò coctionis expers, sed cruda magis & pertinax quàm crîsum. 335
- Materiem Metastaseon excipiunt partes molliores, aut excrementis dicatæ. 336
- Metastasis tuta minùs est aliis mutationibus. 337
- Metastasis imperfecta sæpè est. *ibid*
- Metastasis ipso morbo sæpè periculosior. 338
- Medici in Metastasi imminente munus. *ibid*
- Imperfectæ coctionis signa Metastaseos prænuntia. 339
- Metastaseon in se mutuò aut in crîsim mutationes. *ibid*

Metaſtaſeon ſæpè metuenda mutatio.	340
Artis in his munus & naturæ vis.	341
Debilitas ægri reliquias morborum fovet paratque Metaſtaſes.	342
Dietæ vitia Metaſtaſibus materiem ſufficiunt.	344
Utilitas febris ad Metaſtaticas reliquias tollendas.	<i>ibid</i>
Ex his demonſtratur Metaſtaſeon mutabilis indoles.	345
Omnis in corpore mutatio excrementa parit.	346
<i>Nil paucum criticum</i> , effatum Hippocratis.	347
Criſis & Metaſtaſis ſæpè ſimul in eodem corpore.	<i>ibid</i>

---

## CAPUT SECUNDUM.

### *De variis Metaſtaſeon ſpeciebus.*

Metaſtaſes ad claſſes revocari valent.	350
In Metaſtaſi conſideranda actio naturæ & mali materies.	<i>ibid</i>
Cuilibet coctioni ſua ſunt excrementa.	351
Coctionis verò morbificæ excrementa plura.	<i>ib.</i>
Metaſtaſeon analogia cum quibuſdam naturalibus in ſanorum vitâ excrementis.	352
Metaſtaſeon poſt <i>dentitiones</i> ſpecimina.	<i>ibid</i>
In pubertatis tempore.	353
In ætate adultiori & variis vitæ conditionibus.	354
In ætate ſenili & decrepitâ.	355
Metaſtaſes in morbis.	<i>ibid</i>
In chronicis.	356
Chronicorum morborum ratio.	<i>ibid</i>
Omnis cauſa morbos parare chronicos valet.	<i>ib.</i>

Chronici sæpè sanantur lentâ versâ in acutam indole.	357
Chronici alii Metastases utiles experiuntur, non mutatâ indole.	358
Nec ipsi totiùs humorum massæ morbi chronici Metastasisibus carent.	359
In his Metastases aliquandò parantur per rerum non naturalium influxum.	360
Per tempestatum mutationes.	361
Per mutationes locorum.	362
Patrium solum quid in his possit?	<i>ibid</i>
Quid res cæteræ non naturales?	363
Quænam malis ab ingluvie ortis Metastases conveniunt?	<i>ibid</i>
Vera aliquandò per urinas fit Metastasis.	364
In ipsâ sanitate crises & Metastases observantur.	<i>ibid</i>
In quas partes generatim Metastases fiant & abscessus.	365
Ex his intelligitur omne Metastaseon systema in chronicis.	366
Metastasis in acutis supponit aliquid inflammatorii.	<i>ibid</i>
Quot acutorum species Metastasin patiantur.	<i>ibid</i>
<i>Prima Metastaseon classis</i> in morbis inflammatoriis.	367
Quorum varietates ad doctrinam Metastaseon non inutiles.	<i>ibid</i>
Metastases in levibus illis raræ ad graves tantum pertinent.	368
Metastases in pus & abscessus quandò fiant & in quas partes.	369
Pus idem ex variis causis.	<i>ibid</i>
Puris theoria.	370
Pus eliminatur per urinas, aut per inflammatorias Metastases in varias partes.	<i>ibid</i>
Aut centrum inflammatorium in morbo natum occupat.	371

- Aut in vasis jam pus confectum sine inflammatione in partes abscedit. 372
- Abscessus nati absque morbis præviis. *ibid*
- In inflammatoriis Metastases aliæ causæ, aliæ symptomatum. 373
- Materies per inflammatorium morbum producta sæpè Metastasin secundariam facit. *ibid*
- In inflammatoriis Metastases etiam pendent à specificâ acris morboſi naturâ. 374
- Varia ejus acris indoles per effectus deprehendenda. 375
- Congestiones & obstructions post morbos inflammatorios exactos, præcipuè in senibus. *ibid*
- Rara est phlegmonis semel nati Metastasis, nisi in ferocissimo malo, aut debilibus ægris. 376
- Nonnunquam tamen imperfectus phlegmo Metastaticè repelli potest. 377
- In inflammatoriis frequentius fiunt erysipelatosæ Metastases. 378
- Humoris erysipelatosi summa inconstantia. 379
- Acre fugax omne faciliè erysipelatis formam induit. 381
- Erysipelatis pro ætatum successionem phases. *ib.*
- Secunda Metastaseon classis* à fomitibus corpori extraneis & adventitiis. *ibid*
- Fomites illi intus nunc phlogosim, nunc obstructions lentas pariunt. 382
- Illos in cutem reduces sanatio sequitur. *ibid*
- Faciliè recrudescunt. *ibid*
- Retropulsi, nunc protinus, nunc lentè nocent. 383
- Si lentè noceant, nocent sæpè periculosius. 384
- Horum Metastases fiunt, vel integrâ fomitis manente naturâ. *ibid*
- Vel mutatâ ejus formâ & indole. 385

Vel abscessu jam intus formato ad exteriora tamen sese salubriter vertente.	385
<i>Tertia Metastaseon species à materiâ intus enatâ in morbis.</i>	386
Metastaseos hujus materies à causâ mali sæpè prorsus diversa est & non unius formæ capax.	<i>ibid</i>
Eadem in quibusdam chronicis oritur Metaf- taseon species.	388
Ut in œdematibus calidis.	<i>ibid</i>
Eadem & in morbis soporosis & virium prof- tratione notandis.	389
Eadem & in summè putridis.	390
In his varia ut tempora, ita & Metastaseon forma & indoles.	391
Nec carent hâc Metastasi morbi ipsi cachec- tici.	392
Ex stimulo quolibet accedente.	393
Ex aëris & tempestatum mutationibus.	<i>ibid</i>
Sæpè accedente in aliquâ parte peculiari ere- thismo.	394

## CAPUT TERTIUM.

*De signis Metastasisum.*

Signa diagnostica alia universalialia, alia pe- culiaria cuique Metastasi.	395
Alia essentialia, alia accidentalialia.	<i>ibid</i>
Diagnostica signa <i>essentialia</i> .	396
Metastasis initio nunquam apparet.	<i>ibid</i>
Turgens initio materia Metastasisum sæpè si- mulat.	<i>ibid</i>
Vera Metastasis supponit naturam aliquatenus victtricem.	397
Signa in morbis lethalia & Metastasi locum non relinquentia,	398
Ex respiratione.	<i>ibid</i>



Ex pulsu.	399
Ex aliis qualitatibus.	<i>ibid</i>
Veneni lethalis symptomata.	<i>ibid</i>
Insidiosa in summâ lethalitate symptomata.	401
Symptomata quoque levioris mali Metastasin excludunt.	402
Phænomena criseos in graviore morbo cum Metastaseos phænomenis collata.	<i>ibid</i>
In quo differant à criticis Metastaseos symptomata.	403
Indè signa diagnostica & prognostica Metastaseos.	<i>ibid</i>
Quid ante Metastasin ?	404
Quid in ipsâ Metastasi fiat ?	405
Metastaseon etiam imperfectarum utilitas.	<i>ib.</i>
In morbis universalibus.	406
In localibus.	<i>ibid</i>
Signa futuræ Metastaseos <i>universalia</i> .	407
Ex viribus sese extollentibus & incipientibus coctionis signis.	<i>ibid</i>
Quid coctionem Metastasi præviâ specialius designat ?	408
Urinæ.	<i>ibid</i>
Lingua.	409
Pustulæ in quibusdam locis apparentes.	410
Certâ modò appareant copiâ & constantiâ.	<i>ib.</i>
Signa <i>singularia</i> Metastases designantia.	411
Apostases.	412
Apostases phlegmonodeæ suppurantes.	<i>ibid</i>
Earum signa.	413
Apostaseos ad interna rupturæ & phthiseos periculum.	414
Phlegmonodea apostasis in sphacelum deficiens.	415
Sphacelus aliquoties à vivis partibus, naturâ agente, separatur.	<i>ibid</i>
Tales in epidemicis morbis observati casus.	416

Apostases non omnes suppurant.	416
Dantur etiam apostemata in morbis <i>frigida</i>	
Veteribus dicta.	417
Eorum signa.	<i>ibid</i>
Incompleta plerumque ea est Metastasis.	418
Fomes in his sæpè latet iis curatis evolvendus.	<i>ibid</i>
Articulorum tumores frigidi à cachecticâ accef-	
centeque humorum crassi.	419
Horum signa.	420
Cachexia hæc acris per morbos acutos mota.	<i>ibid</i>
Tumores lienis indolentes post intermitten-	
tium curam.	421
Herpetum arthritidosque &c. in internas	
apostases mutatio.	422
Signa delitescantis arthritidos, &c.	423
Diagnosis à causarum procatacticarum na-	
turâ.	<i>ibid</i>
Temporum & climatum varius influxus in has	
Metastaseon species.	424
Epidemicæ in his constitutionis influxus.	425
Quæ sit indicatio ex incompletâ Metastasi?	426
Imperfectarum Metastasium prognosis.	<i>ibid</i>
Imperfectæ Metastases cum Metaptosis	
sæpè confundi possunt.	427

## CAPUT QUARTUM.

<i>De morborum mutationibus quæ à compli-</i>	
<i>catione pendent.</i>	429
Complicationum ratio.	<i>ibid</i>
Dux causæ suis distinctæ phænomenis, in	
morbi decursu, naturæ actione confundi	
possunt.	430
Complicationes ab Epigenesibus plerumque	
fiunt.	431
Epigenesis morbo adversa ipsi pro remedio fit.	<i>ibid</i>

- Remediorum actio Epigenesis vera est in morbis. 432
- Quæ ultra modum inducta morbum novum priori curato substituit. *ibid*
- Sic cachexia inflammationis loco sæpè inducta, &c. 434
- Ars Medici omnis in moderandâ hâc remediorum Epigenesi. 435
- Epigeneseon aliud genus fortuito incurfu morbum mutans. 436
- Aëris frigidi admissio subita. *ibid*
- Aëris æstuarii accessio. 437
- Mutationes morborum ab animi affectibus complicatis. 439
- A quocumque nerveo affectu. 440
- Indè aut morbi nondùm exacti recrudescentia, aut durabilis convalescentibus impressa labes. 441
- Exemplum insigne rerum externarum in morbos actionis. 442
- Ingluviei & pravæ diætæ influxus in morbos. 443
- Supervenientium ab externis rebus in morbis accidentium prognosis generalis. 444
- Partus in morbis quid mutet? 445
- Quid afferant contagiosa miasmata? *ibid*
- Epigeneses quæ morbo nihil addentes nec mutant ab eo distinctæ manent. 446
- Metaptoses in morbis per se complicationes non faciunt. 447
- At ex Metaptoseon effectibus oriuntur variæ morborum complicationes. 448
- Complicationes ab inflammatoriâ Metaptosi natæ. *ibid*
- Ab erysipelatosâ Metaptosi. 449
- A Metaptosibus in infantiâ familiaribus. 450
- A saburræ intestinalis Metaptosibus. *ibid*
- Ab intermittentium Metaptosibus 451

Ab aliis humoralium vitiorum Metaptosis.	451
A menstruationis Metaptosis.	452
A fluxûs albi Metaptosis.	453
A fomitibus fluori commixtis.	454
A lacteis puerperarum Metaptosis.	455
Maxima nerveorum affectuum pars oritur à fermentorum reliquiis nervos irritantibus.	456
Maximè venereis.	<i>ibid</i>
Scorbuticis.	457
Scrophulosis.	<i>ibid</i>
Complicationes à quibusdam remediis.	458
Mercurio.	<i>ibid</i>
Kinâ.	459
Opio.	461
Vesicantibus, &c.	462
In ipsâ acutorum complicatione indicatio semper una princeps habetur præ aliis implenda.	463
Rarò in his existentes antea fomites destruantur.	<i>ibid</i>
Distinctæ magis sunt in chronicis quàm in acutis morbis complicationes.	464
Duplex in chronicis complexionum ordo.	465
Fit tamen in acutis complicati fomitis maximus in morbum principem influxus.	<i>ibid</i>
Idem influxus maximè observatur in chronicis.	466
Multæ causæ morborum evolutioni favent.	467.

**LIVRES** qui se trouvent chez  
**MÉQUIGNON l'aîné**, rue des  
**Cordeliers.**

- L**ORRY, Hippocratis Aphorismi, p. in-12.  
v. doré. 4 liv.
- De Morbis cutaneis, in-4. 14 l.
- De Melancholiâ & Morbis melancholicis,  
in-8. 2 vol. 10 l.
- Essais sur les alimens, in-12. 2 vol. 6 l.
- Essai sur la conformité de la Médecine an-  
cienne & moderne. 3 l.
- Sanctorii de Medicinâ stativâ Aphorismi.  
in-12. 3 l.
- Mead Opera in-8. 2 vol. 14 l.
- Prosp. Alpinus, de præfagiendâ vitâ & morte,  
in-4. 10 l. 10 f.
- Historia Naturalis Ægypti, in-4. 2 vol.  
fig. 24 l.
- Aurelianus, de Morbis acutis, in-8. 2 vol. 8 l.
- Ballonii Opera Medica, in-4. 4 vol. rel. en 2.  
32 l.
- Boerhaave Aphorismi cum Comment. Van  
Swieten, Parisiis, in-4. 5 vol. 60 liv.
- Chaque vol. se vend séparément*
- Methodus studii Medici, in-4. 2 vol. 30 l.
- Castelli Lexicon Medicum, in-4. 15 l.
- Cheyne, de Sanitate tuendâ, in-12. 3 l.
- Eller, de cognoscendis & curandis Morbis,  
in-8. 4 l.
- Freind Opera Medica, in-4. 12 l.
- Halleri Artis Medicæ Principes, in-8. 11  
vol. 42 l.
- Bibliotheca Chirurgica, in-4. 2 vol. 24 l.
- Disputationes Medicæ, in-4. 7 vol. fig.  
70 l.
- Idem Chirurgicæ, in-4. 5 vol. 60 l.



- *Elementa Physiologiæ*, in-4. 8 vol. 96 l.
- *Primæ Linæ Physiologiæ*, in-12. 3 l.
- Heister, *Institutiones Chirurgicæ*, in-4. 2 vol. fig. 30 l.
- Les mêmes, en François, in-4. 3 vol. fig. 39 l.
- Les mêmes, en François, in-8. 5 vol. fig. 30 l.
- Hoffmanni *Opera omnia*, in-fol. 11 vol. rel. en 7.
- Home, *Principia Medicinæ*, in-8. 5 l.
- Hippocratis *Aphorismi Græcè & Latinè*, p. Ed. L. F. D. V. in-12. v. doré 6 l.
- *Aphorismi Græcè & Latinè*, Edente Bosquillon, p. in-12. 2 vol. br. 4 l. 16 f.
- Klein, *Interpres Clinicus*, in-8. 3 l.
- Le même, en François, in-12. 2 vol. 6 l.
- Morgagni, de *Sedibus, & Causis morborum* Edente Tissot, in-4. 3 vol. 28 l.
- *Adversaria Anatomica*, in-4. 20 l.
- Morton *Opera Medica*, in-4. 2 vol. 15 l.
- C. Pison *Observationes de Morbis*, in-4. 9 l.
- Quarin, *Methodus Med. inflammationum*, in-12. br. 2 l.
- Roupe, de *Morbis navigantium*, in-8. 5 l.
- Sauvages, *Nosologia Methodica*, in-4. 2 vol. 30 l.
- Cullen, *Apparat. ad Nosolog. Methodicam*, in-4. br. 5 l. 5 f.
- Senac, de *reconditâ Febrium naturâ*, in-8. 3 l. 10 f.
- Sydenham *Opera Medica*, in-4. 2 vol. 15 l.
- Tournefort, *Instit. Rei herbariæ*, in-4. 3 vol. fig. 48 l.
- Tronchin, de *Colicâ Pictonum*, in-8. 4 l.
- Bertin, *Traité d'Ostéologie*, in-12. 4 vol. fig. 10 l.
- Chirurgie complete suivant le système des Modernes*, in-12. 2 vol. 6 l.

- Delaudun , Abus des bouillons de viande dans  
 les fievres , in-12. br. 2 l.  
 Desmars , Epidémies d'Hippocrate , in-12.  
 2 l. 10 f.  
 Dictionnaire de Médecine , de Chirurgie & de  
 l'Art Vétérinaire , in-8. 6 vol.  
 — Portatif de Santé , in-8. 3 vol. 15 l.  
 Dionis , Cours d'opérations , huitième Edition ,  
 in-8. fig. 8 l.  
 Duchanoy , Art d'imiter les Eaux Minérales ,  
 in-12. 3 l.  
 — Usage des Narcotiques , in-12. br. 15 f.  
 Goulard , Œuvres Chirurgicales , in-12. 2  
 vol. 5 l.  
 Hevin , Cours de Thérapeutique & de Patho-  
 logie , in-8. 7 l.  
 La Faye , Principes de Chirurgie , in-12.  
 3 l. 12 f.  
 La Motte , Traité complet de Chirurgie ,  
 in-8. 2 vol. 12 l.  
 Lassus , Traité des fractures & luxations , in-12.  
 fig. br. 2 l.  
 — Manuel Pratique de l'amputation , in-12.  
 br. 2 l.  
 — Méthode de traiter les maladies qui atta-  
 quent l'articulation du coude & du genou ,  
 in-12. br. 15 f.  
 Lazerne , Méthode de guérir les maladies ,  
 in-12. 2 vol. 5 l.  
 Le Roy , Mélanges de Médecine , in-8. 6 l.  
 — Du Prognostic dans les maladies aiguës ,  
 in-8. br. 3 l.  
 Lettres intéressantes pour les Médecins de pro-  
 fession , in-12. 2 vol. 5 l.  
 Le Vacher , de la Feutrie , Ecole de Salerne ,  
 in-12. 3 l.  
 Lind , Traité du scorbut , in-12. 2 vol. 6 l.  
 Médecine Pratique de Londres , in-8. 5 l.

- Morveau, Elémens de Chimie, de Dijon,  
 in 12. 3 vol. 9 l.  
 Petit, Maladies des os, in-12. 2 vol. 6 l.  
 — Œuvres Chirurgicales, in 8. 3 vol. fig.  
 21 l.  
 Poissonnier, Abrégé d'Anatomie, in-12. 2  
 vol. 6 l.  
 Poupart, Traité des dartres, nouvelle Edi-  
 tion, in-12. br. 2 l. 10 f.  
 Quesnay, Traité de la suppuration, in-12.  
 3 l. 10 f.  
 — *Idem*, de la gangrene, in-12. 2 l. 10 f.  
 — *Idem*, de la saignée, in-12. 3 l. 10 f.  
 — *Idem*, des fievres, in-12. 2 vol. 6 l.  
 — Economie Animale, in-12. 3 vol. fig.  
 10 l.  
 Retz, Météorologie appliquée à la Médecine  
 & à l'Agriculture, in-8. br. 3 l. 12 f.  
 Rosen, Maladies des Enfans, in-8. 6 l.  
 Roussel, Systême Physique & Moral de la  
 Femme, in-12. 3 l.  
 Baron, Formules des Hopitaux, in-12. 3 l.  
 Beaudeloque, l'Art des Accouchemens,  
 in-8. 2 vol. fig. 12 l.  
 Beauchesne, Influence des affections de  
 l'ame dans les maladies nerveuses des  
 femmes, nouvelle Edition, in-8. br.  
 2 l. 8 f.  
 Senac, Traité de la structure du cœur, nou-  
 velle Edition, in-4. 2 vol. fig. 24 l.  
 — Maladies du cœur, in-12. 2 vol. 4 l.  
 Sue, Elémens de Chirurgie, Latin-François,  
 in-8. 5 l.  
 — Les mêmes, François, in-8. 3 l.  
 Werley, Médecine Primitive, in-12. 3 l.

---

# EXTRAIT DES REGISTRES

## *de la Société Royale de Médecine.*

**L**A Société Royale de Médecine nous a chargés d'examiner un Traité de M. Lorry notre Confrère : cet Ouvrage est écrit en Latin & a pour titre : *De præcipuis morborum mutationibus & conversionibus tentamen medicum.*

L'Auteur, après avoir donné la définition de l'Epigénèse, de la Métaptose & de la Métastase, entre en matière & divise son Ouvrage en trois Sections.

Dans la première, il traite de l'Epigénèse qui dépend de la maladie elle-même, & examine les vices des forces, soit augmentées, soit diminuées, & l'inégalité d'action de ces mêmes forces, comme étant la cause des Epigénèses. Il traite ensuite des Epigénèses qui dépendent du vice des humeurs, des causes accidentelles, telles que l'action des médicaments & les fix choses non naturelles.

La seconde Section comprend les Epigénèses qui ne dépendent pas de la nature même de la maladie, mais d'un levain morbifique préexistant, ou de causes survenues dans le tems même de la maladie, ou qui doivent leur existence aux opérations chirurgicales.

La troisième Section traite des Métastases, de leur mécanisme, de leurs causes efficientes, de leurs différentes espèces & de leurs signes.

Nous n'avions jusqu'à présent qu'un seul Ouvrage dans ce genre qui fût un peu étendu. Il est d'Etienne Rodrigues de Castro, Médecin célèbre, qui publia en 1627 un Traité intitulé *Quæ ex quibus, sive de mutatione aliorum*

*morborum in alios.* L'Ouvrage de Castro a été bien accueilli & a eu quatre Editions; celui de M. Lorry mérite de l'être de même. Il nous a paru devoir faire époque en Médecine, & également utile aux Etudians & aux Médecins Praticiens. Les uns y puiseront les principes de la vraie Médecine, de la Médecine fondée sur l'expérience; les autres y trouveront un abrégé de toutes les connoissances cliniques qu'ils ont eu tant de peine à acquérir. Nous ne parlerons pas de la manière dont l'Ouvrage est écrit; il suffit d'en nommer l'Auteur pour prévenir qu'il est écrit avec pureté & élégance; enfin nous pensons qu'il est très-digne de l'Approbation de la Compagnie & d'être imprimé sous son Privilège.

*Signés* GEOFFROY, ANDRY & CAILLE.

Vu le rapport ci-dessus dont la lecture a été faite dans la Séance tenue au Louvre le 10 Janvier 1783, la Société Royale de Médecine a pensé que l'Ouvrage de M. Lorry étoit très-digne de son Approbation & d'être imprimé sous son Privilège. En foi dequoi j'ai signé le Présent, à Paris le 12 Avril 1784.

VICQ D'AZIR, Secrétaire Perpétuel.



